

# وثير

رواية

الأء مرزق

# داركتاب للنشر والتوزيع



كتاب

مسئول النشر

طارق رمضان

مدير التوزيع

عمر عبد السمیع

مدير العلاقات

مها عادل

الطبعة الأولى

الكتاب : وتين

تأليف : آلاء رزق

تصنيف الكتاب : رواية

مصمم الغلاف : عبد الرحمن سندوبی

إخراج : أحمد عبد الرحمن

المقاس ١٤ × ٢٠

رقم الإيداع : ٢٣٩٠٧ / ٢٠١٨

الترقيم الدولي : 7 - 45 - 6597 - 977 - 978

## جميع الحقوق محفوظة

'all rights reserved . no part of this book may be reproduced '  
stored in aretieval system , or transmitted in any from or by any  
means without prior permission in writing of the publisher .

جميع الحقوق محفوظة لا يسمح بإعادة إصدار هذا الكتاب أو  
أي جزء منه أو تخزينه في نطاق استعادة المعلومات أو نقله بأي  
شكل من الأشكال ، دون إذن خطي مسبق من الناشر .

العنوان : ٧٤ تقاطع الفلكي مع محمد محمود - القاهرة - مصر

التليفون : ٠١٠٩٧٥٥٣٣٢٨

Email : darkitabone@gmail.com

# إهداء

إلى أمي الغالية وإخوتي الأعزاء،

إلى روح أبي النائم طويلاً في جوف الأرض،

إلى جداري المنيع من الأصدقاء والقراء الذين دعموني من اللحظة

الأولى،

إلى تلك المواقف الصعبة التي جعلتني... «أكتب»



# المقدمة

ليس دائماً الطريق الذي يسلكه الجميع هو الصحيح  
أنت لم تر الجانب المظلم منه بعد  
كانت مختلفة  
كان يتهمها الجميع بالجنون وهي من كانت تتمتع  
بالعقلانية  
وكان الجميع نيام ..!  
حينما يكون التطور هو سبب الهلاك  
تكون وتين النجاة هي فتاتي ..  
وتين ..



# الفصل الأول

وقفت تطالع أمواج البحر الثائرة بعينها الخضراء الزيتونية اللامعة، والتي تعلن عن دموع حبيسة وشيكة السقوط، تُحرك الرياح خصلات شعرها البني لتسقط على وجهها فتزيجها بأناملها، مغمضة عينها تاركة لدموعها العنان للهطول على وجتيها فرفعت أناملها مرة أخرى، ولكن لمسح عبراتها الحارة وابتسمت قبل أن تفتح عينها عقب أن سمعت ذلك الصوت المميز صوت الطائر الذي اتخذته رفيقًا ذات يوم أثناء تواجدها هنا وجدته جريًا فقامت بعلاجه وأطعمته، وأصبحت تأتي كل يوم اثنين من الأسبوع لإطعامه وهو يكون موجود دائمًا من أجلها .. دست وتين يدها في جيبيها وأخرجت بعض الحبوب التي تملأ كفها، فرفرف الطائر بجناحيه فرحًا وطار ليستقر على معصمها، وانحنى برأسه متناولًا كفه ما يحويه كفها من الحبوب الواحدة تلو الأخرى مدغدغًا إياها بحركة منقاره، فتضحك هي بسعادة من تلك الحركة .. انتهى الطائر التي اسمته هي ب « زمرد » لريشه الجميل الذي يشبه حجر الزمرد وفرد جناحيه الصغيرين وحلق بعيدًا وهو يغرد بسعادة بصوته الجميل فابتسمت له وتين، وهي تتابعه بعينها واضعة يدها أعلى عينها لتطالعه وهو يتوارى خلف السحب البيضاء واختفى صوته هناك، فأخفضت عينها وكتفت يدها وطالعت البحر مرة أخرى، وعادت إلى شرودها من جديد وعلى وجهها شبح ابتسامة اختفت تدريجيًا ...

«وتين حسن القاسم هي الفتاة الوحيدة للمرحوم حسن القاسم .. وتين ذات الواحد والعشرين عامًا لديها زوج من العيون الخضراء الزيتونية وبشرتها البيضاء الناصعة بأطرافها الوردية الرقيقة وشعرها البني الطويل الناعم .. وتين طالبة في كليه الألسن كان هذا التخصص وهذه الكلية هو حلم وتين منذ الصغر، فهي من عشاق اللغات فكانت تتراد المكتبة منذ صغرها وتطالع كافة الكتب من كاهه اللغات حتي أصبح لديها قاعدة كلمات ضخمة في كل اللغات تقريبًا وهو ما جعلها مميزة لدي معلميهها في جامعتها .. ليس لدى وتين الكثير من الأصدقاء فهي كانت من أعداء التكنولوجيا وخصوصًا السوشال ميديا بكل تطبيقاتها ولم تمتلك يومًا هاتفًا وهو ما يجعلها دائمًا مصدر للتعجب والنفور في مجتمعها ووسط أصدقائها لذلك فضلت أن تكون وحيدة وتفعل ما تحب على أن تفعل ما لا يرضيها لإرضاء الجميع»

انقضى اليوم علي وتين سريعًا فيوم الاثنين هو يومها الذي تقضيه بمفردها تنتقل بين الصخور والرمال على شط البحر وتساعد الناس وتفعل به ما يحلو لها دون أي أحد، أو أي تدخل .. عادت وتين إلى منزلها وما أن أغلقت الباب حتى خرجت والدتها «عبلة الكهلاوي من المطبخ وهي ترتدي مريلة المطبخ وتمسك في يدها ملعقة كبيرة نظرت لها والدتها بعتاب وقالت :

- كل ده يا وتين ! اخوكي زمانه راجع من الشغل ولو كان جه ولقاكي بره مكنش هيحصل كويس

وتين بإبتسامة هادئة وهي تقبل أمها :

- انا رجعت اهه قبل ما يجيي يا عبلتي يا حلوة انتي .. وبعدين ياستي انتي عارفه ادهم قلبه طيب ومش يبحب يزعلني ما تقلقيش انتي بس .





من الزمن الجميل معاها موبايل وعندها فيس وواتس و عايشه عيشه  
مودرن وانتى يالى عندك ٢١ سنة ما عندكيش حتى تليفون ! انا لو  
من اصحابك ما اقعدهش معاكي ثانيه بالمنظر ده انتى فى القرن ال ٢١  
ياماما هههههههههه

نظرت لها وتين بنفاذ صبر من سخريتها التي طالما تزعجها بها  
كلما رأتها منذ أن أتى أدهم أخيها للعيش معهم إلى أن ينتكس بيته  
وهي تسم بدنها بهذا الحديث المزعج عن عاداتها وطريقتها في الحياة،  
فنظرت وتين أرضاً واغرورقت عينها بالدموع ودلفت غرفتها  
واستأذنت من زوجة أخيها وأغلقت الباب بهدوء واستغفرت الله  
وكتمت الأمر في صدرها كما تفعل دائماً ودلفت إلى الحمام الخاص  
بغرفتها واغتسلت ثم توضأت وصلت فرضها وقرأت وردها الجزئي  
الذي تقرأه بعد كل صلاة ثم خلعت رداء الصلاة وتوجهت إلى المطبخ  
لتساعد أمها وزوجة أخيها في إعداد الطاولة ..

سحر بتهكم صريح :

- جايه تعملي ايه احنا خلصنا !!

وتين بنفاذ صبر :

- كنت بصلي ايه ما اصليش ؟!

الحاجة «عبله» بنبرة رزينة :

- اتكلمي مع مرات اخوكي الكبير بإحترام هي مقاتلش حاجه !

سحر بإبتسامة منتصرة :

- عادي ياماما ! سيبها تقول الي هي عاوزاه انا مش باخد علي  
كلامها اصلا

الحاجه عبلة بجدية قاطعة :

- لا طبعاً ما ينفعش معنديش انا التسيب ده ! الكبير لازم يحترم هنا  
هزت سحر حاجيها بطريقه مستفزة، دون أن تراها أم زوجها،  
فاغتاظت وتين وأسبلت عينيها في حزن من تعمد سحر إثارة غيظها  
وجعل والدتها تأنبها دائماً، فاعتذرت بخفوت وفرشت السفرة  
وتحججت بعدم رغبتها في الطعام، ودخلت غرفتها وأغلقت الباب  
من خلفها ! ثم جلست على فراشها ودموعها تتساقط على وجنتيها  
في حزن، فهي دائماً تكتنم حزنها عن الناس أجمع لتخرجه مع نفسها  
في غرفتها، وعلى وسادتها كل يوم حتى تنام ودموعها تملأ وسادتها..  
رفعت عينيها تجاه الحائط المواجه لها والمزدان بصورة كبيرة لرجل  
حاد الملامح لين النظرة خط الشيب شعره، يتسم ابتسامة تشبه كثيراً  
لإبتسامتها، وأكتملت الصورة بهذه الشريطة السوداء التي تقبع على  
أحد زوايا الصورة !

وتين بدموع وحزن :

- حاجات كتير اوي اتغيرت بعد موتك يابابا ! ياريتك ما مشيت  
كنت انت الوحيد اللي بتفهمني ! كانت نظرة واحده كفيله تخليك  
تفهم انا حاسه بإيه وبفكر ازاى ! ربنا يرحمك يابابا

دفنت وتين وجهها في وسادتها، وأخذت الأفكار السلبية تتوافد  
على عقلها الفكرة تلو الأخرى ودموعها تزداد حتى سمعت صوت  
طرقات خفيفة على باب الغرفة، فمسحت دموعها سريعاً من عينيها  
المتفتختين من أثر البكاء وأذنت لمن في الخارج بالدخول !

دلف شاب فارغ الطول ووسيم الملامح بإبتسامة مشرقة، ونظر إلى  
وتين، فإبتسمت له فوقف على باب الغرفة ينتظر إذنها له بالدخول

وهو يطالعها بنظرات حانية بعد أن لاحظ انتفاخ عينيها، وإحمرار  
أطرافها ..

وتين بإبتسامة لينة :

- اتفضل يا أدهم انا صاحيه !

أغلق أدهم الباب من خلفه وأقترب بخطوات هادئة تجاه  
الفراش، وجلس على طرفه، ونظر في عينا أخته مباشرة ووضع يده  
على وجنتها بحنو قائلاً :

- ايه ياتوتي مالك ! مش عاوزة تاكلي ليه !

وتين بإبتسامة تداري دموعها :

- اصلي اكلت شيبسي وانا بره فشبعانه مليش نفس

أدهم بدهاء يشوبه الحنو البالغ، مضيئاً :

- وهو الشيبسي هو الي مخليكي معيطه كده !! هو كان حراق اوي  
كده ؟

أسبلت وتين عينيها سريعاً، فوضع أخيها يده أسفل ذقنها، ورفع  
وجهها ليقابله :

- يابت دانا الي مربيكي ! بيتهيلك يعني ممكن ما اقدرش افهمك  
زي الناس الي بره دي !؟ انتي مش اختي ياوتين أنتي بنتي أنا الي  
ربنا ما رزقنيش بيها ! صدقيني مش هتلاقي في الدنيا دي كلها حد  
يحبك ولا يخاف عليك قدي !

دمعت عينا وتين، ونظرت إلى صورة والدها مرة أخرى، وهي  
تتمنى أن يعود، لتعود أسرتهم إلى هدوئها، وسلامها مرة أخرى ...

«أدهم حسن القاسم هو شاب في الثلاثين من عمره، يعمل مهندس بترول في إحدى الشركات الكبرى للبترول، على الرغم من إنه مهندس معماري، ولكنه حصل على الوظيفة بجهد وتوسط من والدته زوجته، فهو شاب مكافح ومجتهد، واستحق الوظيفة عن جدارة، يتميز أدهم بطوله الفارع، وبشرته البيضاء وعينه الرمادية ذات الخيوط الخضراء وابتسامته الجميلة، أحب أدهم فتاة تدعى «سحر الشيمي» الطالبة بكلية الآداب، بعد أن عرفها عليه أحد أصدقائه الشباب، على أنها صديقة حبيته .. أحبها أدهم كثيرًا، رغم مطالبها الكثيرة واستغلالها له، ولكنه كان يرى هذا بدافع الحب، وطلب بعدها أدهم من والده أن يخطبها، ولكن رفض والده بعد أن عرف أن والدها قد سُجن من قبل، لتقبله رشوة لمدة ٣ أعوام، ولكن أصر أدهم على الزواج منها بعد أن ضغطت عليه بأنها سوف تتزوج من آخر، فغضب عليه والده وطرده خارج المنزل، ولكن بعد موته قبلت بها والدته كي لا يتفرق أبنائها، رفضت سحر في البداية أن تعيش مع والدته، ولكنه اخترع حجة سقوط المنزل كي يعود للعيش مع أسرته، فأضطرت زوجته للرضوخ لمطلبه أخيرًا، فرجعوا للعيش في منزل والدته منذ أسبوع واحد فقط وليس أكثر، وخصوصًا أنهم لم يرزقهم الله بالأولاد بعد!»

ابتسمت وتين لأخيها فتأبط هو ذراعها، وجذبها كي تخرج وتتناول الطعام معهم !

\*\*\*

وقفت عربة كبيرة، الخاصة بنقل الأثاث أمام إحدى الفيلات في مدينة الإسكندرية، والعمال يعملون على قدم وساق في نقل قطع الأثاث واحدة تلو الأخرى إلى الداخل .. وقف المهندس «إبراهيم

الزبيدي» على باب الفيلا الكبيرة يرشد العمال أين يضعون الأثاث وزوجته «سميرة» تساعده في مهمة عالية، حتى قاربوا على الإنتهاء، وانتهت سميرة من وضع لمساتها الخاصة على المنزل، فأصولها هي من عائلة راقية، وتهتم كثيرًا بالموضة والجديد من الأثاث.

إبراهيم بتسائل مُنهك :

- رجلي ورمت من الوقفه والله ! ألا قوليلي هو الواد عمر لسه مجاش !

قالت سميرة بهدوء :

- آآ (no) هو هيخلص الشقه هناك ويسلم المفتاح ويحيي علطول ماتقلقش عليه عمر مش صغير ممكن يكون الطريق واقف !

قال إبراهيم بتفكير :

- امممم ! ممكن برضه ! طب والبنات ؟!

قالت سميرة بإبتسامة هادئة :

- مالك هيخلص شغله ويروح يجيب كارما من المدرسه ويسحب ورقها بالمره عشان ننقلها هنا وياسمين مقدرتش تاخذ اجازة من شغلها خالص النهارده بس قالت هتيجي بدري علي هنا !

عمر مقاطعًا الحديث :

- السلام عليكم ! ها ايه الأخبار كله تمام !!

إبراهيم بإبتسامة راضية :

- وعليكم السلام يابني ! اه تمام اقعد بس خد نفسك

« عمر ابراهيم الزيدي ٢١ عامًا، طالب بكلية الألسن .. طويل يمتلك جسد رياضي مشقوق، وذلك لممارسته لرياضته المفضلة (الملاكمة) وعينه العسلية، وشعره البني بدرجته الداكنة .. يتميز عمر بذكائه الحاد وسط أصدقائه، وتميزه في قسمه بنشاطه واجتهاده، ولغاته المتعددة التي يتقنها .. أحب عمر إثبات نفسه في جامعته، ولكنه اضطر أن ينتقل إلى الإسكندرية، بعد أن انفصلت أخته الكبرى باسمين عن زوجها رجل الأعمال الكبير، بسبب أعماله الفاسدة، واضطر أن يحول أوراقه إلى جامعة أخرى، وفارق أصدقائه بحزن كبير، ولكن سعادة أخته هي شاغله الأكبر، فرضي بما كتبه الله له وهو يأمل خيرًا في جامعته الجديدة .. خطب عمر ابنة خالته عبر منذ بضعة أشهر بسبب إصرار أمه وإلحاحها المتواصل عليه بأنها الفتاة الأفضل من أجله، فوافق مضطراً كي لا يُحزن أمه، كما نصحه أخيه الكبير مالك وتمت الخطبة وسط فرحة الجميع، إلا هو ولكنه رغم كل شيء كان يعاملها بلطف ولين، إلى أن أخبرته ذات يوم أنها تريد أن تتزوج في فيلا خاصة بها وطلبت منه أن يترك أهلها من أجلها، فرفض بشدة ومنذ ذلك الوقت والمشاكل لا تنتهي بينهم »

سميرة بتأفف:

- هاي يا حبيبي استني هجيلك كوبايه مايه !! علشان لسه مش لاقين خدامه لحد دلوقتي ! و ليلي لسه منقلتش !

قال عمر سريعاً، وهو يتحرك صوب المطبخ :

- لا معلش خليكى انتى انا هجيب

قالت سميرة بإبتسامة :

- اوك يا حبيبي

دلفت ياسمين شاردة الذهن كما أعتادوا منها في الفترة الأخيرة،  
وما إن وقعت عين والدتها عليها حتى، قالت بإبتسامة عذبة :

- ياسمينه ! انتي جيتي يا حبيبتني !

ياسمين بعدم انتباه :

- هه آآ آه جيت يا ماما

قالت والدتها بحزن بادي على وجهها :

- حمد الله علي سلامتك يا حبيبتني ! اوضتك جاهزة انا فرشتها  
ليكي علطول ادخلي يا حبيبتني رصي هدومك وارتاحي شويه ولما  
سامر وكوكي يحوا هصحيكي عشان ناكل لقمه مع بعض

هزت ياسمين رأسها، وتوجهت إلى حيث أشارت والدتها، ودلفت  
وأغلقت الباب من خلفها، فنفخت والدتها في ضجر :

- انا مش عارفه ياسمين بتفكر ازاي ! معقول لسه بتفكر في بني  
آدم زي ده !!

قال إبراهيم في حزن :

- اللي بتتك مرت بيه مش شويه كفايه انها خسرت ابنها لتاني  
مرة بسبب النبي آدم ده واكيد مش هتنساه في يوم وليله كده .. او مال  
انا عملت كل ده ليه !! المهم بس انها ترجعلها ضحكتها تاني ومش  
عاوز حاجه تاني من الدنيا

عمر بإبتسامة صافية :

- ان شاء الله يابابا ياسمينه قويه وهتمر من الفترة دي علي خير !



«ياسمين ابراهيم الزيدي» فتاة جميلة في ال ٢٥ من عمرها، تمتلك زوج من العيون العسلية والشعر البني القصير ببشرتها الخمرية .. ياسمين كانت فتاة تضج بالحياة والحيوية أيام الجامعة، حيث أنها تخرجت من كلية سياحه وفنادق وكانت تعمل في إحدى مكاتب السياحة المعروفة في القاهرة، حتى تعرفت ذات يوم على رجل الأعمال المعروف «باسم الشافعي» وأحبته للباقة وسخائه معها، وتدليلها وبعد تعارف دام لبضعة أشهر تقدم لخطبتها من والدها وتزوجوا بعد ٥ أسابيع فقط، وبعد زواج دام ل عامين أكتشفت أنه يتاجر بالسلاح والآثار، والأعمال الغير مشروعة، فطلبت الانفصال عنه إلا أنه رفض وعندما أصرت عليه ضربها، ففقدت جنينها الأول مما أدى إلى دخولها في صدمة، وعاشت معه حياة صعبة لمدة عام دون رؤية أهلها، وأصبح يعاملها كالعبيد، وما إن حملت بجنينها الثاني حتى أخفت عنه الأمر، وهربت من المنزل ذات يوم إلا أنه توصل إليها وضربها بشده أمام جميع الناس، حتى نذفت بشدة وفقدت جنينها الثاني على التوالي بسببه، فرفعت عليه قضية بتقرير المشفى واستطاعت الانفصال عنه، والعودة إلى أهلها مرة أخرى!»

بادله والده الإبتسامة، وحولوا نظرهم إلى الباب لحظة دخول كارما وهي تركض للداخل بصخب كبير.

كارما بصوت صاخب وهي تركض :

- اسسسكندرررريه والبحر هيسيسيسيه

ابتسم لها والدها وهو يضع إصبعه داخل أذنه من صوتها الصاخب، فضحك عمر قائلاً :



- لا يا عمر لازم تاخذ بالها من الفاظها افرض قالت حاجه زي  
كده قدام اصدقائي في الجمعيه هيكون شكلي انا ايه !!

ابتسم عمر بسخرية، قائلاً :

- قولتيلي جمعيه ! اممممم طيب ! بعد اذنكوا انا هطلع ارتاح  
شويه ..

انصرف عمر بخطوات هادئة تجاه الأعلى، ولكنه توجه إلى غرفة  
أخته الصغيرة كارما، ودق الباب بهدوء قبل أن يأتيها صوتها الباكي  
ساحجاً له بالدخول، فدخل مبتسماً وأغلق الباب من خلفه.

عمر بمرأوغة، ودهشة مصطنعة :

- الله ! الأوضه دي طراوه اوي .. الموضوع ده فيه كوسه اشمعنا  
اوضتي مش طراوة كده لا لا انا لا أقبل

مسحت كارما دموعها مبتسمة، وقالت :

- عليك واحد ! أدائك fake اوي علي فكره باعموري

عمر ضاحكاً بسخرية :

- تصدقي ان انا غلطان اني جاي اضحكك .. سمعليكوا !

كارما ضاحكة بشدة :

- خد بس هنا ياسطا انا اسفه

عمر فاغراً فمه، بصدمة :

- نعم ! انا يتقالي أسطا ! دي اخرتي ! سواق مكروباص من كليه  
ألسن !

قالت كارما ضاحكة :

- دي السواقه دي الراعي الرسمي للمهن في مصر حضرتك! مهها  
اتخرجت شغلانتك معروفه يعني

عمر وهو يخرج من الغرفة، قائلاً بتهكم :

- قفلتيني يا جزمه انا ماشي قبل ما ارتكب جريمه قتل النهارده !

ضحكت كارما بشدة، فابتسم عمر لنفسه بسعادة، لأنه  
أستطاع أن يرسم الضحكة علي وجه أخته الصغيرة المقربة إلى  
قلبه، وتوجه بعدها إلى غرفته، ودلف وجلس على طرف فراشه  
وهو يتصفح آخر الأخبار على صفحته الشخصية على موقع  
فيسبوك بضجر، ثم ألقى بهاتفه وأرجع ظهره للخلف، وأغمض  
عينيه، فأضاءت شاشة هاتفه باتصال وارد له ففتح عمر عينيه،  
ونظر إلى الهاتف، ثم نفخ في ضجر، ووضع الهاتف على أذنه.

عمر بضجر، محاولاً إخفائه :

- ألو أزيك يا عبير عامله ايه !

قالت عبير بلهجه متذمرة :

- ايه عبير دي ياعمور قولتلك اسمي بيرى

قال عمر بتأفف وضجر :

- فرقت يعني ! وعلي العموم ماشي ياستي بيرى بيرى المهم  
عاوزه حاجه !

قالت عبير بدلع :

- وحشتني ومن الصبح وانت مش كلمتني حتي الفيس فتحت  
وقفلت ولا عبرتني ب هاي حتي !

قال عمر بتهكم :

- ودي فيها ايه ! اكيد مش فاضي يعني

قالت عير بتذمر طفولي :

- فيها اني بنت خالتك وخطيتك وانا ولا علي بالك خالص!  
وبعدين خالتو قالتلي انك طلعت اوضتك تترتاح بيقى مش فاضي  
ازاي ! وكمان مش رديت عليا هنروح نشوف الفيلا ولا لاً !

قال عمر بنفاذ صبر :

- انتي بتسألني امي عليا هو انا عيل يا عير ولا ايه !؟ حسك  
عينك تتكرر مرة تانيه انتي فاهمه ! وانا قولتلك قبل كده انا مش  
هتجوز بعيد عن اهلي ولو انتي عاوزة بيت لوحذك فهجيبلك بيت  
جنب بيت اهلي هنا بس برضه هنعيش معاهم

قالت عير بعصية جمّة :

- بس انا بقا مش موافقه هه ! **It's too much** الي انت بتعمله ده !

قال عمر بغضب :

- ده الي عندي ولو مش عاجبك ييقي ملناش نصيب في بعض  
يابنت الناس سلام !

أغلق عمر الخط بعصية، وأمسك بهاتفه بقوة ثم ألقى به في اتجاه  
الحائط ليصطدم به ويتحطم إلى أجزاء صغيرة لحظة دخول مالك إلى  
الغرفة، فصدم بما حدث ودلف مغلقاً الباب من خلفه .. نظر له

عمر وعينيه تومضان بحزن شديد، ففهم مالك سبب حزنه وجلس إلى جواره، قائلاً :

- عارف انت لما تكون كل حاجه مقفوله في وشك وحاسس أن الدنيا قفلت عليك تعمل ايه !

نظر له عمر وهز رأسه بنعم، فابتسم مالك وقال :

- يبقى قاعد بتعمل ايه يلا بينا !

ابتسم عمر وركض سريعاً هو ومالك تجاه الحمام، وتوضأ سوياً وخرجا، ثم قال بصوت مرتفع «أشهد أن لا إله إلا الله وأشهد أن محمداً حبيبي رسول الله » وابتسما سوياً كعادتهم منذ الطفولة، وفرش مالك سجاده كبيرة خاصة بهم ورفع يديهما عالياً، وقبل بدء الصلاة سمعا باب الغرفة يُفتح وتدلف ياسمين ومعها كارما وهما يرتديان زي الصلاة، فابتسم مالك وغمز لهن ليدلفن، فهن أعتدن أن تصلين جميع فروضهن سوياً، كي يشجعن بعضهن ويأخذن أجر الجماعة، ويعلمن كارما الانتظام في الصلاة .. وقفت الفتيات في الخلف، وأمهم مالك رافعاً يديه في الهواء، قائلاً « الله أكبر » ..

«مالك ابراهيم الزيدي هو شاب مفتول العضلات في ال ٢٨ من عمره، مهندس يعمل مع والده في مكتبه، لدى مالك زوج من العيون العسلية الفاتحة، وشعره الأسود الناعم بجسده المشقوق والرياضي، وذلك لحبه الشديد لجميع أنواع الرياضة وبالأخص الجري، فهو دائماً ما يشترك في مسابقات عالمية للجري ويفوز بمراتب مرتفعة جداً، وأخذ بطولة الجمهورية في رياضة الجري لمسافات طويلة، ولديه العديد من الجوائز العالمية والمحلية ! .. لدى مالك عادة جميلة، وهي أن يزرع الحب والتفاؤل في قلوب إخوته، ويجعلهم دائماً سعداء، رغم أن حياته كانت صعبة إلى حد ما »

أنهوا جميعاً صلاتهم، وما إن انتهى مالك من ختم صلاته، حتى ألتف ليواجه إخوته، ونظر إلى ياسمين الهادئة الشاردة واقترب منها واضعاً يده على وجنتها، رفعت رأسها ونظرت له فابتسم لها، واقترب منها عمر واحتضنها بشدة، فاحتضنهم مالك، وقامت كارما سريعاً واقتربت منهم هي الأخرى، وقفزت عليهم لتحضنهم، فضحكوا جميعاً وشاركتهم ياسمين الضحك فأبعد مالك كارما وهو يضحك فظفر عمر في عيون أخته وابتسم وهو يمز رأسه لها بأن تظل تضحك دائماً هكذا، ودار حوار طويل بينهم دون أن ينطقوا بكلمة واحدة، فقط بعيونهم، فابتسمت ياسمين في نهاية الحوار وهزت رأسها بود!

نظر لهم مالك همدوء وهو يحتضن كارما، ف ياسمين كانت الأقرب إلى أخيه الصغير عمر، وهم يفهمان بعضهم جيداً، فدعا الله بقلبه أن يصلح حالهما وأن يهديهما للطريق الصحيح !

\*\*\*

في صباح يوم جديد، توجه عمر إلى محل إلكترونيات، وابتاع هاتفاً جديداً بدلاً من الذي تهش، ثم توجه بعدها إلى جامعته الجديدة كي ينهي أوراقه، ولكنه ضل طريق المكتب الخاص بشئون الطلاب، فدنا من بعض الشباب وتساءل عن مكان المكتب، فدلّه أحدهم عليه فشكره وتوجه إليه ..

وقفت وتين أمام مكتب الشؤون وهي ترتب بعض الأوراق الخاصة بأحد الدكاترة الخاصة بقسمها، بعد أن طلب منها إحضار الختم الخاص به من الشؤون، ووضعهم جميعاً في سيارته، فاقتراب منها عمر وهي تعطيه ظهرها .

عمر بنبره مُهذبة :

- لو سمحتي يا مدام ! ممكن اعرف اختتم ورق النقل منين !  
رفعت وتين رأسها في تعجب، ثم ألتفتت لتواجهه وهو يطالع  
الأوراق التي في يده :

- أفندم !! انسه من فضلك !

نظر لها عمر بأسف، قائلاً :

- بعذر مكنتش اعرف !

قالت وتين بجدية :

- ده مكتب الشؤون .. تقدر حضرتك تستفسر من جوه

قال عمر بإمتنان :

- اشكرك جدا ! بس هو فين مكتب العميد؟

قالت وتين بجدية :

- حضرتك هتطلع الدور الثاني هتلاقي مكتب علي ايدك اليمين  
كده هو ده !

قال عمر بهدوء :

- اشكرك للمرة الثانيه انسه ..!

قالت وتين بإبتسامة هادئة :

- وتين

عمر مُبدي إعجابه :



- الله ، إسمك جميل جدااا يا وتين ! اقدملك نفسي انا عمر

قالت وتين بهدوء :

- شكرا ! .. Nice to meet you

قال عمر بتردد مضطربا :

- وانا كمان .. بصي شكلك عارفه الجامعه كويس ممكن لو  
مفيهاش رخامه يعني اخد رقم حضرتك ! عشان لو احتجت حاجه !  
قالت وتين بضجر من ذلك الموضوع الذي تضطر أن تخبره لكل  
من تقابله :

- بص يا استاذ عمر تقدر حضرتك تنتظري دقيقه هودي الورق ده  
في عريبه الدكتور واوديله المفتاح واجبي مع حضرتك لحد ما تخلص  
ورقك ! معلش اصلي مش بحب استخدم التليفونات فمش معايا  
واحد !

تعجب عمر كثيرا مما تقوله ! أيوجد أحد في هذا العصر لا يحمل  
الهاتف ؟! ، شعر بغرابتها ولكنه وافق على عرضها بصدر رحب، كي  
ينتهي من الأمر سريعا ويعود إلى منزله ..

\*\*\*

## الفصل الثاني

توجهت وتين بالأوراق التي تحملها تجاه إحدى السيارات المركونة، وأخرجت المفتاح من جيبها، وانحنت بجذعها لفتح باب السيارة، فكادت الأوراق أن تسقط منها فعرض عليها عمر المساعدة فوافقت بإبتسامة خافتة .. ألتقط عمر المفاتيح، ومال بجذعه، كي يفتح السيارة.

وتين بفضول بسيط :

- هو حضرتك في فرقته كام ! اصل شكلك مايقولش انك فرقته اولي خالص او حتي طالب

اعتدل عمر ونظر إلى فرق الطول والحجم بينهم، وابتسم قائلاً :

- لا انا فرقته رابعه بس محول هنا لظروف طارئه كده اما عن حجمي فده لأنني رياضي شويتين

قالت وتين بدهشه ضاحكة :

- ايه ده انت قدي !! طب ما تقولش لحد بقا لحسن يضحكوا عليا وبعدين شويتين ايه قول عشرة

فضحك عمر بهدوء، وابتسمت وتين وتقدمت، وجلست علي الكرسي الأمامي الخاص بالسائق، ووضعت الأغراض في أماكنها، وأغلقت السيارة وخرجت ..

وتين بنبرة متحمسة :

- فاضل بس المفتاح هوديه للدكتور واوصل حضرتك

قال عمر بإبتسامة رقيقة :

- بلاش بقا حضرتك دي احنا طلعتنا زملاء اهه قوليلي يا عمر علطول وانا اقولك حضرتك علطول ايه رأيك ؟!

ضحكت وتين ضحكه عذبة، أحبها عمر :

- خلاص اشط موافقه !

قال عمر برسمية مصطنعة :

- اتفضلي حضرتك !

قالت وتين وهي تضحك محاولة تصنع الرسمية أيضًا :

- حاضر حضرتك ... آآآ اقصد يا عمر !

ضحك عمر وتحرك مع وتين صوب المبني الجامعي، حيث توجهت الأخيرة إلى مكتب الدكتور « علاء »، وطرقت الباب فخرج منه الدكتور علاء وهو يعدل من وضعيه بنطاله، فتنحنحت وتين ونظرت أرضًا ورفعت يدها بالمفتاح صوب الدكتور فنظر لها الدكتور بعث، وقام متعمدًا بالامساك بيدها أثناء اخذ المفتاح فرفعت وتين عينيها بضيق صوبه، ونزعت يدها من يده سريعًا، واستأذنت منه لترحل غاضبة ..

على مسافة، وقف عمر يطالع المكان من حوله قبل أن تلتقط عينيه يد الدكتور اليافع صغير السن وهي تمسك بيد وتين فأزاح بصره سريعاً ظاناً بها السوء، ولكنه لا يعرفها كي يعلق علي تصرفاتها وأفعالها هو فقط يريد أن يعرف وجهته بواسطتها ولا أي شئ آخر! .. اقتربت وتين من عمر وعلامات الضيق بادية علي وجهها وهي شاردة الذهن، فنظر لها عمر نظرة مختلفة تحمل من الإهانة والاستهوان قدرًا كبيرًا.

عمر بنبرة تهكمية :

- مش يلا بينا بقا ولا عجبياكي الوقفه هنا !

انتبهت وتين لنبرة عمر التهكمية، ولكنها تجاهلتها :

- نعم ! اكيد طبعاً افضل ..

تحركت وتين صوب مكتب الشئون وهي حائقة مما فعله معها الدكتور علاء مقابل خدمتها «ياله من دنئ»، ظلت تردد تلك الكلمة داخلها بغضب، حتى انتبهت أنها وصلت إلى المبنى الخارجي الخاص بالشئون، فدفقت إلى الداخل وتساءلت عن وجهة عمر، وأخبرتها إحدى المتواجدين بالمكان .. اصطحبت وتين عمر، ودارت حول المبنى تجاه النافذة الخلفية وأخبرت عمر بأن هذا هو المكان وانتظرته إلى أن أنهى ورقه، وأخذته إلى مكتب العميد، وقبل أن يطرق الباب ويدلف،

وتين بنبرة هادئة يشوبها الحزن :

- بعد اذنك بقا يا عمر عشان محاضرتي بدأت وانا لازم احضر .

قال عمر بنظرة دونية، تحمل التقليل منها :

- اه اه طبعاً .. شكراً لحضرتك

ثم طرق الباب ودلف سريعاً، دون أن ينظر لها فشعرت وتين  
بحزن أكبر بسبب رده المقتضب، ولكنها اعتادت هذا الأمر في كل من  
يعرفها ليشعرها باختلافها !!

\*\*\*

في منزل المرحوم حسن القاسم .. نزلت عبلة كي تتسوق وتشتري  
ما ينقص المنزل من لوازم وما إن خرجت، حتى خرجت سحر  
لتجلس في الصالون ومدت قدميها على الطاولة، وأخذت تعبث  
بشاشة الهاتف الخاص بها، ثم وضعتة على أذنها.  
سحر بلغة عابثة :

- هاي يامامي يا حبيبي عامله ايه !!

أجابت والدتها سلوى، بلهجة مرتفعة :

- سحورتي حبيب ماما عامله ايه ياروحي !

أجابت سحر، بإقتضاب :

- مش كويسه خالص يامامي .. ايه الصوت العالي ده انتي فين !

قالت سلوى، بدهشة :

- انا في الجيم ياروحي سيبك انتي ! حبيب ماما ماله

قالت سحر، بضجر :

- زهقت من العيله الخنيقه دي .. اووووووف بيتأمروا وبيخلوني  
اطبخ انتي متخيله يامامي انا بقف في المطبخ واغسل موعين واطبخ !  
والدلوغه الصغيرة طول النهار تتفسح وتتمشي ومحدش بيقدر يكلمها  
نص كلمه وادهم مدلعها علي الآخر

قالت سلوى، بصدمة :

- نفععم ( Oh my god ! ) انتي ازاي ساكنه كده ياروحي! لازم تخلي آدهم يجيب خدامه في البيت انتي متجوزاه عشان يشغلك خدامه لمامته واخته ولا ايه !

قالت سحر بحزن :

- مش عارفه يامام بس اكيد مش هيوافق ومامته العقربه دي كمان مش هترضي بتقول مفيش غريب يدخل البيت .. اه يامامي لو تعرفي ايدي وضوافري عاملين ازاي دلوقتي !

قالت سلوى، بضيق :

- متخيله ياروحي متخيله ! لازم تيجي بكرة اوديكي للكوافير يعملك بادكير ومانكير ياروحي ولو علي ادھومي انا هكلمه هو مش بيرفضلي طلب ..

قالت سحر، بتشجيع :

- يخليكي ليا يامامتي ! خليه يجيب خدامه لو مش رضي خليه يشغل اخته القديمه دي في البيت تصوري ياماما دي حتي مش معاها فون ولا تعرف حاجه عن الانترنت والسوشال ميديا ! دي مش قديمه دي لو كالم كمان في لبسها انا لو قعدت هنا كمان شهر هنهار

قالت سلوى، بصدمة :

- What ! بتهزري صح ؟ معقول ! ايه الناس دي ! معلش ياروحي نصيبك كده .. اهم حاجه تخلي بالك من حاجتك لتكون اخته ايديها طويله ولا حاجه تاخذ حاجه من حاجتك ولا كده وانا هدبرلك موضوع الخدامه ده ماشي ياببي

قالت سحر، بتفكير :

- اम्मمم تصدقي صح انا لازم اخذ بالي ! اوك يامامي خلصي  
انتي التمرين بتاعك وانا هبقا اكلمك تاني اموووه

قالت سلوى، بنبرة راقية :

- باي **sweet heart** امووواه

أغلقت سحر الهاتف، وهي تشعر بالضجر من المنزل، فقامت  
بتشغيل الغلاي ووضعته النسكافيه في الكوب الخاص بها، وخرجت  
إلى الشرفة المطلّة على البحر لتستشق الهواء .. عادت عبلة من السوق  
وهي تحمل الأكياس الكثيرة بين يديها، ونادت علي سحر ولكنها  
تجاهلت الرد عليها، فدخلت هي إلى المطبخ وهي لا تستطيع حمل  
الأكياس، ودون أن تتبّه أسقطت الكوب أرضًا، فانكسر إلى أجزاء  
صغيرة مبعثرًا محتوياته، فشعرت عبلة بالضيق لما حدث، ووضعت  
الأكياس ومالت بجذعها لكي تجمع شظايا الكوب المكسور لحظة  
دخول سحر، فصدّمت بشدة، وشعرت بالدماء تغلي في عروقها !

سحر بضيق، ونبرة مرتفعة :

- ايه ده ! ( Oh my god ) .. مش تاخدي بالك يا ماما ! انتي كسرتي  
أغلي حاجه عندي .. انا مش مصدقه بجد !

قالت عبلة، بنبرة مهذبة منخفضة :

- معلش يا بنتي انا كنت شايله اكياس كتير وحتى ناديت عليكي  
بس ممكن انتي ما سمعتينش وما اخدتش بالي منه هبقا اخذك معايا  
مرة واختاري اي مج يعجبك وانا اشتريهولك !

قالت سحر، بضيق جلي :

- مج ايه بس ياماما .. المج ده مستحيل الاقي زيه دانا جيباه من  
باريس

نظرت لها عبلة بتهكم قائلة :

- خلاص هبقا اخلي ابني الكبير مازن يجييلك واحد وهو نازل  
من باريس اي حاجه تانيه !

نظرت لها سحر بضجر، ونفخت بقوة في وجه عبلة، وعادت إلى  
غرفتها وهي تشعر بالغيط، وأغلقت باب غرفتها بقوة فشعرت عبلة  
بالحزن، قائلة :

- عمر الفلوس ما تشتري الادب او الاحترام ! ربنا يسامحك  
يا ادهم يابني هي دي اللي خسرت ابوك عشانها ! طلعت من  
ده كله بإيه حتي العيل مش عارفه تجيهولك ابييه يلا ربنا  
يصلحك الحال ويرضي عنك يابني ويرزقك الذريه الصالحه !

\*\*\*

في مكتب المهندس «إبراهيم الزيدي» .. وقف مالك يتطلع من  
النافذة الخاصة بمكتبه على الناس في الشارع، وهو شارد الذهن  
يحاول أن يستجمع شتات نفسه من جديد، لا يعرف من أين يبدأ  
حياته التي تدمرت بسبب فتاة جميلة أحبها ذات يوم، وخانتته مع  
الأقرب إلى قلبه، صديق عمره الذي كان يحبه مثلما يحب عمر تمامًا،  
ولكنه طعنه في ظهره و تقدم لخطبتها قبله، وهي وافقت بسهولة بعد  
أن شوه صورة مالك في عينيها، تدمر بعدها كل شئ آخر في حياته  
وأصبح بلا أصدقاء ويرفض الارتباط إلى اليوم !



دلف المهندس «إبراهيم» ودار بعينه في المكتب، إلى أن ألتقط مالك وهو يقف أمام النافذة ويبدو عليه الشroud، فناداه فلم يستجب، فاقترب منه ووضع يده على كتفه، ففزع مالك ونظر إلى والده بعينه التي تبرق بالدموع، فابتلع ريقه ومسح بيده على وجهه مانعاً دموعه من السقوط.

المهندس «إبراهيم»، بحيرة :

- مالك يا مالك بقالي فترة بشوفك سرحان علطول ومش مركز فيه حاجه يا ابني !

قال مالك، بإبتسامة لينة :

- ولا اي حاجه يا بابا ما تقلقش كل حاجه تمام ! اتفضل ده ملف شركه الحديد والصلب خلصان تقدر حضرتك تروح تقدمه وتقدم العرض كمان وانا هنوب عن حضرتك هنا

قال والده، بإبتسامة راضية :

- ربنا ما يحرمينش منك يا بشمهندس جيتك الشغل شالت عني حمل كبير أبوك عجز بقا ومابقاش قد الشغل

قال مالك، بحنو كبير :

- ربنا يديك الصحه وطولة العمر يا بابا انت لسه شباب اهه وفيك صحه عني

ضحك والده، قائلاً :

- حيث كده بقا شوفي عروسه زين عشان اتدوز

ضحك مالك، قائلاً :

- عشان ماما تولع فينا واحنا نايمين مش كده

ضحك المهندس إبراهيم بشدة، قائلاً :

- انت شايف كده يعني ! طب خلاص شوفلك انت عروسه  
عشان تدوز انت .. وانا وانت واحد يعني فرحتك هي فرحتي !  
شعر مالك بغصة مريرة في حلقه، وهز رأسه مغيراً الموضوع،  
وهو ينظر في ساعة يده :

- يلا يا بابا هتتأخر علي مدير الشركة زمانه مستنيك دلوقتي

نظر له والده بتفهم، وهز رأسه في خفوت وخرج من المكتب،  
وأغلق الباب من خلفه وهو يتمنى أن يعرف ما أصاب ابنه الأكبر،  
وما هو سبب تغيره وشروده الدائم !!

قرر مالك الخروج وتغيير جو، فقرر أن يتوجه إلى كلية عمر  
لاصطحابه في طريقه إلى المنزل، أو ربما يتنزهان قليل، بعد أن أنهى  
كافة أعماله في المكتب !

\*\*\*

وقفت وتين مع رفاقها كي يتحدثوا قليلاً، ولكنها شعرت بالضجر  
منهن، فكل منهن تمسك بهاتفها تعبت به، ولا يتبهن لها ولوجودها  
فكرتهن وانصرفت، دون أن تصدر صوتاً، وما إن خرجت من الكلية  
حتى وجدت القليل من الفتيات الصغار يلهون، فابتسمت واتجهت  
إليهن، وأخذت تركض وتلهو معهن، واشترت هن بعض الحلوى،  
وجلست معهن على الرصيف، وهم يلتفون حولها، ويستمعن بانتباه،  
تلك القصة الأخلاقية الطفولية عن الغراب والعصفور، وهم يتسمن  
فرحاً لذلك و«أصبحن ينادونها « ميس وتين »، ففرحت هي كثيراً  
بالوقت الذي قضته معهن !..

وصل مالك بسيارته أمام الجامعة، واتصل بأخيه عمر، فأجاب الأخير:

عمر، بإنهاك شديد :

- ايه ياهندسه ايه الاخبار !

قال مالك مازحًا :

- تمام يا لسان الحمد لله

تسائل عمر، بصدمة :

- لسان ايه ده !! يعني ايه !

ضحك مالك قائلاً :

- انت بتقولي ياهندسه عشان انا خريج كليه هندسه اما واحد زي حالاتك هيتقي خريج كليه السن هقوله ايه غير يا لسان

ضحك عمر بقوة، قائلاً :

- يا حكمك يا ميكو

قالك مالك، بهدوء :

- طب يلا يا **Boss** انا مستنيك علي باب الكليه عشان نروح سوا او ناخذلنا لفه كده ولا حاجه

قال عمر، بأريحية :

- روح ربنا يريح بالك يا شيخ كنت بفكر هروح ازاي هموت واروح انام !

حول مالك مسار السيارة لتكون في مواجهة الباب حينما لمح  
إحدى الفتيات وهي تلهو مع بعض الأطفال الصغار بود ولفظ،  
وكانها طفله مثلهم فابتسم لها ولبرائتها، ولكنه حول نظره عنها  
حينما سمع صوت شقيقه.

عمر بصوت صاخب :

- ابو المالك والله انت فيك شئ لله طول النهار افكر هروح ازاى  
انا لسه بتوه في الطريق وجيت بتاكسي الصبح اخد كل الي في جيبي  
ضحك مالك قائلاً :

- طول عمرك عيبط سواق تاكسي قلبك ما تجيش من عمر  
الزيتي ابدا

ضحك عمر وهو يقفز في السيارة منزوعة الغطاء بقدميه :

- ياسيدي خلي الغلابه تاكل علي قفايا .. ها قولي هتوديني فين !  
نظر له مالك بسخرية، قائلاً :

- امممم مش كنت عاوز تروح من شويه ولا عشان انا الي  
هدفع يعني

ضحك عمر، وقال بنبرة ساخرة :

- طول عمرك فاهمني ياميكو وده عيبك .... ياأما عيبي انا

فضحكا كلاهما، وانطلق مالك بالسيارة وهو يمزح مع عمر  
أخيه، ولم ينتبه إلى تلك الطفلة التي تعبر الطريق وهي تقفز بسعادة  
وصدمت وتسمرت مكانها والسيارة تقترب منها بسرعة، ولكن يد



- مستحيييل لازم نتكلم دلوقتي !

قاطعهم صوت والدته من الخلف، قائلة بصوت حاني :

- انت جيت يابني !

نظر لها ادهم بحنو، وتخطى زوجته واقترب من أمه ومال بجذعه  
وقبل ظهر يدها، وهو يتسم لها بود :

- ايوا ياست الكل جيت ما تقلقيش

نظرت له والدته بحنو، قائلة :

- ربنا يرضي عنك يابني .. يلا غير هدومك عملتلك حله محشي  
تستاهل بوقك

وضع أدهم يده علي بطنه، قائلاً :

- انا طول عمري اقول ان محدش يفهمني غيرك ياست الكل انا  
واقع من الجوع يلا أنا هدخل أغير ونادي لتوتي ونتغدي كلنا سوا

قالت والدته بتوتر، بدا على قسماتها :

- بس .....

نظر لها ادهم بتعجب، وقطب جبينه متسائلاً :

- بس إيه ! في إيه ياماما ؟

قالت والدته، محاولة التبرير :

- وتين لسه مجتش من الكليه بس اكيد يعني عندها محاضرات  
متأخر شويه وزمانها علي وصول !

قال أدهم، بعتاب ولوم :

- ليه كده يا أمي انا قولت وتين ما تتأخرش بره عن المغرب  
وخلص المغرب هياأذن والدنيا مش آمان دلوقتي

قالت والدته بهدوء، وهي تمسح على كتف ابنها :

- معلش يا حبيبي هي زمانها علي وصول لحد ما تغير هنلاقيها  
داخله

قال أدهم بنفاذ صبر وهو ينفخ بضيق :

- أستغفر الله العظيم ! ماشي ياماما عشان خاطرك أنتي بس !

دلف أدهم إلى غرفته، ودلفت خلفه زوجته، وهي مغتاظة.

وقفت عبلة أمام باب الشقة، وهي تحدث نفسها بنبرة منخفضة :

- ربنا يسامحك يا وتين ينفع تحييلي الكلام من أخوكي كده بس  
لما تيجي بس

في غرفه أدهم ..

جلست زوجته على الفراش تتابعه بغيظ وهو يغير ملابسه بأريحية  
عفوية، قائلة :

- يابرود اعصابك يا أخي انا دمي بيغلي وانت قاعد تغير وتدندن  
بكل برود.

نظر لها أدهم بقسوة، قائلاً :

- خدي بالك من ألفاظك يا هانم انتي بتكلمي جوزك مش خدام  
عندكوا في السرايا

قالت سحر وهي تشتعل من الغضب :

- اللي يشوفك وأنت بتتكلم معايا ما يشوفكش وأنت بتتكلم مع أمك أو عن اختك يقول إني واحدة من اعدائك مثلاً ...

نظر لها أدهم نظرات ذات معنى، قائلاً :

- وياريت بملاحظاتك وذكائك الخارق تعرفي ليه ..

قالت هي بصريخ :

- عشان بشتكيلك من مامتك واختك يعني ! ماهم اللي بيطلعوا عيني مامتك النهارده كسرت المج بتاعي اللي أنا جيباه من باريس تصور ! وفي الآخر تقولي بكل برود هبقي اخلي مازن إيني يجيبلك واحد وهو جاي من باريس يجبروتها ايه ....

اقترب أدهم من زوجته ورفع يده عاليًا وهوى به علي وجه زوجته فصفعها بقوة فتألمت، ووضعت يدها على فمها وهي تصرخ، فقال ادهم بنبرة قوية وقاسية :

- بعد كده لما تتكلمي عن أمي تتكلمي عنها بكل أدب أنتي فاهمه !! مش هسمحلك تاني تتخطي حدودك

صدمت سحر كثيرًا مما فعله زوجها، فهو لأول مرة يمد يده عليها فأغرورقت عينيها بالدموع، فنظر لها ادهم بقسوة أشد وخرج، وأغلق الباب من خلفه بقوة.

خرج أدهم فوجد والدته تعد السفره فقام بمساعدتها، وما أن جلس على الكرسي حتى وجد زوجته تفتح الباب وهي تجر حقيبة ملابسها من خلفها، وتتجه ناحية باب الشقة.

ففسألت والدته بصوت مرتفع :

- ايه ده !! سحر ! انتي رايحه فين يابنتي !



قالت سحر وهي تتدعي بكبرياء :

- رايحه السرايا بتاعت بابا ولما ابنك يعرف قيمتي بيقى يروح  
يحييني وقتها !

قالت عبلة، بنبرة مترجية :

- يابنتي استن ....

ضغط أدهم على يدها كي تصمت، فنظرت له سحر بغضب،  
وفتحت الباب بقوة وخرجت غاضبة ونزلت وفتحت سيارتها التي  
أرغمت زوجها أن يتاعها لها، لأنها اعتادت على ركوب سيارة،  
فابتاعها لها بالتقسيط، وما زال يدفع أقساطها من مرتبه إلى الآن،  
وقامت بإسناد حقيبتها في الخلف، واتجهت لتجلس خلف المقود  
وانطلقت تجاه منزل والدتها وهي تلعن عبلة ووتين معًا !

قام أدهم من مكانه وأغلق باب الشقة، ورجع وأخذ موضعه  
على السفرة، وبدأ بتناول طعامه بهدوء وكأن شيئًا لم يحدث، فنظرت  
له والدته بحزن وقالت مؤنبه :

- ليه كدا يابني تسيب مراتك تمشي مكسورة الخاطر ! خراب  
البيوت مش بالساهل يا أدهم يابني

قال أدهم وهو شارد الذهن، يفكر في الأمر :

- هي الي بتخرب علي نفسها يا أمي وانا جيت اخري مش  
عارف انا ازاى حبيت في يوم بني آدمه زي دي !

قالت والدته بضجر، داعية لهم :

- ربنا يهديلكوا الحال يابني ! ويرزقك راحه البال يا ضنايا !  
قال أدهم، وقد تذكر شيئاً ما :

- ايه ده ! هي وتين لسه مجتش لحد دلوقتي !!..

\*\*\*

شعر مالك أن أوصاله تجمدت وقدميه قد تصلبوا، ولم يستطع  
الحراك في حين أن عمر قد قفز من مكانه وما أن أقرب من وتين  
حتى جحظت عينيه.

عمر بتلعثم وقلق :

- دي دي وتين !

نظر له مالك بعد أن لاحظ الاسم :

- انت ت تعرفها يا عمر !

قال عمر بخوف شديد من منظر الدماء :

- دي زميلتي في الجامعه .. شيل معايا يا مالك لازم نوديهما  
المستشفى حالا

خطي مالك خارج السيارة بخطوات ثقيلة، واتجه حيث يجثو  
أخيه بجانب الفتاة، ومال بجذعه سريعاً وقام بوضع يده أسفل  
ركبتيها، ويده الأخرى حول خصرها، وقام برفعها عن الأرض ..

ركض عمر وفتح باب السيارة الأمامي للسيارة الرياضية، ووضع  
مالك وتين برفق على المقعد وثبتها جيداً، وقفز عمر ليجلس في  
الخلف بين المقعدين وجلس مالك خلف المقود وهو قاطب جبينه

مما فعله، وقاد السيارة بسرعة جنونية تجاه المشفى، وهو يستغفر الله كثيراً ويرجو أن ينجي الفتاة ..

بعد وقت قليل وصل مالك بالسيارة أمام المشفى ونزل سريعاً ودار حول السيارة، وحمل وتين وتوجه داخل المشفى وهو يأمر عمر :

- اركن العربيه وخلص ورق المستشفى يا عمر لحد ما اطمئن علي البنت

عمر بقلق كبير :

- حاضر

توجه مالك سريعاً تجاه الدرج الداخلي .. أخذت موظفه الإستقبال تناديه، ولكنه تجاهلها وخطى بسرعه فائقة الدرج وتوجه إلى عيادة الدكتورة « سما » طبيبة العائلة الجديدة

قامت الدكتورة سريعاً بعد أن لاحظت وتين المجروحة بين يدي مالك، فركضت تجاهه وهي تشعر بقلق كبير وتساءلت بجديّة :

- ايه الي حصل وايه سبب الجرح الي في راسها ده

قال مالك بصوت مختنق ومتألم :

- انا خبطها بالعربيه من غير ما قصد والله ياسما

قالت الدكتورة سريعاً :

- طب حطها علي السرير هنا بسرعه واخرج استئاني بره

قال مالك بخفوت :

- حاضر

وضعها مالك برفق على الفراش، ونظر لها عن كثب وقال  
بصوت خفيض :

- انا آسف مكتتش اقصد آذيكي ...

خرج مالك وهو يغالب دموعه وأخذ يستغفر الله كثيراً على ما  
فعل، ويرجو من الله أن تسامحه تلك الفتاة البريئة، وبعد وهلة أتى  
عمر سريعاً ونظر إلى مالك الذي يجلس ويضع رأسه بين يديه في  
حزن، وملأه ملبسة ملطخة بالدماء :

- ها يا مالك عملت ايه ! الدكتور لسه ماقالتش حاجه !

نظر له مالك وعينيه تلمعان بالعبرات الحارة، وقال بصوت متألم :

- ربنا يستر يا عمر لو حصلها حاجه مش هسامح نفسي

قال عمر بهدوء :

- ان شاء الله خير

انقضى الوقت ببطء شديد، ومالك قلقه يزداد مرة بعد الأخرى،  
وهو يرى الممرضات يتناوبن على عيادة الطيبة ويحملون قطناً نظيفاً  
ويخرجن به ملوث بالدماء، وبعد وقت طويل خرجت الطيبة وهي  
تخلع القفازات المُلطخة بالدماء، وتتعرق بوضوح !

ركض مالك صوبها، وهو ينظر لها بخوف بائن :

- طمينيني أرجوكي !

نظرت له سماً قائلة بصوت خفيض :

- بصراحه الحالة كانت صعبة اوي وكانت معرضه للموت في أي  
لحظه لأنها فقدت دم كثير جداً دا غير ان الجرح بتاعها كان غائر وده

هيسيب علامه في جبهتها بس الحمد لله حالتها بقت مستقرة بس انا  
اسفه يامالك لو هي طلبت اننا نبلغ عنك انا لازم ابلغ دي جنايه  
زفر مالك بأريحية شديدة، وقد اطمئن علة الفتاة :

- ألف حمد وشكر لله احمدك ربي واشكر فضلك انا كده ما يفرقش  
معايا حاجه تانيه طالما هي بخير  
قال عمر بلامبالاة :

- ونقدر نعوضها عن العلامه الي في وشها دي بفلوس وهي مش  
هتقول لا دي ما هتصدق اصلا  
نظر له مالك بصدمة، قائلاً :

- عمر ايه الي انت بتقوله ده !!

قال عمر بتهكم :

- صدقني انا عارف النوع ده من البنات تتقرب من دكتور عشان  
الدرجات وترمي نفسها قدام عرييه عشان شويه فلوس

أغمض مالك عينيه بغضب مما يتفوه به أخيه الصغير، ثم فتح  
عينيه ونظر له بغضب جم وهو ينطق من بين شفثيه بقوة :

- كله إلا رمي المحصنات يا عمر ! أنت سامع ! أنا مش هحاسبك  
دلوقتي لينا بيت يجمعنا ..

نظر مالك إلى الطيبة، وهو يقول بجدية :

- لو سمحتي ياسما أقدر أشوفها ؟!

قالت سما وهي تفكر :

- اممم ممكن بس ما تخليهاش تتكلم كثير

قال مالك سريعاً :

- حاضر أنا بس هظمن عليها !

كاد أن يدلف عمر للدخل حينما نظر له مالك، وقال من بين أسنانه :

- رايح فين ! خليك هنا يا أستاذ أو انزل ادفع تكاليف المستشفى  
الفلوس في العربية وبرضه مش هعديالك ياعمر

نظر له مالك شذراً، ودق الباب بخفوت ثم دخل إلى العيادة، فوجد وتين تنام وعلى رأسها ضمادة بيضاء بها بقعه حمراء حول شعرها المرفوع للأعلى وعينيها مغمضتين ولكنها يترعشان، يبدو أنها على وشك الإستيقاظ من البنج، فأخذ كرسي وجلس بجانبها يتابعها، ولكن تصلبت أوصاله وصدم بما سمع من هلوسات وتين.

- وحشتني ! .. وحشتني أوي ياريتك ما سبتني ! ب بابا .....

مدت وتين يدها بعبث وأمسكت بمعصم مالك دون شعور، وأقبضت عليه بوهن وهي مستمرة في الهلوسه ومناداة أبيها .....

\*\*\*

## الفصل الثالث

اقترب مالك بهدوء من وتين ليتأكد مما يسمع ولكنها لم تكرر مرة أخرى، حيث أغلقت عينيها تمامًا، فعاد بظهره إلى الخلف يفكر بمن تقصد هذه الفتاة، ونظر إلى معصمه التي تقبض عليه بكفها الضئيل، ولكنه نفّض هذه الأفكار عن رأسه ما أن رأى وتين تفتح جفنيها ببطء من جديد، لتظهر خيوط عينيها الخضراء الصافية من خلالها ..

شعرت وتين بثقل كبير يحاط رأسها وألم طفيف يضرب أعلى جبهتها، ففتحت عينيها ببطء ولكن باتت الرؤية مشوشة جدًا، فأغلقتها مرة أخرى، ثم عادت لفتحها من جديد فاتضحَت الرؤية شيئًا فشيئًا .. حوّلت وتين نظرها للجانب فرأت ذلك الشاب الغريب الذي يطالعها عن كثب، فرمشت بعينيها بتوتر وتساءلت بخفوت :

- هو .. هو مين حضرتك ! وانا فين وبعمل ايه هنا علي السرير ده !

قال مالك بهدوء أسر :

- حمد الله علي سلامتك الاول يا آنسه وتين ! هو حضرتك مش فاكركه الحادّثه ولا ايه !!

انتفضت وتين من مكانها، وقد تذكرت شيئًا :

- البنت الصغيرة ! حصلها حاجه ! ارجوك ما تخبيش عني !!

تألمت وتين من الحركة المفاجئة وشعرت بالدوران فوقف مالك  
واضعاً يده علي رأسها في حنو :

- حضرتك كويسه؟؟ حاسه بإيه!!

قالت وتين وبدأت عينيها باللمعان :

- ارجوك طمني !! البنت حصلها حاجه ؟

قال مالك سريعاً، متدارك دموعها :

- والله هي كويسه ما تخافيش أنتي أنقذتيها بس ما قدرتيش  
تنقذي نفسك وأنا السبب في كل ده أنا آسف لحضرتك أقسم لك بالله  
ما أخذت بالي وأنا جاهز لأي عقاب حضرتك عاوزاه

شعرت وتين بالراحة بعد أن أطمأنت على الطفلة، وأرجعت  
ظهرها للخلف بعد أن نزعت يدها ببطء :

- الحمد والشكر لك يارب قلبي كان هيقف من الخوف ..  
وملوش لزمه عقاب ولا أي حاجه حضرتك أعترفت بغلطك وده  
كفايه ! انا مسمحاك يا ...

قال مالك بإبتسامة رائعة :

- أنا البشمةهندس مالك إبراهيم الزيدي مهندس معماري بس  
هوايتي الحقيقيه هي البرمجه والانترنت تقدرني تعتبريني مجنون بيها  
شويه ! تشرفت بمعرفتك آنسه وتين !

قالت وتين بتعجب :

- بس هو حضرتك تعرف اسمي منين !!

قال مالك وهو يشير إلى الباب :





اخذ مالك الساعة المثهشمة ووضعهها في جيب بنطاله، ثم نظر إلى  
ساعته قائلاً :

- الساعة ٦ ونص

جحظت وتين بعينيهما بشدة، وقالت بصدمة :

- حضرتك بتقول كام !!

قال مالك بدهشة :

- ٦ ونص بس ليه هو فيه حاجه حصلت !!

وقفت وتين بصورة مفاجئة، فأنتابها دوار شديد فوضعت يدها  
سريعاً أعلى رأسها وجلست، فانخلع قلب مالك قائلاً :

- آنسه وتين حضرتك كويسه !!

قالت وتين بضعف :

- انا لازم ارواح حالا ماما زمانها هتموت عشاني ! ووأدهم ممكن  
يموتني

فتفهم مالك الوضع، وفكر سريعاً في حل :

- طب انتي ممكن تكلميهم في التليفون تطمنيهم !

نظرت له وتين بأعين دامعة نظرة أشعرته بالحزن من أجلها :

- انا لازم ارواح البيت حالا ! ارجوك أنا مش معايا تليفون ومش  
معايا رقم حد منهم

قال مالك سريعاً :

- طيب تقدرني تسندي عليا وانا هوصلك مكان مانتني عاوزة في  
دقيقه واحده

ابتسمت وتين من بين دموعها، قائلة:

- بجد يا بشمهندس

ابتسم مالك، قائلاً :

- ان شاء الله يلا بينا ..

استندت وتين على ذراع مالك، وخرجت معه والدوار يصيب  
أنحاءها وهي تتمسك فيه بشدة خشيه أن تسقط، ومالك يحاوطها  
بيديه فشعرت بالخجل الشديد، ولكن كل ما كانت تفكر به هو  
أدهم وما أن فتح مالك الباب حتى صدم عمر بالمنظر الذي يراه  
واكتسى وجهه بالغضب بسبب هذه الفتاة السيئة كما يعتقد، قائلاً  
في نفسه :

- أعوذ بالله ايه البنت دي ! ما بتفوتش فرصه انها تتعلق في  
الرجالة ! حتي اخويا اول مرة تشوفه وخارجته متشعلقه في دراعه  
وعامله نفسها الست التعبانه

قالت وتين مبتسمة :

- ازيك ياعمر

قال عمر بطريقه متهكمة، وهو يتحرك أمامهم :

- اهلا !

ابتلعت وتين تلك الغصة ونظرت أرضاً، فاغتاظ مالك من  
أخيه، ولكنه أهتم بأمر وتين إلى أن انفرد بأخيه ويعاتبه على ما يفعل

.. وصلت وتين وهي تتشبث في مالك إلى السيارة فأجلسها على الكرسي الأمامي، وربط الحزام حولها وألتف كي يجلس حول المقود وجلس عمر في الخلف وهو ينفخ في ضجر .. أعطت وتين العنوان لمالك الذي انطلق بسيارته تجاه المكان المقصود بسرعة قصوى، بعد أن توقف عند إحدى المتاجر وابتاع قبعة جميلة من أجلها، كي تخفي بها جرحها أسفل منه، فشكرته بلطف وعمر يزداد غضبًا منها

\*\*\*

عاد أدهم والشرر يتطاير من عينيه، بعد أن ذهب إلى جامعة أخته ولم يجد أحد هناك، واتصل بإحدى صديقاتها الذي يعرفها حسناء، ولكنه أخبرته أنها لم ترها منذ أمس ! فظن أنها خرجت للتنزه دون إخبارهم، فإزداد غضبه وأخذ يدور حول المنزل ينتظر عودتها بفارغ الصبر، وما إن أوشك على الذهاب إلى الشرطة كي يبلغ عن فقدانها منذ الصباح، إلا أنه لاحظ سيارة رياضية سوداء تقترب من المنزل، وتجلس وتين داخلها مع شاين غريبن فجحظت عيناه بشدة، وشعر أن غصة مريرة قد توقفت في حلقه، ونظر حوله وحمد الله لأنه لم يجد أحدًا في الشارع، وتوجه إلى السيارة بخطوات عصبية.

وتين بهدوء :

- شكرا يا بشمهندس مش عارفه اشكرك ازاى ! الف شكرا  
عمر معلش تعبتكوا معايا !

قال عمر بتهكم :

- اهو كله بثوابه !

قال مالك مغطيًا على نبرة أخيه :

- علي ايه بس يا آنسه انا الي مفروض أعتذر عشان أخرتك عن البيت ! وعلي الي حصلك ده ربنا يتم شفاكي علي خير ! اتفضلي ده الكارت الخاص بيا عشان لو احتجتني حاجه !

قالت وتين بإحراج :

- احم أنا آسفه يا بشمهندس مش هقدر اخده ما اعتقدش اني محتاج حاجه ! ربنا يوفقك بعد إذنكوا

فتحت وتين باب السيارة ولكنها تفاجئت بمن يسد عليها الطريق ويطلبها بنظرات قاتلة، فاتتابها توتر كبير وخشيت أن يسيئ أخيها فهمها !

وتين بإرتباك وتلعثم :

- آآدهم ! انا اسفه علي التأخير بس آ...

آدهم بنبرة قائمة توشي بشر ناهيآ الحوار :

- انزلي يا وتين حالا !!!!! !

نزل مالك ودار حول سيارته، وقال بتعجب :

- هو حضرتك تبقي مين !!

صدمت وتين مما فعله مالك فنظر له آدهم بتهكم :

- المفروض إني أنا الي أسأل السؤال ده يا حضرت !

قال مالك بنبره جادة :

- انا البشمهندس مالك ابراهيم الزيدي صاحب شركه الزيدي المعروفه واخو عمر زميل وتين في كليتها

تأكدت وتين أن أخيها سوف يسيئ فهمها بالتأكيد، بعد ما قاله  
مالك فخرجت سريعاً قائلة :

- اصل الصراحه يا أدهم انا عملت حا ....

نظر لها أدهم بغضب وصفعها بشدة على وجهها، فصرخت  
وتين وسقطت القبعة كاشفة عن جرحها، ولكن هذه المرة  
غالبها دوراها فسقطت مغشياً عليها، ولكن يد مالك كانت  
الأسرع في إلتقاطها في أحضانه .. صُدم أدهم من ذلك الجرح في  
رأس أخته، ومما فعله بها، فهو يضر بها للمرة الأولى في حياته !

قال مالك بغضب جم، ونبرة مرتفعة :

- ايه اللي انت عملته ده يا بني آدم انت ! كانت هتقولك انها  
عملت حادثه وكانت في المستشفى وانا وصلتها عشان كانت خايفه  
علي مامتها تقلق عليها ! بس انت ما أديتهاش فرصه تكمل كلامها  
انترعها أدهم من أحضانه ونظر إلى أخته الغافية، بحزن شديد  
ومرر أصابعه على جرحها ومكان أصابعه على وجنتها، وعينيه  
تذرفان الدموع من أجلها، نظر أدهم إلى مالك وعمر، وقال مبرراً :  
- انا عملت كدا من خوفي عليها ! دي اختي الوحيدة ! والله اول  
مرة امد ايدي عليها

نظر له مالك بإشفاق فهو يعرف جيداً شعور الخوف على  
الأخت، فنظر لأدهم وربت على كتفه، وقال بهدوء :

- عذرك والله ربنا يخليكوا البعض انا بس عاوز اقولك إنها ملهاش  
ذنوب ابداءا في التأخير وانا اللي عرضت عليها إني أوصلها لأنها كانت  
تعبانه جدا ولسه فايقه من البنج !

شعر عمر بالإشفاق من أجل أخيها، الذي لا يعرف أن أخته فتاة سيئة، وقال متهكماً :

- طب خد بالك منها كويس بقا احنا عملنا اللي علينا يلا يا مالك

نظر له مالك بغضب، وقال لأدهم بجدية :

- بعد اذن حضرتك انا لازم امشي اتفضل ده الكارت بتاعي عشان لو احتاجتني في حاجه وبالمرة تظمني علي الانسه وتين ! بعد اذنك !

أخذ أدهم الكارت والقبعة، ومال بجذعه، وحمل أخته بين يديه وتوجه إلى المنزل، فظل مالك يتابعه حتى اختفي داخل إحدى العقارات، فركب حول المقود وقفز عمر في المقعد المجاور له ونظر لأخيه، وقال بضجر :

- ياساتر علي دي بنت اوووف

ضغط مالك علي دواسة البنزين بغضب وهو ينظر لأخيه، وتحرك تجاه منزلهم، فسكت عمر ونظر أرضاً بعد أن فهم نظرة أخيه الكبير .....

\*\*\*

تمت ترجمة اللغة إلى العربية، لتناسب الأعمار المختلفة ..

في إحدى الدول الأجنبية ....

وقف المهندس «كال» ينظر عبر نظارته الطبية إلى الملف الموجود أمامه ثم رفع نظره تجاه مدير مكتبه، قائلاً :

- اترك لي الملف سوف أراجعه ثم أعطيه لك

قال مدير مكتبه بلهجة جدية :

- حسناً سيدي استأذن !

وفجأة اقتحم عليهم المكتب صديقه المقرب «ستيف»، وهو يلتقط أنفاسه بصعوبة فوقف «كال» سريعاً وهو ينظر له بتعجب ! :

- ما الأمر «ستيف» ؟! لم تبدو متوتراً هكذا؟، اخبرني!

قال «ستيف» بلهجة مُتلعثمة :

- لقد.. لقد تمت الموافقة على المشروع

قال «كال» بصدمة حقيقية :

- ماذا؟! أتمرح؟!!

قال «ستيف» بجدية مُفرطة :

- أخبرتك «كال» ألا تُقدم المشروع إلا بعد أن يكتمل الفريق، مازال ينقصنا مترجم واسع اللغات، ومهندس برمجيات و محلل نفسي، و حارسان، كيف سنوفي كل هذا الأمر خلال بضعة أيام فقط ؟!

قال «كال» بجدية وتصميم :

- يا إلهي ! لا لن أسمح بأن يحدث هذا!، سوف أحصل عليهم، وأنشر الأمر على جميع مستوى، العالم لا بد من توافر أولئك الأشخاص في مكان ما في العالم !

نظر «كال» إلى الحائط الموضوع خلفه، وإلى أساسيات المشروع الضخم، الذي لطالما حلم به منذ صغره، وهو يؤسسه و ينميه دون علم أحد، وعزم على تنفيذه ما إن يجد ممولاً له، وهو بالفعل ما حدث الآن !!



جئى «كال» على الحاسوب الخاص به، وقام بعمل إعلان مغري  
عن الفريق بمرتب مجزي لمدة شهرين ب ١٠٠,٠٠٠ دولار في  
الأسبوع، مع إشتراك البقاء في المدينة لمدة شهرين كاملين، والإمضاء  
على عقد احتكار بهذه المدة من خلال الشركة، وإن من يدخل الفريق  
سوف يحصل الكثير من الجوائز والشهادات من المدينة، والحصول  
على شهادة مشروع تخرج للطلاب لم يحدث من قبل وأنهى العرض  
بالحصول على مكافأة إذا نجح المشروع، ثم قام بنشره على جميع  
المواقع العالمية والمحلية والدولية، وانتظر طلبات المتقدمين !

\*\*\*

في منزل حسن القاسم ..

دق جرس المنزل أكثر من مرة بصورة متواصلة ومزعجة، فاتجهت  
عجلة نحو الباب، وهي تصرخ في الطارق بغضب :

- حاضر جايه هي الدنيا اتهدت ولا ايه !!

فتحت عبله الباب وتفاجئت بما رأت ، ابنتها مجروحة الرأس،  
وفاقدة لوعيها بين يدي أخيها ادهم، فلطمت صدرها بصريخ :

- بنتي ! ايه اللي حصلك يا ضنايا .. ايه اللي حصل لأختك  
يا أدهم انطق

قال أدهم بنبرة متألمة :

- معلش يا أمي سيبيني أطمئن عليها الأول وبعدين هحكلك كل  
حاجه

قالت والدته بلهجة سريعة :

- ماشي يابني انا هخطف رجلي اجيب الدكتور مني من الدور  
اللي تحتنا تكشف عليها وتطمنا

قال أدهم بهدوء :

- خير ما فكرتي يأمي يلا روحي وانا هحطها في اوضتها لحد  
مالدكتورة تيجي !

توجه أدهم إلى غرفة أخته وفتحها، ودلف ثم قام بوضع أخته على  
الفراش ودثرها جيداً، وجلس على الفراش بجانبها وهو يشعر بندم  
كبير على ما فعل، فاقترب منها والعبرات تتلألأ في عينيه، وطبع قبلة  
أسفة علي جبهة أخته الوحيدة، التي قسى عليها دون أي ذنب يُذكر،  
والأصعب أنه ولأول مرة يتعرض لها بالأذى ويضر بها.

ادهم بنبرة باكية :

- انا اسف ياوتين خوفي عليكي عماي !

دلفت الطيبة مع والدته إلى داخل غرفة وتين، واقتربت من  
فراشها ونظرت إلى أدهم متسائلة :

- ايه الي حصل بالضبط يااستاذ ادهم !

قال أدهم ماسحاً دموعه :

- وتين اتعرضت لحادثه واتعالجت في المستشفى بس واحنا تحت آآ  
داخت واغمي عليها

هزت الطيبة رأسها متفهمة، وعبلة تبكي بخفوت من أجل  
ابنتها، فقامت الطيبة بالكشف عن الجرح الموجود بجبهتها وفحصته  
جيداً، ثم قامت بإجراء كشف روتيني عليها، وغيرت رباطة الجرح  
بعد تطهيره، وقامت بغلق حقيبتها وقامت :

- ما تفلقوش ده شئ طبيعي لأن الجرح بتاعها عميق شويه و  
هي اصلا ضعيفه وشكلها نزفت دم كتير فهي محتاجه تراح كام يوم  
وتتغذي كويس خدي بالك منها يا حاجه عبله البت هفتانه اوي !

قالت عبله وهي تغالب دموعها :

- من عنيا يادكتورة حاضر تسلميلي يارب من كل شر معلش ازعجناكي !

قالت الطيبة بإبتسامة هادئة :

- ازعجتيني ايه بس دي وتين زي بنتي واكثر يلا السلام عليكم

رد الجميع :

- وعليكم السلام ورحمه الله وبركاته

خرجت عبله لتوصيلها إلى الباب، وبدأت وتين تستفيق وفتحت  
عينها ببطء، فاقترب منها أدهم سريعاً .. نظرت وتين حولها فوجدت  
أخيها الكبير أدهم يجلس بجوارها، فتذكرت ما حدث وجحظت  
عينها، وعادت سريعاً إلى الخلف، وهي ترتعد من الخوف، وقالت  
بيكاء ونبرة خائفة مُدافعة :

- والله يا أدهم أنا ما قصدتش اتأخر وأول ما فوقت في المستشفى  
البشمهندس قالي انه هيوصلني في دقيقتين فوافقت عشان اجي بسرعه  
والله والله ما عملت حاجه غلط

قرب أدهم يده من وجنة أخته، فخافت أن يصفعها مرة أخرى  
فتكورت على نفسها في زاوية الفراش مرتعدة، خائفة منه فشعر أدهم  
كأنما طعنه خنجر بارد داخل صدره بسبب رؤية صغيرته في هذه  
الحالة، أصبحت أخته الصغيرة تخافه ولا تأمن وجوده، فشعر بفداحة  
ما فعل وتلاأت العبرات في عينيه

أدهم بصوت مبحوح :

- انتي خايفه مني ياوتين ! ما تخافيش مش هأذيكي .. والله العظيم  
انا عملت كده من خوفني عليكى ياوتين انتي مش اختي انتي بنتي  
فيه أب ما بيخافش علي بنته

انتفضت وتين في مكانها حينما وقف أدهم، فازداد قلبه ألماً،  
وخرج من الغرفة سريعاً كي لا ينهار أمام أخته باكياً، بل  
خرج من المنزل بأكمله وتوجه إلى الشاطئ ليخفف هوائه تلك  
النيران المتقدة داخله.. دلفت عبلة إلى غرفة ابنتها وهي تبكي  
من أجلها، وما إن رأت ابنتها على هذا الوضع حتى قفز قلبها  
من محله واقتربت منها، فارتمت ابنتها في حضنها وهي تبكي  
باستمرار إلى أن شعرت بثقل رأسها، ونامت بين أحضان أمها ...

\*\*\*

وصل مالك أمام منزلهم وركن السيارة، وخرج دون التحدث مع  
عمر كما هو حالهم طوال الطريق، ترجل عمر وتوجه تجاه الدرج  
الداخلي حينما رن هاتفه بوصول رسالة، فأخرجه وفتح الرسالة  
المبعوثة من مالك وتنص على « انا مستنيك في اوضتي .. ثواني  
وتكون عندي »

نفخ عمر بضجر فهو يعرف سبب طلب أخيه لرؤيته، وكاد أن  
يدخل هاتفه حتى رن منذراً باتصال جديد، فرفع الهاتف إلى مستوى  
نظره، ولكن سرعان ما تجهم وجهه وضغط على زر رفض المكالمات  
الواردة من خطيته عبر المزعجة، وقام بإغلاقه ووضعها في جيبه،  
وتوجه إلى غرفه أخيه الكبير وهو متجهم الملامح .. دق عمر باب  
غرفة مالك فأتاه صوت أخيه :

— ادخل واقفل الباب وراك

دلف عمر ورأى مالك يجلس على الفراش وبجانبه هاتفه وساعة نسائية متهمشة، فتنبأ بصاحبها فقال متهمكاً:

- کمان لبستک في الساعه هتلاقيها مكسوره من البدايه وعملت  
فيلم هندي عشان تصلحهاها و....

قاطعہ مالک بصرامہ، قائلًا بنبرۃ غاضبۃ :

- بس بقا انا ، ممكن اعرف بقا من امتي واحنا بنرمي الناس بالباطل ! انت مدرك حجم اللي انت عملته

قال عمر بتعجب :

- انت بتدافع عنها كدا ليه كأنها تعرفها من سنين !! انا بقول اللى شوفته !

مالك محاولا الهدوء :

– شوفت ايه بالضبط !! ممكن اعرف !

قال عمر بن نفاذ صبر :

- شوفت الدكتور بيديها مفتاح عربيته وبأمنها علي ورق  
الامتحانات وشوفته وهو يمسك ايديها لما جت ترجعه المفتاح  
وبعدت عيني عنهم علطول وكل ده ليه معني واحد انها بنت مش  
كويسه لما تقبل علي نفسها حاجه زي كدا !

قال مالك بدهشة :

- وایه الی خلاك تفسرها كده ما ممكن الدكتور فعلا بیستغلاها وهی فعلا ما تعرفش حاجه ! ممكن مسك ایدیها غصب عنها

وما رضتش تخرجه قدام اللي واقفين ! يا عمر انت اخويا الصغير  
وعاوز انبهك ان رمي المحصنات من الكبائر وانت عندك اخوات  
بنات وعندك خطيبتك خاف عليهم حتي ..

قال عمر بتبرير :

- يا مالك افهم ...

قال مالك بتأكيد :

- افهمني انت ، بنت محافظه من بيت محافظ زيها مستحيل تعمل  
كده ، انت ما شوفتهاش كانت قلقانه ازاي لما عرفت انها متأخره  
عن بيتهادي حتي مش معاها موبايل وكانت بتلعب مع الاطفال في  
الشارع مش واقفه مع شباب زي بنات اليومين دول ..

قال عمر مفكرًا :

- عندك حق انا فعلا ما فكرتش كده ربنا يسامحني ويغفرلي

قال مالك بروية :

- مش بس كده انت لازم تعتذر من وتين وهي تسامحك لانك  
غلطت في حقها هي مش في حق ربنا ! اظن فاهمني

قال عمر ، وهو ينظر أرضًا :

- مش هقدر اقولها اني فكرت فيها كده !

قال مالك بعتاب :

- لا هتقدر ! يعني تقدر تسيئ للناس وما تقدرش تعتذر ده في  
شرع مين ده بقا ؟؟

قال عمر بإبتسامة هادئة :

- حاضر اوعذك اني هعمل كده

قال مالك بعد أن تنفس الصعداء :

- ربنا يكملك بعقلك ويهديك لى فيه الصح يا عمر

خرج عمر من غرفة أخيه وهو يشعر بالراحة للقرار الذي أخذه،  
وتوجه إلى غرفته، توضاً ومر على غرفة ياسمين و كارما وذهبوا جميعاً  
إلى غرفة مالك، وصلوا فرضهم وجلسوا يتحدثون ويتسامرون !

\*\*\*

خرجت سلوى من المطبخ وأمامها الخادمة تحمل كوب من  
العصير، وتوجهت إلى غرفة سحر العلوية وما إن دلفت حتى وجدت  
سحر تبكي وتنوح حظها العاثر، فاقتربت منها والدتها ووضعت  
الخادمة كوب العصير بالقرب منهن ورحلت على الفور

قالت سحر بنواح وهي تمسح أنفها الأحمر بمنديل ورقي :

- شوفتي يامام ادهم عمل فيا ايه ! انا مستحيل ارجعله تاني لو  
قامت الساعه

قالت سلوى وهي تربت على قدم ابنتها :

- ريلاكس يا سحور .. مش تعيطي ما ابقاش سلوى العقر اما  
خليته هو يجي يترجاكي تروحي معاه ويوس على راسك كمان  
قالت سحر بغیظ وغل كبير :

- هي امه العقر به واخته السهونه دول اللي قارفتي في عيشتي  
مخليين حياتنا علطول مشاكل كنا عايشين مرتاحين في بيتنا .. كان  
مستخيل فين القرف ده يامام

قالَت سلوی لنفسها بتفکر :

- بقا انت تعمل في بتي انا كده يا ادم يابن حسن ما ااشي !  
لا دانت ما تعرفنيش دانا شوارعيه وديلي بارم وهخلي الكلب اعلي  
منك بس اصبر عليا

---

عن قصصهم المروية عن الحياه في بلاد العرب والاسلام في القرنين الثاني والثالث للهجره

سحر بیکاء ونواح :

- عاااااااااااا بصي شكلي بقا عامل ازاي يامام بصي ضوافري  
اتکسرت ازای !

قالت سلوى بتأفف :

- خلاص يا سحر بطلي عياط بكره نروح انا وانتي عند البيوتي سنتر ونظبط الدنيا مع بعض . اوك !

هزت سحر رأسها، وقالت بخفوت :

- اولك مام

قالت سلوى بجدية :

- يلا ياسو اشربي الليمون ده واتغطي ونامي والصبح ان شاء الله  
كل حاجه هتتحل !

خرجت سلوى وأغلقت الباب من خلفها، وتوجهت إلى غرفتها وهي تشعر بالغضب فتوعدت لرد الصاع صاعين، وأمسكت بهاتفها وعشت قليلاً بأرقامه ...



- ألوووو .. ازيك ياباشا اخبارك ايه ! .. قالتها سلوى بأنوثة كاملة.

أجاب رجل بصوت رجولي صلب :

- مدام سوسو ليكي وحشه بزمتك الصوت الحلو ده يختفي كده مرة واحدة من ساعة ما خلّيتني أشغلك جوز بنتك عندي في الشركه وانتى قطعتي خبر

قالت سلوى بنبرة أكثر دفاء :

- هو انا اقد برضه ياباشا ! بس شويه مشاغل و حمل كبير مانت عارف بقا

قال زينهم باشا بلهجة دنيئة :

- حمل برضه وانا موجود ! دا حتي ما ينفعش ! احنا في الخدمه أشري بس والدنيا تكون تحت رجلك

قالت سلوى بعد ضحكة دنيئة من بين أنيابها :

- انا بس قصداك في خدمه !

قال زينهم بابتسامة خبيثة :

- انتى تؤمري ياست الستات

قالت سلوى بصوت يشوبه الدلع :

- تسلملي ياباشا عوزاك بس تشدلي ودن ادهم جوز بنتي احسن هو مزعلني منه خالص

قال زينهم بنبرة خبيثة ذات معنى :

- داحنا نقطعله ودنه خالص طالما مضايقتك يا قمر هو يطول

قالت سلوى بضحكة رقيقة :

- هيهيهيه لا ياباشا مش كده بس قرصه ودن صغيرة بس و سيلي  
انا الباقي

قال زينهم بدناوه :

- طب و حلاوتي !

قالت سلوى بدلع :

- الي الباشا يشوفه انا موافقه عليه

قال زينهم بشهوة دنيئة :

- خلاص اخلص الي طلييته وانا اكلمك واحدد المكان والزمان  
ماشي ياست الستات ؟!

قالت سلوى بضحكة أخرى :

- هستناك ياباشا !

أغلقت سلوى الهاتف وهي تبسم من بين أنيابها وتفرك يديها  
متوعدة لزواج ابنتها ما سيواجهه في عمله بسبب علاقتها، فهي كانت  
من أمن له هذه الوظيفة بهذا المرتب المجزي كي تعيش ابنتها مرتاحة مع  
من أحبت بطرقها الدنيئة، وهماهي تسلب منه ما أعطته بنفس الطريقة !

\*\*\*

## الفصل الرابع

فتحت وتين جفניה ببطء، ونظرت حولها بنظرات زائغة وشعرت بيد تتحرك ببطء وثبات على رأسها، فنظرت إلى الأعلى فوجدت أدهم يجلس وعينيه مغرورتان بالدموع، وعبرة شاردة تقف على أطراف عينيه مترددة عن الهطول وهي تنام بخفوت على قدميه، كما أعتادت وهي صغيرة فامتلأت عينيه بالدموع وتذكرت ما حدث فتوقعت على نفسها كالجنين شارعة في البكاء في زاوية الفراش، فشعر أدهم بالألم واقترب من أخته وعيناه تفيضان بالدموع وأمسك بكف يدها وقبله بحرارة شديدة كشئ من الإعتذار، فانطلقت أخته كالرمح فاخترقت صدره حتى كاد أن يسقط عن الفراش وهي بين أحضانه ولكنه توازن وأمسكها بشدة، مانحًا إليها الشعور بالأمان في أحضانه من جديد...

- انا اسفه يا أدهم والله مكنتش اقصد ان كل ده يحصل سامحي أرجوك

قالت وتين ببحة ألم كبيرة.

أدهم وهو مغمض الجفنين قائلاً بحرارة :

- انا اللي اسف يا وتين عارف انها أول مرة امد ايدي عليكي بس انتي عارفه اخوكي بيحبك وبيخاف عليكي قد ايه ! صح يا وتين

هزت وتين رأسها وهي تبكي، وظلت في حزن أخيها هادئة دون حراك وهو يمسح برفق على شعرها، ثم رفع رأسها ونظر في عينيها قائلاً :

- جعانه صح؟؟ ايه رأيك أعملك أندومي ! انا عارف انك بتحبيه

ابتسمت وتين بضعف، وقالت مازحة كي يتسم أخيها :

- لا ياعم يجيلي تلبك معوي ! وبعدين سحر تقول عليك ايه وانت بتطبخ كده هه

امتعض وجه أدهم لدى ذكرها اسم زوجته، ولكنه مازحها قائلاً :  
- دانا نفسي في الاكل ما اقولكيش ! وبعدين سحر مش هنا ما تخافيش انا راجل في بيتي

تعجبت وتين من عدم وجود سحر، ولكنها ضحكت وقالت :

- اذا معنديش مانع !

قال ادهم بلغه ديمقراطية :

- طب يلا قدامي علي المطبخ عشان ما بعرفش اعمله

ضحكت وتين ووقفت على قدميها، وأمسكت بيد أخيها صاحبة إياه تجاه المطبخ قائلة :

- يبقي أمرك لله هتدوق عمايل ايدي بقا

قال أدهم متصنعاً الصدمة :

- طب استني اصلي ركعتين توبه عشان لما اموت يبقي ربنا راضي عني

فضحكت وتين وتوجهت مع أخيها إلى المطبخ حيث تعمل أمهم،  
وما أن رأت وتين تضحك مع أدهم حتى رُدت إليها روحها من  
جديد، وابتسمت لهم وهم يتساعدان لإعداد تلك المكرونة سريعه  
التحضير بشكل مذري، وهم يتقاذفان بمحتويات الغداء كالأطفال !

\*\*\*

وقف عمر على بوابة الجامعة في محاولة بائسة منه أن يرى وتين  
علّه يستطيع أن يعتذر منها، ولكن محاولته باءت بالفشل، وما إن  
دلف للداخل حتى جذبته إحدى الفتيات من يده بطريقه مستفزة،  
فانزعج عمر ونظر لها بغضب.

عمر بغضب ونبرة حادة :

- ايه اللي بتعمليه ده يا بني ادمه انتي !!

قالت حسناء بابتسامة بلهاء :

- انت بتدور علي وتين صح !

نظر لها عمر نظرة متحيرة :

- وانتي عرفتي ازاي !!

قالت حسناء بنبرة سيئة :

- اصل وتين صحبتي وحكتلي عنك و عرفت انك المز بتاعها

قال عمر بدهشة :

- ايه الكلام الفاضي اللي بتقوله ده !! انا لسه جاي الكليه ما  
كملتش اسبوع !

قالت حسناء بخبث :

- انا مالي ! هي قالتلي كده وحلفت انها توقعك في شباكها وتبقي  
الحته بتاعتها

نظر لها عمر بضيق وحدث نفسه قائلاً :

- حته ! يابنت الإيه ياوتين ! بس ثواني كده ! لو البنت دي زي  
ما بتقول صاحبها مش هتيجي تقولي كده عنها .. طيب هي البنت  
دي ليه بتعمل كده ! جايز تكون بتكرهها وعاوزة تبوظ صورتها  
وجايز بتقول الحقيقه وعاوزة تفضحها مانا برضه شوفت وتين وهي  
واقفه مع الدكتور ! طيب اعمل انا ايه بقا ؟ احسن حل اني اعمل اني  
مصدق لحد ما اتأكد من الحقيقه !

قال عمر متصنعاً الغضب والضيق :

- نهار ابوها اسود ! هي ازاى تتجرأ تقول كده عني ! انا هعلمها  
الأدب

قالت حسناء بعد أن توترت من هدوئه الغير مبرر وأصبحت  
كمن رد إليها روحها :

- بالظبط كده ! عارف هي بنت كويسه ومجتهدة بس في حكاية  
الرجاله والشباب ما اقولكش ما تتوصاش .. وحتى مجتش النهارده  
عشان خرجت مع واحد من صحابنا مفهماه برضه انها بتجبه وكده  
شعر عمر بالنفور من تلك الفتاة المسماة بحسناء وابتسم لها  
ابتسامة باهتة :

- شكرا انك عرفتيني

قالت حسناء ببلاهة :

- علي ايه انا بس نفسي تغير اسلوبها اصلها صاحبتني جامد يعني  
واحبلها الخير

قال بتهكم كبير :

- اه ماهو واضح

قالت حسناء برقّة غير مناسبة لهيئتها :

- طب استأذن انا بقا عشان ورايا محاضرات

هز عمر رأسه بنفس الابتسامة الصفراء التي لم تختفي من على  
وجهه حتى رحلت حسناء، وأغلق عينيه بضيق وهو يحاول طرد  
تلك الأفكار من رأسه، ولكن غلبه شيطانه وبدأ بالظن السوء  
مرة أخرى تجاه وتين ولكنه قطع الشك باليقين وعزم على ركوب  
تاكسي والتوجه إلى عنوان منزلها، كي يتأكد بنفسه ولكن قطع عليه  
مالك الطريق ونظر إلى علامات الغضب على وجهه فترجل سريعاً،  
وتوجه إليه:

- مالك يا عمر ! ايه الي معصبك كده ؟

لم يجب عمر، وظل مكفهر الوجه، فهزه أخيه ونظر إليه بنظرات  
ذات معنى، فقال عمر بضيق :

- بص بقا يمالك انا سمعت كلامك وكنت جاي اعتذر لوتين  
بس صاحبتها جت النهارده واكدتلي الي انا شوفته قبل كده

نظر له مالك بتأفف، وقال :

- تاني يا عمر ! قولي ايه الي حصل

حكى عمر كل ما حدث معه ومع حسناء من لقاء وحديث، وعلى ما كان مُقبل على فعله قبل ثوانٍ.

ابتسم مالك، وقال :

- عارف ! انت متأكد ان حسناء دي بتكذب ودليل علي كده انك عاوز تروح لوتين البيت عشان تتأكد بنفسك انها بتكذب بس احنا فيها يلا انا هاخذك هناك بنفسى

فكر عمر قليلاً في حديثاً أخيه وشعر أنه قد فهمه جيداً، لذلك رضخ إلى قوله وركب معه في السيارة، وانطلقوا تجاه منزل وتين.

وقفت حسناء وهي تطالع نظرات عمر الحانقة على وتين وهي تشعر بإنصار وحقد لا متناهي، فهي كانت وستظل تحقد على نجاح وتين وتميزها ..

\*\*\*

تناول أدهم وتين الاندومي وهم يتمازحون حتى شعرت وتين بألم في رأسها و دوار شديد يشل حركتها، فشعر أدهم بالقلق بشأن جرح أخته، وخاف أن يؤثر هذا الجرح عليها بطريقة سلبية.

أدهم بقلق :

- يلا ياتوتي ألبسي وانا هاخذك للدكتور علشان اطمن علي الجرح ده ونعمل اشعه

قالت وتين :

- ما تقلقش يا ادهم الدكتور قال دي حاجه طبيعيه وهتروح لوحدها وكمان عملت اشعه وانا هناك في المستشفى واطمنت



قال أدهم بإصرار :

- لالا انا لازم اتأكد بنفسى نخلص ونطلع احنا الثلاثة نغير جو  
وننفسح وعازمكوا علي عشوه في مركب في النيل تجنن يلا بقا  
وقفت وتين بتحمس :

- مركب وعشوة !! أنا اصلا جاهزة من بدري

ضحك الجميع، تجهزت العائلة للخروج، في غضون دقائق وهبطوا  
السلم سوياً وتين تتأبط ذراع أدهم ومتعلقة في ذراعه بيدها الأخرى،  
وهم يتضحكان سوياً وما أن وصلوا إلى الأسفل حتى وجدت وتين  
عمر ومالك يقفان أمام سيارتهم أمام منزلها، وعمر ينظر لها نظرات  
غير مفهومة، فتركت أخيها وتوجهت صوبهم بخطوات متمهلة تحت  
نظرات أخيها الذي قرر عدم التدخل كي لا يكرر خطأ مرتين بعدم  
ثقتة في وتين ..

شعر عمر بتأنيب الضمير للمرة الثانية بسبب سوء ظنه في وتين،  
ونظر لها نظرات متأسفة وهو يراها تقف بين أحضان أخيها وهم  
يهبطون من الأعلى سوياً، وأخذ يلوم نفسه كثيراً لأنه ترك تلك  
الفتاة تسم عنها في أذنه، حتى صدقها فنظر مالك تجاهه بنظرات  
عاتبة زادت من تأنيب ضميره أكثر، فنظر أرضاً وهو منزعج بشدة..  
وتين بإبتسامة هادئة :

- عمر والبشمهندس ! خير في حاجه حصلت ! ولا انتوا جايين  
لحد تاني هنا ؟

عمر بعد أن طأطأ عينيه في خجل، قال بنبرة حزينة :

- انا اسف يا وتين !!

قالت وتين بدهشة وتعجب :

- اسف علي ايه ! انا مش فاهمه حاجه

اخذ عمر شهيقاً طويلاً، اوقفص على وتين كل شئ ظنه بها منذ ان  
رآها مع الدكتور، حتى ما أخبرته به حسناء وتصديقه لها فشعرت  
وتين بالحزن الشديد

قالت وتين بشئ من العتاب والحكمة :

- كان ممكن ياعمر تيجي تسألني واكيد مكنتش هكدب عليك  
يعني ! بدل ما تفهمني غلط وتعاملني وحش بس حصل خير كل  
حاجه بتحصل ووراها حكمه ربنا وجدها .. علي العموم الدكتور هو  
فعلا عمل كده ومسك ايدي بس انا عاملته بعدها وحش حتي اني  
استأذنت ومشيت بسرعه ومكنتش اقدر اعمله حاجه لان فيه بعض  
الدكاترة ممكن تضعع مستقبل طلبه بس عشان عاملوهم وحش انا  
اشتكت لربنا منه وعقابه عند اللي خلقه ويمكن الموقف ده حصل  
عشان اخذ بالي بعد كده و احط حدود في التعامل معاه .. اما حسناء  
فهي عمرها ماكانت صحبتي ابدااا والله اعلم سبب كلامها عني بس  
اكيد ربنا هيقتصلي منها واكيد هعرف غرضها ايه من الكلام ده

شعر مالك بشئ يتحرك داخله بعد حديث وتين، وأعجب كثيراً  
بنضجها الفكري وحكمتها، فابتسم برقة لهذه الفتاة التي تختصر كل  
مواصفات الفتاة الصالحة !

قال عمر بقلق واضح :

- انا اسف مرة تانيه ياوتين ارجو انك ما تكونيش اخدتي مني  
موقف انا فعلا مكنتش اقصد حاجه ومع ذلك غلطت غلط كبير

اوي اني مجتش قولتلك من الاول لولا كلام مالك يمكن مكتتش  
حسيت بالغلط بتاعي

نظرت وتين باسمه تجاه مالك وكأن عينيها تشكرانه على ما فعل،  
فرد عليها بإبتسامة أكثر ودًا، وأغمض عينيه كرسالة على تفهمه،  
فعادت بنظرها إلى عمر قائلة :

- اعتبر ان مفيش اي حاجه حصلت وكأننا لسه متقابلين النهارده  
ياسيدي

ثم مدت يدها ضاحكة، قائلة :

- انا وتين !

مد عمر يده مصافحًا إياها، وهو يبتسم ابتسامة واسعة :

- وانا عمر تشرفت بمعرفتك تقدرني تقولي لي يا عمر وانا اقولك  
حضرتك عادي

ضحك مالك بقوة، قائلاً :

- وانا مالك تشرفت بمعرفتكوا انتوا الاتنين

ضحكوا ثلاثتهم بمزاح، ولكن ودعتهم وتين كي تنضم لأسرتها  
من جديد فأقرب منها أدهم وتوائل بفضول،

أدهم بنظرات فضولية :

- فيه حاجه يا وتين !!

خشيت وتين أن تحكي لأخيها ما حدث في الجامعة كي لا يتصرف  
بجنون مع من حاول تشويه سمعتها، فكتفت بقولها أنهم قد أتوا  
للإطمئنان عليها فقط، فهز رأسه مبتسمًا، وأحضر سيارته أمام المبنى  
وركبوا داخلها متوجهين للمشفى

ركب مالك سيارته وصورة وتين وهي تضحك لا تفارق عينيه،  
كم أحب تلك الضحكة الرقيقة التي أصدرتها وأحب حكمتها  
وهدوئها وتصرفها السليم، وبدأت المشاعر تتحرك داخله شيئاً فشيئاً،  
ولكن حضرت صورة كارمن الفتاة التي أحبها أكثر من أي شيء آخر  
وجرحته بصورة أكبر، فطرد تلك المشاعر البدائية التي تنمو داخله أو  
خبأها، حتى لا يتكرر ما حدث معه مرة أخرى ..

\*\*\*

شعر كال بسخافة الطلبات المقدمة من جميع أنحاء العالم ! كانت  
جميعها غير صالحة بتأاً للمهنة الخاصة بذلك المشروع الذي سوف  
يغير مصيره هو وصديقه لشئ أكبر، فقرر نشر الطلب بشكل أوسع  
حتى يصل إلى العالم الشرقي أيضاً وجميع أنحاء العالم، وهو يأمل بأن  
يجد مراده ....

دعاه ستيف إلى غرفة الصيانة بشكل عاجل، فنزل كال سريعاً  
حيث تلك الغرفة الضخمة الخاصة بتحكم المشروع، حيث يعمل  
العديد منهم بها منذ ثمانية أعوام كاملين، فنظر إلى ستيف بتعجب.  
كال بشئ من الدهشة متسائلاً :

- ما الأمر ستيف، لم تتعرق الي هذا الحد ! أوجد خطباً ما ؟!  
قال ستيف بنبرة متلثمة :

- لقد .. لقد دخل فيرس إلى برمجة برنامج اليلزر ولا نستطيع  
التحكم به !

صدم كال بشدة مما سمع، ونظر إلى الشاشة بأعين جاحظة، وهو  
يتصبب عرقاً هو الآخر

كال بصدمة :

- يا إلهي ! كيف حدث هذا؟! قد يشكل هذا سقوط المشروع  
بأكمله، لا لن أسمح بذلك ستيف !

قال ستيف بنبرة مرتعدة :

- ما العمل يا صديق؟! أسوف ينتهي كل شيء؟

كال غاضبًا :

- كيف تقول ذلك ستيف؟! نحن نعمل على هذا المشروع منذ  
عشر سنوات ! مستحيل أن ينتهي مهما حدث .. سوف أعمل على  
الخلل، حتى أصلحه فقط ادعمني ستيف.

قال ستيف بحزن بليغ :

- حسنًا يا صديق .. أعدك أن أبذل جهدي حتى نستطيع إصلاح  
الخلل، ساعدنا يا الله.

عمل كل من ستيف وكال ل ٤٨ ساعة متواصلة، حتى استطاعوا  
إستعاده معظم البرمجـه تقريبًا، ولكن لم يستطعوا الحصول عليه بالكامل،  
ولكن ما توصلوا إليه مُرضي كي ينجح المشروع بأمان !

\*\*\*

دلفت ياسمين لمدير مكتبها ..

ياسمين بلهجة جدية :

- اتفضل يا استاذ هيثم ده الفاكس الي وصل الصبح من شركه  
( Just Imagin ) انا دخلته في بيانات الشركه ومن خمس دقائق كده  
بدأ الفاكس يوصل لكل الشركات ودور النشر تقريبا و أكدت طبعاً

اسم الشركة بتاعتنا من خلال الإعلان بدعمها الكامل للرحلة علي  
حساب اصحاب الشركة الامريكيه زي ما مكتوب في الفاكس

هيثم بنبرة سعيدة :

- هایل یا یاسمین برافو علیکی کده كله تمام ! واوعدك اذا تمت  
الصفقه دي علي خير ده هیکون لیه عائد كبير ليكي بمكافئه ماديہ  
مناسبة لجهودك

یاسمین بابتسامه راضیه :

- میرسی علي ذوق حضرتك یافندم انا ما عملتش حاجه ده شغلي

هيثم مضيئاً بامتنان :

- ده اكيد بس برضه احب أكذلك بأنك مكسب كبير اوي  
للشركه بعلاقاتك وخبرتك في المجال ده اتمني انك ما تضطربش  
تسيبي شغلك ابداا

قالت یاسمین بنبرة هادئة منمقة :

- أكيد بدعم حضرتك هكمل انا بحب شغلي جدا وان شاء الله  
هستمر فيه ، بعد اذن حضرتك عشان ما اعطلكش

هيثم بابتسامه عذبة :

- اكيد اتفضلي

خرجت یاسمین وعلى وجهها ابتسامه عذبة، سريعاً ما  
تلاشت حينما رأت ذلك الشخص البغض الذي تكرهه من كل  
قلبها يقف أمامها بابتسامته الخبيثة، يطالعها من وراء نظاراته  
القائمة، ويديه في جيبي بنطاله القماشي الخاص بالبدلة السوداء

الباهظة، فتجاهلت ياسمين وجوده وتحركت صوب مكتبها وهي متجهمة الملامح، ولكن ما أن مرت بجواره حتى أمسكها من يدها بقوة فتوقفت، وطالعه بنظرات مشتعلة من الغضب ياسمين بغضب مشتعل :

- ايه الي بتعمله ده يا بني آدم انت !! انت ازاى تتجرأ تعمل حاجة زي كذا !!

قال باسم بابتسامة متهمكة، وهو يخلع نظراته الشمسية :

- ايه ده ايه ده !! القطه بقت بتخربش ابيه .. لأ بجد شابووو

نظرت له ياسمين بتهكم، وهي تنزع يدها بالقوة :

- الي يعرف واحد زيك لازم يخربش ويأخذ حقه من بوقك غصب عنك يا مجرم يا قاتل

نزعت ياسمين يدها بالقوة من يده ونظرت له نظرة تهكم أخيرة، وغادرت سريعاً فضحك باسم الشافعي ضحكة شيطانية خبيثة، وارتدى نظراته مرة أخرى قبل أن يتوجه لمكتب المدير لإنجاز عمله معه ....

وصلت ياسمين مكتبها ودفنت رأسها بين كفيها وهي تتنفس بعمق وشعرت بالنصر لأنها ردت عليه إهائته لها، ولكنها تعرفه جيداً، لن يتركها بعد أن وجدها لذلك أخرجت هاتفها سريعاً دون تردد، وعبثت في أرقامه ثم وضعتة على أذنها في انتظار مضطرب.

ياسمين بتوتر :

- ألو ... مالك ممكن تحيلي علي الشركه ضروري !! ارجوك يمالك علطول !

كان مالك مازال مع عمر على الطريق فغير اتجاه السيارة سريعاً  
بعد مكالمة ياسمين له، وشعوره بالتوتر من صوتها

عمر بتعجب شديد :

- ايه يا عم انت رايح فين كده ! انت مش قولت هتغديني !؟

قال مالك بجدية وهو قاطب جبينه :

- غدا ايه بس دلوقتي ؟ ياسمين كلمتني وقالتلي تعالي علي الشركه  
ضروري وكان صوتها مخنوق مش عارف ليه ؟

فكر عمر لدقائق، ثم نظر إلى مالك سريعاً وعينيه جاحظتين :

- ليكون آآآ

قال مالك سريعاً بغضب جم :

- أكيد هو .....

\*\*\*



## الفصل الخامس

انطلق مالك سريعاً تجاه شركة السياحة الخاصة بأخته الصغرى ياسمين، بعد محادثتها المقلقة، وما أن وصل حتى ترك السيارة لعمر كي يصفها، وانطلق كالرمح داخل الشركة تجاه مكتب ياسمين ..

خرج باسم من غرفة المدير بكبريائه المعهود وودعه، ثم أرتدى نظاراته وهو يتوجه لغرفة ياسمين بخطوات واثقة، وما أن أمسك بالمقبض الخاص بالباب حتى وجد من يسحب يده ويقف ليسد عليه الطريق ..

باسم بإبتسامه خبيثة، وهو يخلع نظاراته ببطء:

- أبو نسب ازيك ياراجل عامل ايه ؟!

رد عليه مدعيًا الهدوء :

- بخير ياطليق اختي !! انت اخبارك ايه ؟ أتمني ماتكونش كويس

قهقهه باسم وهو يقول :

- أحب ازعلك واقولك انا في احسن حالاتي والله ياابو نسب

قال مالك و صبره ينفذ، وهو يضغط على الحروف :

- ياخسارة ! بس علي العموم فرصه للاسف مش سعيده واتمني  
ما تتكررش تاني ! أظن فهمتني

- هي القطه اتصلت بالبطل عشان يجرسها من الأسد ! طول  
عمري مسيطر علي الكل بس سايبكوا تاكلوا عيش في البلد بس  
هاهاهه ، قال باسم بسخرية:

- هاهاهه ضحككتني ! بس خد بالك بقا عشان ممكن تكون ما  
تعرف المعلومه دي !.. ان الأسد ده نوع من أنواع القطط بس حسه  
عالي ع الفاضي وعاملينله قيمه في حين أن حته رصاصه قد كده هنا  
ممكن تخرسه باقيه عمره .. قالها مالك وهو يضغط جبهة باسم  
بأصبعه السبابه

باسم بنظرات ذات معنى :

- و ده بقا اعتبره تهديد ولا ايه !!

قال مالك بسخرية :

- طول عمري اقول عليك أبو المفهوميه كلها ! أديك وصلت يا  
حلو فخد بعضك وامشي عشان ليا مزاج حلو اوي اني اصطاد بقالي  
فترة مش عارف ليه !!

أرتدى باسم نظارته ، ورحل غاضباً من المكان لأن مالك  
لمس فيه نقطة ضعفه وهي فويياه الأبدية من صوت إطلاق النار  
دلف مالك إلى مكتب أخته، ففزعت من مكانها ظناً منها أنه  
باسم، ولكن ما أن رأت مالك حتى تنفست الصعداء، قامت من  
مكانها تركض كأنها تسابق الزمن وتوقعته داخل ذراعي أخيها،  
وهي تأن في ألم وخوف .. كان عمر على وشك الصعود حينما اصطدم

بإحدى الفتيات التي كانت في طريقها للخارج، فأمسكها من ذراعها وأعتذر منها

عمر بنيرة مهذبة :

- انا بعذر جدا ااا مكنتش اقصد

اتسمت مكة بعذوبة :

- ولا يهكم ما حصلش حاجه بس انا ملاحظه انك متوتر جدا وعصبى هدى حالك مفيش حاجه مستاهله

نظر لها عمر بتعجب، قاطبًا جبينه :

- وانتی عرفتی ازای! هوباین علی وشي اوی کده!؟

ضحکت مکہ وہی توضیح :

- لا ده بس بحكم شغلي فبمشي احلل حياة الناس و حالاتهم!

تسائل عمری بلاهه :

- له يعنى ! هو انتى بتشتغلى فى المخابرات

ضحكت مكة بشدة، وهي تضع يدها على فمها، ضحكة عذبة  
أحبها عمر :

- اکید لا .. احب اعرفك بنفسی انا مکة الشیمی طالبه علم  
نفس بس عندي زي ما يقولوا فراسه عاليه وبقدر احلل خطوط  
وش الانسان واعرف هو بيفکر في ايه ! وبشغل بقالي ستين مساعده  
دكتور نفساني بس تقريبا یعنی انا الی بشتغل مش هو

رفع عمر حاجبيه وهو يطالعها بدهشة :

- للدرجه دي ! ما شاء الله .. انا عمر طالب في كليه ألسن تشرفت  
بمعرفة حضرتك

ابتسمت مكة، وتساءلت بفضول :

- انت كمان جاي عشان الوظيفة صح !!

عمر بعدم فهم :

- وظيفة ايه ، انا مش فاهم حاجه؟!

أخرجت مكة ورقة إعلان خاصة بالشركة عن وظائف لشركة  
اجنبية لمدة ٤ شهور، ويتطلب مترجمان، ومحللة نفسية ، ومهندس  
إلكتروني فذ، ومهن أخرى، كما أن الراتب والجوائز مدهشة، فُصِّدَ  
عمر لعدم إخبار ياسمين له بذلك

مر بشئ من الإعجاب :

- وaaaaاوبجد دي فرصه العمر بس ازاى ياسمين الي ناشره الاعلان  
وما قالتليش !!

قالت مكة بهدوء :

- لانه تقريبا لسه نازل من حوالي ربع ساعة وصديقتي  
بتشتغل هنا قالتلي عليه ! بس انا كنت قريبه من هنا فقولت  
اتقدم عشان الأسبقية بس واتمني بجد انك تغتنم الفرصه دي كمان

قال عمر بإبتسامة راضية :

- اوعدك هفكر في الموضوع

كان عمر يتحدث مع مكة حينما لاحظ باسم يخرج من الشركة  
وهو غاضب بخطوات سريعة، فاستشاط غضباً وتوجه تجاهه وأمسكه

من تلايبيه وهو ينظر إليه مباشرة:

- انت ايه اللي جابك هنا ! ايه مش كفايه اللي عملته لحد النهارده  
ولا حابب ان حد فينا يدخل السجن في واحد ملوش قيمه زيك كده ..  
نزع باسم يد عمر من ياقته ونظر له بتهكم، قائلاً :

- بس يابابا العب بعيد يا شاطر

استشاط عمر غضباً، وأطلق كفه نحو عنق باسم وأقبض عليه  
بكامل قوته وهو يطالعه بنظرات مميتة، فرأت مكة ملامح عمر  
تتحول إلي الجمود والمثابرة، فعلمت أنها إن لم تتدخل فسوف يقتل  
ذلك الشخص بالتأكيد لذلك، أطلقت قدميها تجاههم وأمسكت بيد  
عمر، وهي تقول بحكمة :

- هو كده كده خايف بلاش انت تزودها عليه يا عمر باللي انت  
بتعمله ده انت بتقاتل واحد ضعيف ودي مش من شيم الرجاله  
الصراحه نزل ايدك وانت الكسبان

شعر عمر بصدق كلامها من بوادرا الاختناق التي تظهر على وجه  
باسم، وهو بلا حراك ودون أن يدافع عن نفسه من الأساس، فتعجب  
عمر من أن كلامها قد لمس داخله، فأنزل يديه فوراً، فور نوبة السعال  
المتواصل التي دخل فيها زوج أخته السابق، ونظر عمر لمكه فرأى  
في عينيها لمعة غريبة، ربما كانت دموع جذبتة بشدة، فابتسمت له.  
مكة، بابتسامة خافتة :

- صدقني يا عمر مش مستاهله انك تضيع عمرك عشان حد ..  
ربنا مستحيل يقبل بالظلم وانت كده بتتهم ربنا بالظلم لما تقرر انت  
تطبق العدل بايدك

ابتسم عمر وقال بعدوبة :

- انتي جتيلي منين !!

مكة بنظرات توحى بالعمق والصدق وهي تشير إلى رأسه، قائلة :

- من عقلك

ودعته مكة وهي تبتسم تلك الابتسامة المريحة، وتخطت الطريق بسرعة وتلاشت بين الناس، وهو ينظر تجاهها حتى فقدت عينيه أثرها بين الحضور، فأغمض عينيه في تفكير ووجهه يتزين بتلك الابتسامة السعيدة، ثم رفع عينيه مرة أخرى علّه يراها فوجد يد تظهر من بين الحضور لشير له بالوداع، أو ربما خيل له ذلك فرفع يده كي يرد السلام ولكن سريعاً ما أنزلها وضرب رأسه بخفة قبل أن يلتفت ويخطو إلى الداخل، بعد أن رحل باسم سريعاً تجاه سيارته وهو يتوعد بشدة لهؤلاء الأثنين ..

\*\*\*

خرجت وتين من غرفه الأشعة وهي تعيد ترتيب شعرها من جديد، ونظرت تجاه أمها وهي تبتسم لتطمئنهما، وأتجهت لتجلس بجوارها في أماكن الانتظار .. وقف أدهم أمام غرفة الأشعة ينتظر النتيجة، وما أن حصل عليها حتى أجه إلى الانتظار، وأخذ وتين معه واتجه إلى عيادة الطبيب ..

دلف أدهم وتين إلى حجرة الطبيب دفعة واحدة، ظناً منهم أنه ينتظرهم كما أخبرهم فوجدوه يجلس في وضع لا يليق مع إحدى الفتيات، فتحنح أدهم وأطرقت وتين عينها للأسفل في حرج، ووقفت خلف أخيها، فأرتعد الطبيب ووقفت الفتاة سريعاً من على قدمه، وقالت في حرج :

- اوك يادكتور سامر انا هعمل اللي انت قولتلي عليه وهبقي  
اجيلك وقت تاني

قال الدكتور بلهجة خبيثة :

- اوك يانسو عبير خدي بالك من صحتك كويس واشوفك وقت  
تاني تكوفي احسن من كده

ابتسمت عبير وخرجت بكبرياء وهي تطالع أدهم بنظرات مليئة  
بالإنوثة والاغراء، ألتقطتها عين وتين واشمئزت منها ومن ذلك  
الميكاب الصارخ الذي تضعه على وجهها، وأدارت وجهها في الاتجاه  
الآخر ! .. تردد أدهم في عرض أخته على هذا الطبيب المخل، ولكنه  
تراجع عن الفكرة لوجوده معها فمد يده بالأشعة تجاه الطبيب وهو  
مازال يحتفظ بأخته خلفه.

الدكتور سامر بتوضيح :

- المريضه اللي عندي كانت بس اتخبطت في راسها وانا كنت  
بشوف الجرح من قريب وكان لازم حضرتك تخبط قبل ما تدخل  
أدهم بتهكم :

- اللي حصل حصل يادكتور حضرتك دي حريتك الشخصيه وانا  
مليش اني اتدخل فيها انا بس عاوز اطمئن علي اختي مش اكر

أخرج الطبيب الأشعة ووضعها في المكان المخصص لها ثم قام  
بإضاءة اللوحة، وأخذ يطالعها بتركيز وإهتمام لبضع دقائق، وأدهم  
قلقه يتزايد ويشعر بالخوف على أخته الوحيدة.

قال الدكتور سامر بعد فترة صمت، وإن طالت قليلاً :

- اتفضل اقعد يا استاذ والانسه تقدر تتفضل علي السرير علشان  
افحصها

أمسك أدهم بيد، أخته قائلاً :

- حضرتك هي راسها بس الي اتخبطت فملوش داعي السرير

ثم جذبها من يدها ووضع كرسي بجوار المكتب قريب من  
الدكتور، ففهم الطبيب سبب فعله ذلك ونظر له بتهكم وأقرب  
من وتين بعد أن أرتدى نظاراته الطبية، وأمسك برأسها فأمسكت  
وتين بيد أخيها على الفور، فقبض هو على يدها كي يثبتها الأمان  
.. نزع الطبيب الضمادة عن رأس وتين، وأخذ يطالع الجرح بإهتمام  
وهو يوزع نظره بين الأشعة والجرح وعينيها أيضاً، وأحياناً إلى  
رسم المخ المسجل أمامه حتى انتهى، وما إن انتهى حتى أرجع  
ظهره للخلف وعلى وجهه علامات دهشة مفرطة، وظل وهلة  
على هذا الوضع وكأنه قد أجمته الحالة، وعندما مديده ليأخذ  
القلم من أسفل هاتفه، أختل توازن الهاتف على سطح المكتب،  
وكاد أن يسقط أرضاً ليتهشم لأجزاء، ولكن يد وتين كانت الأسرع  
في التقاطه قبل أن يسقط رغم المسافة التي كانت تفصلها عنه،  
وأعطته إياه، فنظر لها الطبيب سامر بنظرات ذات معنى وعيناه  
تلمعان بتعجب، فبعث نداء إلى ممرضة كي تعيد تغيير ضماداتها،  
ووقف الطبيب مع ادهم عند زاوية العيادة بعيداً عن وتين.  
الطبيب سامر بإهتمام :

- بص يا حضرت انت تقدر تعتبر الي حصل لأختك ده معجزة  
! لأن انا اول مرة بجداشوف حاجه كدا بس هو ان كان حصل فده  
امر غير طبيعي ابدا



شعرأدهم بإنقباضة في قلبه، وقال سريعاً :

- قلتني يا دكتور ارجوك صارحني بالحقيقه كلها دي اختي  
واغلي حاجه عندي

ابتسم الطبيب وقال :

- انا مش بقول كده عشان اقلقك بالعكس .. بص الي حصل  
ان مفروض الخطبه دي كانت تفقدها بصرها تماما وتأثر علي جهاز  
الاتزان بتاعها فده كان هيادي لكارشه بكل المقاييس .. بس الي  
حصل معاها انا مش هقدر اسميه غير معجزة !

نظرأدهم بعدم فهم إلى الطبيب، فابتسم وربت على ذراعه وأكمل :  
- انا عاوزه اسأل حضرتك سؤال ! هي اخت حضرتك كان  
نظرها ضعيف قبل الحادثه يعني كانت بتلبس نضارة !!  
قال أدهم بتلقائية :

- ايوا هي مفصله نضارة بس مش بتلبسها خالص وهي فعلا  
مش بتشوف من بعيد

ابتسم الطبيب وقال :

- طيب هي اخت حضرتك اسمها ايه !!

قال أدهم بتعجب :

- اسمها وتين

فقال الطبيب بعد ان أخذ البروش الذي يزين معطفه، ورفعته إلى  
أعلى :

- آنسه وتيسيين ! هو البروش ده بتاع حضرتك

فنظرت له وتين من على بعد، وقالت بثقة :

- لأ طبعا ، بس ده مكتوب عليه اسم المستشفى

فغر أدهم فمه، وجحظت عينيه وكذلك تعجبت وتين وأخذت تفكر في الأمر كيف تحسن نظرها إلى هذا القدر، وظنت أنه ربما حدث ذلك قبيل الصدفة، وأكملت تضميد جرحها

نظر الطبيب إلى أدهم، وهو يتسم بتعجب :

- صدقني ده برضه كان رد فعلي ! آنسه وتين مش بس نظرها التحسن لأ دي كمان ذكائها بقا حاد جدا وحضرتك لاحظت ازاي هي بسرعه مسكت التليفون قبل ما يقع رغم ان المسافه بينها وبينه مكتتش صغيره وانا تعمدت اوقعه .. وظائف مخها بقت بتشتغل بكفائه كبيره واضح انها مش بتتعرض لأي ذبذبات او اي حاجه تغير اشارات المخ عندها عكس شباب اليومين دول الصراحه التليفون والانترنت وده اكبر سبب لتآكل شبكيه العين وغير الذبذبات اللي بتدمر خلايا المخ واحب اقولك ان ذاكرتها التحسنت برضه بصورة كبيرة جدا وده ظاهر في رسم المخ قدامي .. فالصراحه دي تعتبر حادثه السعد زي ما يقولوا والجرح ده هيفضل علامه لتحول حياتها للافضل

تعرق أدهم بشكل ملحوظ وهو ينظر لابتسامه أخته، وشعر بالغبطة من أجلها :

- انا حاسس ان انا بحلم بجد !

قال الطبيب سامر بابتسامه :

- أحيانا يكون كرم ربنا فوق ما نتصور أو ممكن يكون كل ده حصل لسبب ربنا وحده أعلم بيه

ابتسم أدهم وهو يفكر في الأمر، وشكر الطبيب وأقرب من وتين وهو يمسخ على رأسها بحنو، ويتسم لها فاطمئنت من نظرات أخيها أنها بخير، وأعادت له ابتسامته وعينيها تلمعان بسعادة، وما أن أنهت الممرضة تضميد الجرح حتى أمسكت وتين يد أخيها وخرجوا من العيادة حتى وجدوا أمهم تجلس في انتظارهم  
عبله باهتمام بالغ :

- قالك ايه الدكتور يا أدهم !!

ابتسم أدهم وهو يستعيد كلام الطبيب في رأسه :

- ما تقلقيش يا ست الكل الدكتور قالي انها بقت احسن من الأول

\*\*\*

نظر مالك إلى أخته التي تنتفض بين ذراعيه وهي تأن من الألم والخوف، وابتسم لها ليبثها الإطمئنان، ونظر في عينيها مباشرة وأطلق شفتيه لتقول :

- ما كان للأسد يومًا شبلاً ضعيفًا، وإن الشبل في وجود أباه للأسد غضوب يهابه كل الكلاب، وفي غياب أباه تظل الهيبة تظهر في ملامحه جليلة، فمن شابه أباه تهابه حتى الذئاب.

ابتسمت ياسمين فهي منذ مدة لم تسمع من أخيها مثل هذا الشعر المرتجل الذي يبرع دائمًا في تضميد جراحها والإدلاء بما تشعر به تمامًا، فقالت بشبح ابتسامة :

- ربنا يخليك ليا يا مالك مش عارفه من غيرك كنت هعمل ايه!  
انت بجدا ابويا مش اخويا

ابتسم مالك، وقال بمداعبة وهو يحتضنها بشدة :

- بنتي ضنايا هههه

فتح عمر باب المكتب بشكل مفاجئ، وقال بتمثيل وصدمة مصطنعه :

- ايه ده ! ايه اللي بيحصل ده ؟ ليه ياربي كده ليه !! ياسمين مع  
مالك ! آه يا قلبي آآه

قالت ياسمين ضاحكة :

- ايه يابني اللي بتقوله ده !

قال عمر بنفور :

- اسكتي ياخاينه ! دفعلك كام عشان تحضنيه قووولي !!

قال مالك ببرود :

- ٣ آلاف جنيه في الشهر

قال عمر بصدمة :

- كام؟! طب ما تجيبهم وانا احضنك وابوسك كمان هو انا مش  
قد المقام ولا ايه !

أزاح عمر ياسمين بعيداً عن مالك وقام بإحضانه، قائلاً :

- وسعي شويه لو سمحتي ! اخويا حبيبي ..

ضحكت ياسمين من قلبها وهي تطالعهم وهي تذرف الدموع  
من الضحك، فأزاحه مالك بقوة قائلاً :

- لو سمحت وسع كده ! انا ماليش في الكلام ده

قال عمر ضاحكًا، متصنِّعًا الدلع :

- اخص عليك يا قاسي .. جاك خابط

لم تقوى ياسمين على الوقوف أكثر من الضحك، وتهاكت على أقرب مقعد، وهي غارقه في الضحك عليهم فاقتربوا منها وهم يركون أصابعهم في وضع الدغدغة، فانتفضت سريعًا واقفه على المقعد تحذرهم من أن يفعلوا ذلك.

ياسمين بخوف محذرة :

- لآ لآ او عوا احنا في الشركه يا مجانين

نظر كل من مالك وعمر لبعضهم ونظروا حولهم فقال مالك بصوت غامض :

- تصدق صح !! هات الجئه وحصلني

نزل مالك كي يحضر السيارة واقترب عمر من ياسمين وحملها بين يديه وهي تضحك بقوة علي ما يفعله أخيها، وما إن خرجوا من المكتب حتى رأى عمر أحد الموظفين ينظر إليه بتعجب، فنظر له عمر وهو يضغط على عينيه، وقال بلهجة سريعة لا يستطيع أحد فك رموزها :

- الظابط المقدم الدكتور احمد بشاي روح ع شغلك يا استاذ اتحرك ايه الي موقفك كده

قام الموظف بأداء التحية العسكرية بفزع وهو يركض :

- تمام يا فندم

ثم ركض سريعاً تجاه عمله، فضحكت ياسمين وتنحى عمر  
بخشونة متباهياً بنفسه، وخطى سريعاً وهو يحمل أخته تجاه الأسفل  
ووضعها في سيارة مالك، وانطلقوا جميعاً تجاه الملاهي المكان الذي  
تعشقه ياسمين !

\*\*\*

وقف أدهم على شباك التذاكر ليقطع التذاكر الخاصة بالملاهي  
من أجله هو ووالدته، وتين وقطعهم وخرج بعد عناء طويل أمام  
زحام شباك التذاكر، لوحته له وتين فأتى سريعاً إليهم وصدره  
يصعد ويهبط بشكل كبير.

- عفارم يابطل ما يجيها الا رجالتها .. قالتها وتين وهي تربت  
علي كتف ادهم بكل قوتها

أدهم وهو يضيق عينيه ويزيح يدها :

- انا ناقصك ياختي اوعي انا فقدت صحتي كلها جوه

ضحكت وتين ولفت يدها حول يد أخيها قائلة :

- اخيه ع الرجاله او مال العضلات دي جت منين شكلك بتضرب  
حقن ياشق ضحك أدهم وسحب يده و ضغط بأصابعه على خدها  
وهو يقول بتأنيب محبب :

- يخربيت اللماضه الي في الدنيا . عارفه ياوتين لو ما لميتي لسانك  
ده هعمل فيه ايه هقصه بالمقص

وضعت وتين يدها على فمها، وأغمضت عينيها سريعاً، فضحك  
أدهم وقال بمزاح.

- انا بقول هقطعلك لسانك بتغمضي عينك ليه

ففتحت وتين عينيها سريعا ونظرت لأخيها وهي تضحك وتعبث  
بشعرها :

- اه صحيح ايه الهبل ده

- قال الدكتور يقولي اختك بقت ذكيه مفيش اغبي من كده  
الصراحه .. قالها ادهم وهو يحثها علي السؤال بما اخبره به الطبيب  
- ايه ايه ! دكتور اي .... لم تكمل وتين حديثها حينما قال ادهم  
بتعجب :

- مش دول مالك وعمر !!

ألفتت وتين إلى حيث ينظر أخيها وابتسمت حينما رأت مالك  
ينزل من السيارة وهو يرتدي نظارته الشمسية وعمر يدلف خارج  
السيارة، وهو يحمل فتاة بين يديه مما أشعرها بالفضول لمعرفة هوية  
تلك الفتاة فلوحت لهم بيدها.

وقف مالك خارج السيارة وهو يضع هاتفه في جيب بنطاله  
وأغلق السيارة ما إن نزل عمر، وهو يحمل ياسمين بين يديه كما  
أحضرها، فقالت ياسمين بتبرم :

- علي فكره انا اختك الكبيرة يا استاذ عمر يعني عيب كده هو  
مش عشان ربنا اداك شويه طول انت ومالك تحسني اني الصغيره لأ  
انا الكبيرة حضرتك  
ضحك عمر قائلاً :

- كبيره ايه بس اقعدني انا ما اديكش ١٥ سنه اصلا وبعدين  
محدث يقول لكارما اننا خرجنا لتنسفنا كلنا





لم يرد مالك أو ينتبه لما يحدث حوله وتقدم بحماس ومن خلفه  
ياسمين و عمر إلى أن وصل لموقع وتين، فابتسمت وقالت بود :

- ازي حضرتك يا بشمهندس

ابتسم مالك والفرحة تملأه :

- ازيك يا لسااااا... آآ اقصد ياوتين

تسألت وتين بحيرة :

- لسان !!

تدخل عمر في الحوار ضاحكًا :

- طالما قالك يا لسان يبقى انتي قولتيله يا بشمهندس ، بيتريق  
ياستي عشان احنا هنبقى خريجين كليه السن

ضحكت وتين بود ونظرت إلى ياسمين التي ترافقهم نظرات  
حب استطلاع كما تبادلها ياسمين نفس النظرات، ألنقط عمر تلك  
النظرات

- دي ياستي ياسمين بيقولوا عليها أختي الكبيرة بس زي مانتي  
شافيه كده

ضحكت وتين قائلة :

- بصراحه هي طبييعه جدااا انت الي طالع مش عارفين رايع ع  
فين بالطول ده

ضحكت ياسمين بانتصار وهي تمد يدها لتصافح وتين:

- اخيرا يارب حد نصفني في العالم ده .. ازيك ياوتين عامله ايه !

ابتسمت وتين وصافحتها :

- انا تمام الحمد لله، تسلمي.

نظر مالك للقبعة التي ابتاعها لوتين والتي تتماشى بحرفية مع لون عينيها الزيتونية تحتل أعلى رأسها، وقال بلهجة مليئة بالحنو :

- الجرح عامل ايه دلوقتي ياوتين !!

ابتسمت وتين بخجل وقالت بهدوء :

- تمام يا بشمهندس الحمد لله

قال مالك برجاء :

- لو انتي نسيتي اسمي فانا اسمي مالك بلاش بشمهندس دي  
والا هقولك يا لسان انا كمان

ضحكت وتين وعمر وياسمين يتطلعون عليهم وهم يتسمون و يتغامزون لنبرة مالك التي يغلب عليها الحنو والهدوء .. شعر أدهم بالضجر من تأخر وتين، وقام بالنداء عليها فألقت وهي تبسم، وهزت رأسها بالموافقة.

وتين بحماس وأريحية :

- طب اتفضلوا ياجماعه اعرفكوا علي أدهم وماما

- بلاش نرخم عليكموا خليها وقت تاني .. قالها مالك بابتسامه مرتاحه

أستغلت ياسمين الفرصة لكي تتعرف على والدة الفتاة التي أرتاح لها أخيها، فقالت بعث :

- لأبقا انا حابه اتعرف علي طنط يلا ياوتين

تعجب مالك كثيرًا من تصرف ياسمين، وابتسمت وتين قائلة :

- كده تمام يلا بينا

اقتربت وتين من أسرتها وقالت بهدوء :

- اعرفكوا بقا دي ماما عبله اللي يشوفها يقول عليها اختي الصغيره بس هي دي الحقيقه وده اخويا الكبير آدهم .. ودول بقا عمر زميلي في الكليه واخوه البشمهندس مالك ودي بقا ياسمين اختهم اللي في النص

ابتسمت عبله ورحبت، ومدت ياسمين يدها وصافحت والده وتين ومدت يدها كي تصافح أدهم فابتسم ولكنه شعر بشعور مختلف بنظرة واحدة أستطاع أن يرى حزن مخفي خلف تلك الابتسامة البريئة ..

وصل الجميع إلى بوابة أرض الملاهي، ودخلوا بالترتيب للدخل وهم يتمازحون، وياسمين لا تفارق وتين وتسألها عن حياتها وعن كل شئ آخر يخصها، ووتين تجيب بود علي أسئلتها وتنزهوا كثيرًا ولكن وقفت وتين أمام إحدى الألعاب الخطيرة، وأصرت بشدة على ركوبها، ولكن كان هناك رفض تام من الجميع.

مالك بإصرار :

- مستحيل طبعاً انتي راسك مجروحه ودي خطر عليكى

قالت وتين بإصرار أكبر :

- مليش دعوة عاوزه اركبها لازم لازم

أدهم فاقد الأمل :

- ما تحاولوش مهما عملتوا العرق الصعيدي لما بيطلع بيطلع  
وتهعمل الي هي عاوزاه

قالت عيلة، بعد جدال كبير :

- خلاص اركبي وادهم يركب معاكي

صرخ أدهم قائلاً :

- نفععععععم ! ألا أأه ليه لأبس انا يعني مليش مزاج اركب  
اللعبة الي بتقلب البني آدم فوقه تحته وتلف علي بعضها ... انا مش  
خايف بس مش عاوز يعني

حاولت وتين إخفاء ضحكتها، ولكنها لم تستطع فضحكت بشدة،  
فنظر أدهم أرضاً وهو يعبث بشعره، فقال عمر أنا هركب ونظر  
مالك إلى وتين قائلاً : وانا كمان وتراجعت ياسمين للخلف وهي  
ترفع يدها قائلة : انا مش لاعب

فابتسمت وتين للفكرة، وذهبت سريعاً قبل أن تزدحم اللعبة،  
وقطع مالك التذاكر ودخلوا اللعبة جميعاً وعمر يشعر ببعض الخوف،  
ولكنه أصر أن يتحدى نفسه، وقف أدهم وياسمين وعيلة يشاهدونهم،  
أخذ أدهم والدته ليجلسها، وما أن وصلا لمكان المقاعد حتى سمع  
أدهم صوت ياسمين وهي تصرررخ بشدة .....

\*\*\*

## الفصل السادس

تجمدت الدماء في عروق أدهم مما سمعه، وألقت سريعاً إلى المكان الذي تقف به ياسمين وكانت المفاجأة... ياسمين غير موجودة!!

في داخل اللعبة تقدم عمر وجلس جانب رجل قوي البنية كي يجتمي به في الأعلى، بينما ظل مكانين شاغرين أحدهما في المقدمة والآخر في المنتصف وكلاهما يتشاركهم الشباب فنظرت وتين بحيرة، أين سوف تجلس حينما مد أحد الشباب الذي يتشارك الكرسي الذي في المنتصف يده لوتين قائلاً :

- اتفضلي ياآنسه فيه مكان ما تفضليش واقفه ولو احتاجتي اي حاجه انا موجود ..

قطبت وتين جبينها وهي تنظر له بضيق من أسلوبه المهين، ولم تلحظ مالك الذي يشتعل غضباً خلفها، وتقدم سريعاً لذلك الذي يجلس في المقعد الأمامي وأعطاه بعض المال كي يعود ليجلس في المقعد في المنتصف، ورجع مرة أخرى ليأخذ وتين من يدها وأجلسها في المقعد الأمامي وربط الحزام حولها بإحكام، وجلس بجوارها ووجه يصب غضباً.. نظرت له وتين فعلمت من ملامحه أنها لا تستطيع أن تتحدث معه الآن فهو غاضب جداً، لذلك آثرت السكوت.

بدأت اللعبة بالتحرك حينها شعرت وتين بفداحة الأمر، إنها بالعربة الأولى أو ما أسمته « في وش المدفع »

- مستحيل كده الموضوع هيبقي اصعب .. « قالتها وتين جاحظة العينين »

قال مالك من بين أسنانه :

- ايه يعني عاوزم ترجعي تقعدي في النص؟! »

قالت وتين وهي تنزوي على نفسها :

- لا ما اقصدش بس ...

لم تكمل وتين جملتها حتى بدأت العربة بالتحرك السريع، فأمسكت وتين سريعاً بيد مالك وهي تصرخ بقوة ...

في الخلف كان عمر يصرخ بشده ويكي من الخوف وهو يمسك الرجل الذي يجاوره من ياقته والرجل يحاول إبعاده بشتى الطرق، ولكن عمر كان كمن تمسك بالقشة وسط النهر وهو ما يزال يصرخ ويكي ..

\*\*\*

وقفت سميرة هانم في الفيلا الخاصه بها وهي تعطي الأوامر لكل من يمر من أمامها لإنهاء إجراءات مؤتمر الجمعية الخاصه بها لديها في الفيلا، وقامت بفتح الهاتف الخاص بها وفتحت موقعها علي الواتس آب لترسل رسالة إلكترونية لكل من بالجمعية أنها تنتظرهم في فيلتها الخاصة، ونظرت إلى كارما ابتها التي تضع السماعات في أذنها وتهتز بشكل جنوني في الغرفة المجاورة، فتضايقت بشدة وتوجهت سريعاً تجاهها.

- كوكي ايه الهبل الي بتعمليله ده ! **It's too much** .. «قالتها سميرة وهي تنزع عنها السماعات»

قطبت كارما جبينها وهي تنظر لوالدتها وقالت :

- فيه ايه ياماما ! مانا في اوضتي وكافيه خيرى شري الله ايه ده -  
جحظت سميرة بعينيه، وقالت :

- مش ممكن الي بيحصل ده ! انتي يابنتي بتجيبى الكلام ده منين !  
**Whatever** ! اقسم بالله ياكوكي لو عملتي حركه مجنونه من حركاتك  
وانا ف ال **meeting** والله لا هيبقي فيه نادى ولا حتى مدرسه او ك !

ظلت كارما تنفخ طوال حديث والدتها، وما أن أنهت حديثها،  
حتى قالت كارما بضيق :

- خلاص يا ماما خلصتي الموشح !! ماهو اصلي انا حفظاه  
وحفظه كل الي هتقوله بعد كده تحبى أسمعلك!!

نظرت لها والدتها وهي فاغرة فمها، وهزت رأسها بتعجب  
وخرجت وأغلقت الباب من خلفها بقوة، فنفخت كارما وهي  
ترتمي علة الفراش بضيق بائن.

\*\*\*

كانت ياسمين تقف بين الحشود حينما وجدت من يجذبها من  
ذراعها بشكل مفاجئ، فصرخت وحينما ألتفتت فوجدت زوجها  
السابق باسم يسحبها من يدها بغضب، فحاولت أن تفلت من يده  
بكل الطرق ولكنها لم تستطع وظل يسحبها إلى داخل الزحام كي لا  
يراهم أخواتها ...

تحرك أدهم سريعاً خلال المكان الذي كانت تقف فيه ياسمين وهو يشعر بالحيرة والتخبط، وأخذ ينظر حوله يمينا ويساراً ويركض من مكان إلى آخر، حتى أستطاع أخيراً أن يلمحها وسط الزحام، وشخصاً ما يسحبها من يدها فركض تجاهها ووجه كتلة من الشر...

شعرت ياسمين بغضب جم ووقفت بشكل مفاجئ، وسحبت يدها وهوت بها على وجه باسم بقوة ونظرت له بغضب وقالت :

- كفايه بقا يا أخي انت عاوز مني ايه !!

- اتتي بتمدي ايدك عليا يابنت ال ..... قالها وهو يرفع يده ليهوي بها علي وجهها ولكن كانت اليد التي امسكت به الأسرع أدهم بنظرات مميتة :

- هي وصلت انك تمد ايدك علي بنات الناس لأ كده مش حلو يا وحش !

قال باسم وهو ينظر إليه من عاليه إلى أسفله :

- وانت تبقي مين يا حلو !!

قال أدهم بنبره مستهزئة :

- هو انا كل ما حد يشوف وشي يقولي انت تبقي مين !! مش لما اعرف الاول انت تبقي مين وواخدها ع فين ؟

قال باسم بثقة :

- انا أبقا جوزها ! انت بقا تبقي مين !

شعر أدهم بصدمة كبيرة وكرر :

- جوزها !!



قالت ياسمين لتزيح هذه الصدمة عنه :

- كنت !! كنت يا باشا ! خلاص خالتي وخالتك واتفرقوا لحالات  
وبطل لو سمحت تمشي ورايا في كل مكان!

نظر أدهم إلى باسم وقال باستهزاء :

- يادي الكسوف ازرع قفاك خبيزة يلا واتفضل من هنا !

- انت عاوز مني ايه عاوز تقتلني زي ما قتلت ولادي وهم لسه  
في بطني .. قالتها ياسمين باكيه

قال باسم وهو يلوي ذراع ياسمين :

- ايه الهبل اللي بتقوليه ده ! انتي مش عارفه انا مين ولا ايه! ودول  
كانوا ولادي برضه

نزع أدهم يده سريعاً ونظر له بغضب :

- اقسم بالله لو مدت ايدك عليها مرة تانيه لخليك تشحت بايدك  
دي طول عمرك !

قال باسم وهو يضيق عينيه :

- وحضرتك تبقي مين ياعم المهدد انت !!

قال أدهم دون تفكير :

- ابقا خطيبيها وفرحنا قرب جدااا

نظرت له ياسمين جاحظة العينين، وكذلك فعل باسم ثم تغيرت  
ملاحظه إلى الكره والغل، وأطبق على عنق أدهم بقوة وهو يجره  
للخلف، وهو يقول بقوة تتنافى مع جسده :

- ايه الهبل الي انت بتقوله ده ! دي مراتي والي يقرب منها اخفيه  
من علي وجه الأرض

أمسك أدهم بيده المقبضة على عنقه، وقام بحركة سريعة بنزعها  
ولويها خلف ظهره وهو يقول بقوة :

- انت اتجننت يابني ولا ايه !! بقولك خطييتي تقولي مراتي!  
وبعدين الرجاله الي بجد ما تضربش ست اضعف منهم وكمان  
تستقوي عليهم وتقتل ولادها وهم في بطنها زي الجبنه هه !

قام أدهم بالانقضاض على باسم وسدد إليه الكثير من اللكمات  
والضربات بشكل كبير، حتى بدا عليه فقدته لوعيه، فألقت أدهم  
هاتفه، وأتصل بالاسعاف وأبلغهم عن مكان باسم، وأخذ ياسمين  
من يدها وتوجه حيث كانوا يقفون، وياسمين لا تحيد ببصرها عن  
أدهم، والصدمة تعتليها !

في داخل اللعبة أخذت وتين تصرخ بقوة وهي تتمسك بمالك  
الذي يمسكها من معصمها بإحكام كي يبثها الأمان، ولكن ظلت  
تصرخ حتى بدت غير مُدركة لما هو حولها، وفقدت وعيها بصورة  
مفاجئة، فأرتعد مالك من أجلها وحاول الوصول إليها ولكن منعه  
حزام الأمان من ذلك ! وحاول أن يصرخ كي تقف اللعبة ولكن لا  
حياة لمن ينادي، وظل ممسك بها بقوة حتى توقفت اللعبة، وفك  
حزامه سريعاً وقفز من مقعده وهرع إليها وحل وثاقها سريعاً ورفع  
الشعر عن وجهها، كانت ساكنة وهادئة كأول مرة رآها بها، ففزع  
أكثر أن تكون قد تأذت، فمد يده أسفل ركبته ويده الأخرى خلف  
ظهرها وحملها وخرج سريعاً خارج اللعبة !

نظر عمر إلى الرجل الذي يجلس بجواره فوجده غاضباً بشدة،  
بعدما أفرغ عمر ما في معدته بالكامل عليه، فضغط على أسنانه،

ونظر يمينًا ويسارًا وقفز سريعًا خارج اللعبة قبل أن يهجم عليه  
الرجل ليفتك به !

خرج مالك وهو يحمل وتين فرأتهم عبلة وهرولت عليهم :  
- ايه الي حصل يا بني !! مالها وتين !

قال مالك بخوف :

- زي مانتي شايفه ياطنط ! خافت من اللعبة واغمي عليها !  
قالت عبلة فاقدة الأمل :

- مفيش فايده فيها هتفضل عناديه وبتكابر في الغلط كده علطول!  
زي باباها بالطبط

ظهرت شبح ابتسامه على فم مالك قائلاً :

- انا برضه كده بس يلا بس نشوف مايه ونفوقها ! وفين ادهم  
وياسمين !

قالت عبلة بحيرة :

- والله يا بني ما اعرف هي راحت وهو راح وراها

قال مالك بهدوء :

- خلاص ماشي يلا بينا

جلس مالك مع وتين وعبلة وحاولوا إفاقتها إلى أن استجابت  
في النهاية وأخذت والدتها تؤنبها علي ما فعلت وإصرارها الخاطيء  
ومالك لا يفعل شئ سوى أن ينظر إلى وتين وإلى كل تصرف أو حركة  
لا إرادية تخرج منها أو عنها ألتحق بهم عمر وهو يتخفى من ذلك  
الرجل الذي يبحث عنه في كل مكان كي يفتك به ! انتظروا كثيرًا

أدهم وياسمين إلى أن رآهم مالك وأدهم ممسك بيد ياسمين ويده بها  
دماء فهرول إليهم.

مالك بذهول :

- هو ايه الي حصل ! وايه الدم ده يا ادهم !

حاول أدهم أن يغير الموضوع ولكن أسرع ياسمين إلى حضن  
أخيها تبكي وتشكي على ما فعله باسم بها وكيف أنقذها أدهم من  
بين يديه فشعر مالك بالدماء تغلي في عروقه وكذلك عمر

- وديني لروح أكمل عليه ابن ال ..... قالها عمر بغضب وهو  
يتوجه إلى حيث أتى ياسمين وأدهم !

أوقفه أدهم وقال سريعاً :

- ما تهورش يا عمر .. انا اديته الي يستاهله ! يلا بينا من هنا  
ونتكلم في كل حاجة علي رواقه كده علشان فيه حاجة كده حصلت  
ولازم نتصرف فيها

لم يفهم مالك مقصد أدهم، ولكنه انصاع إلى مطلبه منعاً للمشاكل  
وأراد أن يعرف وتين على أهله، لذلك قال :

- خلاص اتفضلوا معانا البيت هناك نتكلم علي كل حاجة !

قالت عبلة بهدوء :

- طب ما تيجوا انتوا عندنا واطبخلكوا بايدي اكله حلوة كدا  
ترملكوا عضمكوا

قال عمر سريعاً :

- وانا بشجع الاكله الحلوة اه

قال مالك سريعًا :

- بس يا ض انت ، اتفضلوا معانا ياجماعه ....

توجه الجميع إلى منزل «إبراهيم الزيدي» ومالك سعيد جدًا مما حدث وللفرصة التي حصل عليها لكي يعرف وتين على أسرته وفي الطريق دق هاتف أدهم فأجاب سريعًا :

- باشا ازي حضرتك ! خير فيه حاجه حصلت !

استمع أدهم للمكالمة وأغلق الخط وعلى وجهه علامات الضيق والحزن فنظرت له وتين وتساءلت بفضول :

- ايه يا أدهم فيه حاجه حصلت !!

قال أدهم بحزن وصوت مسموع :

- المدير بيقلني انه استغني عن خدماتي ومش هيديني مرتب الشهر ده عشان احرم اضايق اللي اعلي مني !

نظرت وتين إليه وهي تضيق عينيها وأخذت تفكر لدقائق :

- وبما ان حماك هي اللي جابتلك الشغل ده وبتتها غضبانة زي مانتي قولتلي من شويه فكده الصورة وضحت !

هز أدهم رأسه بفهم ونظرة حزينة لا تفارق عينية .. كانت ياسمين على مقربة منهم وسمعت الحوار بأكمله وصدمت حينما علمت أن أدهم متزوج ومما سمعته عن ما فعلته والدته زوجته وشعرت بالأسف عليه !

\*\*\*

كانت سميرة تجلس وسط أقرانها وأصدقائها وسط الاجتماع،  
وهم يتمازحون برقي كما يفعلون دائماً ويأخذون قرارات مصيرية  
في حياة الحيوانات الأليفة بالمنزل والفيل، وهم يتناولون  
الكعك المحلى والحلويات والشراب الراقي ..

قبل أن يدخل عمر إلى الفيلا، ألفت إلى الجميع وهو يضحك  
وقال :

- بصوا بقا فيه اجتماع جوا لعواجيز المنطقه دي بس ايا كان الي  
هعمله جاروني فيه وامشوا في الموضوع وانتوا هتضحكوا من قلبكوا  
هزوا رأسهم ودلفوا للداخل، فنظر الجميع تجاه الذين يدلفون إلى  
الفيلا، فوفقت سميرة وأخذت تنظر بدونية إلى من مع مالك وعمر  
وياسمين.

قالت سميرة بغطرسة :

- ايه يا مالك مين الاشكال الي معاك دي !

شعرت وتين بالغيط مما قالته سميرة والددة ونظرت لها بغيط  
ودارت رأسها في الإتجاه الآخر ..

قال عمر بلغة حماسية وبطريقة مسرحية :

- اقدملك ياست الكل وتين خطيبه مالك وأدهم خطيب ياسمين  
ودي بقا طنط عبله حماة ولادك

ألقى عمر قبلة موقوتة أمام والدته، وأعضاء الجمعية، وكل  
من وتين وأدهم وعبله يشعرون بصدمة تعترتهم مما قاله عمر  
سميرة، بصدمة وغضب :

- ايه اللي انت بتخرف بتقوله ده يا عمر !!

نظرت سميرة حولها بخجل وهي تتلقى نظرات الاستهوان  
والسخرية من أرقى نساء المجتمع، فضحك عمر قائلاً :

- بصي هي مش خطوبه اوي يعني ربط كلام بس

قالت سميرة، بنبرة قاتلة :

- علي جثتي ! مش الاشكال دي اللي ترتبط بولاد الزيدي  
والمستوي اللي هم فيه

شعرت وتين بالضيق الأكبر، وقالت ببرود وابتسامة واثقة وهي  
تتجول في الفيلا :

- مستوي !! معلش اسمحيلي يعني مش شايفه حاجه فيها  
مستوي يعني انما لو حضرتك قصدك علي شويه العفش والسيراميك  
والاكسيسوريس والانتيكات فمعاكي حق هم فعلا مستوي ! بس  
ياتري المستوي ده بقا هيخلوا ولادك جنب بعض ودايما يحبوا بعض!  
المستوي ده هيخلي ربنا يرضي عنهم! ما اعتقدش ..

قاطعتها سميرة بغل :

- وزى مانتوا شايفين حقد الطبقات بيعمل ايه في الناس هه فعلا  
عالم حقوده

تدخل مالك قائلاً بضيق :

- ماما ! ايه اللي بتقوليه ده !

ابتسمت وتين قاتلة :

- سيبها يا بشمهندس عادي بس تصدقي انتي صعبانه عليا اوي  
! يا حرام ما جربتيش قبل كده حاجه اسمها اسرة و دفعء اسري وال  
(المستوي) قافل عينك عن كل ده

وقفت كارما تستمع لوتين على الدرج الداخلي للفيلا، وعينها  
تتسع بانبهار مرة بعد الأخرى، وابتسمت وأخذت تصفق بحرارة،  
ما إن أنهت وتين حوارها، فنظرت لها والدتها بغیظ وضيق فنزلت  
كارما الدرج وقالت :

- بصراحه انا معرفكيش بس كل اللي قولتيه صح جداااا اول مره  
حد ينصرني

سميرة بنبرة مرتفعة، وقائلة :

- كو كك ككي !

نظرت لها كارما، وصعدت سريعا إلى غرفتها وأغلقت الباب من  
خلفها، فحاول مالك تخفيف حدة الوضع :

- ايه يا جماعه انتوا سخنتوا علي بعض كده ليه دا عمر بيهزر مش  
اكثر اعرفكوا انا اقدملك يا ماما وتين صديقه عمر في الجامعه وده  
الباشمهندس ادهم اخوها ودي عبله هانم مامتها ودي يا جماعه سميرة  
هانم والدتي !

تمتم أعضاء الجمعية واستأذنوا للخروج، وما أن خرجوا حتى  
استأذنت وتين وأسرتها للذهاب، ولكن أصر مالك على بقائهم  
لتحسين الوضع بينهم، فجلس مالك بجوار والدته وقبل يدها وقال  
بهدوء ورزانة :



- صلي علي النبي كده ياست الكل الناس في بيتنا وبعدين وتين دي محترمه جدااا وانا خبطها بالعريه قبل كده ورفضت انها تبلغ عني غير اني عملتلها علامه دايمه في وشها وكمان اخوها ادهم النهارده انقذ ياسمين النهارده علشان الكلب باسم كان عاوز يخطفها  
نظرت له والدته، وقالت بغل كبير :

- والله كويس يا استاذ مالك كل دا بيحصل من ورايا وبقيتوا تحبوا عليا

جحظ مالك بعينه وقال :

- دا الي فرق معاكي يا ماما؟! بقولك كنت هتسجن واختي كانت هتتخطف وانتي تقوليلي بتخبوا؟!  
قالت والدته بتلثم :

- آا اكيد طبعاً مقصدهش بس دي حاجه ضايقتني وكنت بقولك عليها مش اكر .. حتي شوفت كوكي عملت ايه قدام اعضاء الجمعيه هكسب الاحترام بينهم بعد كده ازاي ! هي البنت ال **savage** دي السبب في كل حاجه انا لازم اطردها بره بيتي

شعر مالك بالدماء تغلي في عروقه مما تفعله والدته، فقال بنبرة هادئة وهو يضغط على الحروف :

- يبقي اسمعي بقا ياماما البنت دي انا بحبها وحابب ارتبط بيها وانتي عرفاني لما بحط حاجه في دماغي ما بتتطلعش وابقى عاملها وحش بقا او اطردها علشان اسيلك البيت وامشي شعرت والدته وكأن دلو ماء بارد صب فوق رأسها مما سمعته من ابنها لأول مرة، ونظرت له فتأكدت من نظراته من صدق ما

قاله، فأطرقت رأسها للأسفل تفكر في حلاً لترك الفتاة التي ألفت بشباكها على ابنها الكبير كما تظن

جلست وتين وأسرتها في الصالون، وجلس معهم ياسمين وعمر حتى انضم إليهم مالك وسميرة، فجلست بجوار تين وقالت رغماً عنها وهي تنظر لمالك :

- منورة يا حبيتي ! ما تزعليش اني قابلتك وحش بس انتي عارفه ما بحبش اتعرف علي ناس جديده وكده

فهمت وتين ما يجري من نظرات سميرة لمالك أنه من أرغمها على ذلك، فابتسمت وحولت نظرها تجاه مالك الذي بادها نظرات حب صريح، فخجلت ونظرت أرضاً، فابتسم مالك بسعادة وعمر يتابعهم وهو يضحك ببلاهة .. نظرت ياسمين تجاه أدهم وقالت :

- بجد انا بشكرك مرة تانيه يا بشمهندس ادهم علي الي عملته النهارده علشانني بجد بجد كتر خيرك

تنحنح أدهم وقال :

- انا الي اسف اني اضطريت اقول للبنني آدم ده انك خطيتي انا كنت عاوز ابعده عنك مش اكرت وده مكنش من حقني انا اسف

قالت ياسمين سريعاً :

- لأ طبعاً ايه الي بتقوله ده انا مقدره كل الي انت عملته وقولته مفيش اي داعي للأسف وبعدين انا دخلتك في مشكله ملكش اي دعوة بها **sorry**

وجه أدهم كلامه لمالك، وقال بجديه :

- يا بشمهندس لو حصل اي حاجه من البني آدم ده تاني ارجوك  
كلمني ، انا الراجل ده بقا ليا معاه طار ولازم اصفيه

ابتسم مالك، وربت على كتف أدهم قائلاً:

- من عنيا حاضر اهدي انت بس وكل شئ ليه حل هو مش  
هيتجراً يعترض طريقها تاني دانا سمعت انك كومتته ومعدش ينفع  
لا بطقه ولا طاق

ضحك الجميع ماعدا سميرة التي تستشيط غضباً وهي تنظر  
لوتين بكره وحقد كبير، فألتقطت نظراتها عبلة فشعرت بالضيق مما  
تكنه هذه المرأة لابنتها وماهو واضح في نظراتها، فوقفت وقالت بنبرة  
ارستقراطية :

- تشرفنا بإستضافتك سميرة هانم بعد اذن حضرتك احنا مضطرين  
نمشي دلوقتي .. علي فكره انا بنت سيد الكهلاوي باشا يعني برضه  
بنت ناس كبيرة اوي وليا نسب كبير بس عمري لا تباھيت بي ولا  
جبت سيرته لأن رسولنا حرم علينا التباھي بالنسب وولاد حضرتك  
ربنا يخليهو ملك باين عليهم متريين كويس تسلم ايدك . سلام  
عليكم

عم هدوء كبير في المكان وهم ينظرون لعبلة بزهو وفخر كبير  
للباقها ونسبها العريق، وزاد صدمتهم حينما دخل المهندس إبراهيم  
الزبيدي وهو يقول بدهشة :

- عبلة الكهلاوي !

نظرت عبلة إلى مصدر الصوت، فازدادت ابتسامتها وهي تقول :

- ابراهيم ! يااااه انت لسه عايش

ضحك إبراهيم، وقال بمرح :

- لسه دمك خفيف زي زمان والله ياعبله ! عاش من شافك

ابتسمت عبلة، وقالت :

- ما اتقابلناش من ٣٠ سنة تقريبا ، صح ؟!

هز إبراهيم رأسه وهو يتذكر تلك الأيام، أيام الدراسة ورفيقته في الدراسة - عبلة- وقصة الحب التي كانت بينهم، ولكن لم يكن لهم نصيباً في بعضهما، وافترقا كل في طريقه .. نظر المتواجدون إلى بعضهم البعض بحيرة بادية على وجوههم حتى أنهى البشمهندس إبراهيم تلك الحيرة، حيث أوضح لهم سابق معرفتهم منذ أيام الدراسة، فشعر مالك بالفرح الشديد لتلك المعرفة التي وإن كانت منفعة، فهي نافعة له بالتأكيد وأخذوا جلستهم من جديد، وأخذوا يتحدثون وسميرة تكاد تجن مما يحدث في منزلها ...

\*\*\*

نظرت عبير إلى والدتها وهي تشعر بالضيق وقالت :

- بصراحه ياماما عمر ده قفيل اوي ويقتلني طول الوقت ويحسني اني ثقيله عليه معدتش قادره استحمل

نظرت لها والدتها كريمة، قائلة :

- مستحيل يا بيري ، سميرة اختي دي معاها فلوس لو ولعتي فيها سنه مش هتخلص وفي الاول والاخر كله يصب في مصلحتك انتي .. لازم تتعلمي تاخديه علي حجرك انا اللي هنصحك برضه يا بيري دانتني مدوباهم خمسه

قالت عبير بنفور :

- بس ما مرش عليا حد زي عمر ده علطول بيزعق وييعاملني كأني  
واحد صاحبه هو اي نعم مش مقصر في حقّي من ناحيه الكادوهات  
والخروج والحفلات بس برضه انتي عارفه يامام النوع الي انا بحبه  
هو مش منهم بيتعبنني اوي لحد ما يقول اوك ع حاجه

- ودي بقا الشطارة انك تليني دماغه ساعتها زي الخاتم في صباeck  
وخدام تحت رجلك ، حاولي تسيطر عليّ بأنوئتك ! قالتها كريمه  
بدهاء وخبث

قالت عبير بتفكير :

- تفكرني ممكن تيجي معاه السكه دي !

قالت والدتها بثقة :

- والله يا حبيبتي الرجالة كلها ليها في السكه دي ! بس خدي بالك  
او عي تسلميه نفسك بسهولة خليه يلف وراكي وفي الاخر برضه  
هنعمل الي احنا عاوزينه ولا ايه يابيري

أخذت عبير تدبر الفكرة في رأسها وهي تبسم بزهو لتلك الفكرة  
التي طرحتها والدتها، وقامت سريعاً لتغير ثيابها وتوجهت إلى منزل  
خطيبها عمر قاطعة الطريق من القاهرة للإسكندرية لتقيم معهم  
بضعة أيام ...

\*\*\*

ألقت سلوى قبلة رفد أدهم من عمله في وجه سحر التي غضبت  
من تصرف والدتها، ولكنها لم تستمع للمزيد وخرجت بكامل زيتنها  
تجاه سيارتها وركبت بها، وتوجهت إلى إحدى الفلل المتطرفة في المنطقة،

وصّفت سيارتها جانب تلك السيارة الفاخرة الموجودة، وتوجهت  
تجاه الداخل بكل أنوثة، ولم تصل إلى الباب حتى وجدته يفتح  
ويطل منه زينهم مدير مكتب أدهم، وقال بلهجة تملؤها الحماس :  
- نورتي ياسوسو هانم خطوة عزيزة ..

\*\*\*

شعر كال بغضب كاسح من الطلبات المُقدّمة من جميع الدول  
أمام هذا المشروع الضخم الذي أعد له منذ وقت طويل، ونظر إلى  
ستيف قائلاً :

- العرض مُقدّم منذ وقت، وكل الطلبات المقدمة اقل ما يقال  
عنها «تافهة» !!

قال ستيف برزانة :

- ولكن لم يُقدم أي طلب من الشرق الأوسط إلى الآن، وقد يأخذ  
الأمر وقتاً !

قال كال بسخرية :

- هذا الشرق الذي أراهن عليه ! أريد الوفد الأكبر منه!  
فإستخدامهم للتكنولوجيا لايتعدى ٢٪ من الاستخدام الصحيح  
! وهو ما سوف يؤدي لنجاح مشروعى، لقد قمت ببحث  
طويل عن الدول العربية والشرقية وباللهول !، هذه الشعوب لا  
تستخدم أبداً التكنولوجيا إلا للسوشال ميديا والمواقع الإباحية  
ونسبة ضئيلة للأبحاث إن وجدت، هذا ما أراهن عليه أنا ...  
نظر له ستيف قائلاً :

- إذًا لماذا قدمت طلب بالوظائف من تلك المنطقة إن كان هذا حالهم !

ضحك ستيف قائلاً :

- لأنني أعلم أن هذا الشعب يدخر من الذكاء الكبير الذي لم يتم استخدامه بعد، يبدو لكم أن لديهم الكثير من القدرة على إثبات أنفسهم، وخصوصاً في أمور التحدي كانوا دائماً موجودين ! لذلك أعلم أن الطلبات التي قد تأتي لن تكون بالهينة، وأنا انتظرها ..

نظر له ستيف بحيرة، قائلاً :

- أنا لم أعد أستطيع فهمك كال!، أصبحت مُحيف!، ياللهول، نظراتك توحى بشر كبير !

نظر له كال، وقال بعمق :

- الأمر يتعلق بالحلم يعني الحرب، وفي الحرب كل شيء متاح.

نظر كال بزهو لذلك المخطط الموضوع أمامه، وعينيه تضيئان بشعر كبير، وأضاف قائلاً :

- لا أحد لديه الجرأة بإنهاء ما بدأت به، ومن حاول سوف أنهي حياته على الفور.

ثم اطلق زفيراً طويلاً أخرج فيه كل ما يعتل صدره من تعب وجهد بذله من قبل وهو يحاول أن يُنفذ حلمه على الحقيقة، ١٠ أعوام مروا وهو يخطط كيف يمكنه استخدام التكنولوجيا بطرقه الخاصة، كي يحقق ما تمناه طوال الوقت وحتى ستيف لا يعرفه ! رغم أنه شريكه في المشروع، أخذ كال يضحك وهو يُخيل له نجاح المشروع، ونظر لنفسه بالمرآة نظرة ثقة كان يفقدها منذ مدة.

\*\*\*

انتهت السهرة في منزل إبراهيم الزيدي، وعرض مالك أن يوصلهم ورحب أدهم بالفكرة كثيراً، خصوصاً بعد تعطل سيارته أمام الملاهي، فأخذ مالك الإذن من والده وسمح له بذلك، وودع الجميع على وعد بزيارة في منزل أدهم الأسبوع المقبل، ووافق الجميع على ذلك رغماً عن سميرة، والتي كادت أن تنفجر أثناء حديث زوجها مع عبلة وحديث مالك مع وتين طوال الوقت، ولا حظت النظرات بين أدهم وياسمين انتهت مما زادها حنقاً عليهم ...

وقف الجميع على الباب يودعون بعضهم وابتسامتهم تظهر سعادتهم باللقاء كثيراً، واحتضنت كارما وتين بشدة، ونظرت لها قائلة :

- انا حبيتك جد انا يا وتين اوعديني انا نتكلم علطول ! اديني رقمك !

نظرت لها وتين وابتسمت، قائلة :

- سوري يا كارما بس انا ماليش اي تعامل مع التكنولوجيا وخصوصا التليفونات والسوشال ميديا انا ممكن ابان قديمه بس ده مبدأي

قالت سميرة بتهكم :

- كمان !! يعني لسان طويل وجاهله وكم ان دقه قديمه

قالت وتين بسعادة :

- بكل فخر طبعاً ميرسي علي المجامله اللطيفه دي يا طنط. باي

نظر إبراهيم الزيدي لزوجته كي تصمت، وألاً تزيد مما تفعله، وإلا ستكون العواقب وخيمة.



وقفت ياسمين مع أدهم، وقالت برقة :

- شكرا يا بشمهندس علي اللي عملته معايا النهارده انا بجد شاكره افضالك جدااا لولاك كان زماني في حته تانيه دلوقتي !  
قال أدهم بهدوء :

- تاني ! يا استاذ ياسمين صدقيني انا عملت الي المفروض اعمله وكان واجب علي أي حد انه يعمل به بكل فخر طبعاً ولو احتجيتني في ائ وقت كلميني ده الكارت بتاعي ! ده رقمي وده رقم الشغل بس للاسف انا سييت الشغل بتاعي فده الي شغال معايا ..

تذكرت ياسمين الحوار الذي دار بينها وبين وتين وابتسمت وهي تهز رأسها بحنو، قائلة :

- متفهمه الي حضرتك بتقوله ولا يهملك ...

ركب الجميع في سيارة مالك، وخرج مالك بالسيارة من بوابة الفيلا وانطلق على الطريق وهو سعيد من ذلك اللقاء، وكل دقيقة يختلس بعض النظرات في المرأة الأماميه ل وتين التي تبدو شاردة تماماً مع البحر حينما سدت عليه سيارة أخرى الطريق بصورة مفاجأة، فضغط مالك على المكابح سريعاً ليصيح صوت العجلات على الرصيف بصورة مُزعجة، أطلقت الخوف في نفس وتين وهي تتذكر ذلك الحادث الذي حدث معها من قبل، فصرخت بصورة هستيرية أفزعت كل من في السيارة وأولهم مالك ! .....

\*\*\*

## الفصل السابع

صاح صوت الفرامل فصرخت وتين بشدة من الخوف، ففزع قلب مالك وتوقف قلبه عن العمل لثوانٍ معدودة، وهو ينظر لها في المرآة ليرى ملامح الخوف والفرع بادية على ملامحها!

توقفت السيارة، ولم يهتم مالك لمن هو أمامه، وألتفت سريعاً ليرى وتين وهي ما تزال تصرخ.  
مالك بذعر كبير:

- وتين! فيه ايه! اهدي اهدي ارجوكي مفيش حاجه احنا كلنا كويسين بصي كويس اهه كلنا بخير ومفيش حاجه!

اهتزت وتين بفرع فاحتضنتها والدتها لتهدأ من روعها، فمد مالك يده على رأس وتين وأخذ يتلو ما يحفظ من القرآن بصوت عذب شجي كي يهدأ من روعها، وقلّ أنينها شيئاً فشيئاً! وأخذ يمسح على شعرها بخنو، والفرع يظهر جلياً على قسماته، وكأن لا أحد معهم في هذا الكوكب، ولكنه بعد فترة لاحظ نظرات عبلّة المعلقة به وعلى محياها ابتسامة خجلة، فتنحنح بخجل، وخرج من السيارة لينضم إلى أدهم في الخارج!

نظر أدهم داخل السيارة التي قطعت عليهم الطريق فرأى شاباً  
وفتاة يظهر عليهم السكر وهم يضحكان بصوت مرتفع، فدار أدهم  
بغضب حول السيارة وقام بنزع الشاب من مكانه وهو ينظر له  
بغضب، فقال الشاب بغضب :

- ايه يا وحش فيه ايه ! حد يقطع علي حد الطريق كده ! انتوا  
سايقين بالعرض ولا ايه !

مالك بغضب : داحنا بردو

تصور أمام مالك صورة وتين وهي مفزوعة وتصرخ من الخوف  
أمامه، فأقبل على ذلك الشاب يضربه بقوة وصلابة وصورتها الفزعة  
لا تُفارق عينيه، حتى كاد أن يسحب روحه في يده ! ولكن أوقفه أدهم  
بعد أن أبعد السيارة الأخرى عن الطريق فامسكه ادهم من تلايبه  
وجهه الغارق بالدماء والقاء علي جانب الطريق وصعد مالك سريعا  
مرة اخرى إلى السيارة، فوجد تين تنام بهدوء على صدر أمها، ولكن  
تتفرض مرة بعد أخرى من البكاء والتنهّد، فحزن من أجلها ولكنه  
اطمئن عليها في وجود أمها الحنون تلك .. لكم تمنى الحصول على أم  
بحنوها، وأوصلهم إلى منزلهم وظل ينظر إلى وتين إلى أن تلاشت من  
أمامه داخل بناتها، ورحل ولكنه ترك قلبه مُعلّقاً في هذا المكان ...

\*\*\*

مر يومان على تلك الحادثة، ومالك يُفكر يومياً في وتين، وكيفية  
صياغة حبه لها، وحاول أن يُمرّن نفسه أمام المرأة كالمراهقين، ولكنه  
يفشل في كل مرة، وأخيراً تخلّى عن فكرة التدرّب، وآثر الاعتراف  
المباشر أمامها.

شعر مالك بالضجر في الشركة بعد أن أنهى كافة أعماله، فأرتدى معطفه سريعاً وتوجه إلى مكتب والده وهو مبتسم وطرق الباب، ودلف:

- يامساء الفل ياابو مالك ، عامل ايه يا حج ! قالها مالك بمزاح ضحك والده لضحكته، وقال :

- ابو المالك ! عندي في المكتب وبيهزر لأده في واحد كافر هيموت النهارده

ضحك مالك بقوة، تلك الضحكة التي يجبها الجميع منه وخاصة والده :

- والله بعودة الضحكة دي يامالك انت عارف انا بحبها قد ايه !!

نظر له مالك، وقال بإبتسامة راضية وهو يقبل رأسه :

- ربنا يخليك ليا ياوالدي ، و ما يحرمينش منك ابدا

نظر له والده نظرات ذات معنى، وقال :

- إسمها ايه !!

صُدم مالك، ونظر لوالده وهو يضحك :

- هي مين !! انت بتتكلم عن ايه يا حج

- امممممم علي بابا ! بص هو انا عارفها بس حابب أتأكد بس .... قالها والده وهو يغمز له

ضحك مالك بقوة، وقال :

- وكم ان عرفتها يا بابا يا حويط ، طيب ياسيدي طالما عارفها بتكشني ليه !

قال والده بحماس :

- وانا في ديك الساعه لما اسمع ابني يقول انا بحب يابابا!! دانا  
بتمناها من سنين ياملوك

- وياتري بقا هي مين ! مش يمكن كل ده بتكلم علي شخص  
مختلف ... مالك بخبث

قال والده بمكر :

- والله انا بتكلم عن وتين بنت عبله و لو مطلعتش الي تقصدها  
انا ممكن اديها لعمر و ياخذها وارتاح انا بقا

ظهرت ملامح الغضب على وجه مالك، وهو يقول بضيق :  
- بس عمر خاطب يابابا وبعدين وتين مش من النوع الي بيحبه  
عمر اكيد

ابتسم والده، وحاول إخفاء ضحكته ما استطاع :

- مانت عارف يمالك انه مش بيحب خطيبته قد كده وبعدين  
ليه اكيد يعني وتين بنت كويسه ومحترمه وكم ان زميلته في الكليه  
ويشوفها كل يوم.

- باباااااااااا .. قالها مالك بنفاذ صبر .

فلم يستطع والده تمالك ضحكته، وضحك بقوة وقال من بين ضحكه :

- خلاص خلاص .. عارف انك بتكلم عن وتين بس حبيت  
ارخم عليك شويه

نظر مالك أرصًا، فوالده استطاع استدراجه الحديث دون أن ينتبه،  
وأخذ يعبث في شعره وهو يضحك بخجل، وقال بهدوء :

- طب انا خلصت شغل وهروح بقا علشان عاوز ارتاح شويه

قال والده بعث :

- طب ووتين !

- خلاص بقا يا حج سلام عليكم .. قالها مالك بخجل وهو يخرج من المكتب

ضحك البشمهندس إبراهيم بقوة لإبنه البكر، الذي يخجل كالفتيات ما إن فتح معه والده موضوع حبه معه، ورفع يده عاليًا وأخذ يدعوله بتيسير الأمر والزوجة الصالحة «وتين».

\*\*\*

كان عمر يقف أمام المدرج مع وتين يتناقشون في المحاضرة القادمة، فأعجب عمر بتفكير وتين كثيرًا الخارق الذكاء، وذاكرتها الجيدة، فقال عمر ضاحكًا :

- لأ دانتي تفوقتي عليا بقا ! سمعتي في النازل كده

ضحكت وتين، قائلة بغرور مُصطنع :

- أقل حاجه عندي ..

نظرت وتين للورقة المعلقة خلف عمر، ودققت النظر بها :

- ايه ده دكتور تاني هو الي هيكمل معانا محاضرات بدل دكتور مصطفى !! يا خسارة كان نفسي استفيد من دكتور مصطفى للآخر دايمًا بحس ان عنده حاجه كبيرة هتعلمها منه !

نظر عمر إليها، قائلاً :

- بصراحه انا بذاكر من علي انت اكثر بحسه اوفر وأشمل

قالت وتين بضيق :

- دي المصيبة ! بصراحه دكتور مصطفى كان علطول يقول ان النت كل المعلومات الي فيه تخليك تلف وتدور حوالين نفسك ! كل واحد يقول رأي ولا حد فيهم عارف ايه الصح ! انا معاك انها طريقه سهله ضغطه زرار توصل لى انت عاوزه وجربته كتير قبل كده بس الصراحه حبيت الكتب اكتر فيها الأصل فيها الحاجه الي الكل وافق انها تنشر فيها رسالات ومواضيع مشروحه بالتفصيل النت بيضيع من هنا لهنأ الأصل عليه العوض فيه ! ربنا ذكر الصحف والكتب فى القرآن

فكر عمر قليلاً، وقال :

- تصدقي صح ! فعلاً لما اكون عاوزه اكتب حاجه مهمه وهيشوفها دكتور او حد أعلي فدايما بلجأ للكتب علشان بتبقى حاجات موثوقه اكتر من النت وخصوصاً اللغات الي بتضيع ملامحها فى العاميه على الانترنت ! عاجبني طريقه تفكيرك جداع فكرة

ابتسمت وتين وقالت بتصنع :

- خلىنا اصحاب احسن

ضحك عمر، ودخلوا إلى المدرج وفي هذه الأثناء رأت وتين حسناء، فحاولت حسناء أن تتخفى منها قدر ما أستطاعت، فابتسمت وتين وتجاهلتهما، وحينما دلفت للداخل فإذا بحسناء فى وجهها فربت وتين على كتفها بلين قائلة :

- ازيك يا حسناء عامله ايه ! زعلانه منك علشان مش بتسأل

تلعثمت، حسناء قائلة :

- كو كويسه يا وتين انتي عامله ايه ! معلش بقا كنت ملخومه

هزت وتين رأسها، وقالت :

- ولا يهملك يلا بينا علشان المحاضره هتبدأ !

هزت حسناء رأسها سريعاً، وتحركت من أمام وتين في ثوانٍ ..  
نظر عمر لوتين بتعجب ولتصرفها بعدما أخبرها بما فعلته، ما زالت  
تعاملها بذلك اللين ! تحركت وتين لتجلس بجانب عمر وهي تُخرج  
دفترها وقلمها، فنظر لها عمر، وقال بتعجب :

- انتي يا أما عاوزة تجنيني يا أما انتي مجنونه بقا

ضحكت وتين، قائلة :

- كنت لسه من شويه بتقولي بيعجبني تفكيرك ودلوقتي بتقول  
عليا مجنونه .. ولا انت بيعجبك تفكير المجنون

- ايه اللي انتي بتقوله ده انا اتلخبطت هههه قصدي علي اللي  
عملتيه مع حسناء ! ازاي بتعاملها كده .. تسائل عمر بفضول

ابتسمت وتين، وقالت بهدوء :

- ايه اللي حصل ! بتعامل معاها عادي !

قال عمر بدهشة :

- ما دا اللي هيجنني ! بعد اللي قالته عنك ده !

تسأللت وتين بتعجب :

- قالت ايه ؟!



عمر بصدمة:

- نعم ! انتي بتتكلمي جد ! قالن انك مش كويسه و ...

قاطعته وتين بابتسامه :

- يااااااه انت لسه فاكّر !! انا نسيت من زمان.

عمر، بصدمة أشد :

- نعم ياختي !

ضحكت وتين، وقالت بابتسامه :

- « والكاظمين الغيظ والعافين عن الناس » عارف الآيه دي انا  
بتمني في يوم من الأيام اني اطبق ولو جزء منها .. حاول انت كمان  
بجد تهتس نفسك مرتاح جداااا وبعدين مش انت شوفت بعينك  
ان كلامها مش صح خلاص ما يلزمينش الي قالته

هز عمر رأسه بإعجاب، وقال :

- حاسس ان مالك اخويا الي بيتكلم ! علطول كلامه بيلمس  
جوايا كده وبحس اني مبسوط

توترت وتين لدى ذكره اسم مالك أمامها، وشعرت بدقات  
قلبها تزداد، فابتسمت بتوتر، ونظرت أمامها في محاولة للسيطرة  
على دقات قلبها، وهي تتلاعب في دفترها وقلمها فلاحظ عمر  
توترها ورقص قلبه من الفرح للتأكد أنها تبادل أخيه مشاعره ...

بدأ الدكتور ياسين شرح محاضرتة، ووتين وأدهم يصبان كامل  
تركيزهم معه .. شعرت وتين بتخبطه وتعرقه ونظراته التي توحى  
بالتوتر والاضطراب، مما دعا الطلاب للاستهزاء به فشعرت بالضيق

من أجله خصوصًا بعد أن لاحظت تفوقه و المعلومات الجيدة لديه،  
فرفعت يدها وسمح لها الدكتور بالتحدث:

- اسفين يادكتور احنا مرحبناش بحضرتك طبعاً دكتور مصطفى  
كان معودنا علي مستوي معين و طالما حضرتك اختارك دكتور مصطفى  
علشان تحل مكانه فترة غيابه فده لأنه اكيد بيثق فيك وفي المحتوي  
العلمي عند حضرتك لحد دلوقتي انا استفدت من حضرتك  
معلوماتين جداد اول مره اعرفهم بالتوفيق لحضرتك بجد حيناً جداً  
وجودك

ابتسم الدكتور ياسين لما قالتة وتين، وصفق عمر لتلك الكلمة  
الموجهة للدكتور الجديد وللترحيب به أيضاً، وكذلك فعل الآخرين،  
وشكر وتين كثيراً وأكمل شرحه بثقة اكبر مما زاد من إيمانيته لإعطاء  
معلوماته لطلابيه ..

\*\*\*

عادت سلوى لمنزلها في مطلع النهار، وهي لا تملك كامل وعيها  
وكأنها شربت كثيراً، فنظرت لها سحر بدهشة :

- ماما انتي كويسه !!

نظرت لها سلوى، وضحكت ضحكة مرتفعة وهي تشير بإبهامها :

- أنا ! أنا زي الفل

تعجبت سحر من حالة والدتها، وقادتها إلى غرفتها، فضحكت  
والدتها وهي تقول :

- انا تمام انا ما تقلقيش يا كوكو انا فلللل

أوصلتها سحر إلى غرفتها، فارتمت سلوى علي السرير غير مُدركة لما حولها، فهزتها سحر وهي تنظر لها وتعجبت من نومها السريع، ورائحة الخمر التي تفوح منها فخرجت وأغلقت الباب من خلفها وهي تفكر سريعاً كي لا تخسر زوجها وبيتها، فأخرجت هاتفها وعبثت في أرقامها ووضعتة على أذنها ....

ظلت سحر تتصل علي أدهم وهي تنفخ بضيق وتهز إحدى قدميها بصورة عصيبة، حتى أجابها بنبرة مقتضبة :

- نعم !

قالت سحر بنبرة مرتفعة :

- كل ده برن ومش بترد !!

أغلق أدهم الخط فوراً، ما أن شعر بنبرة صوتها المرتفعة .. شعرت سحر بغیظ كبير مما فعله أدهم، ورفضت أن تتصل مرة أخرى، ووقفت وهي تفكر في خطة كي تعيد أدهم إلى حياتها من جديد ...

\*\*\*

دلف مالك إلى الفيلا الخاصة بهم وهو يدندن بهدوء، وما أن خطى داخل الحديقة الداخلية، حتى سمع صوت بكاء هادئ يصدح في الأرجاء فألثفت حوله بسرعة فلم يلحظ شيئاً، حتى ألتقطت عينيه طرف فستان زهري اللون تخرج من خلف الأرجوحة الخلفيه، فخطى بهدوء تجاهها ...

تنحجج مالك بعد أن رأى كارما تجلس وهي تضم قدميها لها وتبكي في صمت وتنهيدات هادئة، واقترب وجلس بجوارها فتنحنحت أيضاً ومسحت دموعها سريعاً، وقالت بنبرة مندفعة :

- انت ايه اللي جابك بدري !

نظر لها مالك بصدمة :

- لسانك ده ايه يا شيخه مبرد !!

- لأ مسخن .. «قالتها كارما بإستهزاء»

نظر لها مالك دون أن يتحدث فضحكت، وقالت :

- خلاص خلاص

فربت على كتفها، وقال بإبتسامة :

- قوليلي بقا بتعيطي ليه !!

قالت كارما بهدوء :

- مشكله كده بس مش مستاهله يعني !

- طالما المشكله خلتك تعيطي يبقى مستاهله ونص دانتني جبله

مش بتتأثري بحاجه .. قالها مالك بمزاح

- تسلم يا شق .. «قالتها كارما بإبتسامة سعيدة»

نظر لها مالك بدهشة، وقال :

- والله مجنونه ! يلا قوليلي فيه ايه !

قالت كارما بتركيز :

- مفيش من يومين كنت بحس الحساب بتاعي متراقب وكل

شويه حد بيعتلي رسايل مشفره والنهارده الصبح الحساب بتاعي

اتهكر واتسرق واصحابي بيتريقوا عليا من الصبح ويقولولي انه

اتعلم عليا ..

جَحْظَ مَالِكٍ بَعَيْنِيهِ وَنَظَرَ إِلَى أُخْتِهِ :

- نخربيتكم والبيوت اللي جهب بيوتكم ! اتنوا في تانيه اعدادي !  
مهكر ومشفر و معلم عليكي ! الحاجات دي معرفهاش غير من كام  
سنه بس ! صبرني يارب

نظرت له کارما و قالت :

- ده حوار فاكس، مفیش، اتفه منه ..

أَمْسِكْهَا مَالِكُ مِنْ يَاقَتِهَا، وَقَالَ بَخِثْ :

- واللى يحللك المشكله دى !

- دانا ابوس الجزم .. «قالتها كارما وهى تقبل أخيها من وجهه»

- وهو هذه الجزم يارباط الجزم ورايااااا... قالها مالك وهو يتحرك للداخل وكارما تركض خلفه

دخل مالك غرفة المكتب الخاصة به، ودون أن يُضئ الضوء تحرك على أصابع قدميه تجاه المكتب وهو يُصفر بتشويق وخلفه كارما على أطراف أصابعها وقالت بخفوت :

- هو احنا ماشيين براحه وفي الضلمه ليه !

- شش‌شش‌شش... «قاها مالک وهو ينظر لها بإنذار»

فتح مالك «اللاب توب» الخاص به وأخذ يعث به قليلاً، ثم تساءل بخفوت :

- الایمیل، والباسورد!



ركضت كارما خلف مالك وهم يتضاحكان، وصعد مالك سريعاً إلى غرفته، وأغلق الباب من خلفه وهو يضحك وكارما تحاول فتح الباب، ولكنها لم تستطع، فقالت بصوت مرتفع :

- ماشي يابو الممالك ليك يوم ياشق

- كوكي !...» صدحت بها سميرة بعدما سمعت ما قالته إبتتها»

غطت كارما وجهها بضيق، وتوجهت إلى غرفتها وأغلقت الباب بقوة، وتركت والدها تصرخ عليها كما يحلو لها، فازداد ضيقها ونزلت الدرج وهي تتمتم بضيق كبير، ولكن دق جرس الباب فتوجهت إلى الباب لفتحه، فتفاجأت بمن تقف على الباب.

- بيرى ! حبيتي يابيري وحشتيني اووووي والله .. «قالتها سميرة بسعاده غامرة»

قالت بيرى بحب :

- حبيتي ياخالتي وحشتيني اوي انتي كمان اوي عامله ايه و الكل عامل ايه !!

قالت سميرة بترحاب :

- ادخلي بس الأول ارتاحي وبعدين نتكلم يا حبيتي

سحبت عبير حقيبتها، ودلفت للداخل فنادت سميرة على الدادة «ليلي» وأمرتها بأخذ الحقيبة إلى غرفة الضيوف، وجلست مع عبير في غرفة الجلوس يتحدثون ويتسامرون، ثم أمرت بإعداد الغداء، وكان عبارة عن سمك التونة الذي تحبه عبير، وأكملوا حديثهم الشيق عن كل ما يخص الناس في القاهرة وأعراضهم كما يفعلون دائماً .....

حتى قالت عبير، بزلة لسان :

- عادي يا خالتو مانا كنت هنا من فترة برضه

تسأللت سميرة بدهشة :

- هنا فين !!

قالت عبير بعد أن اكتشفت زلتها :

- هنا في اسكندريه .. اصل فيه دكتور هنا متابعه معاه علشان  
كنت عملت حادثه خفيفه كده وهو دكتور شاطر فكنت متابعه معاه

- حادثه ايه يا حبيبتى وانتي كويسه دلوقتي ! «قالتها سميرة بصدمه»

- لالا ما تقلقيش يا خالتو انا تمام ده لزوم الامان بس انما انا زي  
الفل .. قالتها عبير سريعاً

قالت سميرة بحزن :

- لا الف سلامه عليكى يا حبيبتى ! المرة الجايه خدينى معاكى  
اطمن عليكى !

- هه آه آه طبعاً يا خالتو ... قالتها عبير وهي تنظر لخالتها من  
زاويه عينها

\*\*\*

خرج عمر ووتين، وخرج خلفهم دكتور «ياسين» شاكرًا وتين،  
ثم توجهت إلى المكتبة مع عمر لترى الكتب التى أعتادت البحث  
بها، ولكنها تفاجئت بالدكتور «علاء» يسد عليها الطريقن فأختل  
توازنها وكادت أن تسقط، فأمسكها الدكتور علاء من خصرها وأقبض  
يده عليها، فأعتدلت سريعاً ودفعته بعيداً عنها.



قال الدكتور علاء بدناءة :

- مش تاخدي بالك ياتوتي ! الحلويات لو وقعت تتوسخ كده  
نظرت له وتين بإشمزاز ولم تهتم به .. أقبل عمر كي يفتك به  
ولكن منعتة وتين خشية عليه أن يأذيه، خاصة أنه طالب جديد، فمر  
أمامها إلى داخل المكتبة وما أن أقبلت وتين على المرور حتى أمسك  
الدكتور علاء بيد وتين بجرأه سافرة أمام فتيات الجامعة، فسحبت  
وتين يدها وغلّت الدماء في عروقها لإصراره على تشويه سمعتها،  
فرفعت يدها وهوت بها على صدغ الدكتور علاء لتصفعه بقوة  
صدحت صوتها في الدور بأكمله ...

هلل عمر فرحًا مما فعلته وتين، وتقدم سريعًا ليسد عليه الطريق  
للوصول لوتين بجسده الطويل والضخم عنها، فتوعد لهم الدكتور  
علاء، وقال بشدة :

- أقسم بالله لوريكوا جهنم علي الأرض وابقى وريني هتعتدي من  
السنه اللي جايه ازاى ياوتين ! بس اصبري عليا فلتني مني التيرم ده  
بس السنه الجايه قربت ولو اتخرجتي ابقى قولي علاء قال ماشي !  
نظر له عمر ببرود، وقال بإستهزاء :

- طب براحه ليطلقك عرق يموتك ولا حاجه !  
فنظر لهم علاء وانصرف سريعًا من أمامهم ووجهه يشتعل من  
الغضب، على عكس عمر الذي كان يهلل ويضحك بسعادة، فنظرت  
له وتين بدهشة :

- انت فرحان ده بيقولك هيسقطنا !!

ضحك عمر، وقال :

- ايه يعني المهم ان انا فرحان ! ده كل حتة كف يطلع من الدماغ !  
ضحكت وتين رغماً عنها وهي تهز رأسها فاقدة الأمل، ودلفت  
إلى المكتبة مع عمر وانها عملهم في الداخل وخرج كل منهم إلى  
وجهته.

وصل عمر مكتب ياسمين وهو ينظر حوله علّ عينيه  
تلتقط ما أتت من أجله، ولكن رجع بصره إليه خائباً، فصعد  
درجات الشركه ركضاً حتى طرق باب مكتب ياسمين، ودلف.  
ياسمين بصدمة :

- عمر ! ايه المفاجأه دي !!

قال عمر ضاحكاً، وهو يجلس بأريحية على الكرسي المواجه للمكتب :

- ما بتسألش قولت اسأل انا

- اممممم ، عمر ! جاي ليه !... «ضحكت ياسمين وتساءلت»

قال عمر بلوم :

- ليا عندك عتاب بقا تنشري اعلان مهم زي اعلان الشركه  
الامريكيه دي وتنسي عمور اخوكي الغلبان !

نظرت له ياسمين بتعجب :

- إعلان ايه !!

قال عمر بتأكيد :

- إعلان الوظائف بتاع الشركه الأمريكيه الي هي محلل نفسي و  
مترجم وكده !

فكرت ياسمين لثوانٍ، وبدا على ملامحها أنها تذكرت شيئاً ما، وقالت :

- ايوانا ! بس انت عرفت عنه ازاي ده انا حتي كنت نسيانه !

قال عمر بإبتسامة راضية :

- مكه قالتلي !

ياسمين بتعجب :

- مكه ! مكه مين !

قال عمر بنحنة :

- اه واحده كانت جايه تقدم علي الوظيفة محلله نفسيه قابلتني وقالتلي

- امممم وانت بقا عاوز تسافر مع مكه ... «تسألتي ياسمين بخبث»

قال عمر بحماس :

- ياربييت ! آه اقصد اكيد حابب اسافر دي فرصه سعيدة اوي اني

اسافر يعني واحقق الي انا عاوزه

ضحكت ياسمين وقالت :

- امممم ليه لأ مش عيب !

وفجأة طرق الباب، فسمحت ياسمين لمن في الخارج بالدخول ..

فُتح الباب بهدوء لتطل مكة بإبتسامة مشرقة وهي تقول :

- صباح الخير ..

\*\*\*

## الفصل الثامن

دلفت مكة بإتسامة مشرقه :

- صباح الخير ..

جحظ عمر بصدمة غير مصدق ما يراه، ونظر إلى ياسمين التي تبسم بخبث، ما أن عرفت هويتها من نظرات عمر، وقالت بهدوء :

- يا صباح الفل اتفضلى انتى أكيد مكة !

تحرکت مکة ونزعت حقيبتها من كتفها وهي مجلس همدوء علي  
المقعد المقابل لعمر، وهي تقول :

- دانا سمعتی سبقانی بقا ! ازیک یا استاذ عمر

ما زال عمر تعتريه الصدمة وإبتسامة بلهاء :

- انا انا انا انا انا کویس ! انتی عامله ایہ ..

ابتسمت مكة، وقالت بتعجب :

- أنا تمام

تبادل عمر وياسمين النظرات، فبادرت مكة بالحديث قائلة :

- انا جيت اسأل على اعلان الشركه ! ياتري فيه جديد !

ابتسمت ياسمين، وقالت برسمية :

- مستئين بس تكامل باقي الوظائف وهنبعت للشركة ونشوف  
الرد ان شاء الله !

تسأللت مكة بهدوء :

- طب وكام وظيفه اتقدمت لحد دلوقتي ! ولو ما تكاملش كل  
الفرص ايه الي هيحصل ! والريفو هيتعمل فين !؟

قالت ياسمين وهي تضحك :

- حيلك حيلك ! واحده واحده الي اتقدم لحد دلوقتي انتي و آآ  
عمر اما بقا لو مش كل الوظائف اتوجدت لحد اخر المهله هنبعت  
الي جالنا والانترفيو هيتعمل علي الانترنت هتيجي تقدمي نفسك  
وامكانياتك وهم يرفضوا او يقبلوا بقا

هزت مكة رأسها بتفهم، وقالت بهدوء :

- تمام ، اسفه اني جيت من غير معاد بس حاجات كتير متوقفه  
علي السفرية دي بالنسبه ليه

نظرت ياسمين لعمر، وقالت بخبث :

- أظن ان حاجات كتير برضه متوقفه علي السفرية دي بالنسبه  
لعمر برضه

نظرت مكة تجاه عمر، فوجدته يتسم وقال وهو ينظر إليها :

- أكيد طبعا .

هزت مكة رأسها، واستأذنت للخروج فقفز عمر سريعا وقال :

- بعد اذنك بقا هروح الحمام علشان عاوز اروح مشوار يعني هه  
سلام

تعجبت ياسمين وأخذت تعيد ما قاله عمر علّها قد سمعته  
بشكل خاطئ، وما أن أدركت أن ما قاله خاطئ، لم تجده أمامها  
فضحكت بشدة على أخيها وما يفعله وخطر على بالها أدهم لا تعلم  
ما ذكرها به، ولكنها عادتھا التي تلازمها منذ فترة فابتسمت بلطف،  
وأكملت عملها ....

في الخارج لحق عمر بمكة واقترب منها، وهو يناديها :

- آنسه مكة ! آنسه مكة !

نظرت له مكة وقالت بجدية كبيرة، وهي تنظر له بثبات :

- مدام من فضلك

توقف عمر فجأة وكأن الصدمة ألجمته، وتحول نظره تلقائياً ليديها  
التي وجدها أخيراً خالية من أي خاتم أو محبس يدل على أنها مرتبطة،  
فتحولت نظراته المليئة بالتعجب تجاه وجهها الخالي من التعبيرات  
التي يستطيع تفسيرها، فقالت أخيراً :

- خير يا عمر فيه حاجه !

قال عمر بتلعثم :

- آه آكنت بس حابب اشكرك علي اللي عملتيه معايا قدام  
الشركه المره اللي فاتت

ابتسمت مكة برسمية، وهزت رأسها :

- العفو فيه حاجه تاني !

عبث عمر بشعره وهز رأسه بالرفض، وابتسم بصعوبة وودعها،  
ف نظرت له مكة نظرة إعتذار وكأنها تعتذر عما بدر منها، فشعر عمر  
بالتخبط من أفعالها ورحلت سريعاً من أمامه، وكانت هناك سيارة  
تنتظرها بها شاب لا يتجاوز عمره الثلاثون عاماً، فتكهّن عمر أنه  
زوجها وشعر بغصة مريّة في حلقه، ونظر أرضاً سريعاً، وأخذ  
الطريق إلى منزله مشياً على الأقدام، لا يعلم كم مر عليه من الوقت  
وهو يسير، ربما ساعتين أو ثلاث ...

دلف عمر إلى منزله وهو يشعر بألم شديد في صدره، وأخذ يُحدث  
نفسه قائلاً :

- معقول تكون حبتها ياعمر ! دي مقابلة واحده ! دانا شوفتها  
مرة واحده بس ! معقول أكون حبيتها أكيد لا يعني ! هههه .. بس  
انا متضايق ليه ؟! ليه قلبي بيوجعني كده ! طب ما ممكن يكون  
علشان اول مره حد يفهمني ! مش عارف يارب اهديلي الحال انا  
حاسس اني تعبان !

كان عمر شريداً يفكر ويفكر حينما وجد من يسد عليه الطريق ...

- عمووووورتي ! وحشتني أووووي يايبني .. «قالتها عبير وهي  
تحاول احتضان عمر»

دفعها عمر بعيداً، وهو ينظر إلى جراتها في أمر كهذا أمام والدته،  
ونهرها بشدة :

- انتي اتجننتي ! اي اللي هتعمله ده ! البنت المحترمه ياهانم بتمنع  
خطيها يمسك ايدها مش تاخده بالخضن

نظرت عبير في الأرض، وقالت بهدوء :

- انا عملت كده من غير قصد من كتر مانت واحشني والله !

قال عمر بغضب :

- انا مش مصدقك الصراحه وبعدين ازاى تطلعي من بيتك  
وتيجي لحد هنا وانا معرفش !

نظرت له بتهكم وقالت :

- دا علي اساس انت بتسأل عليا ولا بتعرف اخباري من اساسه  
ولا كأني خطيبتك ولا في حياتك لو مكتتش انا الي بدأت المكالمه  
مكتتش عملتها وتخلص كل مكالمه بخناقه

قال عمر بنبرة توحى بشر :

- والله اسأل نفسي عن السبب احنا مكناش كده في الأول وانتي  
السبب في كل الي بيحصل واطن برضه انك فاهمه انا قصدي ايه !

تدخلت سميرة، قائلة :

- قصدك ايه يا عمر !! انا مش فاهمه حاجه

نظر عمر لوالدته، وقال بنبرة مرتفعة :

- لا والله اقطع ذراعي من اوله اذا مكتتش اول واحده عارفه السبب !

غضبت والدته من طريقه ابنها في الحديث معها :

- عمر «watch your language» ! « انتبه لطريقه حديثك » !

نظر لها عمر بغضب، وأزاح عيبر من طريقه وصعد إلى غرفته وأغلق  
الباب بقوة، وأدار مفتاحه معلناً عدم الدخول أو المقاطعة، فنظرت  
عيبر لخالتها سميرة وعلى ملامحها العيوس الشديد، فمدت سميرة  
ذراعيها لترتمي عيبر بين ذراعيها وهي تشهق ببكاء لادموع له ....



سمع مالك ما يدور في الخارج، وأبى أن يتدخل إلى أن تهدأ الأوضاع حتى لا يزداد الأمر سوءاً، وقام ليصلي ركعتين ويدعي لأسرته بالاستقرار وانتهاء المشاكل، وما أن فرغ قام من مكانه وأحضر اللاب توب الخاص به، وفتح أمامه فتفاجأ بإيميل كارما مازال مفتوحاً أمامه فهز رأسه باستنكار، وهم بإغلاقه حينما ظهرت أمامه رساله قادمة من ايميل يعرف ب « عيله واحده » وكان نص الرسالة ماسبب لمالك الصدمة الشديدة « هنسناكي بكره ياكوكي اوعي تتأخري الشقه هتنور والعيله هتكتمل ونقضي أحلي وقت سوا .. شعر مالك بشئ خاطئ، فأخذ إيميل الصفحه وقضى وقت ليس بالقليل في البحث وتهكير الحسابات الخاصة به ليعرف ما يدور خلفها ....

جلست كارما في غرفتها تتصفح حسابها الخاص بعد أن أعاده لها مالك وأثناء تصفحها وصلتها رسالة من ذلك الجروب الذي انضمت له مؤخراً بإلحاح من صديقتها المقربة « شيري » إنهم ينتظرونها في الشقه التي يتخذونها مقراً حيث يقيمون حلقات علاج نفسي وفضفضة للفتيات فقط بعد أن لاحظت صديقتها اكتئابها وحزنها طوال الوقت، وأصرت عليها الإنضمام فوافقت كارما مبدئياً على أن تجرب أولاً، وإن عجزتها أول الجلسات ستمضي في الأمر .. وبعد وقت طويل سمعت باب غرفتها يطرق فقامت لفتح الباب، فإذا بمالك أمامها وعلى وجهه علامات استنكار شديد فسمحت له بالدخول ....

دلف مالك واللاب توب الخاص به بين أحضانه، وجلس على فراشها وهو ينظر لها والصمت يحل عليه فنظرت له كارما واستحثته علي الحديث، قائلة :

- فيه حاجه يا مالك ؟! بتبصلي كده ليه !



- كارما اااااااااا أقسم بالله لوما قولتيلي حالا ايه حكاية الرسالة دي لأروح اقول لبابا وماما علي الي فهمته من الرسالة دي وانت دي حرة بقا علي الي هيعملوه فيكي ! انا اه بحبك بس مش لدرجة انك تنحرفي وتمشي غلط .. «قالها مالك بنبرة مخيفة وتهديد صريح أخافها»  
فقالته سريعاً :

- انحراف ايه يامالك انت تعرف عني كده !

قال مالك بنبرة مخذرة مرة أخرى لتتحدث :

- كااااااااااارما !

رضخت كارما لتهديد أخيها وحكت له كامل الحكاية التي تقع خلف تلك الرسالة والجروب بأكمله، فسأل مالك سريعاً بنبرة متلهفة :

- وانت دي روحتي قبل كده !؟

نظرت كارما لتفاصيل الخوف على ملامح أخيها، ودُهِشت مما يحدث، فقالت أخيراً :

- لأ بكرة أول جلسته ليا المفروض

تنفس مالك الصعداء وهو يجلس على طرف الفراش، فتسائلت كارما بفضول :

- وانت قلقان كده ليه يامالك انت خايف عليا علشان هتعالج نفسيا يعني يامالك ده بس مجرد حاجه روتينيه مش اكتر انت عارف ساعات الواحد بيتضايق كده ويبقي مش عارف يعمل ايه وانت كده كده مش خسرانه حاجه لأنه مش بفلوس

نظر لها مالك بأعين حانية، وجذبها من يدها وأجلسها بجواره،  
وأخذ يمسح على شعرها، وقال بلهجة أبوية حانية :

- اسمعيني كويس يا كارما علشان الكلام اللي هقوله ده مش  
هكرره تاني انتي بنت ذكيه وشاطره انا مش عارف ازاى حاجه زي  
دي تفوت عليكي اولا العلاج النفسي غالي جدااااا ومفيش منه حاجه  
خيريه في مصر ! ثانيا العلاج النفسي مش بيتقي في شقق ياكارما  
الحاجات دي ليها أماكنها هم كانوا عاوزين يوقعوكي وانتى بسهولة  
اديتهم الفرصه دي !

تسألتي كارما بصدمه وحيرة :

- يوقعوني في ايه !!

- في الدعارة .. «قالها مالك بطريقة ألجمت كارما عن الحديث»

شعرت كارما بأنها مُحَدَّرَة، وأنها تحلم وهي تنظر لمالك الذي  
تبدو تفاصيل وجهه أنه على وشك الفتك بأحدهم، فأكمل مالك  
حديثه شارحًا :

- الموقع ده انا شكيت في أمره وقعدت فترة مش صغيره ادعبس  
ورا الموضوع لحد ما عرفت أن الجروب ده هممه انه ياخذ البنات  
الصغيرين اللي زيك ويغتصبوهم ويصورهم ويهددوهم بعد كده  
بالصور علشان يبقوا ....

صُدمت كارما بصورة أكبر بعد القنبلة التي ألغها مالك في  
وجهها، وتذكرت صديقتها شيري وقالت سريعًا :

- أنا لازم أبلغ شيري بسرعه قبل ما تروح هي كمان

أمسك مالك بيدها قبل أن تمسك بالهاتف ونظر لها بحزن، وقال  
وهو يغمض عينيه :

- للأسف ياكارما شيري وقعت من قبلك ومكنش فيه الي  
ينصحها والظاهر برضه انها مش لوحدها دا فيه كتير من صحابك  
كان وقعوا واخرهم شيري! انالما هكرت الحساب ده لقيت فيه  
رسايل بينهم وبين شيري لو ما جابتكيش بيهددوها انهم هينشروا  
الفديو بتاعها

تلقت كارما الصدمة تلو الأخيرة على مسامعها، وهي تشعر أن  
الأرض تدور بها من الألم، فصرخت ببكاء وأرتمت في حضن أخيها  
وهو يرت عليهما بحزن وألم ويضمهما مرة بعد المرة إلى صدره خوفاً  
وحباً لها .. أرجعها مالك إلى الخلف، وقال بحكمة ليهدئ من روعها :

- ياكارما زي ما الانترنت مفيد هو كان مكان للعالم الي  
متعرفش ربنا دي! وربنا ادانا عقل علشان نفكر كويس قبل مانعمل  
اي حاجه .. الانترنت سيئاته اكثر من حسناته وزى ما بيكون تقدم  
دوله او شخص بيكون سبب هلاك شخص تاني ويمكن ربنا عمل  
كده علشان بس تاخدي بالك من اي حاجه بعد كده وبلاش تمشي  
ورا صحابك أرجوكي لازم يكون ليكي شخصيتك المستقلة دايمًا!

تسأللت كارما باكية :

- طب وشيري !!

قال مالك بتوعد :

- أعملي كل الي هقولك عليه واوعدك اني هجبلك حقك وحق  
شيري وحق كل البنات الي وقعوا في شباكهم قبل منكوا ..!

قالت كارما وهي تمسح دموعها :

- وانا جاهزة لأي حاجة ..

هز مالك رأسه بفهم وقبّل كارما من جبهتها وربت على كتفها  
وسحب حاسوبه وخرج من منزله متوجّهاً للبحر، المكان الذي لا  
يشعر بالراحة إلا به ليخطط جيداً لخطواته القادمة.

\*\*\*

اليوم هو الاثنين .. يوم وتين الخاص فاستيقظت من نومها  
توضأت وصلت فرضها مبكراً، وأعدت الفطور للعائلة ودلفت  
غرفتها وأرتدت بنطال أبيض وتشيرت من اللون البنفسجي الهادئ،  
وزينت عنقها بوشاح أبيض مرصع بزهور البنفسج، وقبعة باللون  
البنفسجي الهادئ كي تُخفي جرح رأسها كما تفعل طوال الفترة  
الماضية !

حملت وتين الحقيبة الصغيرة على ظهرها بعد أن وضعت كل ما  
سوف تحتاجه بها، ونزلت من بنايتها وهي سعيدة ومتفائلة باليوم  
حتى قطع عليها الطريق سيد ابن جارتهم الفضولية «إحسان»،  
ويعمل كمُرشد حكومي والكل يعرف طبيعة عمله، ويعطونه  
الاحترام الكبير، لذلك قال سيد بنبرة حانية :

- ازيك النهارده يآنسه وتين !! لو محتاجه تروحي حته انا  
اوصلك بالمكنه بتاعتي بدل ما حد كده ولا كده يشوفك زي القمر  
كده ويعاكسك وربنا اجيبه نصين اتنين

نظرت له وتين من زاوية عينيها، وقالت بإمتنان :

- ميرسي ياسيد شايلاك لحاجه اكبر

قال سيد بإبتسامة تكشف عن أسنانه الصفراء، الذي بدأ السواد  
يخطبها بسبب السجائر :

- انتي تؤمري يا استاذة وبحب جدااا سيد وانتي بتقوليها ما  
اعطلكيش بقا سلام عليكم

هزت وتين رأسها بإبتسامة هادئة، ونظرت له وهو يصعد  
درجات السلم لتقول في نفسها :

- غلبان ياسيد ربنا يهديك ويراضيك ويديك بنت الحلال الي  
تقدر غلبك بس تبعدها عن امك هههه

تحركت وتين تجاه الشاطئ وكلها حماس ليومها، وتوجهت أولاً  
لأحد محلات الألعاب وأشرت بعض الألعاب من مصروفها الخاص،  
وتوجهت بعدها لإحدى دور الأيتام الصغيرة، وما أن دخلت ورآها  
الأطفال حتى ركضوا تجاهها وهم يهللون بمرح، فاستقبلتهم بسعادة  
وأعطتهم الألعاب، وأخذت تلهو وتلعب معهم لوقت ثم ودعتهم  
لللقاء قريب، وخرجت بسعادة وتوجهت بعدها للشاطئ وأخذت  
تطعم كل الحيوانات التي تراها من الطعام الموضوع في حقيبتها،  
وتسقيه الماء في الوعاء الذي تحمله، وأخذت تتنقل من حيوان لآخر  
حتى وصلت لبقعتها المميزة التي اعتادت الجلوس بها، فوقفت أمام  
البحر تتطلع إلى الأمواج والهواء يداعب الماء فيحمل برودته وتأتي  
لتلفح وجه وتين وتداعبه بهدوء، وهي تبتسم بنقاء، حتى سمعت  
ذلك الصوت المميز الذي تحفظه عن ظهر قلب ...

- زمررررررر وحشتني ! .. قالتها وتين لذلك الطائر الذي هبط  
سريعاً ليقف على يدها، فأخذت تمسح على ريشه المميز برفق ومدت  
يدها برفق للحقيقية، وأخرجت منها بعض الحبوب التي يجبها  
ووضعتها في كف يدها، فأخذ يداعب كف يدها بمنقاره أثناء إلتقاطه

الحبوب وهي تضحك من قلبها بسعادة وهو يزيد من حركاته وكأنه  
أعجب بضحكاتها ليزيد منها ....

\*\*\*

دلفت ياسمين إلى مكتب مديرها بإتسامة مُهذبة ورسمية، وقالت  
بهدوء :

- نعم يافندم حضرتك طلبتني !!

نظر لها هيثم بجدية، قائلاً :

- ياسمين عاوزك تبعتي طلب للجرنال اننا محتاجين موظف  
استقبال ذكر حسن المظهر جيد الطباع بمرتب مجزي بس في حدود  
يومين علشان جايلنا عملاء ومدير شركة (just imagine) بعد  
يومين ومطلوب مهام كتير تتعمل معاهم قبل واثناء وجودهم وانتي  
لوحدك مش كفايه ! والشغل هيبقي تقيل عليك لوحدك

هزت ياسمين رأسها وسجلت كل ما قاله، وكانت علي وشك  
الرحيل ثم ألتفتت وقالت :

- احم احم معلش يامستر هيثم محتاجه اعرف المرتب علشان لو  
حد اتصل وسأل ابقى معايا معلومات ..

قال هيثم، بجدية :

- مبدأيا هيبقي أساسي ٤ آلاف جنيه انما بقا لو اثبت جدارته  
هيبقي فيه زيادات احسن بكتير واهم حاجه يكون بيتكلم انجليزي  
كويس

ابتسمت ياسمين بسعادة، وقالت :



- طب بدل التكاليف والاعلانات وكده فيه حد انا اعرفه  
مناسب للوظيفه هو أينعم مهندس بس مش مشكله وهو تنطبق  
عليه كل المواصفات اللي حضرتك قولت عليها ! فمممكن يجيي يقابل  
حضرتك النهارده اخر اليوم لو منفعش ابقا انزل الاعلان

قال هيثم مُرحبًا الفكرة :

- هایل جداااا یاسمین وطالما جای من طرفک یبقی اکید شاطر  
زیک انا عارف انتي مش بتشکري في حد بالساهل ! ومش محتاج  
مقابله کفایه شهادتک اعتبریه اتعین وکمان فلوس الاعلان اعتبریها  
مکافئه مني لیکي

قالت یاسمین بحنکة :

- لا یا فندم معلش انا مش محتاجها احنا ممکن نديها للموظف  
الجديد ونبقی بنحفزه للوظيفه والشغل معانا یعنی

ابتسم هيثم، وقال بخبث :

- دانتی شکلک بتعزیه اوي !!

ابتسمت یاسمین بخجل، وتنحنحت قائلة :

- احم حاجه زي كده یافندم انا بس بردله جميل عمله معایا

هز هيثم رأسه بعدم اقتناع، وقال :

- ماشي یاستي اصر فیها لیه ! بس قوليلي هو اسمه ايه ؟!

قالت یاسمین، بإبتسامة سعيده :

- آدهم ! البش مهندس آدهم ...

\*\*\*

حاول مالك التحامل وعدم الشعور بالغضب، ولكنه لم يستطع فأطلق ساقه للريح وركض، تلك الرياضة الذي يبرع بها، فهو بطل الجمهورية في الركض لمسافات طويلة، أخذ يركض ويركض ويركض ولم يشعر بنفسه كم مر عليه من الوقت وهو يركض، أو كم المسافة التي قطعها أثناء ركضه، ولكنه شعر فقط بالتعب الشديد فوقف مكانه وأخذ يلهث بصعوبة، وجلس على حجر قريب لا يشعر بشئ من حوله والأفكار تعصف بعقله من كل اتجاه، عليه أن يحمي أخته ! وماذا عن تلك الفتاه الصغيرة التي راحت ضحية لمثل هؤلاء المجرمين ! خطته لا تناسب أخته على الإطلاق، فهي بريئة وصغيرة ولا تفقه شيئاً في الحياة !

- يا الله ! تعبت دنلي للصح ! لازم احمي اختي واخذ حق البنات التانيين يارب ! .. أخذ مالك يناجي ربه حتي شعر بتعب رأسه من الأفكار، فنفخ بضيق وقام ليكمل طريقه مشياً بجانب البحر حينما سمع صوت ملائكي يضحك، صوت عرفه قلبه جيداً فدارت عينيه سريعاً في المكان إلى أن ألقتبتها، قفز قلب مالك حينما رأى وتين تقف على مد بصره، وتلعب مع طائر صغير ذو ريش جميل اللون بشكل مميز، وهو يأكل من يدها وهي تضحك بسعادة وحب كبير، فابتسم تلقائياً وهو يطالعها بحب كبير ...

شعرت وتين أن نبرتها الضاحكه أرتفعت، وحاولت إخفاضها، ولكنها لم تستطع أمام حركة الطائر المدغدغة، حتى أفرغ كافة محتويات يدها من الحبوب، فطار ليقف على كتفها الأيسر فداعبت منقاره بإصبعها، وأخذت تتحرك وهي تدندن بسعادة وتدور حول نفسها برقصة بسيطة هادئة الحركات، والطائر يشاركها الغناء بتغريده الجميل، وتين تبتسم بسعادة ..

شعرت وتين أن هناك عينان يتابعنها فدارت ببصرها حولها، إلى أن  
ألتقطت عينا مالك الذي يقف ويشاهدها وعلى محياه ابتسامة حانية  
لمست قلبها الذي أخذ يدق بشكل غير منتظم، لدرجه أنها وضعت  
يدها محل قلبها، وكأنها تخفيه كي لا يفضحها أمام مالك.

اقرب مالك من وتين والابتسامة لا تفارق وجهه، وقال بنبرة حانية :

- أزيك ياوتين !

هزت وتين رأسها بتوتر، وقالت :

- تمام يا بشمهندس انت عامل ايه !

- يخربيت اليوم الي اخدت فيه الهندسه ياشيخه حرام عليكى  
كرهتيني في شغلانتي .. «قالها مالك مستنكراً»

ضحكت وتين بشدة، وقالت :

- اسفه بنسي والله معلش استحملني !

قال مالك برجاء :

- وياريت كلمه آسفه كمان تلغيها من قاموسك في الكلام معايا

- انا شكلي لازم اغير قاموسي كله علشان خاطرك .. «قالتها وتين  
بمزاح، فضحك مالك»

مد مالك إصبعه كي يلمس الطائر الكائن على كتف وتين، ولكنه  
تراجع وطار سريعاً مُحلّقاً في الهواء أعلى وتين ومالك، وهو يغرد  
باحترافية وكأنه يغني ويلحن غناءه، وفرد جناحيه أكثر وحلّق بعيداً  
وتغريده لا ينقطع، وتين تتابعه وعلى محياها سعادة جمّة به .. فنظر  
مالك لها وقال بأسف :

- انا اسف مكتتش اقصد اخوفه !

- ايه ده سمعت كلمه اسف تقريبا ! لأبقا لازم تشيلها من قاموسك معايا الكلمه دي .. قالتها وتين بمزاح وهي ترسم الجديه علي ملامحها

ضحك كل من مالك ووتين بشدة، حينما توقف مالك عن الضحك رويدًا وأخذ يتطلع لوتين وهي تضحك، نظر لروحها الطفولية ونظراتها البريئة ليقطع ضحكتها رغماً، حينما قال بنبرة أقرب للعمق :

- وتين أنا بحبك !

تحولت ضحكة وتين لشهقة خرجت منها دون وعي وهي تضع يدها على فمها لتكتمها، فقال مالك دون تردد وكأنها أمتلك جرأة العالم أجمع في هذه اللحظة :

- وتين صدقيني انا مش بتسلي ولا بقول أي كلام مش محسوب انا علطول بحس نفسي مبسوط وانا جيبك بحس نفسي مرتاح بحس أن الدنيا دي كلها مفيهاش غيري انا وانت بس ! اول ما شوفتك حسيت انك بتاعتي حسيت شعور تاني كنت خايف عليك كأنك جزء مني والله .. وتين انا مش طالب منك تردي عليا دلوقتي ادي نفسك فرصه انك تشوفيني كويس انا مش عاوز حاجه من الدنيا دي غير انك تكوني معايا انا تعبت اكون لوحدي .. انا بحبيبيي وربنا يشهد علي كل حرف بقوله وكل ما اشوف الجرح الي سبتهولك بلعن نفسي ١٠٠ مرة علي الي عملته ساحيني ارجوكي ! شعرت وتين وكأن دمائها تصلبت في شرايينها من ذلك الاعتراف الذي تلاه أجمل ما سمعت أذنيها من الشخص الذي تحب، نعم

صارحت وتين نفسها بحبها تجاه مالك وكانت على وشك أن ترد عليه، ولكنها لاحظت تلك العبرات التي تسقط من عيني مالك بغزارة ونظرة القهر والحزن الشديدة التي تمكنت من عينيه، فمدت وتين يدها للأعلى لتمسح عبرات مالك وهي تشعر بخوف شديد تجاهه:

- مالك انت بتعيط!! فيه ايه! نظره الحزن الي في عينك دي  
انا اول مرة اشوفها.. طمني قولي فيه ايه؟! «تسألتي وتين بحيرة  
ممزوجة بالخوف»

جلس مالك على ركبتيه أمام البحر، وهو يقول بنبرة أقرب لليأس:

- هحكلك كل حاجه ياوتين هحكلك

جلست وتين بجواره، وقالت وهي تمسك بيد مالك:

- بس خليك عارف أني علطول جيبك وفي ضهرك وأيا كانت  
المشكلة هنواجهها سوا بس ارجوك بلاش الدموع دي مأحبش  
اشوفك كده

نظر مالك إلى عينا وتين فنظرت أرضاً سريعاً بخجل شديد،  
فابتسم مالك وسط حزنه ووضع يده على كفها المقبض على ذراعه  
العريض، وقال بجديّة مُفرطة:

- الي حصل ان .....

سمعت وتين كامل القصة وهي تركز بملامح مالك المتألّمة لما  
حدث، وكلما أوشك على البكاء كانت تضغط على ذراعه كي تمده  
من قوتها، ولكنها انهارت معه بالبكاء أخيراً، على حال هؤلاء  
الفتيات الذين أصبحن في المقام الأول ضحايا إحدى جرائم الإنترنت

..

نظرت وتين لمالك وهي تمسح دموعها لتقول بقوة لا يعلم مالك  
من أين أكتسبتها :

- والحل عندي أنا .....!

- بجد يا وتين !! بجد عندك حل ! قولي بسرعة ؟ .. «تسائل مالك  
بحماس كالغريق الذي تعلق بقشه»

ابتسمت وتين، وقالت بحماس :

- اسمع ياسيدي .....

\*\*\*

## الفصل التاسع

شعر عمر بالضجر من المكوث في غرفته لوقت طويل، وشعر بالجووع فأرتدى معطفه ووضع غطاء الرأس الخاص به على رأسه وتوجه نزولاً إلى المطبخ، وابتسم حينما وجد الدادة ليلي فأحتضنها بقوة ففزعت وألقتت سريعاً لتجده عمر فضحكت وضربته بـلين على رأسه، قائلة :

- هتفضل طول عمرك عيل صغير كده !

ضحك عمر، وقال بارستقراطية :

- وهو حد يطول يفضل صغنون زيك كده يا لولا ما بتكبريش أبداً طول عمرك زي القمر

ضحكت ليلي، لتقول بحلاوة روح :

- يوه يادي الواد .. طول عمرك انت اللي كلامك زي العسل

- لي يقدر بس والنبي يا لولا انا محدش عارف قيمتي في البلد دي .. قالها عمر وهو يقضم جزره

ربتت ليلي برفق على يده، وقالت بحنو :

- مش مهم التقدير أهم حاجه الحب وانا بحبك اكر من الدنيا  
دي كلها انت واخواتك !

- مسم عارفه يا لولا الحاجه الوحيده الكويسه الي ماما عملتها  
في دنيته انها اختارتك انتي ترينا ! كان زماننا دلوقتي من أعضاء  
جميعه احتضنوا كلاب وقطط الشوارع وعمالين ننونو .. قالها عمر  
وهو يلوي فمه بإمتعاض

لم تستطع ليل تمالك ضحكته، فضحكت بشدة فأحتضنها عمر  
وهو يضحك أيضًا، وأخذ يمسح على يدها بحنو وهو يمزح معها،  
ثم قال أخيرًا :

- لولا بصي انا بطني بتقطع من الجوع مفيش حاجه تاكل في  
المطبخ الحربي ده !

- مطبخ حربي ! .. يعني ايه ده ! .. «تسائلت الدادة ليلي بتعجب»  
قال عمر ضاحكًا :

- تحسيه ساحه حرب كده في نفسه مش مطبخ خالص مش شايف  
فيه غير سكاكين علي مد البصر هناaaaaaaaaا ك اهيه وشوك ومعالق فين  
الأكل يابشر

ضحكت ليلي، وقالت بلهفة :

- انت جعان اوي كده يابني ! من عينا ثواني ويكون كل شئ  
جاهز هعملك الإسباجيتي والبانيه الي بتجهم استناني بس

قال عمر بحماس، وهو يرفع يده :

- اتفقنا ! Give me five ! يا لولا



تلعثمت ليلى لثوان، ثم تذكرت سريعاً، ورفعت يدها لتصفعها في  
بد عمر، فضحك قائلاً :

- اتعلميها بقا يا لولا

فقال بضيق، متذمرة :

- والنبي يابني ما عرف انتوا بتجييوا الحاجات الغريبه دي منين !!  
أبــــــــــــــــــــااااااي عليكموا جيل

نظر لها عمر، وقال سريعًا:

- مکان ما بتجیبی ال أبأااااای بتاعتک دی !

فضحكا كلاهما، وبدأت ليلي بإعداد المكرونة وعمر يجلس على طاولة المطبخ يلعب بالشوكة والسكين بطفولية حينما صدم بعبير وهي تصرخ في ليلي أثناء دخولها المطبخ :

- أوووووف منك يا ليلي ما بتعمليش حاجه صح أبدااااا هتبطل  
أمسى الجهل ده !

صدمت عبير بوجود عمر في المطبخ فنظر لها بضيق، وأشاح بصره بعيداً فتوجهت لليلي التي تنظر إليها وقالت بغضب :

- انتي بتبصيلي بوقاحه كده ليه ! ينفع الي عملتيه ده ! كسرتي جهاز الضوافر بتاعى ! وانتى بترصى الحاجات

قالت لیلی بهدوء :

- معلش يابنتی ما اخدتش بالی ! العتب على النظر

قالت عبر بغضب شديد :

- ولما انتي عجزتي ومعدتيش بتشوفي ايه اللي مشغلك هنا انتي  
ما بقتيش قد الشغل

لم يتحمل عمر أكثر من ذلك فقام من مكانه سريعاً، ووقف في  
وجه عبير، وقال بدهشة :

- ايه اللي انتي بتقوليه ده ! انتي اتجننتي !

قالت عبير، محاولة تبرير فعلتها :

- يا عمر الجهاز غالي عليا جدا بابي اللي كان جايهولي ! انا مقدرة  
انك بتحبها علشان ربتك بس هي أخذت اجرها علي ده يعني هي  
في الأول وفي الآخر خدامه بالأجره

- اسكتستي ! .. «قالها عمر وهو يصفعها للمرة الأولى، ونظر لها  
بتحدي سافر، وقال وهو يضغط علي الحروف :

- ليلي دي امي ! انتي سامعه هي اللي ربتني وهي عمرها ما  
كانت خدامه كلنا في البيت بنعتبرها واحده من الأسره وانتي كمان  
لازم تعتبرها والدتك الكف ده علشان يفوقك من حب العظمه الي  
مسيطر عليك و كلامي مش هعيده تاني !

ركضت عبير وهي تبكي وتضع يدها على خدها إلى الأعلى،  
فحزنت ليلي وقالت :

- مكنش لازم تضربها يا عمر دي لسه صغيرة ما تعرفش حاجه

قال عمر وهو ينظر إلى الباب الذي خرجت منه :

- لا يا ليلي معدتش صغيرة لازم تفوق من اللي هي فيه ده !  
وارجوكي ما تزعليش من اللي قالته انتي عارفه مكاتك عندنا  
عامله ازاى هي بس ما تعرفش حاجه عنك

رہبت علی کتفہ، و قالت بحنو بالغ :

- عارفه يا بني ربنا يديك الصحه ويسعدك ويوقلك ولاد الحلال  
ويصلحك المايل

أمن عمر، ومن خلفها دلفت كارما المطبخ ويظهر على ملامحها التعب والبكاء، فأستقبلتها ليلي بقلب أم حقيقي في أحضانها، وفزع عمر من هيئتها:

- کوی مالک یابنتی! وشک اُصفر کده لیه؟! .. قاتلها لیلی بیکاء

انسلت كارما من حُضن ليلى بهدوء تجاه المبرد، وعينا عمر تتابعها  
وسحبت علبة العصير وحاولت فتحها ولكنها شعرت بدوار شديد  
يضرب كامل بدنِها، وأختل توازنُها وسقطت علبة العصير من يدها،  
ففزع عمر وركض بسرعة لتسقط كارما بين يديه فاقدةً تمامًا للوعي !

- كالــــــــــــاارما ! سمعاني ياكارما ااا ردي علي أخوكي حببيك! ردي  
عليها ياكارما أبوس ايديك .. قالها عمر وهو يُقبل يدها بشدة ويكي  
بخوف شديد فهذه المرة الأولى التي تفقد فيها طفلته وعيها، فضمها  
أكثر إلى صدره، ودموعه تبلبل وجتها وأتزعجها من الأرض نزعاً  
وحملها وركض بها إلى الخارج ! مُنبهاً ليلي ألا تذكر الموضوع أمام  
أحد في المنزل، وأوقف سيارة أجرة وركب سريعاً في الخلف وهي  
بين أحضانها متوجهين إلى المشفى.

أخرج عمر هاتفه سريعاً وهو لا يرى من أثر دموعه، وعبث في أرقامه سريعاً ووضعها على أذنه :

- رد يا مااااااااااالك رد !

\*\*\*

وضعت وتين خطة مُحكمة، أعجب مالك بها كثيراً وعزمَ على تنفيذها في الغد، وقال مالك :

- انا اسف جداااا ياوتين لو كنت شيلتك هم ما يخصكيش او ملكيش علاقه بيه بس ...

قالت وتين، بإبتسامة راضية :

- تعرف انت افي من الناس الي بتحارب تكنولوجيا الاتصال عامة وسائل التواصل الإجتماعي خاصة علشان المصايب دي وما خفي كان أعظم ! ايه الفايده انك تتواصل مع واحد مش شايفه لا انت عارف هو دوافعه ايه ! ولا شايف ملامح وشه ولا الي العيون بتخبيه عننا .. زمان كان فيه أمان عن دلوقتي عارف ليه علشان كانت الناس بتتعامل وش لوش وكان مستحيل واحد يجهر بالي هو بيعمله علني دلوقتي الكل مستخبي ورا شاشه ويسحب الضحيه لحد عنده ومحدث شايف حاجه سواء تحت غطا الحب او الاصلاح او الصداقه والتايج مصيبه وكلها سوده ..

هز مالك رأسه بإقتناع :

- والله العظيم عندك حق .. انا مؤمن جداااا أن سيئات الانترنت والتكنولوجيا أكثر من الايجابيات بس ما نقدرش ننكر ان ليها برضه ايجابيات كتير وده ادي لتقدم شعوب كتير !

ابتسمت وتين ونظرت للبحر، وقالت بلهجة يائسة :

- المفيد ليك بيضر غيرك التقدم الي بتقول عليه كان اساسه الأسلحه والتقدم في صنعها بإستخدام التكنولوجيا و الي عنده أسلحه احسن يفرض سيطرته علي الباقي و اسمه متحضر .. مثال أصغر عندنا في الكليه الي معاه موبايل احدث من غيره بيشوف نفسه عليه

وتلاقي الكل يقرب منه علشان هو مودرن وبيفهم في التكنولوجيا ومتحضر وبلا بلا .. الي اخره معدش حد بيتحب لأخلاقه او لذكاه او حتي لشكله لأبقا التباهي بالتحضر من خلال الاجهزة و مدي وصوله علي مواقع التواصل الاجتماعي ! البنت ممكن تعجب بشاب بس علشان عنده عدد متابعين كتير ويعرف يكتب بوستس وبالنسبه لكثير الحياه من غير التواصل الإجتماعي صعبه اكيد لأ .. انا واحده من الناس ايه معنديش حتي موبايل وعائشه احلي أيام حياتي ويمكن اعرف حاجات عن الطيبه والناس اصحاب الموبايلات ما شافهاش غير من خلال الشاشة لما بنحضر انا واصدقائي عرض انا بس الي بتفرج وبستمع بكل تفصيله فيه والباقي بيصور ! الحياه بقت شاشه وبس بالنسبه ليهم

كان مالك يستمع لوتين وإعجابه بها يزداد كلمة بعد الأخرى، وازداد حبه لها بعد هذا النقاش المثمر، ولكن قطع حديثهم هاتف مالك الذي لم يصمت لدقيقة، فنظرت له وتين وقالت :

- مش بتردليه !!

قال مالك، بإبتسامة عابثة :

- ده عمر الرخم تلاقيه عاوز حاجه تافهه وبيتصل وخلاص

- طب ماترد عليه طالما اتصل اكر من مرة يبقى اكيد فيه حاجه! .. قالتها وتين بقلق فانتقل قلقها سريعا ليسري في عروق مالك فالتقط هاتفه سريعا واجاب عليه

قال عمر بنفاذ صبر، وغضب ممزوج بالبكاء :

- انت ما بتردش ليه يابني آدم انت !! حرام عليك ؟!

وقف مالك سريعًا، وقال وقد سقط قلبه من صوت أخيه المتألم:

- فيه ايه يا عمر انت بتعيط ليه؟!

- کارما! کارما! یا مالک! .. «قالها عمر و دموعه تغالب صوتہ»

شعر مالك وكأن سكين بارد انسل وسط ظهره بكل قوة، وقال  
بنبرة أقرب للصراخ :

— ماہا کا اارما یا عمر، انطق

- كارما!!!! قطعت النفس مرة واحده ومش عارف مالها وانا رايح بيها علي المستشفى دلوقتي ! ..قالها عمر وهو يحاول السيطرة على نوبه فزعه

- ايه؟! ك كارما! روح بيها للدكتورة سما بسره وانا قريب منك دقيقتين وهكون عندك.. قالها مالك سر يعا وهو يغلق الخط

تسائلت وتین بخوف :

- ماها كارما يا مالک !!

قال مالك، بنبرة منكسرة :

- عمر يقول انها قاطعه النفس ورايح بيها على المستشفى

قالت وتين سريعاً، وهي توقف سيارة أجرة:

- طب ڀلا ٻيٽا نرو حلها مستنى ايه !

نظر لها مالك، وقال بدهشة :

- انتی ہتیجی معايا !!

قالت وتين، وهي تجذبه من ذراعه :

- او مال هسيك لوحك مثلا في ظرف زي ده

ركب كل من وتين ومالك تاكسي، وفي غضون دقائق كانا أمام عيادة الطبيب سما.

وقفت وتين قلقة، وتعجب عمر من وجودها مع مالك، وخرج مالك ليقف في الخارج بعد أن استأذنت منه الطبيب سما ليخرج .. نظر الثلاثة لبعضهم بترقب، وابتسمت لهم وتين لتزرع الهدوء في أرواحهم لتطمئنهم بعد دقائق عديدة، خرجت سما وعلى ملامحها العبوس الشديد، فركض كل من عمر ومالك قبالتهما، وتولى مالك زمام الحديث ليلفظ ب :

- طمني ياسم! كارما فيها ايه ؟!

أخرجت سما ما يعتل صدرها من الهواء دفعة واحدة، وقالت بحزن :

- كارما! عندها اكتئاب حاد وانبيار عصبي ده غير انها ضعيفه جدا جدا! وللأسف محتاجه طبيب نفسي

جحظ كل من مالك وعمر بصدمة، وقال عمر بإستنكار :

- طبيب نفسي ليه ! هي كارما مجنونه ؟؟

أجابته وتين، بجدية بالغة :

- الطبيب النفسي دكتور زي أي دكتور والمرض النفسي زي اي مرض بس بيبقي سببه صدمه او عامل خارجي أثرها علي نفسها فخلاها كارهه الواقع المرض مش لازم يكون عضوي! ربنا ذكر النفس في القرآن أكثر من مرة وده أكيد لأهميتها وحقها علينا !

تسائل عمر بضيق :

- وايه الي ممكن يكون وصلها للحاله دي ! كارما طول عمرها  
ضحوكه ومبتسمه ايه الي ممكن يوصلها للمرحله دي

قالت وتين بحزن، وعمق جلي :

- للأسف يا عمر دلوقتي كلما قل عمر الشخص فينا كلما كانت  
همومه واحساسه تجاه الحاجات والواقع أكبر عكس الطبيعي الجيل  
الصغير بيشيل هم أكبر من الي أكبر منه ومش لازم تكونوا عارفين  
عنها كل حاجه وخصوصا انكوا ولاد مش بنات زيها

كان عمر على وشك الرد حينما قاطعه مالك، متسائلاً :

- طيب نقدر نشوفها دلوقتي !

قالت سما، بعد تفكير :

- ممكن حد منكوا بس الي يدخل وما يطولش جوا وياريت ما  
يعرضهاش لأي ضغط او قلق كل الي عليكوا انكوا تزرعوا جواها  
افكار ايجابيه وبس

قال مالك بتلهف :

- أنا هدخلها ..

قالت وتين برجاء :

- ممكن يا مالك تسمحي أدخلها معاك !!

قال عمر سريعاً، دون تفكير في حديثه :

- هي تعرفك علشان تدخلها !!



- عمر ! ايه اللي انت بتقوله ده ؟! كارما تعرف وتين واتقابلوا  
قبل كده وبالعكس يمكن دخول وتين ليها دلوقتي يفيدها جداااا  
وخصوصا انها بنت زيه وتعرف تفاهم معاها .. قالها مالك بجديه  
فاعتذر عمر سريعا عما بدر منه

قالت سما بهدوء، وابتسامة هادئة :

- انا برضه اظن انه قرار صح جدااا

هزت وتين رأسها بخفوت، ودقت الباب ودلفت وهي تبسم  
بإشراق، وخلف منها مالك وما أن وقعت عينا كارما على وتين  
حتى أرتسمت ابتسامة تلقائية على وجهها.

\*\*\*

كانت سحر تجلس بهدوء على طاولة الطعام تتناول طعامها في  
صمت، فنظرت لوالدتها، وقالت بتوتر :

- ماما انا عاوزة ارجع لجوزي انا خايفه واحده تلوف عليه  
وتخطفه مني !

قالت والدتها، بتهديد وغضب كاسح :

- بقا اسمعي بقا يابت انتي ! اوعي تفكري اني الاقيله وظيفه  
واطرده منها دي ببلاش كده انا دفعت قصاها حاجه غاليه اوي  
اه! ما تجيش انتي بقا علي اخر الزمن وتذليني وسط الناس والنعمة  
اقتلك واشرب من دمك .. لو مش هو اللي هيجي ياخذك من هنا  
بكامل شروطي مش هترجعي معاه سمعيني !!

قالتها سلوى وغادرت المكان غاضبة، فنفخت سحر بضيق  
وألقت بمحتوى الطبق ليسقط أرضاً ويتهشم أجزاء ويتشر كامل ما

بداخله على الأرضية الرخامية، رفعت سحر هاتفها وكتبت رسالة نصية إلى زوجها أدهم، وكان نصها « حبيبي وحشتني جداااا، للدرجة دي زعلان مني ! انا اسفه مكتتش اقصد أزعلك ممكن تيجي تاخدي من هنا ؟! ارجوك انت مش عارف وحشتني قد ايه ؟! » ثم فكرت قليلا وابتسمت لتكمل الرسالة ب .. « لو مش علشان فعلشان ابننا اللي في بطني ! » وأغلقت هاتفها تمامًا وهي تبتسم بانتصار، وعلى وجهها ألف معنى وخطط جديدة.

\*\*\*

أرسل المستثمرون والشركة الداعمة رسالة يؤكدون بدء المشروع خلال شهر واحد، وإلا سيسحبون دعمهم للمشروع الخاص بشركة ( Just Imagine ) فشعر كال بخوف كبير أن يحدث ذلك، خاصة أن الفريق التطبيقي لم يكتمل بعد، فأرسل إلى ستيف كي ياتي إليه.

دلف ستيف المكتب الخاص ب كال وهو يطالع بعض الأمور الهامة على الحاسوب الصغير الذي يحمله بين يديه، وقال :

- نعم كال ! هل ناديتني ؟!

قال كال بإصرار، وعزم كبير :

- جهز نفسك ستيف، سنهبط بزيارة إلى مصر والإمارات العربية

ترك ستيف الحاسوب من يده ونظر بصدمة إلى كال :

- كيف ذلك كال؟، ألم تقل أنك ستقوم باختبار القبول إلكترونياً؟!

هز كال رأسه رافضاً الفكرة، وقال :

- لا، يجب أن نذهب وأن نسرع من إجراءات القبول الخاصة بالوظائف، الشركة أظهرت غضبها بسبب تأخرنا في بدء المشروع، يجب أن نذهب ستيف !

رفع ستيف كتفيه بإستسلام، وقال :

- وهو كذلك، لنذهب، ولكن انتظر للأسبوع المقبل فهناك بعض الإصلاحات يجب أن أجريها قبل ذهابي.

هز كال رأسه بالموافقة، وألقت بكرسيه المتحرك لينظر بزهو نفسه في المرأة، وقال بإبتسامة واثقة :

- سوف أنجح ..

\*\*\*

أختار مالك أن يجلس في الخلف ويترك الفرصة لوتين لتحدث مع كارما دون تدخل، فجلست وتين بجوار كارما وأخذت تمسح شعرها بيدها وابتسامتها لم تختفي من على ملامحها، فنطقت كارما بإبتسامة ضعيفة :

- مبسوطه اني شوفتك تاني ياوتين ! رغم اننا ما تقابلناش غير مرة واحده وكانت الظروف وي ما شوفتي بس حبيتك جدااا حسيتك زي ياسمين واكثر

فازدادت ابتسامة وتين حبًا، وقالت :

- عارفه ياكوكي انا ربنا ما انعمش عليا بأخوات بنات بس لما شوفتك حبيتك جدااا وحسيتك اختي الصغيرة دالو طنط سميرة مش هتمانع طبعاً

فضحكت كارما بوهن، وقالت :

- مش كل حاجه بنحتاجها بنلاقيها للأسف كل حاجه بقت وحشه  
وبتكرهنا في الدنيا دي أكثر

ابتسمت وتين واقتربت من كارما، وقالت :

- مش صح علي فكره احنا بإيدينا نخلي كل حاجه حلوة وبإيدينا  
نخليها العكس الموضوع كله نسبه وتناسب مش أكثر محدش بيعيشها  
كلها بسعاده ومحدش يفضل حزين طول عمره صح !

هزت كارما رأسها فأكملت وتين وهي تقول بجديّة لم تح  
إبتسامتها من على وجهها، بل جعلتها أساساً كي تطمئن كارما :

- مالك قالي علي كل حاجه ياكارما ! انا مش عوزاكي تقلقي !  
الموضوع هيتصلح كله من اوله لآخره وكل شئ هيرجع طبيعي زي  
الأول واحسن وانا قولت لمالك علي الخطه الي هنعملها ومحتاجينك  
معانا يا Heroine !

نظرت كارما لمالك فأشار لها بإبهامه، وغمز لها وهو يتسم  
فإبتسمت ونظرت لوتين فأكدت وتين حديثها، قائلة :

- أقسملك بالله ليتصلح كل حاجه ولترجع الأمور لطبيعتها  
ولتنسوا كل الأيام السودا دي ! وكأنها محصلتش أصلاً !

تسائلت كارما بحزن جلي :

- طب وصحابي الي وقعوا في الشرك ده ! ما كده حياتهم كلها  
اتدمرت ! واهاليهم ممكن يقتلوهم !

لفت وتين يدها حول كتفي كارما، لتقول بهدوء :

- ماتقليش ، انا اخويا أكبر دكتور نسا في فرنسا بعد ما الموضوع  
يخلص هيرجع يطمئن الأول من سلامتهم وبإذن الله هيرجعهم زي ما  
كانوا علشان بس حياتهم ما تتدمرش ! وربنا يسامحنا بقا علي الي  
هنعمله بس احنا نيتنا خير هم اتظلموا واحنا حابين نرفع الظلم ده  
عنهم وان شاء الله خير.

شعرت كارما وكأن الأمل أشرق لها من جديد، وقفزت وكأن الحياة  
دبت في جسدها الهزيل من جديد، فأحتضنت وتين وهي تضحك  
من السعادة كالطفلة الصغيرة فرقص قلب مالك فرحًا لضحكة أخته  
الصغرى من جديد، ونظر لوتين غير مصدقًا الفرق الذي قامت به  
لتبدل حالتها، ومن فرحته قام بإرسال قبلة في الهواء لوتين، فخجلت  
وتين سريعًا واحمرت وجنتيها ودفنت وجهها في كتف كارما، ولكن لم  
يخفى الأمر على كارما التي رأت ما قام به مالك من خلال انعكاسه  
في الزجاج أمامها، فضحكت بسعادة أشد حينما شعرت بيوادر الحب  
والسعادة على ملامح أعلى من تملك !

\*\*\*

## الفصل العاشر

اتصل إبراهيم بعمر بعد أن أخبرته ليلي مضطرة لما حدث مع ابنته كارما، وأخذ عنوان المشفى بقلق شديد، شعرت وتين أن الوقت قد تأخر وأن أدهم قد يقلق عليها، فاقتربت من مالك، وقالت بإستحياء :

- معلى ممكن أطلب منك طلب !!

- انتي تؤمري مش بس تطلبي واوعدك هنفذ .. قالها مالك بإبتسامة راضية»

ضحكت وتين بخجل، وقالت برجاء :

- مش للدرجه دي يعني بس ممكن تكلم أدهم تطمنه اني هنا لأنه زمانه قلقان عليا جدااااا واتفصل ده الكارت بتاعه هتلاقى رقمه عندك هنا لو مفيهاش رخامه يعني !

- بليز ياوتين ما تقوليش كده انتي عارفه غلاوتك عندي .. وآه هستني ردك عليا في الموضوع الي قولتلك عليه .. «قالها مالك وهو يتسم أثناء وضعه للهاتف على، أذنه فأحمرت وتين خجلاً ونظرت أرضاً»

نظر مالك إلى وتين بعد أن أعاد الاتصال مرة بعد أخرى، ليقول :

- مقفول برضه .. طب لو كده انا ممكن أوصلك علشان ما يحصلش مشكله

قالت وتين، بإبتسامة هادئة :

- مانت كده كده هتيجي معايا علشان نكلم سيد الي قولتلك عليه !

فكر مالك لدقيقة، ليقول سريعاً :

- ايوا صحيح .. طيب يلا علطول عمر يروح كارما ونروح سوا نشوف سيد ده

هزت وتين رأسها بالموافقة، وأسندت كارما من يدها وخصرها لتقف، واتجهوا تجاه الباب ليدلفوا للخارج، وما أن فتح الباب ورأت سميرة ابتنها الصغيرة كارما بين أحضان وتين، تلك الفتاة التي لا تكره سميرة سواها، وأخذت الظنون تجول برأسها أن تكون وتين سبب لما حدث مع ابتنها، فاندفعت كالقطار في اتجاههم ودفعت وتين بأقصى قواها لتسقطها أرضاً بشكل مفاجئ وتنزع بنتها لتقف خلفها.

صرخت وتين من شدة الألم بعد أن سقطت دون سابق إنذار على ظهرها، لترتطم رأسها بقوة أرضاً بصوت ارتطام قوي زرع الصدمة في قلب الجميع، فصدموا مما حدث وركض مالك ليجشو بجانب وتين والخوف قد أخذ من قلبه ما يأخذ، فوجدها فقدت وعيها وعينها شبه مفتوحة إثر الارتطام، فنظر إلى والدته نظرة شر مستطير، لتصدق سميرة بغضب :

- عملتي في بنتي ايه يا متخلفه انتي ! اقسم بالله ما يحصلها حاجه لأعمل .....

صدق صوت مالك بغضب، ليهز أرجاء المكان :

- سميرة هاهنا!!!!!! انم! خدي بعضك وأمشي من قدامي لأحسن أقسم بالله هنسي أنك أمني وهعمل حاجات محدش يلومني عليها بعد كده!

كان مالك مشغول بالحديث حينما حرّكت وتين عينيها ترى الصورة مشوشة بشكل كبير أمامها وحرّكت يدها لتضعها مكان الألم، فسقطت قبعتها أرضاً وكان جرحها قد فُتح من جديد، فانسال الدم على وجهها ودخل عينيها فرفعت وتين يدها المُلطخة بالدماء، لتمسك بقميص مالك فقطع حديثه مع والدته ونظر إليها سريعاً، وهو يصرخ : وتــــــــــــيين !

تدخلت الطيبة سما سريعاً وفحصت جرحها وهي بين يدي مالك الذي رفض بشدة أن تتحرك من أمام ناظره، وتحركت كارما تبكي من أجل وتين فأمرت سما عمر أن يأخذ كارما من هنا، فحالتها النفسية لا تحمل، وأوصته أيضاً أن يجد طبيباً نفسياً من أجلها في أسرع وقت، فحالتها لا تستدعي الانتظار أكثر، فهز عمر رأسه موافقاً، وحاول أن يبعد كارما عن مالك وتين إلا أنها رفضت، فقالت عبير سريعاً مستغلة الوضع كي تشد انتباه عمر لوجودها :

- روحي مع اخوكي ياكارما!!! الوضع مش مستحمل يا حبيبتى  
وهى هتبقى كويسه!

نظرت لها کارما، و قالت :

- مش ہی الی عملت فیا کده واللہ العظیم مش ہی !

أخذ إبراهيم زوجته بعيدًا وهددها وأقرعها أنها معرضة للهلاك  
إن حدث مكر وهال وتين، وأنه غير مسئول عن ردة فعل مالك.



عاد إبراهيم إلى حيث يقف عمر، ليتسائل :

- الدكتورة سما قالت حاجه !!

- لا يا بابا هي بتفحص جرحها جوا بعد ما اقنعوا مالك انها لازم  
تتفحص بدقه جوا ومالك زي مانت شايف كده حاسس انه عاوز  
يكسر الباب ويدخل ده غير نظراته الي بتقول انه مستعد يقتل حد  
في أي لحظه .. قالها عمر بقلق وهو ينظر لأخيه الكبير مالك

قال إبراهيم بحزن :

- الي بيحب بيعمل أكثر من كده .. واحيانا ممكن يحس ان  
العالم انتهى لمجرد ان الي بيحبه يتأذي او يتخدش او يفارق ! أنك  
تحب معناها أنك تسمح لجسمك يساع روحين وممكن تباع روحك  
علشان تسكن الي بتحبه محلها ! والروح لما تتأذي الجسم بياخد  
وضع الموت، والعقل بياخد وضع القتل الي هو تقتل كل الي  
يحاول يأذي روح الي بتحبه ولو كان أنت نفسك، انك تحب يا عمر  
يعني تكون ظل الشخص الي بتحبه لو وقع انت هتتحني معاه  
وضهرك هيتكسر علشاناه ...

شعر عمر بكل كلمة قالها والده، ولا يعلم لم تجسدت أمامه صورة  
مكة لشوان، وقبل أن يبعد ذكرها عن رأسه حتى تذكر شيئاً ما «  
طبيب نفسي » نعم مكة طبيبة نفسية وتستطيع معالجة أخته الصغيرة  
بكل براعة، فأخذ هاتفه كي يتصل على ياسمين ليأخذ رقمها ولكنه  
وجدها تتصل، فطلب منه والده سرياً أن لا يخبرها شيئاً عما حدث،  
فأبتعد عمر قليلاً عن المكان وأجاب عليها.

- هاي يا عمر، بقولك انا عاوزة منك طلب .. «قالتها ياسمين  
بحلاوة روح»

حاول عمر أن يمزح معها كي لا تشعر بشيء، فقال مازحاً :

- والله يابنتي مش عارف من غيري هتعملوا ايه !!

قالت ياسمين ضاحكة :

- يا خفه ! اسمع بقا بجد عاوزه عنوان بيت وتين !

تلثم عمر قليلاً لدى ذكرها اسم وتين :

- و و وتين ! ليه !؟

قالت ياسمين بتعجب :

- ايه يابني مالك اتلخمت كده ليه ! ايوا وتين كنت عاوزه

اخوها آدهم في موضوع

تنفس عمر الصعداء، وقال أخيراً :

- اها العنوان « ..... »، بس معلش ياسمين ممكن تبليغيه

أن وتين معايا شغالين علي مشروع مهم في المكتبة وممكن تتأخر شويه

بس انا هوصلها يعني بعد ما نخلص

- اتممممم علشان كده اتلخمت ، ماشي ياعم المشغول سلام

.. قالتها ياسمين مازحه

قال عمر سريعاً، قبل أن تغلق :

- لأ سلام ايه ! استني !

- ننععم !! فيه ايه تاني؟! «تسألتي ياسمين بتهكم»

قال عمر بشيء من الأدب :

- معلش ياسمسم عاوز رقم ... رقم مكة وما تفهميش غلط انا  
عاوزها عشان شغل

تنحنت ياسمين، وقالت مازحة :

- امممممم مكة ! شغل ! قوليلي شغل هه ماشي ياسيدي  
هبعتهولك في مسدج وادعيلي هه

قال عمر بمزاح، وهو يضحك :

- منك لله !

ضحكت ياسمين، وقالت سريعاً :

- ولا انت كده بتدعي عليا !

- لالا دي دعوة حلوة اوي بس هي تستجاب بس .. «قالها عمر  
وهو يضحك، وأغلق الخط سريعاً»

بعد دقائق وصلته رسالة من أخته ياسمين برقم مكة، فأتصل  
سريعاً عليه، ودقات قلبه تزداد الثانية بعد الأخرى حتى سمع  
صوتها أخيراً وهي تقول برسمية :

- ألووو مين معايا!؟

تلكلك عمر وعقد لسانه، فكررت مكة سؤالها، فأخذ نفس  
عميق ليقول بصوت مبسوح قليلاً :

- انا عمر الزيدي يا مكة !

سكتت مكة قليلاً، وأجزم عمر أنه سمع صوت أنفاسها توترت  
وظهر ذلك على التغير الذي طرأ علي صوتها من تلعثم، لتقول :

- خير يا عمر فيه حاجه !!

شعر عمر بقلبه يعتصر وهو يسمع اسمه منها بذلك الصوت الشجي الذي استقبله بقلبه قبل أذنه، فقال بجدية جاهدًا لإظهارها :

- معلش أختي الصغيرة تعبانة شويه ودكتورتهاا طلبت اننا نعرضها علي دكتور نفسي وانا مش هآمن حد غيرك عليها  
قالت مكة سريعًا :

- ألف سلامه عليها .. خلاص انا هكون موجوده في العياده بكره علي الساعه خمس كده ممكن تجهيالي وان شاء الله كل حاجه هتبقى تمام ... ولو تطلب الموقف ممكن اخلي الدكتور يشوفها  
قال عمر بلين مصحوب بنبرة فضول :

- خلاص اتفقنا ! ابعتيلي العنوان في رسالة بس ! وآه صحيح انا آسف علي اللي حصل امبارح مكنش مقصود والله مكنش اعرف أن حضرتك متجوزة ! وشوفت برضه جوزك معاكي في العربية ربنا يخليكوا البعض

صمتت مكة لدقائق، حتى ظن عمر أنها أغلقت الخط، حتى نطقت أخيرًا :

- ده مش جوزي ! ده قريبي .. وانا أرمله ياعمر مش متجوزة فيه حاجه تاني !

شعر عمر بصدمة مما سمع، كيف لثل تلك الشابة الصغيرة أن تكون أرملة، ولكنه إن شعر بشئ فهو بسعادة غامرة، وقال بنبره حانية مليئة بالحب :

- لأ انا اسف علي السؤال وبإذن الله هجيب كارما بكره ليكي علي المعاد سلام

ودعته مكة وأغلقت الخط سريعاً.. أحتضن عمر الهاتف وابتسامته اتسعت، وأغمض عينيه فرحاً وهو يأمل أن تكون تلك الفتاة من نصيبه، ولكنه رجع لواقعه سريعاً حينما سمع صوت عبير تقف من خلفه وتطالعه بنظرات شك وغضب شديد ،لتقول :

- وتبقي مين مكة دي كان مش كفايه وتين اللي مكتش أعرف عنها حاجه طلعتي كان مكة وايه كميّه الحنان اللي في صوتك وانت بتكلمها دي دانت عمرك ما كلمتني كده

أخذ عمر شهيق طويل كي يتحكم في غضبه، وألقت ليتطلع إليها بإستنكار، وقال بغضب مكلوم:

- انتي بتجسسي عليا! قولتك ١٠٠ مرة ما بحبش الطرق بتاعتك دي وكلامك الخايب ده .. مكة دي دكتورة كارما ووتين دي صاحبتى ومالك بيحبها فيه أي سؤال تاني ياست عبير!!

نظرت عبير أرضاً، وقال بضيق :

- یا عمر اسمی بیری مش عبیر

رفع عمر حاجبيه مندهشاً مما قالته، ونظر لها بياس كبير، وقال :

- انتی بجد !! صبر فی یااااااااااارب

ترکھا عمر وانصرف من أمامها سريعا، وتركها تُحدث نفسها بشيء من الحذر:

- الحكايه دي فيها إن ! اه ماهو مش هيكلم دكتورا كوكي بسهوكه كده والبت الي موجوده جوا دي كمان شكلها حاطه عينها علي عمر برضه لأنا لازم اخذ بالي بعد كده ...

\*\*\*

بعد أن تلقى أدهم مكالمة من زوجته سحر وأساءت في حديثها معه، وأغلق الخط، أغلق هاتفه بشكل نهائي كي لا تزعجه من جديد وجلس أمام حاسوبه الشخصي يبحث عن وظيفة مناسبة ولم يشعر بأن الوقت قد داهمه، فأغلقه ووضع على الفراش بجانبه وخرج من غرفته متوجهاً للمطبخ، فنظر إلى والدته ليتسائل :

- هي توتي نامت ولا ايه ؟!

قالت والدته بقلق :

- والله يا أدهم وتين مجتش لحد دلوقتي وانا قلقانه عليها جداااا

- نعم ! مارجعتش لحد دلوقتي ؟! دي الساعه داخله علي ٥ وانا قايلها ما تتأخرش برا .. قالها أدهم بضيق

قالت والدته بحزن :

- هي برضه قالتلي انها مش هتتأخر بره وحتى أكلها نسيته هنا ياريت تكون جابت بمصروفها أكل وكلت انا قلقانه عليها خالص ليكون حصلها حاجه

أنتقل القلق على الفور إلى عقل أدهم، فأرتدى جاكيتيه وقال وهو خارج :

- انا هنزل أمشي علي الشط كده يمكن الاقيها هي علطول بتقضي يومها قريب من هنا وان شاء الله الاقيها

وافقته والدته وخرج، ولكن دق جرس الباب قبل أن يفتحه أدهم تلقائياً، لتظهر ياسمين من خلفه تقف بتوتر، فصدم أدهم بشدة من تواجدها، ولكنه أزاح لها طريق الباب مُرحباً :

- أهلاً يا ياسمين، اتفضلي !

ابتسمت ياسمين، وتساءلت بتوتر :

- ميرسي ! آآ هي طنط موجوده !

ابتسم أدهم، وقال :

- أكيد مش هدخلك وهي مش موجوده يعني !

فهازت رأسها بإقتناع ودلفت للدخل، فرّجت بها عبلة بحب،  
فقبلتها ياسمين وابتسمت لها بود، ثم نظرت إلى أدهم، وتساءلت  
بحرج :

- شكلك كنت نازل ! انا اسفه مش هعطلك كتير عاوزاك في  
موضوع كده

قال أدهم سريعاً :

- لأ لأ ولا يهملك انا كنت نازل أبص علي وتين تحت بس

تذكرت ياسمين موضوع وتين، وقالت سريعاً :

- آه صحيح انا عمر كلمني وقالي انه مع وتين وانهم في المكتبه  
شغالين علي مشروع مهم عندهم وهتأخر شويه وهو هيوصلها بعد  
ما يخلصوا

تنفست عبلة الصعداء، وقالت بود وهي تربت على ظهر ياسمين:

- يعني هي بخير يابنتي طب الحمد لله طمنتينا عليها

فجلس أدهم على الكرسي المواجه لياسمين، واستأذنت عبلة  
لتحضير شئ يشربوه، فتنحنحت ياسمين ونظرت أرضاً، وقالت  
بهدوء :

- بصراحه يا أدهم انا جيت هنا علشان خاطرك

- علشان خاطري أنا !، «تسائل أدهم بسعادة»

فهزت ياسمين رأسها بثبات، واستجمعت شجعانها لتقول :

- بصراحه اتعرض عليا وظيفه كويسه اوي بمرتب مغري جدااا  
ده غير الترقيات والمقدم وخلافه كموظف استقبال معايا في المكتب  
وبصراحه برضه ماحبتش غيرك ياخذ الوظيفة دي ! انا عارفه انها  
ملهاش علاقه بشهادتك بس انت عارف محدش في البلد دي يشتغل  
بشهادته ! انت عندك وجه بشوش ووسيم ولبق وشهم وقلبك طيب  
وتقريباً بتتكلم انجلش كويس وشيك جدااا ! يعني كامل المواصفات  
وده المطلوب

ابتسم أدهم ابتسامة عابثة وهو ينظر إلى عينا ياسمين مباشرة،  
فانتبهت فوراً أنها كانت تمدحه وتتغزل به صراحة، فخجلت سريعاً  
وتلون وجهها بحمرة الخجل، وأخفضت نظرها سريعاً، ووقفت على  
قدميها بتوتر فوقف أدهم أيضاً، وابتسم بخبث قائلاً :

- نقرا الفاتحة !

صُدمت ياسمين مما تفوه به أدهم، فقال مُضيفاً :

- فاتحة الشغل !

- اه أكيد طبعاً ده معناه انك وافقت صح ! .. «قالتها ياسمين دون  
تفكير»

فضحك أدهم، ليقول بعبث :

- مالك يا ياسمين مش علي بعضك كده ليه ؟! شكلك متوتره !



- آآ ولا حاجه بس انا لازم أمشي دلوقتي .. سلام عليكم

- اتفضلی هوصلک !

قالت ياسمين بتوتر :

- لا مفيش داعى أنا هاخذ تاكسى من تحت

قال أدھم، باستنکار :

- طب ترضيها لي! ده حتي تبقي عيبه في حقي .. هوصلك يعني هوصلك ومش من بعد المسافه يعنى!

هزت ياسمين رأسها بالموافقة، فخرجت عبلة لتتفاجأ بهما يرحلان :

- اللہ! ما بدري يابنتي؟! ماشر بتيش العصير

قالت ياسمين ميتسمة :

[illegible]

ودعتها عبلة بود کما استقبلتها، واستأذن أدهم لتوصيلها، فقالت عبلة :

- خد موبایلک یا آدهم و کلم عمر علشان وتین ما تتأخرش اوی!

قال أدهم مُطمئناً :

- ماتخافيش ياماما أنا هعدي عليها في المكتبة أجيها .. هي مش بتروح غير مكتبة واحده وانا عارفها المكتبة الوحيدده اللي مفيهاش انترنت.

هزت والدته رأسها بتفهم فأخيها يفهمها جيداً، وودعتهم وهي تدعي لهم بسلامة طريقهم .. نزل أدهم من المبني ومعه ياسمين وهم يتبادلان أطراف الحديث ويتمازحان وركبا في السيارة وتحركا تجاه الطريق، ولم يلحظ أدهم تلك السيارة التي كانت تقف على جانب الطريق و تقبع سحر داخلها، صُدمت سحر حينما وجدت أدهم يخرج من بنايتهم مع امرأة غريبة، وهم يتمازحان ويضحكان بسعادة، فشعرت بالدماء تغلي في عروقها، وضربت المقود بيدها بشدة من الغضب.

\*\*\*

وقفت مكة في شُرْفة منزلها، وهي تمسك بكوب الشوكلا الساخنة في يدها وتتطلع إلى النجوم، وتفكيرها شارد بعيد كُبعد النجوم عن انظارها حتي أنها لم تلاحظ اختها الكبيرة التي دخلت لتوها لتقف بجانبها .. هزتها شقيقتها « جنا » بقوة فانتبهت لها مكة وابتسمت حينما رأتها، وقالت بهدوء :

- أزيك يا جنا !

- أزيك يا جنا !؟ رددتها جنا بدهشة « اللي واخذ عقلك يا جميل !  
انا هنا من بدري »

نظرت لها مكة، وزفرت بضيق وقالت :

- عمر اتصل النهارده ..

تسأللت جنا بعث :

- عمر مين !!

فنظرت لها مكة نظرة ذات معنى، فتذكرت جنا فوراً :

- آآه الشاب المعجب اياه !

- امممم ! انا عاوزه ابعده عني بكل الطرق .. من اول مره  
شافني فيها وبان من ملامحه نظره إعجاب والمره الي فاتت نظره  
الاعجاب تحولت لراحه وتعلق علشان كده قولتله اني مدام علشان  
اكرهه فيا ! «قالتها مكة بألم »

قالت جنا بإستنكار :

- انا مش عارفه يا مكة انتي مغلبه نفسك ليه ! الشاب بيحبك ليه  
تبعديه ؟! موت أحمد مش نهايه الدنيا ده كان عمره و خلاص خلص ..  
وبعدين بقا طالما كلمك تاني خلاص معناها انه متعلق بيكي حتي  
بعد ما اخرجتيه ووجعته قلبه المره الي فاتت

قالت مكة بألم :

- يا جنا انا وشي وحش علي أي حد أقابله وبصراحه انا خايفه  
علي عمر !


- نفسي اعرف انتي بتجيبني الكلام ده منين ! أحمد مات ليلة  
فرحكوا آه بس ده لأنه كان مريض وعمره خلص ومات في العريه  
قبل حتي ما توصلوا بيتكوا ! انتي ايه علاقتك بالموضوع ؟! بالعكس  
دانتي أصريتي تكلمي معاه حتي بعد ما عرفتني انه مريض وقرب  
يموت ! وبعدين خوفك علي عمره أكبر دليل انك بتحييه اسمعي  
مني ! .. قالتها جنا بنفاذ صبر

تسأل مكة بدهشة :

- فيه حد بيحب حد من تاني مقابله يا جنا !!

- لا وحياتك من أول مقابله ! فاكرة لما قولتيلي انكوا في أول مقابله

انشغلت مكة في التفكير في حديث أختها، أيعقل أنها تحبه؟، لم لا؟، أنها إذا رآته أو سمعت صوته يكاد صوت قلبها يفضحها، دائماً ما تفكر به .. أيعقل أن تكون أحبته من أول لقاء بينهم !! .. ظلت الأفكار تجول داخل رأس مكة حتى نفضتها بيأس، وتوضأت وجلأت لها مؤقنة بأنه سوف يهديها للأفضل، وأيا كان يكون ....



- ارجو کی اتکلمی ما عملیش فیا کده ! فیه ایه !

- انا قولتلك قبل كده يا مالك أن جرح وتين مش صغير وخطير جدا!!!! وحذرتك برضه أن أقل حاجه ممكن تأثر عليها بالسلب

جلس مالك على الكرسي ببطء، ليقول وهو يشعر بألم في معدته  
من الخوف :

- سما أرجوكي انا أعصابي أدمرت ! قوليلي فيه ايه ما تتكلميش  
بالألغاز دي

نظرت له سما، لتقول بجدية شديدة :

- الخطبه أثرت علي عصب الإبصار عند وتين بشكل كبير وده  
عصب حساس جدااا وما يقدرش يستحمل خطبه زي دي وخصوصا  
انه اتعرض لنفس الخطبه دي وقت الحادته

شهق مالك وهو يقف على قدميه بصعوبة وحفظ بعينه وهو  
ينظر للطبيبة سما، وهو يحاول تكذيب ما فهمه، ليتسائل بصعوبة :

- قصدك ان وتين ! اتعمت !؟

قالت سما بحزن، وهي تُلقي القلم من يدها :

- للأسف ده الي هيحصل بنسبه ٨٠٪ .. العصب مستحيل يتحمل !  
الخطبه كانت في مكان حساس وضعيف جدااا انا اسفه يا مالك مش  
هنقدر نحدد حاجه غير لما وتين تفوق بس النتيجة تقريبا معروفه

وضع مالك يده على رأسه بصدمه، وشعر أنه في كابوس ويتمنى  
أن يستفيق منه في أي لحظة، و تنفسه أصبح غير منتظم بشكل كبير،  
والثفت برأسه لينظر إلى وتين النائمة بهدوء دون وعي أو حيلة، وجهها  
مُلوث ببعض آثار الدماء المسوحة عن وجهها، واقترب منها وقدمه  
لا تستطيعان حمله، تذكر أول مرة رأى عينها الزيتونية اللامعة، وكانت  
في مثل هذا الوضع تقريباً، تذكر نظراتها البريئة وإنغلاق جزء من  
عينها وهي تضحك، فمد يده ليمسد شعرها وأمسك بيدها الأخرى

يدها ورفعها لمستواه، وتحررت دمعة فارة من عينيه لتسقط بحرارة على وجته مُعطية إذن لباقي الدموع بالإنهار، وأطرق رأسه ليسندها على يدها ويطلع قبلة حارة عليها، وأخذ يبكي بقوة وهو يعتذر منها مرة بعد الأخرى أنه لم يستطع حمايتها ...

مسحت سما دموعها، وخرجت بهدوء من العيادة فاقترب إبراهيم وعمر وكارما سريعاً ليطمئنوا على وتين، فاطرقت سما رأسها واخذت شهيق طويل لتقول :

- أدعوها ياجماعه الحالة أقرب ما تكون انها تفقد بصرها وكله علي ربنا والوقت هو اللي هيحدد ايه اللي هيحصل شهقت كارما وهي تضع يدها على فمها بصدمة شديدة :  
- وتين ممكن تتعمي !!

وكذلك كان حال عمر ووالده، فنظر إلى زوجته التي توترت بعدما تفوهت به الطيبة سما، والتي زادت من خوفها حينما نظرت لها وقالت :  
- وللأسف ياجماعه لوده حصل انا مضطرة ابليج البوليس لأن دي جنايه قالت سميرة سريعاً :

- بس مش مقصوده ! وانتي عارفه كده

قالت سما بغضب، وتهديد صريح :

- اومال لو كانت مقصوده كتتي عملتي ايه فيها !! اللي عندي قولته وانا عند كلامي لو حصل ووتين فقدت بصرها هبلغ البوليس شعرت سميرة بخوف شديد، ونظرت تجاه عائلتها التي تطالعها بكره كبير فابتلعت ريقها بصعوبة شديدة، وتوجه عمر للداخل كي

يطمئن على مالك وما أن دلف حتى رأي مالك يبكي وهو منحني بشكل هستيري، فانقبض قلبه، واقترب منه عمر ليضغط على كتفه بيده، فنظر له مالك ليقول بضعف :

- أنا السبب يا عمر انا اللي سببت لها كل ده أنا حرمتها من بصرها ! وتين اتعمت بسببي يا عمر

قال عمر بصوت أشبه للبكاء :

- ما تحملش نفسك الذنب يا مالك محدش كان يعرف ان ده هيحصل !

قال مالك وهو ينظر إليها بحزن شديد :

- لو مكتتش خبطها من الأول مكنش حصل كل ده ! لو عرفت احييها من ماما كان زمانها قاعده وسطنا بتضحك وهي بتبصلنا بعنيها ! كانت جايه ومدالي ايد المساعدة وياه اللي اخدته في المقابل

قال عمر وهو يحاول أن يهدئ مالك :

- بس يا مالك احنا لسه مش متأكدين من حاجه ! ممكن ي ....

قاطعه مالك قائلاً، وهو يضغط على يده :

- ممكن ! عمر وتين لو فقدت بصرها انا مش هسامح نفسي طول عمري مش هقدر ابص في وشها مرة تانيه ! انا أذيت البنت اللي بحبها في أغلي حاجه عندها نور عنيتها يا عمر

ابتلع عمر ريقه، ليقول بقوة استمدها من اللا شيء :

- جري ايه يا مالك انت هتعيط زي الحريم كده !! قوم كده اقف علي حيلك واعمل المستحيل علشانها دموعك مش هتنفعها ولا كلمه ياريت هتفيد بحاجه

نظر له مالك وهو يهز رأسه، ليقول :

- ايوا انا هجيلها أكبر الدكاتره في الدنيا ! مش هسمح انها  
يحصلها حاجه أبدااا

- وانا معاك ! ومش هسيبك أبدااا .. قالها عمر وهو يمسك  
بقبضه مالك بقوة شديده وكأنه يمنحه القوة كي يتحمل

وقف مالك وكاد أن يخرج من العيادة، حتي سمع صوت شئ  
يسقط أرضاً وعقبه همهمة وتين، لتقول :

- انا فين ! م مالك !؟

ركض مالك ليمسك بيد وتين، وهو يقول بلهفة شديدة :

- وتين ! وتيين انتي شيفاني أنا مالك و وعمر اهه شايفاني  
ياوتين!! شايفاني صح !

أغمضت وتين عينيها وفتحتها أكثر من مرة، لتقول أخيراً بوهن :  
- هو ليه انا مش شايفه حاجه يامالك ! مالك رد عليا انا ليه  
مش شايفه حاجه !؟

سقطت يد مالك إلى جانبه بقوة من أثر الصدمة وترنح بشدة  
ليسقط على الكرسي الذي يقبع خلف منه، ووجهه خالي من التعبير،  
وكانه أصبح جسد بلا روح وعمر يقف خلفه بصدمة وهو لا يصدق  
ما سمعه، كان لديه أمل أن لا يحدث الأسوأ ولكن استفاقت وتين  
لتقضي بدورها على أي ذرة أمل أمتلكوها.

\*\*\*



## الفصل الحادي عشر

اقترب عمر من وتين إلى أن صار أمامها، فأمسك بها من ذراعها  
وقال بحنو :

- أهدي ياوتين كل حاجة هتبقى تمام.

مدت وتين يدها بعبث في الهواء تبحث بيدها عن مالك وهي  
تناديه كالغريق، أقشعر جسد مالك وآلمه قلبه بشدة من ما فعلته،  
وما أن رآها تفعل ذلك حتى ازداد نحيبه، وتوقع على نفسه وقال  
بنبرة راجية باكية :

- انا آسف ياوتيين سامحيني أنا آسف

سمعت وتين ما قاله مالك، وشعرت بصدمة لم تشعر بها من قبل  
فجمعت رباطة جأشها، وتساءلت :

- ايه اللي حصل يا عمر !!

قال عمر بتردد وتلعثم :

- آآآ الدكتوراه قالت آآآ أن عصب عينك أتضرر وسبب فقدان في  
البصر من الوقعه بس بس كل حاجه وليها حل ياوتين وان شاء الله

...

قطع عمر حديثه حينما دخلت وتين في نوبة ضحك هيسيري، وأخذت تضحك وتضحك، ومالك يتراجع في كرسيه وهو يسد أذنيه ويبيكي بصمت، صُدم عمر من ضحك وتين قبل أن تقطع وتين ضحكها وهي تشهق ببكاء يقطع نياط القلب، وهي تحاول كتم صرخاتها ويدها ترتعش بشدة.. أتت الطيبة سما على صراخ وتين فأعطتها سريعاً حقنة مُهدئة، وتين شهقاتها تنخفض شيئاً فشيئاً، إلى أن استكانت على فراشها ودموعها تقف على وجنتيها بشكل محزن.

لم يتحمل مالك كافة ما يجري من حوله، فتحرك سريعاً وفتح الباب على مصرعيه وركض بأقصى ما يمكنه للخارج. ركضت كارما خلفه تناديه، وقد انفطر قلبهم لرؤيتهم إياه على هذا الوضع فمنعها والدها، قائلاً :

- سيبه ياكارما هو لازم يفضي الي جواه علشان ما يحصلوش  
حاجه

بكت كارما بمرارة، لتقول :

- أنا السبب في كل الي حصل هنا ده أنا السبب لو مكتتش تعبت  
وجيت هنا كان زمان وتين كويسه دلوقتي وكان مالك كويس كما  
احتضنها والدها، ليقول بهدوء :

- حرام ياكارما «لو» من عمل الشيطان وممكن توقعك في الشرك  
بالله مش كده ولا ايه !! وبعدين لو حد هو السبب فهو عارف  
نفسه كويس

«قالها إبراهيم وهو ينظر لزوجته نظرات قاتلة، فانزوت على  
نفسها وهي تقف بجانب عبر، وأبعدت أنظارها عنه سريعاً.

في داخل العيادة، جلس عمر بجانب وتين وهو يطالعها بحزن جلي، وهو يجلس على طرف الفراش وأنظاره متعلقة بعينيها ووجهها .. شعر بالأسى لأجل مالك إنه يعرفه جيداً، سوف يُحمل نفسه الذنب كاملاً .. قالت سما ببريق أمل :

- فيه دكتور شاطر جداً بخصوص عصب العين وحالة وتين ممكن تبقي ولا حاجه بالنسبه ليه !!

أنصت عمر جيداً لها، ووقف سريعاً وعلى محياه إبتسامه أمل مُشرقة :

- ينصر دينك ياسما قوليلي سرعه هو فين وانا مستعد أديله من ألف للمليون

نظرت سما أرضاً، لتقول بيأس :

- المشكله ان محدش يعرف هو فين !! فيه الي بيقول أعتزل الطب وفيه الي بيقول انه اختفي وفيه الي بيقول انه هاجر بره البلد بس هو اختفي بقاله حوالي ٣ سنين بعد ما مراته ماتت وهي بتولد وابنه مات معاها !

شعر عمر باليأس يملأ قلبه من جديد، وجلس مكانه مرة أخرى ليقول :

- ياسا تر ! ربنا يصبره ويهديه مكان ما يكون ويرجع ! هو اسمه ايه الدكتور ده ؟!

- الدكتور شادي الطيب ! ويبقي وريث المستشفى دي ! باباه عمل المستحيل علشان يلاقيه بس برضه معرفلوش طريق .. «قالتها سما وهي تنفخ بضيق»

هز عمر رأسه ونظر نظرة أخيرة لوتين، نظرة مليئة بالحزن على تلك الفتاة التي كانت تشع حياة وأمل منذ دقائق والآن هي تنام بهدوء على الفراش، وكأنها الأميرة النائمة التي تنتظر الأمير يأتي ليعطيها قبلة الحياة من جديد، فزفر عمر بحزن شديد وخرج إلى حيث يقف والده، وقال بحزن :

- كده وتين مش هينفع ترجع بيتها و لازم اهلها يعرفوا باللي حصل

قال والده وهو يرتب على كتفه :

- عندك حق لو معاك رقم حد من اهلها بلغه من حقهم يعرفوا  
اللي جري لبنتهم !

هز عمر رأسه وقال :

- انا هخلي ياسمين تبلغ آدهم اخوها لو هي لسه هناك ولو  
مش هناك هروح انا أبلغهم بنفسي

أخرج عمر هاتفه، واتصل على ياسمين فأجابت قائلة :

- آلوووو يا عمور ازيك ! آدهم معايا أهو بيوصلني للبيت  
وهي عدي علي المكتبه ياخذ وتين

قال عمر بنبرة حزينة :

- لا يا ياسمين احنا مش في المكتبه !

استشعرت ياسمين نبرة الحزن في صوت أخيها وتعجبت من حديثه، لتقول :

- مالك يا عمر ! ومش في المكتبه ازاى مش انت اللي لسه قايلي  
يا بني انك في المكتبه ومعاك وتين !!

سمع أدهم ما قالته ياسمين فانتزع الهاتف من يدها بخوف،  
ليقول :

- اختي فين ياعمر !!

أخرج عمر زفير طويل، ليقول :

- احنا في المستشفى يا أدهم هات ياسمين وتعالى ياسمين عارفه  
المستشفى

سقط قلب أدهم أرضاً ليكرر بخوف، وهو يضغط الفرامل فجأة :

- مستشفى ! مستشفى ليه ! أختي كويسه ! عملت في أختي ايه  
ياعمر ! انطق

جحظت ياسمين بصدمة، وشهقت بخوف :

- مستشفى ليه !

- تعالوا وهتعرفوا كل حاجه .. قالها عمر وأغلق الخط سريعاً  
وأسند ظهره للحائط ونفخ بضيق شديد !

ألقى أدهم بالهاتف سريعاً، وغير اتجاه السيارة، وهو يقول :

- قوليلي فين المستشفى اللي اخوكي بيقول عليها دي

- مستشفى ايه معرفش ! ممكن قاصده مستشفى «.....» اللي  
دكتورة سما دكتورة العيله بتشتغل فيها ! .. «قالتها ياسمين بتوتر»

قال أدهم بصوت قلق وخائف :

- معرفش أي حاجه قوليلي فين هي نروح نشوفها ! يارب  
أستودعك اختي يارب

- یا رب یا ارباااااااا رب .. کر رہا آدھم بخوف کبیر

وجد مالك نفسه أمام البحر فتوقف وجلس على حافة البحر، بكى بقلبه، أبّت عينيه ذرف المزيد من الدموع، ولكن قلبه دامى ييكى دماء حبيته التي فقدت بصرها بسبب أمه، وهو كان يقف يشاهد ما يحدث لم يستطع أن يحميها! لا بل هو من أذاها هو من عرضها في الأساس إلى الحادث الذي قلب لها حياتها وسبّب ندبة برأسها، وبسبب ضربه أسفل رأسها فقدت بصرها بالكامل.

قال مالك بصوت يشق القلب ألماً، وهو يرفع يديه مُتضرعاً:

أنزل مالك يديه ونظر للبحر، وأعلنت عينيه عن دموع قادمة  
حبيسة عينيه فمسح مالك عينيه، وأخذ شهيقاً طويلاً كي يمنع  
عينيه من البكاء .. شعر مالك بحركة مفاجئة بجانبه، فدار برأسه  
جهة اليسار، ليجد شاباً في الثلاثين من عمره أبيض البشرة ذو لحية  
بنية مهذبة يجلس بجانبه، فتعجب مالك من وجوده، فتطرق الشاب  
بالحديث قائلاً وهو ينظر لعينين مالك مباشرة :

- أَسْتَجَاب ! رَبِّنا إِسْتِجَاب لِدَعْوَتِكَ

دهش مالك من ثقته وحديثه فقال بحيرة :

- أنت مين ! وياه اللي جابك هنا ؟!

فقال الشاب الغريب بود :

- أنت ! بص ما تستغريش .. انا كنت معدي من هنا بس شوفتك  
وانت جاي علي هنا وبتبكي وبعدين لقيتك قاعد لو حدك وحسيت  
أن قلبك موجوع وبتدعي من قلبك فحييت بس أجي أقولك إن ربنا  
استجاب ليك

قال مالك بقليل من الضيق :

- وياه الثقه اللي انت فيها دي ! انت تعرفني علشان تقول ان ربنا  
استجابلي !!

ابتسم الشاب بمرح، وقال بحيوية :

- لأ معرفكش بس أعرف ربنا كويس ! انت قاعد عينيك مورمه  
من العياط وسمعتك في آخر دعوتك واسف علي تطفلي انا حقيقي  
سمعتك بالصدفه وانت بتقول ان والدتك السبب بس انت مش  
هتقدر تكسر كلمة ربنا وتعوقها دا غير إنك حافظ القرآن الكريم  
يعني حامل لكتاب الله .. تفتكر ممكن ما يستجيبش ليك بعد كل ده !!

قال مالك بنبرة متألمة :

- يا اارب ، عارف انا اول مرة اطلب حاجه ليا طول عمري بطلب  
لغيري بس أول مرة أطلب حاجه لنفسي علشان البنت اللي بحبها  
- وأنا زي ما قولتلك كده بالظبط ربنا أستجابلك وزمانها بقت  
زي الفل دلوقتي .. قالها الشاب بأمل كبير



نظر له مالك، وهو يهز رأسه بحزن :

- تفتكر ! تفتكر ممكن يتردها بصرها مرة تانيه وترجع تشوف  
من تاني !! تفتكر ممكن تسامحني بعد كل اللي حصل ده وترجع تثق  
فيا من جديد ! انا شوفتها وهي محتاجاني ومعرفتش أعملها حاجه ..  
لأول مرة احس إنني ضعيف في وجودها علطول كل ما اشوفها أحس  
ان فيا طاقه أهد الكون كله !

- طب وهي فقدت بصرها إزاي !! حادثه يعني ! .. «تسائل  
الشاب بحزن»

حكى مالك كل ما حدث معه منذ حادث وتين، حتى ما فعلت  
أمه، ثم نكس رأسه بحزن فحزن الشاب كثيرًا، وربت على كتف  
مالك، وتسائل :

- ووالدتك تعمل كده ليه !!

قال مالك وهو يرفع رأسه بتهكم :

- هه أمي محدش يعرف هي بتفكر إزاي مش حباني أني اتجوزها أو  
أشوفها لأنها مش من عيله زينا مش معاهم فلوس الي تخليهم من  
عليه القوم هه ربنا يسامحك يا أمي ربنا يسامحك

ضغط الشاب على كتف مالك، ليتسائل :

- وهي فين دلوقتي !!

- في مستشفى ..... «، كلهم معاهها بس انا مقدرتش  
أشوف وتين بالشكل ده ومشيت .. «قالها مالك بحزن»

قال الشاب بتعجب :

- ياااااااااااا ! دي مستشفى بعيد عن هنا ! انت جيت هنا ازاي ! وليه !

قال مالك وهو ينظر له، وملاحه خالية من الأمل :

- معرفش بس جريت فضلت أجري لحد ما لقيت نفسي هنا

جحظ الشاب بعينه بصدمة، ليقول :

- جيت من المستشفى هنا جري !! هااا اسود ! دانت سوبر  
هيرو بقا ! قولي يابني تااكل ايه يمكن ابقا سوبر انا كمان حتي لو  
لب سوبر اي حاجه المهم ابقا سوبر

صدرت من مالك ضحكه دون وعي، وهو يهز رأسه بحزن  
فخبطه الشاب في كتفه، ليقول بإبتسامة سعيدة :

- أيوا كده ياشيخ اضحك وقوم قوم خليك جنب الي بتحبها  
! ولا انت عاوزها تقول أول ما فقدت بصري سابني واتخلي عني  
دانت لازم ما تتحركش من جنبها أصلا وتبقي في ضهرها طول  
الوقت ولازم تجمد شويه كده، الراجل ما يعيطش انت الي لازم  
تقويها مش تضعفها !! أما انت فانت دعيت ربنا وهو استجاب  
سيب الباقي عليه بقا

نظر له مالك وهو يفكر في كل كلمه قالها ذلك الشاب، وأقتنع  
بشدة بما قاله فوقف مالك وأرتدى حذائه، وقال بشكر بالغ :

- أنا مش عارف أشكرك إزاي ! بجد ربنا ما يجرمك من الي  
بتحبهم وبشكرك علي وقوفك جهبي

ربت الشاب على ذراعه بقوة ليشدد بها أذره، وقال بإبتسامة  
مشرقة :

- يلا يابطل روح لحبيبتك بس المرة دي اركب تاكسي علشان توصل  
أسرع ولو شوفتك مرة تانيه هتوعدني انك هتقولي بتاكل ايه هه !!  
ابتسم مالك وأحتضنه بقوة، فربت الشاب على ظهره بشدة  
وتركه مالك وانطلق ليركب في سيارة أجرة متوجهاً للمشفى وجلس  
الشاب على شط البحر وهو يتناوب إلقاء الحجارة في الماء والتفكير  
يأخذ حيز كبير من عقله، ثم في نهاية الأمر أغلق عينيه وتنفس  
بعمق، وأخرج زفير طويل أخرج به كامل ما أعتل صدره، وقام  
ليرحل من مكانه إلى وجهته ....

\*\*\*

وصل أدهم إلى المشفى، فنزل من السيارة هو وياسمين وتوجهوا  
سريعاً للداخل .. وجهت ياسمين أدهم لعيادة الدكتورة سما ...  
ما أن رأى أدهم عمر يقف أمام الغرفة، حتى توجه تجاهه وأمسك  
بتلابيبه بقوة ليصيح ب :

- أختي فين ياعمر وايه اللي حصلها

وضع إبراهيم يده على كتف أدهم، ليقول بحزن :

- أهدي يا أدهم وانا هفهمك كل حاجه ! بس اهدي الأول

تفاجأ أدهم بوجوده، وازداد خوفاً على أخته، وألتفت له وقال  
برجاء شديد :

- أرجوك قولي وتين فيها ايه ! علشان خاطر ربنا قلبي وجعني  
من الخوف

ربت إبراهيم على صدره، ليقول :

- تعال أقعد وانت تفهم الي حصل من طقق ل سلام عليكم

جلس أدهم مع إبراهيم في الاستراحة القريبة، وبدأ إبراهيم يحكي له كل شئ بهدوء وحكمة دون أن يذكر نتيجة الأمر .. كانت عبير تقف على مقربة حينما سمعت صوتًا يكاد يكون مألوفًا لها، وما أن رآته يمسك بتلابيب عمر، أرادت أن تتدخل وتبعده عنه، وما أن ألفت حتى توقفت قدميها عن الحركة وأخذت تنظر له جيدًا ! أين رآته من قبل ذلك الشاب ! وما أن تحدث بصوت مسموع أكثر، واقتربت ملامحه إليها حتى وضعت يدها على فمها بصدمة شديدة .. لقد رآته حينما كانت في عيادة الطبيب سامر، فاختبأت سريعًا خلف الجدار قبل أن يراها، ودعت الله أن يرحل سريعًا من المكان.

صُد أدهم كثيرًا مما حدث مع أخته الصغيرة، ووقف والغضب يتطاير من عينيه وهو يقول :

- مرات حضرتك يا بشمهندس أهانت أختي قبل كده وقدام الكل وسكت إنما توصل إنها تمد ايديها عليها وتأذيها لدرجة انها تتحجز في المستشفى انا مش هسكت علي كده  
قال إبراهيم وهو يهز رأسه بإقتناع :

- مقدرش اتكلم ولا أغلطك في كلمه واحده من الي قولتها !  
نظمن علي وتين الأول وان شاء الله تقدر تتخذ الإجراء الي تشوفه !  
قال أدهم بقلق بائن في نبرته :

- انا عاوز أظمن علي وتين هي فين !!

تلعثم إبراهيم ولم يرد أن يرى أدهم شقيقته على هذا الوضع قبل أن يعود مالك، فقال مُتَحَجِّجًا :

- للأسف الدكتورة سما حابه انها ترتاح ومحدث يزعجها دلوقتي

قال أدهم بقلق شديد وحزن :

- للدرجه دي حالتها وحشه ! يا حبيبتى ياوتين ربنا يزىح عنك الألم  
ويشفيكي يارب

رن هاتف أدهم برقم والدته، فقال بصوت مرتفع :

- دي أمي !

قال إبراهيم سريعاً :

- أوعى يا أدهم تخضها ولا تقولها حاجه دي ممكن يحصلها حاجه !  
قولها انكوا هتقضوا اليوم عندنا لحد ما تروح لها هناك لتتعب وانت  
مش جيبها ولا حاجه !

هز أدهم رأسه بإقتناع، وأجاب والدته :

- ألو يا ماما ازيك يا حبيبتى

قالت والدته بود :

- ألو يا حبيبي ! لقيت وتين !!

تلعثم أدهم قليلاً، وقال :

- ايوا يا حبيبتى هي معايا وهنقضي اليوم عند البشمةهندس ابراهيم  
النهارده هو مسك فينا ومعرفتش أكسفه

قالت والدته بأريحية :

- طب الحمد لله انها معاك ! قلبي واجعني أوي عليها خلىني  
أكلها طب



دلف مالك المشفى ودقات قلبه تتسارع مع كل خطوة يمشيها داخلها، ولكن كلمات ذلك الشاب الغريب أعطته الطاقة ليتقدم وليقف بجانب حبيبته .. أقترب مالك من غرفة وتين فرآه عمر، واقترب منه فنظر له مالك بعينه المتفتحتين من البكاء فحزن عمر كثيراً من هيئته المزري ووجهه الهزيل فربت علي يده وقال بهدوء :  
- ياسمين جت و آدهم أخو وتين هنا وقاعد مع بابا هناك تقريبا بابا قاله كل حاجه

هز مالك رأسه بحزن، وتساءل بلهفة :

- وتين عامله ايه دلوقتي ! فاقت ولا لسه !!

هز عمر رأسه بجهل، وقال :

- معرفش انا ما دخلتش عندها تاني !!

- إييه ! انتوا ساينها لوحدها جوا ؟!! دي ممكن قلبها يقف من الخوف لوحدها انت اتجننت يا عمر !.. «قالها مالك بصدمة وهو يركض تجاه غرفه وتين»

رآه والده فشغل أدهم على أن يراه، وتركه يدخل لوتين كي يستطيع حل أموره معها قبل أن يعرف أدهم أن أخته الصغرى فقدت بصرها، ويمنعه من أن يراها مرة أخرى كما توقع.

دلف مالك إلى غرفة وتين فوجدتها متشرنقة حول نفسها وجسدها الهزيل يرتعش من الخوف وهي تبكي وفمها متقوس للأسفل كالطفل الذي أدخله والده غرفة الظلام مجبراً، ف شعر وكأن قلبه توقف عن العمل لشوانٍ معدودة، وكأن الكون خلا إلا منها، فاقترب منها بهدوء وعينه تعلن عن دموع وشيكة السقوط.

استشعرت وتين وجود مالك فنادته مرة أخرى قبل أن يُجيبها بصوت مختنق بالبكاء:

- أنا هنا ياوتين .. انا هنا يا أغلى حاجة عندي في دنيتي

أسرعت وتين وهي تمد يدها في الهواء تجاهه، فأقرب سريعاً حتى شعرت وتين بيدها تلمس جسده فمسكت بقميصه المُلطخ بالدماء بقوة قضتها الضعيفة، لتقول بخوف :

[illegible]

لم يستطع مالك تحمل ارتعاشة يدها، فاقترب وضم رأسها إلى صدره سريعاً لتشبه بكاء مريـر ودموعها الحارة تبلل صدره، فشعر وكأنها تحرقه بدموعها، فقال وكأنه يجاهد نفسه :

- مش هسيك ياوتين! حتي لو فضلتني كده طول العمر هكون  
عينك اللي بتشوفي بيها هكون ضهرك وسندك .. سامحيني ياوتين  
مقدرتش أحبيكي يا حبيبتي! بس مش هتخلي عنك أبداااا وهتفضلي  
جيبى ومحدش هياخدك مني أبدااا .. تتجاوزيني ياوتين!

قالت وتين بحزن ومن بين دموعها :

- ملكش ذنب انك تفضل معايا وانا كده ! ملكش ذنب ترتبط  
بواحدة عاميه مش بتشوف ! ايه الي يجبرك تعاني طول عمرك  
بسببي ! او حتي تشفق عليا مش محتاجه يمالك حد يشفق عليا انا  
هدبر نفسي بنفسي

غضب مالك من حديثها، وأمسك برأسها بين يديه ليقول بصوت جهوري غاضب معاتب، ولكن حاني عليها:



- بشفق عليكى ! ليه ياوتين بتقولى كده ! هو انا مش اعترفنلك بحبى قبل ما تكونى كده ! وانتى شايفه انك هتكونى حمل !! حمل عليا انا ياوتين دانا ممكن أبيع عمري كله علشان أكون جمبك وجايه تقولى مفيش حاجه بتجبرنى انى أقضى عمري جمبك ! لأ فيه ياوتين ! حبى ليكى بيجبرنى انى أكون جمبك ! ومش عاوز اسمعك بتقولى الكلام الفاضى ده مرة تانيه ! انتى حبيبتى وبتى وكل حاجه ليا فى الدنيا ياوتين أنا بحبك وهجبك لآخر يوم فى عمري وهتجوزك حتى لو انتى رفضتى بس

ابتسمت وتين من بين دموعها وتعلقت به وهى تبكى وتمسك بقميصه من الخلف وتجذبه بكامل قوتها، وقالت بصوت باكى :

- انا بحبك يا مالك ، ارجوك ماتسبنش وما تتخلاش عني انا ببقا خايفه من غيرك

أخرج مالك زفيرًا طويلًا وسقطت دموعه، ولكن فرحًا تلك المرة فإعتراف وتين بحبها له جعل الكون من حوله ملئ بالأمل وأحتضنها بقوة وأخذ يدور بها فى الغرفة فرحًا، ولكن كانت الدموع هي سيد الموقف ...

أنحنى مالك لينزل وتين أرضًا وذلك بفضل فارق الطول بينهم، ولف ذراعه حول كتفيها وحركها ليخرجان سوياً، وهو يقول :

- يلا ياوتين ! يلا نخرج من هنا وانا هوديكي لأحسن دكاترة فى البلد ووعد منى هرجع النور لحياتك من جديد ولو طلب الموضوع إني أديكى عيني الاتنين مش هتأخر ثانيه واحده

قالت وتين وهى تتحرك :

- كفايه عليا انك تكون معايا مش عاوزة أشوف حاجه تانيه في الدنيا دي غيرك معايا

ابتسم مالك ونظر لها بحب وألم شديد لما لم بها من جرح دامي أعلى رأسها، والشاش قد تلون بدماؤها من جديد .. خرج مالك وهو يحاوط وتين فأتته لهم الجميع واقتربوا سريعاً من الغرفة ماعدا عبير التي رحلت من المكان على الفور .. ركض أدهم ووقف أمام أخته وأوشك على الحديث حينما صدم بها ترفع يدها أمامها لتستطلع طريقها ففغر فمه بصدمة غلفت عقله ومنعته من التفكير ليقول بصوت مصدوم :

- وتين !

سمعت وتين صوت أخيها فابتسمت ومدت يدها وتحركت بعيداً عن مالك وهي تبحث عنه بيديها عبثاً في الهواء وهي تتحرك على غير هُدى فتعثرت في طريقها وكادت أن تسقط ولكن أمسك بها أخاها وهو ينظر لها بخوف وصدمة، فمدت يدها ووضعتها على وجهه لتطلع ملامحه فأحتضنها أدهم وصرخ باكياً بإسمها.

جلست ياسمين على أقرب كرسي، والصدمة تغلفها أيضاً ووضعت يدها على فمها كي تمنع شهقة صدمتها من الخروج .. وقف الجميع على مقربة من أدهم وهم يكون بصمت، وسميرة تقف بعيداً تستطلع الموقف فاقتربت سما منهم، وقالت :

- يا مالك وتين محتاجه ترتاح دلوقتي أرجوكوا ما تضغطوش عليها

استمع لها مالك واقترب من أدهم الذي يجلس أرضاً وهو يحتضن أخته ويكي بحرقه وألم، وربت على ذراعه وقال :

- أرجوك يا آدهم العياط مش هيعمل حاجه ! احنا لازم نعمل  
المستحيل علشان نرجع لوتين نظرها من جديد أرجوك ساعدني انا  
بحبها ومش هتخلي عنها ثانيه واحده

نظر له آدهم نظرة استسلام وكأنه زهد كل شئ بالدنيا، بعد أن  
فقدت أخته الصغيرة بصرها، فأنتزعتها مالك من بين يديه واقترب  
منه عمر وأسندته ليقف، فوقف مترنحًا وظهره مُنحني وكأنه قد  
كُسِر من أثر حزنه، واتجهوا جميعًا تجاه الغرفة حينما أوقفهم ذلك  
الصوت المألوف :

- ألف سلامه علي وتين يا مالك !

نظر الجميع خلفهم ليجدوا مالك، ذلك الشاب الذي قابله منذ  
قليل فإبتسم وقال :

- الله يسلمك ، انت جيت هنا ازاي !!

قال الشاب ضاحكًا :

- مقدرتش اقطع المسافه دي جري زيك فجيت في تاكسي

تسائل عمر بدهشة :

- مين ده !!

لتنوب سما قائلة بدهشة تشوبها الصدمة وعينيها لا تصدقان ما تراه :

- الدكتور شادي الطيب !!!!!!!!!!!!!!!

\*\*\*

## الفصل الثاني عشر

صُدم عمر مما تفوهت به سما منذ قليل، أحقًا هو الطبيب  
العبقري الذي أخبرته به سما؟!، فابتسم عمر بسعادة ولكن شعر  
الجميع بالحيرة والجهل، فتسائل مالك :

- هوانت إسمك شادي ؟!

اقترب شادي من وتين وأمسك بيدها ليسند باقة الورد بين  
أحضانها، فأمسكت بها جيدًا واستشعرتها بأطرافها وهي تبسم،  
وقال شادي :

- أيوا انا شادي الطيب

قال عمر مُتلهفًا، وغير مصدق :

- الدكتورة سما قالتلي يامالك ان الدكتور ده أشطر دكتور في حكاياه  
عصب العين وان حالة وتين ممكن تكون بسيطه جداااا بالنسبه ليه !  
جحظت عيون الجميع، ودُهِش مالك فترك وتين واقترب منه  
وهو يتسائل :

- بجديا شادي بجدهتقدر ترجع لوتين نظرها

ابتسم شادي، وربت على كتف مالك وقال بسعادة :

- مش انا قولتلك ربنا استجابلك ! يبقى كله بإيد الله هو الشافي  
واحنا مجرد سبب بس اوعدك اني هعمل المستحيل علشان أرجع  
لوتين نظرها من تاني .. بس توعدني انت كمان مليش فيه  
ضحك مالك وأحتضنه بقوة ودموع فرحته تكاد تغرق وجهه،  
حتى نظر له شادي، ليقول ضاحكًا :

- يابني بطل عياط انت عينك فيها ماسورة ضاربه ولا ايه المايه  
دي كلها بتيجي منين !!  
قال مالك بمزاح :

- نفس رخامه عمر اقسم بالله

ضحك عمر من الخلف، ليقول :

- الله يخليك يابو المالك مش عارف من غيرك مين الي كان  
هيصيتني كدا

فضحك الجميع وأدهم يحتضن أخته ودموعه لا تجف من على  
وجتيه أبدًا، ولكن ابتسم أخيرًا حينما شعر ببارقة أمل تقف أمامه  
في هيئة طبيب، فربتت وتين على يده لتقول بإبتسامة مطمئنة :

- أنا كويسه يآدهم ! ارجوك اهدي والله كل حاجه هتبقى تمام  
قبّلها أدهم من رأسها بقوة، ليقول :

- خدي عيني الاتنين يا وتين بس تبقي كويسه والله اديهملك  
بدون ما اتردد ثانيه واحده

ضحكت وتين، وقالت مازحة :

- الكل عاوز يديني عينه كده ليه ! بصراحه معندكوش عين  
خضرا زي بتاعتي يفتح الله مش عاوزة ولا علشان عينك رمادي  
عاوز تضحك عليا بيها

ابتسم أدهم ضاحكًا واحتضنها بقوة ليقبلها مرة أخرى من  
رأسها وقادها إلى غرفة الفحص كما طلب منه الدكتور شادي وخرج  
معه كي ينهي أوراق وتين .. وقف مالك يطالع وتين وهي تتمدد  
على الفراش وكارما تمهده لها، شعرت وتين بزفرات مالك المضطربة  
وشعرت بالحزن لأجله، ولكن قالت بمزاح مُدعية الجدية بصوت  
مسموع لمالك :

- بقولك ايه ياكارما ! حاولي توصفيلي دكتور شادي ده ياتري  
حلو زي صوته كده !؟

تعجبت كارما من سؤال وتين، وعندما وجدتھا تحاول أن تخفي  
ضحكتها فأدرات وجهها سريعًا تجاه مالك الذي كان يميز من  
الغيظ، وملاحه مكفهرة، فضحكت كارما لتقول بمجازاة :

- قمممر ياوتين ياخرابي ! طول ايه وعرض ايه ولا نظراته تحسياه  
حد مريح كده

قالت وتين وهي تضحك :

- هيسبيح ! ياسلام ع دكاتره بلدنا

صده مالك بغيط ليقول :

- كارمااا شوفي ياسمين وعمر بيعملوا ايه برا وساعديهم

قالت كارما بتعجب :

- بس هم قاعدين مش بيعملوا حاجه

قال مالك وهو يزيحها للخارج :

- طب يلا في كرسي برا مستنيكي

فضحكت كارما وخرجت، ووتين تضحك بهدوء وعينيها مركزة على نقطه واهية بالفراغ، فاقترب مالك وجلس أمامها وهو يضيق عينيه بضيق :

- عاوزه تعرفي شكل الدكتور ليه يا أستاذة !!

خبأت وتين ضحكتها، وقالت بجدية وهي تضم حاجبيها متحدثة بأرستقراطية :

- الله مش أعرف الدكتور اللي هيعالجني شكله ايه !!

- وهو هيعالك بشكله ولا ايه ياختي ! .. قالها مالك بتهكم

- أصل أفهم بس ! الدكتور صوته هادي كده وحلوفعاوزه اعرف يعني في تطابق بين صوته وشكله ولا لأ ! .. قالتها وتين مبرره - بت !! ما تعصبنيش !! .. قالها مالك بضيق :

إبتسمت وتين ومدت يدها لتلمس جبهة مالك بأناملها فلا حظت تجهم وجهه، فقالت بحنو :

- انا بهزر والله ! بس مش عاوزه أشوفك شادد كده أنا كويسه ، أرجوك ما تكشرش كده وفك ال ١١١ دي ! وبعدين ما تخافش مش هعاكسه انا مش شايفاه اصلا ! آخر حاجه شوفتها أنت ودي أكثر حاجه مهونه عليا الضلمه اللي أنا فيها دي مدت مالك يده وأمسك بيدها الموضوععة علي وجهه وطبع قبله رقيقه عليها فأنفضت أوصالها من حركة شفثيه على يدها فنزعته

من يده برفق فابتسم لها بركة، دق الدكتور شادي الطيب ومن خلفه أدهم، فوقف مالك وهز رأسه لهم فرحب الدكتور بوتين مرة أخرى، فنظر مالك له ثم لوتين بغيظ وانحني بجذعه تجاهها، وقال من بين أسنانه :

- الدكتور يكشف عليك وبس ماتكلميش حتي معاه

ضحكت وتين، وقالت بمزاح :

- الي الدكتور هيقولي عليه هعمله !

- وتين ! .. «قالها مالك محذراً»

ضحكت وتين، لتقول سريعاً :

- خلاص خلاص ! ما تخافش وراك رجاله !

- ياشيخه اتلهي ! قال رجاله .. «قالها مالك وهو يدفعها من ذراعها برفق قبل أن يتراجع للخلف تاركاً مساحة للطبيب ليفحص وتين»

فحص الطبيب وتين بدقة شديدة وعرضها لبعض الاختبارات الحسية والضوئية، ثم قام بعمل بعض الأشعة والتحليل، وترك وتين لترتاح وجلس بمكتب الطبيب سما يراجع الحالة بإهتمام شديد قبل، أن يُفتح الباب سريعاً، فرفع الطبيب شادي رأسه فرأى والده يقف أمامه قد خط الشيب شعره ووجهه وكأنه تركه منذ ١٠ أعوام .. وقف شادي ينظر له فأقرب منه والده ومد يده يلمس وجهه وكأنه يتأكد بأنه لا يحلم فقَبَّل شادي يد والده وأحتضنه وهو يبكي، فصرخ والده بألم لعودة ابنه الحبيب بعد كل هذه الأعوام، فقال بألم :

- هان عليك أبوك يا شادي تسيبه لوحده كده كل السنين دي؟



قال شادي بحزن :

- أنا آسف يا بابا ! صدقني كنت مجروح جدااا ومكتتش عارف  
نفسي فروحت اطوحت علشان أساعد الغلابه يمكن ربنا يعوضني  
عن اللي خسرتة في أهلي

- وأبوك يا شادي مش أهلك برضه ! مش تعمل حساب انه في  
شييك محتاجك جبهه ؟! .. «قالها والده بعتاب»

- ساحني ياوالدي أرجوك ساحني ! معدتش هبعد عنك تاني  
أبد اااا ! اسف يا بابا

- ااااآه لو تعرف وحشتني كلمة بابا دي قد ايه !؟ حمدلله علي  
سلامتك يابني !

دلفت سما دون إذن، ثم تراجعت وتنحنحت فابتسم شادي لها،  
وقال :

- تعالي يادكتوراه اتفضلي

دلفت سما، لتقول بهدوء :

- النهار قرب يطلع يادكتور ! ولسه حضرتك ما قررتش حالة  
وتين محتاجه ايه !

قال شادي بود :

- معلش انشغلت شويه ! جهزي وتين للعملية ! وخليهم مجهزوا  
اوضه العمليات هنحقق للعصب وفيه مشكله لازم تتحل بالليزر  
والتدخل الجراحي بس علطول يا سما

قالت سها بصدمة :

- دلوقتي ! بس حضرتك ما ارتاحتش يا دكتور وكده غلط  
علشان العمليه صعبه جداا ومحتاجه تركيز

قال والد شادي بفخر كبير :

- شكلك لسه ما تعرفيش شادي كويس ! لو عنده مريض محتاج  
عمليه ما يعرفش يغمض عينه غير لما المريض يخف ولو العمليه دي  
فشلت هيفضل شهر كامل معتكف ما يكلمش حد فينا ..

قال شادي بجديه :

- بعيد الشر ! بإذن الله العمليه هتنجح ! بإذن الله وتين هترجع  
تشوف الي بتجبه ويحبها من تاني وتهعيش طبيعیه ! انا حاسس اني  
هقدر أعملها ..

\*\*\*

في غرفه وتين ..

جلس الجميع حول وتين يتمازحون، وتين تضحك من قلبها،  
وکارما تنام بجوارها من الضحك، فقال عمر وهو يمثل ويتقمص  
شخصیه أخرى :

- ولقيتلك الدكتور علاء بعد ما وتين ضربته وشه قلب أحمر زي  
القرد وبيقول أنا هخرب بيتكوا بس أصبروا عليا !

ضحكت وتين وهي تقول :

- ايوا وعمر يقوله براحه ليطلقك عرق ولا حاجه

ضحكوا جميعاً، وقال أدهم بشاته :

- أحسن يستاهل دكتور ناقص صحيح ما يعرفش هو بيتعامل  
مع اخت مين ولا ايه !

قالت ياسمين بتهكم، مازحة :

- مين يعني !!

نظر لها أدهم، وقال وهو يُخرج لسانه :

- اختي طبعا ! دا كفاهها فخرا طبعا ! صح ياوتين

ضحكت وتين، لتقول :

- آه طبعا أومال ايه !!

قالت كارما وهي تضحك :

- مش عارفه ليه حاسه انها بتاخذك علي قد عقلك ؟!

ضربتها وتين بالسادة، لتقول :

- اطلعي منها يابوتحجاز خمسة شعله انتي !

ضحك الجميع ليقول إبراهيم وعينيه تدمعان من الضحك :

- يخربيت كده ياولاد قلبي وجعني من الضحك !

إبتسمت وتين، لتقول بهدوء :

- معلش يا عمو تعبتك معايا أوووي ! اسفه

قال إبراهيم بحزن شديد :

- ايه الي بتقوليه ده يابنتي ! دا حنا الي محقوقين ليكي علي كل الي

حصل ده ! احنا الي آسفين يابنتي !

وجهت وتين وجهها تجاه مكان جلوس مالك، لتقول بمزاح :

- أنا صحيح من ساعة ما شوفت ابنك مالك والمصايب نازله  
ترف عليا بس يلا مش مشكله ربنا يخليني للغلابه  
ضحك مالك ليقول :

- لا والنبى ! تصدقي انا غلطان .. سلام عليكم !

- خد بس ياعم تفاهم ! .. «قالتها وتين حينما توجه مالك للباب  
يفتحه وهو يقول بمزاح»:

- ما تحاوليش ! خلص الكلام ..

فتح مالك الباب ليرى فتاة غريبة تقف أمام الباب، ومن جانبها  
عبله والدة وتين وعينيها مغرورة بالدموع، فأندفعت داخل الغرفة  
سريعاً لتجلس بجانب ابنتها، وهي تقول :

- وتين ! بنتي ! صحيح يا وتين الي سحر قالتهولي ده ؟! انتي !  
انتى !

ربت وتين على يد والدتها المرتعشة، وهي تقول بهدوء :

- إهدي يا ماما انا كويسه ما تقلقيش ! اهدي يا حبيبتى !

قالت والدتها، بغضب حازم :

- ردي عليا يا وتين انتي فقدتي بصرك بجد ! ردي علي أمك يا وتين

ابتلعت وتين ريقها وهزت رأسها بخفوت، فلطمت والدتها  
صدرها وصرخت :

- يامصيتى !

نظر أدهم إلى سحر زوجته الواقفة على الباب بكل شموخ  
بغضب جم، وتقدم تجاه والدته ليأخذ بيدها، فدفعته بعيداً عنها  
لتقول بغضب باكية :

- غضبانه عليك ليوم الدين يا أدهم يا بني ! بتكذب عليا والله  
عال يا بشمهندس يا محترم ! قولى بقا أستعبطها ماهي ست كبيرة  
بقا ومش هتعرف حاجه ! بتخبي عليا أن بنتي خسرت نور عنيتها !؟  
اخس عليك يا بن بطني لولا سحر كنت فضلت زي العبيطه نايمه  
علي وداني

شعر أدهم أن دلوًا كاملاً من الماء المغلى قد سقط عليه، فنزل  
على ركبتيه واقترب من قدم والدته يُقبلها طلباً لرضاها، وهو يقول :  
- كله الا غضبك يا أمي أبوس رجلك ! والله ما كذبت عليكى الا  
مضطر ! عمي إبراهيم قالى ما قولكيش علشان ما تتخضيش لوحك  
فى البيت

دعم إبراهيم حديثه، وقال :

- ده اللي حصل فعلا ! والله يا عبله هو مكذبش عليكى غير  
لخوفه عليكى

نظرت له عبله بغضب شديد، لتقول :

- وبنتي كانت خسرت نظرها ازاى يا ابراهيم انا متأكده أن مراتك  
ليها يد فى الموضوع ده ! من أول مرة وهي مش طايقه بنتي وشوفتها  
وهي بتبصلها من تحت لتحت وما فتحتش بوقى إنما توصل أنها  
تاخذ منها نور عنيتها لأ ! انا هاخذ بنتي ودلوقتي حالا وعاوزة حد  
يقف فى سكتي ولا يمنعني ! ومحدش فيكوا هيشوف بنتي تاني !

نظر إبراهيم أرضا بخزي كبير .. شعر مالك بصدمه تغزو جسده  
من حديث عبله وشهق بصدمه أشد حينما وجدها تسحب وتين  
خارج الغرفة والكل ينظر لها بلا حيلة فانطلق مالك خلفها ووقف  
في طريقها فأزاحته من طريقها قائله :

- وسع من طريقي يابن سميرة احسنلك

قالت وتين محاوله حث والدتها علي الانتظار :

- يا ماما أسمعني بس ! اسمعي مالك طيب

- وتين أمشي معايا من سكات ! .. قالتها عبله بغضب فنزل  
مالك علي ركبتيه وهو يقول دامعا :

- أبوس إيدك .. سييني أعالج وتين ! أبوووووس إيدك ما  
تسحبش مني الأمل تاني ! الدكتور أكلي انها هير جعلها نظرها تاني  
أبوس إيدك يا أمي أبوس إيدك

نظرت له عبله، وتين تقبض على يدها ودموعها تنسال على وجنتيها  
بألم، ومالت بجذعها للأسفل تُحرك يديها عيبًا بالهواء حتى وصلت  
لمالك، فجذبتة من يده لتجعله يقف من جديد على قدميه، وهي تقول :

- يا ماما الي حصل كان حادثه ومالك وعيلته ملوش أي ذنب في  
الي حصل أنا الي وقعت من غير ماأخذ بالي ! قوم يا مالك من علي  
الأرض مفيش حاجه تستاهل إنك تنزل علي ركبك علشان خاطرها  
.. يلا ندخل جوا ونتفاهم ! أكيد المستشفى كلها بتتفرج علينا دلوقتي

نظرت لها عبله بشك، ولكن نظرات مالك المذعورة هي ما  
جعلتها تراجع والجلوس للتفاهم كما طلبوا، ودلفت للغرفة وسحر  
ما تزال تقف عند الباب بكبريائها المعهود، ونظراتها متعلقة ب

ياسمين، فشعر أدهم بالغضب يغزو كيانه، فتحرك خارجاً وهو  
ممسكاً يدها وملامح وجهه لا توحى بخير أبداً، كانت سميرة تقف  
طوال الوقت في إستراحة قريبة وسمعت كل ما حدث بالخارج،  
وقررت الانسحاب سريعاً قبل أن تتطور الأمور ضدها، فأخذت  
سيارة أجرة وتوجهت سريعاً تجاه منزلها.

\*\*\*

أخذ أدهم سحر إلى مكان منعزل بالمشفى، ودلف بها إلى إحدى  
الغرف، وأغلق الباب خلفه.

- ايه الي انتي عملتيه ده وازاي تتصرفي من دماغك من غير ما  
ترجعيلي .. «قالها أدهم وعينه تقطر غضباً.

عقدت سحر يديها، وقالت بكبرياء :

- انا عملت الصبح و الي المفروض كنت انت تعمله بس مش  
مشكله انا وانت واحد ولا ايه !

تمالك أدهم نفسه بشكل كبير ليضرب الحائط بعنف، وهو يقول :

- ما تبريش ياسحر ! وايه الي عرفك أصلاً ان وتين في المستشفى  
الا اذا كنت بتراقبيني !!

تلعثمت سحر، وقالت سريعاً :

- لأ طبعاً انا كنت عاوزاك في موضوع ولما وصلت عند البيت  
لقيتك ماشي بالعريه فجيت وراك علشان اتكلم معاك ولما جيت  
سمعتك وانت بتتكلم إن وتين تعبانة واستنيت لما سمعتك بتقول  
انها اتعمت فحببت أوعي ماما واقولها علشان تيجي تاخذ بالها من  
وتين بدل الست هانم المسهوكه الي كانت معاك دي

- سحححر ! ما تجبش سيرة ياسمين علي لسانك ! .. قالها  
أدهم بغضب كاسح

انتفضت سحر من صياح أدهم، وقالت بتهكم :

- هي كمان اسمها ياسمين ! انا شايفه في عينك انك معجب بيها  
يا أدهم

قال أدهم بإصرار مغتاظ :

- لأ ياستي انا مش معجب بيها انا بحبها عندك مانع ! انا اصلا  
رميت طوبتك من زمان وكنت بحضر ورقتك علشان ابعثالك علي  
بيت امك وخليها تنفعك ! آه ومش انا الي يتكسر عيني بشغلانه  
ياهانم .. الشغلانه الي أمك منت عليا بيها والله أعلم جابتهالي ازاى!  
مش عاوزها بليها واشربي مايتها

جحظت سحر عينيها، والصدمة تغزو أنحائها، ووضعت يديها  
أعلى رأسها لتغمض عينيها وتسقط أرضًا فاقدة الوعي، ففزع أدهم  
ونفخ بضيق وحملها ليضعها على الفراش، وفتح باب الغرف ليجد  
طبيبة تقف قريبة من باب الغرفة، فناداها كي تفحص سحر فأجرت  
الطبيبة فحص إجرائي على سحر، وخلعت قفازاتها ونظرت لأدهم،  
لتقول بجدية :

- مبروك ياأستاذ المدام حامل في الشهر الأول ياريت تتغذي كويس  
وما تتعرضش لأي ضغط أو عصبية علشان سلامه الجنين

تهالك أدهم على أقرب كرسي وهو لا يصدق نفسه ولا  
يصدق ما سمعه للتو، أسوف يصبح أبًا أم أنه يحلم ؟!، رسمت  
الإبتسامة على وجهه شيئًا فشيئًا، فقالت سحر مُدعية البكاء :



لم يكن أدهم يستمع لها جيداً كان بعالمه الخاص، وقام سريعاً ليخرج من الغرفة وأغلق الباب من خلفه بهدوء، فنفتحت سحر وهي تضحك بإنتصار وهي تضع يدها على بطنها لتقول :  
- ابني حبيبي طلعني من الأزمه دي ! من قبل ما أحمل فيه أصلاً

دق شادی غرۃ وتین بحر ص، ودلف مبتسماً لينطق ب :

- السلام عليكم

رد الجميع السلام بإقتضاب وعينا مالك منصبة على عبلة، ففهم شادى أنها والده وتين فقال بإبتسامة هادئة ومازحة :

- ھی دی آختک یا وتین !!

ضحكت وتين لتقول بمزاح وهي تضع يدها على ذراع والدتها:

- لأدي بنتي! هي الصراحه والدتي بس أبان اني انا الى مامتها

ابتسمت عبلة ودموعها لا تجف من على وجتيها، وهي تنظر  
لإبنتها التي تحدث الجميع وعينيها لا تتحرك يميناً أو يساراً، إنما مثبتة  
في اتجاه نقطة واهيه في الفراغ، فريست على يدها وهي تقول :

- علي عيني يانور عيني ياوتين كان مستخيلك فين ده يابنتي !

قال شادي بحكمة :

- في قدرها طبعاً ! ربنا كاتب كل حاجه ومهما حصل كانت هتقع  
وتفقد بصرها طالما ربنا قدر لها ده يبقى من نصيبها ومكنش حد  
هيقدر يتدخل في مشيئه ربنا يا أم آدهم ولا ايه ؟!

قالت عبلة بيقين :

- ونعم بالله عندك حق

زفر شادي، ليقول بهدوء :

- طيب دلوقتي هتيجي مرضه تجهز وتين للعمليه فياريت تسيبها  
لو حدها شويه تعد نفسها لكده

أقشعر بدن مالك من ذكر شادي كلمة عملية، ونظر لوتين  
بخوف شديد، فناده شادي قائلاً :

- معلش يا مالك عاوزك شويه !

هز مالك رأسه وخرج بهدوء وهو ينظر تجاه وتين فوقف معه  
شادي، ليقول :

- بص يا مالك انت عارف أن دي عمليه دقيقه ومهمه وطبعاً  
احنا مجرد سبب وعاوزك توزع صدقات لأجل شفاها ربنا  
قال داوا مرضاكم بالصدق، انا بصراحه معرفش في كل اللي هنا  
غيرك علشان كده قولتلك ! بعد إذنك أنا هروح أجهز للعمليه  
ترك شادي مالك يتخبط في أفكاره وأخرج كل ما في جيبه وخرج  
ليتبرع به في إحدى المساجد القريه بنية شفاء وتين، وأستغل فرصة

وجوده في المشفى وأخذ يصلي ويدعي من أجل وتين وصلى الفجر جماعة، ثم توجه للمشفى فلم يجد أحد في غرفه وتين ولا حتى هي، فركض سريعاً تجاه غرفة العمليات، فوجدها على أبواب الغرفة فنادها بصوت جهوري واقترب منها يركض حتى وصل لها وهو يلهث، وجلس على ركبتيه بجوارها والجميع ينظر له، فنظره لهم ولم يهتم ليقول لها :

- انا لون عيني ايه ياوتين !! . «تسائل مالك ودموعه وشيكه الهطول»  
تعجب الجميع، ولكن ابتسم شادي لتفهمه ما يقصد مالك،  
فقالت وتين بتعجب :

- تصدق ما أخذتش بالي ! بس لزمته ايه السؤال ده !  
قال مالك بعد أن فرت عبرة حارة تشق طريقها على وجنته :  
- طيب أنا هفضل هنا استناكي لما تطلعي وتقولي لون عينا ايه !!  
فهمت وتين سبب سؤال مالك، وهزت رأسها وامتلات عينيها بالدموع، لتقول بنبرة بها بحة البكاء :

- بس توعديني إني لو معرفتش أشوفها هتقولي انت ماشي !  
هز مالك رأسه بالنفي :  
- لأ لازم تشوفها انتي لأنني مش هقولك حاجه !

كانت وتين على وشك الحديث، حينما قاطعها شادي ليقول :  
- أنا آسف اني قطعت عليكوا كلامكوا بس لازم نبدأ العمليه كلها  
انجزنا كلها كان في مصلحة وتين

هز مالك رأسه بالإيجاب وظل ممسكاً بكرسي وتين المتحرك،  
حتى جذبتها الممرضة للداخل وظلت يد مالك ممدودة بالهواء وعينه  
تذرف العبرات بشكل مكثف، فأقرب منه والده وربت على ظهره  
بهدوء وأنزل يده، فمسح مالك دموعه وأقرب من والده وتين،  
وجلس بجوارها ليقول بإصرار كبير :

- بصي يا أمي أنا ما بحبش أعمل حاجة في الضلمه ! انا بحب  
وتين وعاوزها تكون من نصيبي حتي ولو العملية لا قدر الله ما  
نحجش هتوعدينني انها هتكون من نصيبي وانا اوعدك انها هتكون  
أسعد واحده في الكون ومش هتحتاج أي حاجة أبدا

حست عble المصادقية في عينه ودموعه، فنظرت أمامها وأحكمت  
قبضتها لتقول :

- لأ يا بني طلبك مرفوض !!!!

وضع مالك يده على قلبه من إثر وقع تلك الكلمة عليه، وقال  
ودموعه تتزايد :

- ليه يا أمي ! هو انا مش جدير بيها ! دا مفيش حد بيحبها في  
الدنيا قدي

- ومحدث بيكرها في الدنيا قد والدتك ! .. « قالتها عble بضيق »

قال إبراهيم، بإصرار وحزن :

- وانا أوعدك انها مش هتقربلها ولا تأذيها طول مانا عايش وعلي  
وش الأرض ولو وصلت اني أطلقها مش هتأخر

نظرت له عble وهي تحاول أن تصدق حديثه، فأمسك مالك  
بيدها وهو يهز رأسه، لينطق ب :

- وانا هجيلها بيت لوحدها والله مش هخليها حتي تختلط بأمي

فنظرت له عبله، لتنطق بسرعة :

- خيلنا نأجل الموضوع ده لما وتين تقوم بالسلامه ! ساعتها نبقا نتكلم ونقول قرار في الموضوع ده انا مش هاعمني دلوقتي الالبتي !

نظر لها مالك بعدم فهم وحاول أن يستشف أي نظرة لتخبره بقبولها، ولكن ملاحظها كانت جامدة لا توحى بأي شيء، فرفع نظره أدهم فوجده يتسم له، ويؤكد أن كل شيء بخير بنظرة مطمئنة منه، فهز مالك رأسه وإبتسم بوهن ووقف أمام باب العمليات، وأخذ يغدو ويروح أمام الباب وبعد وقت قليل انضمت لهم سحر وجلست بجوار عبله تربت على يدها، وعينها لاتغدو بحقد عن ياسمين، ولاحظت ياسمين نظراتها ولكنها أثرت أن تتجاهلها كي لا تفتعل المشاكل.

مر الوقت بطيء جدا علي الموجودين، وكل دقيقة تمر تأخذ من روح مالك قطعة وكأنه ذرات من التراب في مسار ريح هادئة، وأخذ يدعو الله بقلبه كي يشفيها ويرد عليها بصرها وهو يضرب قبضته بكفه الآخر في توتر، وعمر يقرأ القرآن بصوت شجي عذب، وعبلة تبكي بصمت وهي تدعي لإبنتها الوحيدة بالنجاة بنور عينها من جديد.

بعد وقت ليس بالقليل تم إغلاق الضوء الأحمر، ليخرج شادي من الداخل وهو متعرق بشدة، ونظراته مضطربة، فنظر له مالك بقلق شديد، وأمسك بيديه وهو يتسائل بفزع :

- فيه ايه ! طمني العمليه نجحت ؟!

رفع شادي عينيه في عيني مالك وأنزلها، وهو يقول :

- صدقني مش عارف ! أول مره ما أبقاش متأكد بس المسأله  
مسأله وقت أول ما تشيل وتين الشاش هي اللي هتجاوب علي  
السؤال ده أنتوا بس أدعوها يا جماعة

تركهم شادي يتخبطون في اضطرابهم ، إلى أن خرجت وتين وهي  
نائمة بهدوء على الفراش المتحرك ، وعينها ملفوفة بشاش أبيض ،  
وتبدو لاحول لها ولا قوة ، فاجتمع الجميع من حولها وقلبهم يبكي  
ألمًا على حالها .

دلفت الممرضة إلى غرفة وتين ، فساعدها أدهم بحمل وتين  
ووضعها على الفراش ، وكانت وتين تستفيق فأجلسها أدهم وأسندتها  
والدتها ، لتسائل سحر بتسرع :

- شايفه ايه يا وتين !

مالت وتين برأسها ، وهي تقول بخفوت :

- شايفه أكثر حاجه الناس بتخاف منها ! شايفه ضلمه وسواد  
لكزها أدهم ونظر لها بغضب ، فطأطأت رأسها فاقترب مالك  
منها وجلس بجوارها ، ليقول بصوت حاني :

- أيا كانت النتيجة يا وتين احنا راضيين وموافقين صح ! وانا  
وعدتك اني مش هتخلي عنك ثانيه واحده

قال أدهم بحنو :

- لازم تشوفي يا وتين لازم تأمني أنك هتبقي كويسه وهتشوفي  
علشان هتبقي عمه قريب وانتي أول واحده لازم تشوفي البيبي  
وتين ان شاء الله تطلع عينه زي عينك كده ! يلا ياسيتي علشان ما  
تعايريناش بعينك

قالت وتين، بفرحة عارمة :

- ألف مبروك يا حبيبي ! ألف مبروك ياسحر ربنا يقومك  
بالسلامه ويتربي في عزكوا يارب

وكذلك هنأه الباقيين ماعدا ياسمين، التي شعرت بغصة مريرة  
تقف في حلقها، حينما قالت سحر بتهكم صريح :

- ايه يأنسه ياسمين ما سمعتش مبروك منك يعني !

قالت ياسمين بشبح إبتسامة :

- هه آه طبعاً مبروك ويتربي في عزكوا ان شاء الله ويطلع ابن بار  
وصالح بإذن الله

كرر أدهم نظراته المحذرة تجاه سحر مره أخرى، فسكتت وظل  
الجميع حول وتين يعطونها طاقة إيجابية ويتمازحون معها وهي تبتسم  
بود، مر الوقت سريعاً وأتى الطبيب شادي لنزع الضمادات، فوقف  
الجميع وهم يترقبون بصبر فقير، فتنحش شادي ليقول :

- ياوتين العملية دي كانت بتوفيق ربنا ! الصراحه ما بانش حاجه  
في العملية ! لو علي العصب فأحنا هنداويه مع الحقن والكورتيزون  
ودلوقتي انا هشيل الشاش وأيا كانت النتيجة فهي من عند ربنا لازم  
نقبلها ونرضي بيها !

قالت وتين بقلق وصوت ضعيف :

- ونعم بالله ! أكيد ان شاء الله

قال شادي محذراً ومنبهاً :

- انا هشيل الضمادة ما تفتحيش مرة واحده ! فتحي براحه  
وغمضي وفتحي وان شاء الله خير

هزت وتين رأسها وأخفت إضاءة الغرفة، وشرع بنزع الضمادات  
عن عينيها ببطء، ودقات قلب مالك والجميع تتسارع حتى كادت  
تصنع معزوفة دق طبول إن جاز القول، وماهي إلا دقائق حتى كانت  
وتين بغير ضمادات، حاولت وتين تنفيذ ما أخبرها به الطبيب مرة  
بعد الأخرى، وكان مالك يجلس أمامها مباشرة ويمسك بيدها حتى  
فتحت وتين عينيها وجحظت بهم وهي تقبض على يد مالك بشدة،  
ففزع مالك وضغط على يدها بشدة فنزلت دموعها على وجتيها،  
لتسقط ما تبقى في حصون مالك من قوة وأمل مع دموعها.

\*\*\*



## الفصل الثالث عشر

دمعت عينا وتين وهي تحرك بؤبؤي عينيها بتوتر و ضاغت كل ذرة من قوة وأمل مالك أثر سقوط دموعها، وحبس أنفاسه لدقائق وهو يطالعها يحاول أن يستشف منها النتيجة، وتصادمت نظراتهم لتقول وتين وهي تضحك باكية :

- عيني أحلي من عينك علي فكرة ! البلد كلها عينيها عسلي مش انت بس يعني عملتي البحر طحينه ولون عيني وبتاع و .....  
لم تكمل وتين حديثها حينما جذبها مالك من يدها إلي أحضانه ليرفعها من على الفراش ويدور بها في الغرفة أمام جميع الموجودين، حاول شادي منعه إلا انه لم يستمع لأحد وأكمل وهو يضحك كالأطفال فدفنت وجهها في صدره خجلاً، ولكن أصابها دوار شديد فضغطت على كتف مالك فتوقف على الفور ورأسها يدور وظلت تترنح وهي بين أحضان مالك، فطلب منه شادي وضعها على الفراش كي ترتاح قليلاً، أقترب منها أدهم وعبله وأخذها يقبلانها بود وحب بالغان، وسعادتها تغمر المكان بأكمله، شعر مالك بالخرج مما فعله وهو يعبث بشعره فهو احتضنها أمام أنظار الجميع دون أن ينتبه أو يخجل بل وحملها ليدور بها في المكان، ابتسمت سحر بسخرية من وتين، وظلت تتآكل من الغيظ منها لأنها تمكنت من إسقاط هذا

الشباب الغني في حبها لهذه الدرجة، وأخذت تسبها وتلعنها بداخلها وهي تغلي من الغيظ.

ابتسم عمر لفرحه مالك، وابتسم فرحاً لأجل وتين، طلب شادي مالك وأدهم ليذهبوا معه إلى المكتب، فشعرت وتين بشئ خاطئ ولكن شعورها بالتعب غطى على جميع أحاسيسها، فنامت دون وعي وفي حضور الجميع ليطمئنهم شادي أنه أمر طبيعي وهو أثر المهدئ المُعطى لها.

ذهب كل من مالك وأدهم خلف شادي إلى المكتب، وجلسوا أمام مكتب شادي، فتسائل مالك بقلق :

- فيه حاجة يادكتور !! هي مش وتين كويسه ولا ايه قلقنتني !

قال شادي بجدية مفرطة :

- بصوا يا جماعة انا من رسم المخ والتحليل اللي طلعتلي بتقول إن وتين اتعرضت لخطبه قبل كده وده اللي انت قولته يمالك وأثر الخطبه دي إنها حسنت وظائف المخ والذكاء عندها جداً ده غير انها حسنت عندها النظر بس لما اتخطت تاني فقدت بصرها نتيجة تحرك في العدسه وكان التهاب العصب كان مآثر بشده علي العين! والعمليه اللي عملناها كانت خاصه بالعدسه ودي اتحلت أما العصب فهو لسه ملتهب وده وجعه لا يطاق! وتين هتفوق وهيروح أثر المهدئ وقتها هتتوجع جداً هتضطر نعالجها بكورسات كورتيزون لفترة لحدا ما الالتهاب يخف بس مواعيد الحقن والبرشام لازم تتاخذ بالظبط وبالدقيقه لأن الدقيقه ممكن تخلي العصب يتجنن ويوجعها ويمكن يسبب لها عمي مؤقت تاني!

شعر كل من أدهم ومالك بالقلق على وتين فتسائل أدهم :



- إهدي يAUTIN أنا جيبك ! دا وجع وهيروح لحاله أهم حاجه  
حاولي تهدي !

خفت صراخ وتين، ولكن مازالت تحرك رأسها يمينًا ويسارًا بطريقة عصية لتقول بصوت مكتوم وهي على شفاهها :

- مش قادره أستحمله يامااالك ! حاسه أن الوجع هيموتني

قطب مالک عینہ و حاول أن یتماک، ووضع یدہ علی رأسہا لیصرخ فی عمر بغضب، قائلاً:

- شووووف شادي تاخير ليه يا عمررررر بسرررعه هو مش عارف انها بتألم!!!!

ركض عمر خارج الغرفة، وأخذ مالك يتلو بعض من آيات الذكر الحكيم والرقية الشرعية حتى حضر شادي ووتين تتلو من الألم، فصرخ فيه مالك :

- ايه الي أخرك كده يا شادي !! انت الوحيد الي متأكد من مدى وجعها

قال شادي بجديّة وهو يحرك يد وتين ليحقنها سائل الكورتيزون  
بإتساه شديد :

- أنا آسف بس كان في حالة طالعه قدامي علي السلم ومكتتش عارف أعددي لا انا ولا آدهم

تحرك شادي ليدور حول الفراش وهو يخرج حقه مهدي من جيبه، وحقنها بوريد وتين، وتين أنينها يقل شيئاً فشيئاً حتى استكانت على الفراش، وجينها يتصب عرقاً، ووالدها تبكي بشدة



نظر لها مالك نظره ذات معني فتحنحت وأخفضت نظرها  
ورضخت لقول أخيها اخيرا وخرجوا جميعا ليجدوا آدهم يفرش  
مصيله ويصلي في الردهه الجانبيه وجسده يتنفذ من البكاء فتماسك  
مالك ودفع عمر وعائلته كي يخرجوا من المشفى وتوجهوا تجاه  
سيارة إبراهيم فركب مالك خلف المقود وجلس والده بجانبه وعمر  
وكارما في الخلف وانطلق مالك بالسيارة تجاه منزلهم !

\*\*\*

دلفت سميرة إلى الفيلا فوجدت عبير تجلس في الصالون وعلى  
ملاعها فنزع وخوف شديد فتجاهلتها، وأمرت ليلي بوضع السفرة،  
وتجهيزها للغداء وصعدت كي تأخذ دُشًا دافئًا وترتدي ملابس منزل  
مريجة كلاسيكية، وجففت شعرها جيدًا ومشطته، ثم نزلت مع عبير  
بعد أن جهزت السفرة، وجلسوا لتناول الطعام بهدوء وراحة، بعد  
أن اتصلت بسما لتطمئن أن عملية وتين نجحت، واستردت بصرها  
فنفتحت بضيق وأغلقت الخط وشرعت في تناول طعامها بإسترخاء.

دلف ابراهيم ومالك وياسمين وعمر وكارما إلى المنزل، والإنهاك  
يطغى على ملامحهم، وصدمة الجميع من استرخاء كل من سميرة  
وعبير وهن يتناولن طعامهم بهدوء، وكأن شيئًا لم يحدث، فأغمض  
مالك عينيه وهو يستغفر الله وتوجه إلى غرفته غاضبًا وتحمم، وتوضأ،  
ورفع يديه ليصلي صلاة الضحى مُزيحًا هم الدنيا عن عقله في الدقائق  
الذي يقف فيها بين يدي الله، توجه إبراهيم وعمر إلى طاولة الطعام،  
ووقفوا يطالعونهن بتعجب، فابتسمت سميرة لتقول :

- اقعّدوا يا ولاد يلا اتغدوا ! يلا يا إبراهيم أقعد الأكل لسه سخن  
يديكوا ! يلا تلاقكوا ما أكلتوش من امبارح ..

جحظ إبراهيم بعينه، ليقول بتعجب :

- أنتي ايه البرود اللي انتي فيه ده ! وقعتي وتين في المستشفى وعمتيها وجيتي هنا استرخيتي وبتاكلي وبتشربي ولا كأنك عملتي أي حاجة !

قالت سميرة بتأفف :

- اوووووف تاني السيرة المنيله دي ! مش هي فتحت وخلص بقت كويسه ! خلاص خلصنا و كل واحد راح لحاله ! وياريت بعد إذنكوا سيرة البنات دي ما تجيش في بيتي تاني .. اوك !؟

نظر لها عمر هو وعبير بإشمئزاز وصعد إلى غرفته وكذلك فعلت كل من كارما وياسمين، حيث إتصلت ياسمين بمديرها في العمل وأعتذرت منه عن اليوم لوجود بعض الظروف العائلية، وطمأنته انها وجدت الموظف وأنه وافق على مواظبة العمل من الغد، فوافق مديرها وأعطاهم اليوم أجازة بترحاب شديد.

أنهى مالك فرضه وخرج من غرفته بعد أن بدّل ملابسه، وارتدى بنطال أسود و تي شيرت أسود ملطخ ببعض الحروف البيضاء وسترة رسمية باللون الأسود، وحذاء رياضي أبيض اللون ويحمل في يده علبة سوداء اللون، جميلة الشكل وتحرك تجاه الدرج، فأستوقفه والده وأعطاه ظرفًا مغلقًا، ليقول بهدوء :

- خد يا مالك ده مرتب الشهر ده بعد خصم يومين الأجازة اللي أخذتهم أول الشهر

قال مالك بتعجب :

- بس الشهر لسه مخلصش يا بابا ! ازاى المرتب دلوقتي !

قال والده بإبتسامه هادئة :

- معلش للضرورة أحكام وأكيد هتحتاجهم وخلاص كلها كام  
يوم والشهر يخلص وانت ليك أفضال كبيرة إن الشرکه تقف علي  
حيلها من تاني وصحيح انا جددتلك الحوافز باسمك في البنك تقدر  
تصرفهم بالفيزا وقت ما تحب هه

مال مالك بجذعه، وقبّل يد والده، ثم أعتدل وقبّل رأسه، وهو  
يقول :

- ربنا ما يجرمنيش منك يا والدي ! بعد إذنك انا لازم أكون  
جيب وتين لما تفوق ..

ربت والده على كتفه، وهو يقول :

- أكيد طبعا خليك جبهها ما تسيبهاش دقيقه ولو جد أي جديد  
بلغني ... !

- حاضر يا بابا بعد إذنك ... «قالها مالك بود وتحرك أسفل الدرج  
فوقفته والدته لتقول» :

- مالك ! انت رايح فين دلوقتي !

- رايح أطمّن علي وتين وابقى جبهها مش احسن ما نعمل العمله  
ونجري ! .. «قالها مالك بتهكم»

- ولد ! خد بالك من كلامك معايا ! ومفيش مرواح عند البنت  
دي تاني مفهوم !

- سلام عليكم .. «قالها مالك وهو متوجه إلى باب الفيلا»

قالت سميرة بنبرة غاضبة :





أنهى المدير هيثم مكالمته مع ياسمين، ووضع سماعة الهاتف، ونظر أمامه ليقول :

- معلش يا أستاذ باسم بعذر بس كانت مكالمه مهمه

نزع باسم نظراته الباهظة، وقال بإبتسامة خبيثة :

- أنا سمعت حضرتك بتقول ياسمين ! هي دي مدام ياسمين السكرتيره بتاعت حضرتك ! ومديرة الإستقبال صح !

هز هيثم رأسه بهدوء، ليقول :

- أيوا كانت بتأخذ أجازة لظروف عندهم في البيت وكم ان كانت بتبلغني انها لقت الموظف اللي محتاجينه بالمواصفات المطلوبه يقدر يساعدها في شغلها أثناء وجود الوفد بعد يومين و كم ان يسافر معاها كمبعوث مع الرحله اللي هتطلع للشركه دي !

ضيق باسم عينيه، ليتسائل :

- إسمه ايه الموظف ده !! آآ أقصد يعني يمكن أكون اعرفه

أخذ هيثم يتذكر الاسم، ثم قال :

- لأ حقيقي مش متذكر بس هي قالت انه قريبها ومن طرفها

توجس باسم قلقاً من أن يكون ما يفكر به، فرفع هاتفه بذكاء، ليقول وهو يتصنع إجراء مكالمه :

- ألو أيوه ياسوزان ! ايه الاستاذ آدهم وصل ! طيب اديه معاد تاني أكون موجود فيه

أنزل الهاتف من على أذنه، ليقول هيثم بتذكر :

- تصدق صدفه ! المكالمه دي ذكرتني بحاجه ! ياسمين قالتلي أن  
الموظف ده اسمه آدهم حسن القاسم ! ايوه صح كدا

كز باسم على أسنانه بضيق، ليقول من بين أسنانه بعد أن وقف  
وأرتدى نظراته الشمسية :

- سوري يا أستاذ هيثم علشان مشغول جداااا وفلوس الاعلان  
هتوصلك في أقرب وقت وصحيح حاول تتأكد من اللي انت بتشغلهم  
لأن انا أعرفه آدهم ده وده شاب طائش وبتاع مشاكل وممكن ييوظلك  
شغللك خالص فخد بالك منه !

رحل باسم فوراً عقب رمي ذلك الكلام في وجه هيثم، وتركه  
في عواصف التفكير والتوتر الذي هب على هيثم من حديث باسم  
المدعي عن آدهم وجلس يفكر كيف يتأكد من ذلك بنفسه .. خرج  
باسم من المكتب وعينه توحى بشر أكيد تجاه آدهم.

\*\*\*

ركب مالك سيارته ونفسه مضطرب غضباً وحزناً بعد أن سمع  
والده يرمي يمين الطلاق على والدته، فزفر بضيق وهو يمسخ على  
وجهه بحزن جلي، ولكنه نزع تلك الأفكار عن رأسه ووضع برأسه  
فقط محاولة إسعاد وتين والمكوث بجانبها إلى أن تتعافى وتخرج من  
المشفى، أخرج مالك الظرف وأمسك به ثم قام بفتحه ليجد به أكثر  
من مرتبه بكثير وبعض النقود بالدولار أيضاً داخل الظرف، فابتسم  
مالك وهز رأسه وهو يقول لنفسه :

- كان عارف إني هرفض اخد منه الفلوس علشان كده حطها  
في الظرف وقفله علشان مااعرفش أرجعه ولو واجهته هينكر انه

حطهم ! هه ربنا يديك طولة العمر وراحه البال يا بابا ويهيديكي  
يا أمي يا اارب !

أدار مالك سيارته وتوجه أولاً إلى إحدى أشهر محلات الأكسسوار الموجود بالمنطقة وظل داخله بعض الوقت ثم خرج، وعلى محياه ابتسامة راضية، وركب سيارته وتوجه سريعاً للمشفى ووصّف سيارته وتوجه لداخل المشفى بعد أن أبتاع ورود من محل ورود قريب من المشفى.

رأه شادي وهو يقف مع سما يتبادلان أطراف الحديث أثناء دخوله، فغمز له فضحك مالك وقام بدوره بالغمز له أيضًا فأشار له شادي على الورد بإشارة لا بما معناه أنه ممنوع، فضرب مالك أعلي جبهته وهز رأسه موافقًا، توجه مالك إلى المصعد، وأخذ يهئ نفسه ويعيد ترتيب شعره أثناء صعوده في مرآة المصعد، وبعد أن وصل إلى غرفة وتين وضع الورد خارج الغرفة، ودق الباب ودلف فلم يجد سوى أدهم بجانبها، فرحب به، رأى مالك جهاز نبضات القلب متصل بوتين فقطب واستأذنه بأن يظل مع وتين حتى يوصل والدته وزوجته إلى المنزل فوالدته غير مرتاحة بفراش المشفى في الغرف المجاورة، فرحب مالك بالفكرة وجذبه من ذراعه وأخرجه خارج الغرفة وودعه وأغلق الباب من خلفه سريعًا وهو يقول بقوة: «يلا مع السلامه» فضحك أدهم بقوة وتوجه مالك ليجلس بجانب وتين، وأخذ يتطلع إليها وقتًا قصيرًا قبل أن تحرك بؤبؤ عينيها من أسفل جفنيها، فتهيا للاستيقاظها.

حركات وتين جفنيها بحركه عصبية سريعة، فقلق مالك من ذلك ثم لاحظ اضطرابها وتعرقها الشديد قبل أن تصرخ فرعة وهي تقفز من مكانها، فزع مالك واقترب منها وهو يربت عليها بيده وهو يسمى الله :

- بسم الله الرحمن الرحيم ! إهدي ياوتين ده مجرد كابوس مفيش  
حاجه !

نطقت وتين من بين شفيتها :

- أعوذ بكللمات الله التامات من غضبه وعقابه ، وشر عباده، ومن  
همزات الشياطين وأن يحضرون.

ابتسم مالك بعد أن سمع منها دعاء الفزع من النوم واطمأن  
قلبه عليها، وأستشعر حبها للدين وقربها لله فنظرت له وتين لتقول  
بتعجب وصدمة :

- مالك ! مالك أنا شايفاك !

- يا رايي اجل ! كنت فاكرك سمعاني ! هاهاهاهاها .. «قالها مالك  
بمزاح»

نظرت له وتين من زاوية عينيها، فقال ضاحكا :

- إيه ده انتي بتزغريلي ! لا انا محدش يزغريلي كده

- تزغريلي ! ايه الكلمه العجيبه دي !! .. «تسائلت وتين بجهل»

فضحك مالك، قائلاً :

- بتبصيلي بقرف من جنب عينك وتبرقيلي يعني !

هزت وتين رأسها بيأس، لتقول :

- سعد زغلول قالها زمان ! مفيش فايده !؟

ضحك مالك بشدة، ثم قال بإبتسامة هادئة :

- كنت جاييلك ورد حلو أوي بس شادي مهدم اللذات ومفرق  
الجماعات قالي انه ممنوع فسييته بره يلا حظك بقا

قالت وتين بحزن، وهي تقوس شفيتها كالأطفال :

- ايه ده ! ده ظلم ده ! خلاص ليا عندك بوكيه لما اخرج من هنا !

ضحك مالك، ليقول بمزاح :

- انتي متأكده انك عديتي ال ١٠ سنين !؟؟ ومع ذلك ماشي  
ياستي ! دين في رقبتي أجبلك واحد بعد ما تخرجي ! أنا عندي كام  
وتين يعني !

قالت وتين بذكاء :

- عندك اتنين !

تعجب مالك، وقال بمزاح :

- أنتي فيه منك نسخه تانيه ولا ايه ! دي فين وتين التانيه دي !

وضعت وتين يدها على قلب مالك، لتقول بإبتسامة لطيفة :

- عندك هنا وتين شريان بيخليك عايش !

إبتسم مالك ووضع يده علي يد وتين، ليقول بحنو وحب :

- صدقيني مش ده الوتين الي مخليني عايش وتيني الي مخليني  
عايش هو ده.

قالها مالك وهو يحرك يدها تجاهها، فخجلت وتين ونظرت أرضاً  
وابتسمت بود، فقال مالك بصعوبة وجدية :

- وتين ! انا عاوزك جمبي ! كل اللي بيحصل دلوقتى ممكن يكون ربنا مش راضى عنه لأنك مش حلالى ! أنا عاوزك حلالى عاوزك ليا وبس عاوزك تكونى جمبي على الحلوة والمره ! أرجوكى ياوتين وافقى اننا نكتب الكتاب علطول ملوش لازمه التأجيل !

أحمرت وتين خجلاً لتقول مغيرة الموضوع :

- مش وقته يمالك ! نتكلم فى الموضوع ده بعدين لما أخرج من المستشفى بس !

- وهو كذلك ! اللي تشوفيه انا موافق عليه ! .. «قاهها مالك برضا»

تذكر مالك شيئاً ووقف لياخذ العلبة السوداء الموضوعه خلفه على الكرسي، ثم جلس مرة أخرى ليكون بمساواة وتين ومد يده بالعبه تجاه وتين، ليقول :

- أتفضلى دي علشانك !

نظرت وتين للعبه باهظة الثمن، وتنبأت ما يوجد بداخلها، فقالت بإبتسامة بسيطة :

- آآ بص يا مالك انا مش بحب الهدايا نوعا ما و.....

قاطعها مالك، وهو يقول بإصرار :

- خدى ياوتيسيين العلبة وافتحيها !

تعجبت وتين من إصراره وحاولت الرفض، إلا أن إصراره كان غير معقول كما تظن، فمدت أطرافها وأخذت العلبة من يد مالك وهي لا تحيد بعينيهما عنه، فقال مالك وهو يضحك :

- أنتي مالك خايفه كده ليه ! ما تخافيش مش هتتفجر في وشك !  
افتحها ولو معجبتكيش رجعيها ياستي ! حلتها لك ايه

- وعد ؟ .. «تسألتي وتين بسعادة»

هز مالك رأسه بإبتسامة ساحرة، وهو يحرك حاجبيه :

- وعد ...

حركت وتين غطاء العلبة السوداء بلطف لفتحه، وصدمت حينما  
رأت ساعة والدها الفضية تلمع داخل العلبة وكأنها جديدة كما  
كانت، بل وأفضل بعد أن كانت مهشمة إلى أجزاء صغيرة، شهقت  
وتين بدهشة كبيرة وهي تغطي فمها بيدها، ودمعت عينيها فرحًا،  
فإبتسم مالك وفرح للسعادة الغامرة التي قرأها في عينيها، فصرخت  
وتين فرحًا وأخرجتها سريعًا وهي تتحسسها بأناملها غير مصدقة  
ما تراه، فرفعت وتين عينيها تجاه مالك وتبادلت معه نظرات ممتنة  
ألقتها مالك وأغلق عينيه بتفهم، فسقطت دموعها على وجنتيها  
وقبلت الساعة وأحتضنتها، وكأنها جزءًا منها وانفصل عنها منذ  
وقت طويل.

نظرت وتين لمالك وهي تمسح دموعها، لتقول :

- عارف يامالك ! مجرد ان الساعه دي في أيدي مش قادرة  
اوصفلك الأمان الي انا حاسه بيه ! صحيح بابا مات وانا صغيرة  
شويه بس من بعد ما مات كانت الساعه الي جيهالي يوم ما مات  
وقالي حافظي عليها وانا بحس وهي معايا انه جمبي علطول ! هو  
وحشني أووووووووي ونفسي أشوفه ويكون جمبي اوي اوي !

شعر مالك بحزن وقع كلماتها على قلبه، فأكملت كلامها لتقول  
بتأثر وبعض العبرات الحارة :



- لما الساعة اتكسرت حسيت بعدم الأمان حسيت أن خلاص بابا مشي وسابني !! كان إحساس وحش اوي ! تعرف انا بقالي أكثر ستتين ما قولتش كلمه بابا ! الكلمه الي بتحب كل بنت في الدنيا تقولها وتباهي بيها وسط الناس وهي بتنادي علي ضهرها وسندها والأمان بتاعها وسط كل العالم ! يااااااه مش قادرة اوصفلك قد ايه الاحساس ده وحش

قال مالك بحزن :

- أنا آسف يا وتين ! مكتتش أقصد أكسرها .. انا السبب في اني اسبيلك الشعور ده

نظرت له وتين ووضعت يدها على كفه، لتقول :

- كلمه آسف الي بتقولها دي أسوأ من الشعور الي قولتلك عليه ده بجد ! ما تقولهاش تاني !

قال مالك برجاء، وبعض التردد :

- وتين هو انا ممكن أطلب منك طلب ؟!

- أكبيد .. «قالتها وتين بإبتسامه ودوده»

فقال مالك بإبتسامه راضية :

- ممكن لما نكون لوحدا تنادينني يا «بابا»....!!

لم تصدق وتين ما سمعته للتو، وقالت بدهشة يشوبها دموع، لم يستطع مالك استيعاب هدفها أهو للفرح أم حزناً، فضحكت وتين بسعادة وهي غير مصدقة، وحاولت قولها فخرجت منها رقيقه مؤثرة :

- حاضر يا..... بابا !

## الفصل الرابع عشر

كان مالك ووتين يتبادلون أطراف الحديث حينما طرق الباب ودلفت طفلة صغيرة وهي تدفع الباب بصعوبة، فابتسم لها مالك بود حينما جحظت وتين بصدمة شديدة وقفزت من مكانها وهي تنطق من بين شفاهها بدهشة :

- ورد ! ايه اللي جابك هنا؟

ركضت الفتاة تجاه الفراش، رفعتها مالك بتعجب لوتين فأحضنتها الفتاة سريعاً، وهي تقول :

- أبله وتين أزيك ! انتي كمان هنا ؟! انا بدور علي أختي تمارا علشان هما جابوها هنا وانا هربت من الدار وجيت أشوفها

أبعدتها وتين عن حضنها بدهشة، وتفوهت بإستنكار :

- هربتي ! ينفع كده يا ورد ؟! و تمارا هنا بتعمل ايه ومن أمتي ؟ !

قالت ورد بطفولة :

- بس انا معرفش هي هنا ليه ! هي هنا من إمبراح وبيقولوا انها تعبانه اوي

شعرت وتين بالقلق من أجل تمارا، تلك الفتاة التي قابلتها في المرة الأولى في دار الأيتام وهي تبلغ من العمر ١٨ عام ولديها زوج من العيون البنية، وشعر بني غجري وملامح صغيرة ووسيمة، وكانت لا تستلطف وتين كثيراً لأنها كانت دائمة النصح لها ولكنها لم تكن لتستمع لأحد أبداً.

وقفت وتين سريعاً فمنعها مالك بإصرار، قائلاً :

- ايه ده ! انتي رايحه فين مفيش خروج من السرير أصلاً اتفضلي أرجعي مكانك ! ومين ورد وتمارا دول ؟!

قالت وتين بقلق وخوف حقيقي :

- سيبي يمالك انا لازم اطمئن علي تمارا ! علي الأقل أعرف ايه اللي جralها ! هحكيلك بعدين بس سيبي ..

قال مالك بإصرار :

- قولت لأ يعني لأ ! ولو عاوزه تطمني عليها انا هاخد ورد ونروح نعرف ايه اللي حصل وأقولك ! ماشي ؟!

فكرت وتين لدقائق وقرأت في عيني مالك إصراره على عدم خروجها، فوافقت مضطرة فحمل مالك ورد ذات العيون السوداء والشعر الأسود القصير الناعم، وقبلها من وجنتها لتصفعه كف شديد من يدها الضعيفة ليتألم مالك، وتضحك وتين بشدة:

- كده عيب ياعمو مش تستأذن !.. قالتها ورد بكبرياء

جحظ مالك بعينه ونظر لوتين، فقالت من بين ضحكها :

- ما تبصليش كده ! انا اللي معلماها تعمل كده !

- كما انا ان يا صلاة النبي ! ... «قالتا مالك بمزاح»

خرج مالك، ووتين تتهالك من الضحك فنظر لها بغيظ وهو يلوي فمه كالأطفال، وأغلق الباب من خلفه وتقدم إلى الاستقبال فنظر إلى ورد، وتساءل بفضول :

- هو انتي ساكنه فين يا ورد ؟!

قالت ورد ببراءة وعفوية :

- في دار الأيتام الي موجوده قريب من هنا بس تعدي الشارع وهتمشي شويه هتلاقي عريبه زرقه من عندها أدخل ناحية ايدي الي باكل بيها دي ! وبعد كده هلاقي عريبه حمرا انا بدخل الدار من الباب الي ورا العريبه علطول

ضحك مالك، ليقول :

- انتي حفظتي كل ده امتي ! انا تو هت منك وبعدين معلمه الشارع بالعريبات افرضي العريبه مشيت هترجعي ازاى !.

قالت ورد بارستقراطية :

- مره هربت علشان أجيب لكريم اخويا في الدار ورده هديه عيد ميلاده قوم ايه بقا وانا راجعه ملقتش العريبه تخيل عملت ايه ؟!

ضحك مالك بقوة، ليقول :

- ايه جو التشويق الي عيشتيني فيه ده ! طيب أكيد بقا كتتي حافظه الشارع ودخلتي فيه علطول من غير العريبه طالما بتهربي كثير كده

- جتك خيبه ياعمو ! .. «قالتها ورد بإستنكار»

- أممم میرسی ! اتفضلی کملی ... قالا مالک بخرج

استرسلت ورد في الحديث، لتقول بغطسة :

- قوم ايه بقا ! فضلت قاعدة لحاااااااااد ما العربية الزرقا جت و اتأكدت ان هو ده الشارع فدخلت فيه ! شوفت بقا انا ذكياه ازاي ياعمو ؟!

- بسم الله ماشاء الله ربنا يجرسك يا بنتي والله معلش بقا قدري غبائي مااخذتش بالي ! وياريت ما تقوليش لحد علي خيبي دي ..  
«قاهها مالك بمزاح متهمك»

فقلت ورد وهي تلوي شفيتها الصغيرتين كنوع من الكبرياء :

- اوڪ اوڪ! سرك في بير ياعموزي سر اسراء آختي في الدار لما وقعت الفاظه الكبيرة بتاعت المدير وانا خبيت عنهم وكم ان سيد لما قص الستارة بالمقص و علي ولع فيها وانا شوفتهم وما قولتش لحد و كاميليا و شياء و مياده لما كلوا الجاتوه من التلاجه وانا شوفتهم وما قولتش لحد بس هم بيعرفوا بعد كده لوحدهم ومش عارفه هم بيعرفوا ازاي!!

ضحك مالك، ثم تسائل بفضول مرة أخرى :

- قوليلي بقايا حلوة تعرفي أبله وتين منين ومن أمتي !

- ايه ده ياعمر انت عاوزني أفتن عليها ! لأ لأ أنا مش فتانه! ..  
«قالتها ورد بضيق»

رفع مالك حاجبيه بصدمة، ليقول :

- يا اناaaaaaaaaااجل!! بعد كل ده ومش فتانه! دانا حسيت اني عايش معاكوا في الدار

- ياعمو انا مش هينفع اصلا اصلا اقولك ان ابله وتين بتيجي عندنا يوم الاثنين كل مرة وبتجيلنا لعب حلوة وحاجات حلوة لكل واحد علشان هي قالتلنا ما نقولش لحد وكده يعني فمش هينفع أقولك .. «قالتها ورد باستنكار»

ضحك مالك بقوة حتي دمعت عينيه، وقال بتعجب :

- أنتی اکید مش عارفہ ہم بیعرفوا ازای !!

— أه والله .. «قالتها ورد وهي تغمض عينيه بإقتناع»

هز مالك رأسه ضاحكاً وأتجه إلى الإستقبال ليتسائل عن محل غرفة تمارا حسين، كما أخبرته ورد بمعلوماتها كاملة وتم إخباره بها، فحمل ورد مرة أخرى وتركها لدى وتين وذهب لمعرفة الموضوع بأكمله.

أَمْسَكَتِ وَتَيْنِ بِ وَرَدٍ، وَتَسَاءَلْتُ بِضِيقٍ :

- ورد تعاليٰ هنا! قوليلي بقا أنكل مالک سألک علي ايه! وانتي قولتله ايه!؟

قالٓت ورد بکریاء کبیر :

- هو سألني اني اعرفك ازاي ! بس انا بقا يأبله وتين طلعت  
نصحه و قولتله اني مش هينفع أقولك ان انتي بتيجي عندنا كل يوم  
اتنين وبتجيب لنا حلويات ولعب كتير و لا قولتله اني اعرف سر إسرائ  
أختي في الدار لما وقعت الفاظه الكبيرة بتاعت المدير وانا خبيت  
عنهم وكمان سيد لما قص الستارة بالمقص وعلي ولع فيها وانا  
شوفتهم وما قولتش لحد وكاميليا وشياء وميادة لما كلوا الجاتوه  
من التلاجه وانا شوفتهم بس ما قولتش حاجه خاااااالص

جحظت وتين بعينيهما بصدمة وهي ترمش بجفניה وفاعرة فمها  
بذهول، لتقول بدهشة شديدة :

- يا خراااب بيتك ياوتين ضيعتي عليا الثواب منك لله خدي  
يابت انتي تعالي ! انا هقصلك لسان ده بس اصبري عليا

أخذت وتين تدغدغ ورد وتداعبها، وورد تضحك بشده وملاأت  
الغرفة ضحك وحيوية ولعب ومزاح، وتين تعيش معها لحظات  
طفولتها التي تفتقدها بشدة.

\*\*\*

شعرت سميرة بصدمة ما حدث وأخذت تبكي بشدة، وهي تميز  
من الغيظ بسبب وتين وأقسمت على الإنتقام منها وانزوت على  
نفسها كي تخطط وتفكر بكل الطرق لتؤذي وتين بطريقه تدمرها.

أستيقظ عمر وأخذ حمامًا دافئًا ليزيح عنه تعب اليوم، ثم أغرق  
جسده بمعطره الرجالي الخاص به، وارتدى بنطال من الجينز الكحلي،  
وسويت شيرت باللون النيتي، وحذاء رياضي من نفس لون السويت  
شيرت، ثم وضع غطاء السويت شيرت على رأسه كما يحب أن يفعل  
دائمًا، وألثقط مفاتيحه وهاتفه ثم ذهب إلى غرفة المكتب وأخذ مفاتيح  
سيارة العائلة، وصعد مرة أخرى لغرفة كارما، ليجدها تجلس على  
الفراش وتضم ساقيهما إليها وملاحمها وكأنها خالية من الحياة،  
فتعجب عمر حالتها بشدة، واقترب منها ليضع يده على كتفها،  
لتتفرض كارما فزعًا فيربتها عمر :

- بسم الله الرحمن الرحيم ! ايه ياكوكي أنا عمر انتي خوفي كده ليه !

قالت كارما بتلعثم :

- هه آآ لا مفيش ! هو انت كنت عاوز حاجه يا عمر !

ابتسم عمر ليقول :

- آيو ايا ستي عاوز ! ايه رأيك نخرج انا وانتي النهارده شويه وبالمرة أعرفك علي واحدة صحبتي هتحييها أوووووي !

قالت كارما بحزن :

- نخرج ونسب كل اللي بيحصل ده ونخرج نبسط مش هينفع يا عمر !

قال عمر بإستنكار :

- وانتي مالك ومال اللي بيحصل ! انتي خليك في حياتك الخاصة وبس وبعدين ياستي أنا حابب أفسحك ايه الرخامه دي ! وبعدين أعرفك علي مكة هي محلله نفسية بس ايه شاطره أوي وبعدها بقا نروح نزور وتين ! ها قولتي ايه ؟!

قفزت كارما، لتقول بإبتسامة سعيدة :

- بجد هتوديني لوتين !!

ابتسم عمر وقبّلها من وجتها، ليقول بمراوغة :

- احب ضحكك الحلوة دي يا أبيض يا عرسي انت ! اكيد هوديكي !

ضيقّت كارما نظراتها، لتسائل بحزن بالغ :

- انت قولت محلله نفسيه ! هو انا مجنونه يا عمر ! مش عاوزة أروح

مط عمر شفّتيه بإستنكار، ليقول :



- يخربيت كئآبتك دي يابت انتي لأهتروحي وهتجيبها ولو  
معجبكيش الموضوع مش هوديكي تاني ودلوقتي اتفضلي قدامي  
سحبها عمر من يدها وأخذها إلى حمام غرفتها الداخلي وأوقفها  
أمام المرأة، وأمسك بفرشة الأسنان الخاصة بها ووضع عليها القليل  
من المعجون، وأشار لها بإظهار أسنانها ففعلت فوضع الفرشاة في  
فمها فضحكت وأكملت فرش أسنانها، وعمر يتابعها إلى أن أنهت،  
ثم أمرها بالاستحمام سريعاً وخرج إلى غرفتها وانتقى لها فستاناً هادئاً  
من اللون الفيروزي طويل وبأكمام قصيرة نوعاً ما، فخرجت كارما  
لتجد الفستان مسجى على الفراش، فإبتسمت برضا لعمر الذي يقف  
يستند على الحائط وهو يغمز لها بعينه، ثم أقرب منها وأخذها من  
يدها وأجلسها على الكرسي وأخذ يجفف لها شعرها، ثم جمع بعض  
شعراتها في الخلف بدبوس صغير وهادئ، وتركها لترتدي فستانها  
وخرجت فتأبط عمر يدها وبدأوا بهبوط الدرج، فلاحظتهم عبير  
ووقفت لتسد عليهم الطريق، فنظر لها عمر ثم تجاهلها وتخطاها  
ليوقفه صوت والدته :

- عمر ! رايح فين ! هو البيت بقا زي خرابه الكل طالع داخل  
من غير إذن !

وقف عمر وأخرج المفتاح من جيبه وأعطاه لكارما كي تفتح  
السيارة وتجلس بها إلى أن يأتي، وما أن خرجت كارما حتى ألتفت  
عمر لينظر بجمود لوالدته، ليقول :

- نعم يا ماما ! انا رايح أودي كارما للدكتورة بتاعتها ! وبعدين  
هفسحها شويه علشان حاسسها مضغوطة فيه حاجه تاني !

- رايح تفسحها ولا رايح توديهما للهانم اللي في المستشفى! وبعدين مالكووا كلكووا بتكلموني كأني ليلي الخدامه مش مامتكووا كده ليه! .. «قالتها سميرة بحزن»

كانت ليلي تصعد الدرج لتنظف غرفة كارما، فألقت عقب أن سمعت ما قالتها سميرة وتحولت لملاحها للحزن، فنظر لها عمر نظرات ذات معنى وابتسم لها بفخر رغم كل شيء، فهزت رأسها مبتسمة وأكملت طريقها للأعلى، فنظر عمر لوالدته ليقول بتهكم:

- بس احنا عمرنا ما عاملنا ليلي بالطريقه دي! واكيد انتي عارفه السبب برضه

قالت والدته بضيق وتسرع:

- لأنكووا بتحبوا تجروا ورا الشحاتين وتجبوهم وتقربوهم منكوا، فوقفت ليلي عن إكمال طريقها ونزلت الدرج وهي تنزع عنها مريلة المطبخ وترميها بوجه سميرة وخرجت فوراً من المنزل، بعد أن أحضرت أشياءها من الداخل، فصرخت فيها سميرة قائلة:

- ارجعي ياليلي والا والله ما هتثوفي مني مليم أحمر بعد كده

نظرت لها ليلي بسخريه، لتقول:

- خليهملك! يمكن ينفعوكي بعد ما يسبك كل اللي تعرفيهم لوحذك ويمشوا يمكن يونسوكي في وحدتك

شعرت سميرة بالغيظ يأخذ من روحها الكثير، ولكن شعرت بجزء من الحقيقة تفوهت به ليلي، فقطبت جبينها بضيق وهي تراها تخرج من باب المنزل دون تردد.

رحلت ليلي فنظر لها عمر، ليقول:



كجسد يقضي فيه رغبته ثم يخرج تاركًا إياها في بحار دموعها وآلامها غير عابئًا سوى بنفسه، وسادته الوحشية معها، فأحب ما إلى قلبه أن يرى الناس تتألم من حوله.

أغمضت ياسمين عينيها بآلم، وألقت بذلك السوط بعيدًا عنها، وشعرت بجو الغرفة يشتد برودة من حولها فوضعت أناملها على أطراف عنقها، ثم وقفت وأرتدت جاكيتًا طويلًا من اللون الزيتي على النبطال الجينز، والتي شيرت الأبيض الذي ترتديهم ووضعت محفظتها وهاتفها في جيبيها وسماعتها الموصولة به في أذنيها، وخرجت من الغرفة ونزلت الدرج سريعًا قبل أن تراها والدتها، وأغلقت الباب من خلفها وتحركت تجاه الباب الأمامي من المنزل، وما أن وطأت قدمها الطريق حتى بدأت بالمشي السريع ثم ركضت عبر الطريق وهي تحاول أن تمحي صورة تلك الأيام من ذاكرتها، حتى الودون سابق إنذار - وقفت سيارة سوداء جيب كبيرة وقطعت طريقها، فحاولت ياسمين أن تتوقف فجأة ولكنها تعثرت وسقطت أرضًا وسط التراب وضربت رأسها بمقدمة السيارة فنزفت دمًا، ففتحت باب السيارة ليخرج منه باسم الشافعي بكبرياؤه وحضوره الطاعني وهو يغلق زر حلته سوداء اللون، وأغلق الباب ووقف في مقدمة السيارة وهو يتابع ياسمين وهي تحاول الوقوف على قدميها مرة أخرى.

حاولت ياسمين الوقوف ولكن آلتها قدمها بشدة، فأستندت على السيارة لتلمح عينيها لوحة السيارة التي تحفظ أرقامها عن ظهر قلب، فمحت ملامح الألم من على وجهها فورًا، ووضعت محلها ملامح الجمود والثبات ووقفت بقوة لا تعلم من أين أستمدتها.

نظر باسم للملابس التي تلطخت بفعل التراب، فقال وهو يمتط شفتيه:

- تَوْتَوْتَوْتَو! ايه اللي حصل ده بجد زعلت علشانك أوي مش  
تاخدي بالك يا قطتي

ضحكت ياسمين من زاوية فمها بتهكم، لتقول مجازاة لنفس نبرته :

- معلش هنعمل ايه بقا! عيل حمار في السواقه وانا الصراحه ما  
اتعودتش أعتب علي العيال

ضحك باسم، وقال بمراوغة :

- الله! تعجبني الخربشه دي! بس سيبك انتي أحلويتي وادورتي  
أكثر من الأول

نظرت ياسمين لباسم بإستهوان، لتقول :

- ميرسي علي المجامله اللطيفه دي يا باسم! طول عمرك بتفهم في الذوق  
ضحك باسم مرة أخرى بعد أن فهم ما تقصده، وقال هامساً  
وهو يقترب من أذنها :

- غير كده كل حاجه فيكي لسه زي ما هي! حتي نظره الخوف  
الي في عينك ما اتغيرتش من اخر مرة يا قطتي

شعرت ياسمين بأنفاس باسم تلفح عنقها بحرارة، فشعرت  
بالتقزز منه ودفعته بكفها من صدره بقوة، وهي تقول بسخرية :

- أنا أخاف ومنك انت! هه كان زمان يا باسم! بس عادي يعني  
هو الضعيف كده يجب يفرض قوته علي اللي أضعف منه علشان  
يشبع غروره المرضي دي معلومه ليك بس

حفظت عينا باسم بغضب، وأقبض بيده على ذراعها بشدة  
فضغطت ياسمين علي أسنانها بشدة كي تمنع نفسها من التألم في

حضوره، وحاولت دفع يده بكل الطرق ولكنها فشلت أمام فارق الحجم والقوة بينهم وهو يقول :

- تعالي معايا واوريكي الضعيف ده هيعمل فيكي ايه ! أقسم بالله لأخليكي تترجيني علشان الرحمة

جذبها باسم من يدها ووضعها في السيارة على المقعد الأمامي، ومشيت معه ياسمين بلا مقاومة فثبتها على المقعد بحزام الأمان، فأنتظرت ياسمين اللحظة المناسبة، وما أن دار باسم حول السيارة فنزعت ياسمين حزام الأمان وقفزت خارج السيارة بسرعة غير طبيعية لتتمسك في إحدى اتوبيسات النقل العام من الخلف، وهي تصرخ بصوت مرتفع ومتصر :

- ررررحمة دي تبقي أعمممممممك !

دلف باسم وحاول اللحاق بها، ولكن سد الطريق أمامه بإحدى سيارات النقل الضخمة وتوقفت حركتها مسببة أزمة سير شديد، فضرب باسم المقود بيده بشدة وغضب.

اطمأنت ياسمين أن باسم لا يلحق بها فأختفت الإبتسامة المنتصرة على وجهها إلى رعب وفزع حقيقي، لتشهق باكية بصورة قوية وما أن توقف الاتوبيس حتى نزلت وركضت تجاه إحدى سيارات الأجرة لتوقفها، وأخرجت هاتفها لتدق على كل من مالك وعمر، ولكن لم تلق أي إجابة، فألقت هاتفها بجوارها باكية.

\*\*\*

أستيقظت سلوى وتوجهت إلى غرفة سحر كي توقظها، ولكنها لم تجدها فقطبت جبينها وأخرجت هاتفها كي تدق عليها وانتظرت كثيرًا، ولكن جاءها الرنين دون إجابة، فأطلقت سبة لاذعة غير مهيبة حين جاءها اتصال من رقم مجهول، فضيقت عينها وأجابت على هاتفها بحذر، ليأتيها صوت أجش ساخر :

- سوسو سلوي هالالالام بنت الحسب والنسب إزيك !؟

- انت مين وتعرفني مين ! .. « قالتها سلوي بتخوف »

ضحك الصوت بصورة مرتفعة ومقرزة ثم تفوه ب :

- من حيث اني اعرفك فأنا اعرفك معرفه محدش يعرفها قدي أما بقا بالنسبة لأنا مين ! فانا ماضيكي الوسخ ! وزي مانتي عارفه كده يا سوسو محدش يهرب من قدره ولا ايه

رجع الصوت ليضحك من جديد، فصرخت به سلوى، قائلة :

- أنطق قولي انت مين وإلا هبلغ البوليس واوديك في ستين داهيه

ضحك الصوت ببشاعة وأغلق الخط وضحكته تتردد في رأس سلوى، يا إلهي إنها تعرف تلك الضحكة جيدًا، ولكنها لا تستطيع أن تحدد مالكة بالتحديد، دارت الآلاف من الأفكار برأس سلوى وأخذت رأسها تتخبط في جدار ماضيها وهي تحاول أن تصل لذلك الصوت الذي يبدو مألوفًا لها بدرجة كبيرة، وشعرت أنها بدأت تعرفه وبدأت ملاحظه تظهر بعقلها حتي أنفض جسدها فزعًا حينما دق هاتفها بصوت مرتفع، ففزعت سلوى ووضعت يدها على قلبها من الخوف وأغمضت عينيها، وزفرت زفرة طويلة حينما لاحت الشاشة بإسم ابنتها سحر، فحرّكت إصبعها على الشاشة ووضعت الهاتف على أذنها :

- انتي فين ياست سحر هانم !! من أمتي بتخرجي من البيت  
من غير أنا ما اعرف !! انتي فين أنطقي !

قالت سحر بتلعثم :

- أنا !!!! انا عند آدهم في بيته ...

- نeeeeeeeeعم ! برضه عملتي الي في دماغك ياسحر انا مش  
حذرتك .. «قالتها سلوى بصراخ»

قالت سحر حينما ارتفع صوت والدتها، وهي تجلس بجانب عبة :

- سوري يامام لو قلقتي عليا ! بس وتين كانت تعبانة جدااا  
وكان لازم أكون جنبها انتي عارفه بعيدا عن أي حاجه وتين أختي  
الصغيرة وانا بحبها قد ايه ! صح ولا لأ؟

ربت عبة على ظهرها بحنو وفهمت والدته ما يجري من حوار،  
فقالت بتهكم :

- طب خلصي وارجعي علطول انا قاعده مستنياكي مش نازله  
الشغل النهارده

- اوك مام هاجي علطول واشرحلك كل حاجه ! .. «قالتها سحر  
قبل أن تغلق الخط، فنظرت لها عبة وهي تربت على يدها، وقالت  
بهدوء :

- سحر يابنتي ! هقولك كلمتين حطيم حلقه في ودانك ! انتي  
ملكيش غير جوزك وابنك الي في بطنك أدخل أسترضي جوزك  
وطيبي بخاطره مكنش ينفع تعلي صوتك عليه احنا من طول  
عمرنا جوزنا بعد الله ورسوله حاوي علي قد ما تقدري عملي كده  
وهتعيشي احلي عيشه مع جوزك وولادك بعد كده



هزت سحر رأسها، وقامت وتحركت تجاه غرفتها وفتحت الباب  
ودلفت، فأرتدي أدهم جاكيتيه وانحنى ليربط حذائه وهو ينظر لها،  
فقال بتلعثم :

- أدهم iam sorry ، لكل اللي حصل، ده بيحصل بين أي اتنين  
وانا عارفه أنك قولتلي انك بتحب ياسمين دي علشان بس تشوفني  
غيرانه عليك ولا لأ

حرك أدهم رأسه للجنب، ونظر إلى سحر، ليقول بحنكة :

- أنتي جبتي أدهم بتاع زمان اللي كان بيعاملك زي الأميرات !  
أدهم بتاع زمان ده كان أدهم لما يحب ويعشق بجد بس انتي بركاتك  
حولتيه لمكنه شغاله علشان تطبع فلوس وبقت ست سلوي هالانم  
بتتشرط عليا ووتعاقبني وتسحب الوظيفة من بين أيديا وقت ما  
تحب لأ والأسود أن حياتي بقت يأمأ في الشغل يا أمأ بسمع زنك و  
خناقك علشان ماما ووتين مش جايين علي هواكي

سحبت سحر يدها ببطء، فأمسك بهم أدهم وثبت نظاره على  
إنعكاسها في المرآة، وقال بثبات :

- بس أتمني أنك لما تبقي أم ومسئوله كده كل ده يتغير ياسحر !  
تروحي النهارده تجيبي لبسك وشنطتك أو تبعتيهم مع السواق واجي  
بليل ألافكي جيتي اوك

ابتسمت سحر ورفعت جسدها لتطبع قبلة على وجنة أدهم،  
فرسم إبتسامة رسمية على وجهه، وربت على رأسها وأخذ مفاتيحه  
وهاتفه ومحفظته وتحرك تجاه باب الغرفة ليفتحه، فنادته سحر لتقول  
برومانسية :

- أدهم هستناك بليل ما تتأخرش

هز أدهم رأسه بإبتسامة بسيطة موافقاً K وخرج وأغلق باب الغرفة من خلفه، فشبت سحر كفيها وهي تنظر لنفسها في المرآة بإعجاب شديد، خرج أدهم إلى الصالة الخارجية، فتسائلت والدته :

- أستني يا بني لما تاكل لقمه حتي أروح معاك !

قال أدهم بإبتسامة راضية، وهو يُقبّل رأس والدته :

- معلش يا أمي هروح انا وهجيب أكل من الطريق علشان مالك ووتين برضه يلا بعد إذنك !

- أدهم ! .. «نادته والدته فألقت إليها من جديد، فتسائلت» :

- أنت بتشق في مالك ده ! انا خايفه يأذي أختك ! ولا يكون يضحك عليها ويبتسلي بمشاعرها

ابتسم أدهم، وقال بهدوء :

- انتي ما تعرفيش وتين ولا ايه يا ماما ! ده ربنا كتبها كل الخير بنصيها مع مالك وهي تستحق كل خير ! ما تقلقيش ياست الكل علي ضمانتي

هزت والدته رأسها، وسحر تتابع الحديث من على باب غرفتها والتهكم يغزو ملامحها، فقالت في نفسها :

- بقا انا اللي مش بيهمني غير الفلوس ولا انت اللي ما صدقت أصطدت عريس غني لأختك المتخلفه ...

نزل أدهم من المنزل ليجد ياسمين تنتظره أسفل منزله، ووجتيها غارقتين بأثر دموعها وجرح بأعلى جبهتها ينزف الدماء وملابسها المُلطخة بالأتربة والغبار، فقفز قلبه فرعاً وركض تجاهها وهو لا يصدق ما يراه، وتسائل بفزع حقيقي :

- ياسمين ! مالك ايه اللي عمل فيكي كده ! وراسك مجروحه ليه  
كده ! ابوس ايدك ردي عليا انا معدش فيا عرق بينبض !

نظرت له ياسمين من عينيها التي تملأها الدموع وآثار الدماء  
الجافة نوعاً ما لترتمي بحضنه دون سابق إنذار، وجسدها كالذي  
يسري به ماس كهربائي من الفزع، وقالت بصعوبة :

- باسم اتعرضلي تاني وكان عاوز ياخدني معاه غضب عني  
ياأدهم وانا هربت منه بصعوبه ! انا هموت من الخوف ياأدهم !

انتقل الماس الكهربائي لجسد أدهم تلقائياً ما أن أرتمت ياسمين  
بحضنه وشعر بأنفاسه ثقيلة وأطرافه تجمدت، وأغمض عينيّه محاولاً  
إستيعاب الموقف ولكنه فتحها بغضب عارم ما أن سمع ما قالت  
ياسمين واشتعلت نظراته وأقبض كفه بقوة عارمة، وأمسك برأسها  
ليدفنها في صدره الواسع الذي أمتص شهقاتها ودموعها بشكل كامل  
فأمسك بقبضتها وسحبها من خلفه وأجلسها في السيارة، ودار حول  
السيارة وأدار المفتاح وحرك المقود بشكل غاضب وسريع وياسمين  
منزوية في المقعد الأمامي، ودموعها تغرق وجهها فمد أدهم يده  
لتمسك بذراع ياسمين، فنظرت له فتسائل أدهم بنبرة جدية :

- ايه اللي خلاكي تيجي عندي يا ياسمين ! ليه انا ؟! ليه ما  
فكرتيش تروحي لباباكي مثلاً ؟!

تعجبت ياسمين من السؤال، وقالت بإندفاع :

- لأني بحب.....!

أدركت ياسمين خطئها ورمشت بعينيها بصورة متوترة، ونظرت  
أمامها حينما عرّتها نظرات أدهم التي كشفتها على الفور، فأكمل  
أدهم عنها ليقول :

- لأنك بتحبيني وواثقه ومتأكد انه اني بحبك ومش بطيق عليك  
الهوا ! وعارفه انك تخصيني

شعرت ياسمين بالدماء تتحرك داخل أوردها بصورة مبالغ بها،  
وضربات قلبها تكاد تصم أذنها من صوتها المرتفع، فأكمل أدهم  
بنظرات مليئة بالجدية والإصرار :

- والي يجيب جيب حاجه تخصني نقول عليه يارحم يارحم

نظرت له ياسمين نظرة تعجبها أدهم، ولم يستطع تفسيرها ولكنها  
بالنسبة إلى ياسمين كانت هي تلك النظرة التي لطالما تمنّت أن تنظرها  
للشخص الذي تمنى لقائه، الشخص الذي يعاملها كالأميرة التي  
يخاف عليها أميرها من أن يصيبها مكروه، منذ كانت مراهقه وهي  
تحلم بهذه الصورة إلا أن اصطدم واقعها باسم ليقع مُهشَّمًا كل أحلامها  
على صخور الواقع المؤلمة، ها هي تترمم من جديد في صورة أدهم.

\*\*\*

كانت وتين تجلس تربت على كتف ورد التي نامت سريعًا حينما  
دق الباب الخاص بغرفتها وطل مالك برأسه وأستأذن للدخول،  
فأذنت له وتين فدخل ودلفت خلف منه تمارا وهي تنظر أرضًا،  
وما أن رفعت نظرها ورأت وتين حتى ركضت وتوقعت في أحضان  
وتين، ودون أن تنتبه اصطدمت بجرح وتين، فانقبضت ملامح وتين  
متألّمة، ففزع مالك وكان على وشك التدخل حينما رفعت وتين يدها  
لتمنعه دون أن تنطق بـنت شفة، فرفعت تمارا رأسها تجاه وتين  
وعينيها محتقتين بالدماء لتقول بصوت مفزوع :

- أنا خايفه ياوتين خبيني !

أمسكت وتين بوجهها لتسائل بخوف :

- من مين يا تمارا ردي عليا ! مين الي مخوفك كده ! لدرجه انك توصلي للمرحله دي !

تلعثمت تمارا، وهي تقول بصعوبة :

- شك شك شكري !

قطبت وتين جبهتها بإهتمام، وتساءلت :

- ها كملي مين شكري ! ويشتغل ايه ؟!

قالت تمارا، وهي تبتلع ريقها :

- ش شكري بيشتغل في الد الدعارة والمخدرات يا يا وتين

ألتفتت تمارا حولها بحذر، ألم قلب وتين ومالك :

- شككري ب بيخليني أوزع مخد مخدرات علي الي يعرفهم و قالي  
لو لو اتأخرت عليه أو رفضت هي هيحطني في بيت الدعارة ويخليهم  
يغتصبوني ! انا خايفه يا يا وتين ! احميني !

صعق وتين ومالك مما تفوهت به تمارا، فتساءلت وتين بإستنكار :

- وعرفتيه مينين شكررري ده ! من المدرسه ولا من الدار

بكت تمارا بقهر وهي تتفوه بأنين :

- من علي انت وبعدين اتكلمنا علي التليفون بس والله مكنتش  
اعرف انه كده

أغمضت وتين عينيها بغضب وطرقت بقبضتها الحائط بعد أن  
أطلقت صرخة مكتومة وهي تسب اليوم الذي اخترع فيه كل من  
الانترنت والهاتف.

\*\*\*

## الفصل الخامس عشر

أخذت وتين تُهدأ تمارا بين أحضانها، ثم نظرت لمالك نظرات حزينة فأغمض عيني به حركة مطمئنة لها، ولكنه كان يشعر ببركان غضب من داخله، حتى دق الباب ودلف الطبيب الخاص ب تمارا وما أن رآها حتى بدا عليه أنه تنفس الصعداء قبل أن يصدح بصوته في الغرفة بفظاظة :

- أنتي إزاي يابني آدمه انتي تتحركي من اوضتك من غير أذن !  
انا أفكرتك مشيتي قبل ما تدفعي فلوس المستشفى !  
رفع مالك حاجبه بإعتراض، قبل أن يتسائل بإستنكار :

- نعم ! ده اللي هأمك في كل الموضوع ! وبعدين إزاي مريضه جايه عندها انهيار عصبي تزعق فيها كده انت اتجننت !  
نظر له الطبيب بإزدراء، ليقول بلامبالاة :

- أنت هتعلمني أتعامل إزاي مع المريض بتوعي ولا إيه ! وبعدين انت تقربلها ولا تعرفها هي يتيمه ومقطوعه من شجره يبقى أكيد انت مش قريبها ولا المحامي بتاعها

أمسكه مالك من ياقته بغضب شديد ودفعه ليلصقه بالجدار، فحفظ الطبيب بعينه وحاول نزع يد مالك ولكن لم يستطع، فقال مالك بفحيح غاضب كي لا تسمعه تمارا :

- أقسم بالله أخفيك من علي وش الأرض ! هي يتيمة اه بس احنا  
اهلها والكلمه الي انت قولتها دي لو ما سحبتهاش هخلي الكلب  
أعلي منك

زم الطيب شفتيه ليقول :

- أنت إزاي تتعامل معايا كده أنا دكتور محترم ياأستاذ

- علي نفسك ! الدكتور المحترم هو الي يحترم المريض الدكتور  
شغلته إنقاذ المريض وتوفير سبل الراحة ليه مش يزقله علشان كام  
قرش ! دكتور جعان صحيح .. روح من وشي يلااa

خرج الطيب وهو يتوعد لمالك بشدة، فتقدم مالك تجاهه مهدداً  
فخرج الطيب سريعاً وأغلق الباب من خلفه ... أمسكت وتين تمارا  
من كتفيها كي ترفع رأسها وما أن فعلت حتى احتضنت وتين  
وجهاها بين أناملها، وقالت بهدوء ولين :

- بصي ياتمارا انا لا هلومك ولا هعتب عليكي لأن الي حصل حصل  
بس ده ما يمنعش أنك غلطانه بس أهم حاجه دلوقتي أنك تديني  
كل المعلومات الي تعرفيها عن الناس دي ! بصي انا عاوزة تفاصيل  
التفاصيل واحنا هنا بنسمعك ! ما تخافيش من أي حاجه أتكلمي !

نظرت تمارا تجاه مالك، فربت وتين على ظهرها لتدفعها للحديث  
فبدأت تمارا حديثها بتلعثم ولكنها أسترسلت في سرد جميع ما تعرفه  
وأماكن تواجدهم والأماكن التي يتم بها توزيع المخدرات والأنواع  
التي يوزعونها، كما أنها أخبرتها بمحل بيت الدعارة الذي يهددها به .

أنهت تمارا حديثها ثم نظرت لوتين ومالك، وكان الاثنان في حالة  
صدمة لا يستهان بها فضيق مالك عينيه، ليقول :

- دي نفس العصابه اللي كانت عاوزه توقع كارما ! العصابه دي مش سهلة وكمأن ليهم أكونت علي الديب والدارك ويب كمأن مخدرات ده غير الدعارة ! يا ساتر ياارب هو ايه اللي بيحصل في الدنيا دي !

تسأللت وتين بتعجب :

- يعني ايه الدارك والديب ويب ده !!

نظر لها مالك ليقول بألم وتقزز :

- ده موقع الكتروني مش أي حد يقدر يدخله الا لو يعرف الانترنت ومخابئه كويس .. الموقع ده فيه السواد كله تجاره مخدرات وسلاح و دعاره وبيع أعضاء بني آدمين ممكن تلاقي صورة لكبد وتخته نوع الفصيله والتحليل والسعر ! الدم هناك بيتباع بالتر وحسب الفصيله ! وممكن تأجري من عليه قاتل مأجور وقناصين وتتفقي معاهم ع الفلوس والعمليه تتم تبعتي الفلوس بالطريقه اللي يقولك عليها ! وكمأن هو درجات اللي يقدر يجذب عملاء و خدامين للموقع أكثر كل ما ارتفع درجه من درجات الموقع .. والموقع ده ليه حراس لو دخلتي تهزري أو تلعبى ممكن تقتلي مكانك التليفون يتفيرس وينفجر في إيدك ! الشرطه ذات نفسها مش عارفه تعملهم حاجه

صدمت وتين مما تفوه به مالك، ورمشت بعينيهما مرات متتاليه ومتوترة وهي تقول بصعوبة :

- ياساتر يارب ! أكيسيد واحد لقي ستارة يستخبي وراها علي هيئه شاشه ويقدر يأذي خلق الله بفلوسه وهو قاعد ومش بس كده لأ ده كمأن مفيش عليه رقابه ولا حتي خطوره ما يأذيش ليه ! حسبي الله ونعم الوكيل !



قال مالك بقوة، وهو يتذكر ما حدث لصديقات أخته وثمارا :

- ورحمة المسلمين ما هسيهم !

وقفت وتين، لتقول بإصرار غريب :

- ولا أنا ولو اتهموا يوم بعد كده مأبقاش انا وتين !

ألقت مالك وابتسم لوتين، فصدق الباب ليدلف الطبيب شادي وابتسم لحالة وتين، وقال بطمأنينة :

- لأده احنا بقينا أحسن بكثير داخنا نجيب مالك كل يوم بقا  
علشان نشوفك واقفه علي رجلك كده وبتبسمي

ظهر شبح إبتسامة على فم وتين، ثم تسألته :

- دكتور هو انا ممكن أخرج أمتي !

قال الطبيب بإهتمام :

- هو انا بصراحه كنت حابب انك تقعدي معانا لحد بكرة كمان  
علشان نظمن أكثر بس شكلك نفسك تطلعي أنا ممكن اكتبلك علي  
خروج بشرط تلتزمي علي الأدوية والحقن في مواعيدها  
نظر له مالك بدهشة، ليقول :

- تطلع فين ! مفيش خروج لما نظمن عليك الأول

نظرت له وتين بغیظ، لتقول بنبرة مستنكرة :

- انا بكلم الدكتور مش بكلمك انت ! ها يا دكتور شادي انا  
موافقه اخرج بليبيز اكتبلي علي خروج  
لكمها مالك ليقول بغیظ مكلم :



خرج الطيب شادي وهو يتسم، وقالت وتين بسعادة وابتسامة بلهاء :

- يا بختك يا سما !

نظر لها مالك وضيق نظراته حتى أصبحت حادة فرفعت وتين نظرها تجاهه فتصادمت نظراتهم، فأمسكت وتين بخصلات شعرها لتداري عينيها فأنزل مالك يدها، ليقول بتهديد :

- ورب الكعبة لو ما بطلتي الي بتعمليه ده لأكون متجوزك آخر الاسبوع ده وابقى قابليني إما حبستك في البيت وما خليت حد يشوف ضوفر ك

ابتسمت وتين بإستنكار ثم أخفت إبتسامتها سريعاً، لتقول بتهكم :

- ومين قالك اني موافقه التجوزك اصلا

أمسكها مالك من يدها، وقال وهو يضيق عينيه :

- لا والله أنتي تطولي أصلا ! جتك نيله وانتي أوزعه كده و .....

قطع حديثهما حينما فتح الباب، ليدلف عنصر شرطة ومعهم ضابط بملابسهم الرسمية، والطيب الخاص ب تمارا وقال وهو يمد إصبعه تجاه مالك قائلاً :

- أتفضل يا حضرة الضابط هو ده الي اتهم عليا

فتسائل الضابط برسمية وجدية :

- أنت مالك الزيدي !!

أجاب مالك بتعجب :

- أيوا انا خير !!

قال الضابط بنفس اللهجة الرسمية، وهو يجذب مالك من يده :

- طيب اتفضل معايا حضرتك مطلوب في القسم

شعرت تمارا بالفرع حينما رأت الشرطة في المكان وظنت أنهم هنا  
من أجلها فصعقت ولم تتحمل الصدمة فسقطت على الفراش فاقده  
للوعي بالكامل، فخشيت عليها وتين وذهبت لتطمئن عليها ولكنها  
وجدتها فاقدة الوعي، فحاولت إفاقتها بكل السبل ولكن دون  
جدوى حتى رشقت وجهها ببعض الماء، ففتحت تمارا عينيها شاهقة  
بفرع لتطمئنها وتين بأن كل شئ بخير.

نظر مالك تجاه ذلك الطبيب بضيق، ثم نظر للضابط ليقول :

- طيب ثانيه واحده

قال الضابط بإصرار :

- لاً ما قدرش أسمح لحضرتك بالتأخير اتفضل معايا

قال مالك بنبرة قوية وغاضبة :

- قولتلك ثانيه وaaaaaaaaaaaaاحده !

نظر له الضابط بحذر وهز رأسه موافقاً، فألتفت مالك واقترب  
من وتين وأخرج هاتفه ومحفظته وأخرج منها بعض المال ودسه  
بجيب بنطاله، ثم أعطاهم لوتين وقال بلهجة مهمة وجدية :

- خدي ياوتين خلي دول معاكي والفلوس دي أدفعي منها حساب  
تمارا هنا وكلمي عمر وقوليله الي حصل خليه يتصرف وأووووعي  
تخرجني من هنا لوحدك ياوتين سمعاني يأما تخلي ادهم او عمر  
يجولك أو تستنيني لما اخرج واجي أخذك فاهمه

دمعت عينا وتين، لتقول بحزن :

- انت رايح فين يمالك ! وهتروح معاهم ليه ! يا حاضرة الطابط  
هو كان بيدافع عن تمارا لأنها عندها أنهار عصبي والدكتور ده كان  
بيشخط فيها وهو معملاش حاجه تانيه

قال الضابط بضيق :

- الكلام ده يتقال في القسم مش هنا ! ولو انتي شاهده اتفضلي  
معاه انتي كمان !

ضغط مالك علي ذراع وتين لتصمت وألتف قائلاً :

- لأ هي مكنتش موجوده هنا انا كنت لوحدي

قال الطبيب بلهجة سريعة :

- لأ يا حاضرة الطابط كانت موجوده وشاهدة علي كل اللي حصل

قال مالك بنبرة قوية، ونظراته تشتعل تجاه الطبيب :

- قولت لحضرتك مكنتش موجوده والدكتور بتاعها مانعها من  
الخروج بسبب تعبها .. انا جاي معاك

تحرك مالك مع الضابط فأمسك به رجلي الشرطة، فدفعهم مالك  
وهو يقول بغضب :

- انا مش متهم بحاجه علشان تمسكوني كده ! اوعي انت وهو  
أنا عارف طريقي

فدفعه الضابط بغیظ فشرع مالك بالدماء تغلي في عروقه وكان  
على وشك التصادم مع الشرطي، فوضع له أحد رجلي الشرطة  
الصفادات في يده فزجر مالك غاضباً لذلك التصرف، ولكن

أبى الضابط بكل الطرق إعطاؤه حريته مرة أخرى فهذا مالك  
بعد أن رأى نظرات الخوف والفرع علي ملامح وتين وتحرك  
تجاه سيارة الشرطة المصفوفة بالأسفل وهو غاضب بشدة.

شعرت وتين بالقلق والخوف من جديد يدب في أوصالها فأمسكت  
بالهاتف بيد مرتجفة، ولم تستطع التعامل معه أو فتحه فحركت قدمها  
بعصبية شديده وأخذت تحاول حتى أضاءت الشاشة بصورة مالك  
في مكان مرتفع وشعره يتطاير على وجهه إثر حركة الرياح القوية  
وإبتسامته توحى بسعاده كبيرة، فإبتسمت وتين لتلك الصورة و طرقت  
العبرات الحارة عينيها، فأمسكت تمارا الهاتف من بين أناملها لتقول :

- وتين أنتي بتعيطي ! ما تخافيش هو هيرجع ! انا آسفه انا السبب  
في كل ده

ربت وتين على كتفها وأحتضنتها وسمحت لأولى عبارتها بشق  
طريقها عبر وجتها، فقالت وتين :

- كل اللي يعمله ربنا خير يا تمارا كله خييير

قالت تمارا بإستفسار :

- لو عاوزه تفتحي الموبايل انا ممكن أفتحها لك يا وتين

أبعدتها وتين ونظرت في عينيها، لتقول :

- بجد يا تمارا ! تعرفي تفتحيه !؟

قالت تمارا وهي تهز رأسها أثناء عبثها في الجهاز :

- أيواااا ده سهل جداااا ! بس ..... ايه ده ! ده فيه باسوورد  
كلمات ! هنعمل ايه !؟

رجع اليأس ليدب في نفس وتين من جديد، فقالت بيأس :

- جربي كارما أو ياسمين أو عمر كده !

عبثت تمارا بشاشة الهاتف قليلاً ثم هزت رأسها بالنفي، فقالت وتين :

- جربي تكتبيهم بالانجليزي !

حاولت تمارا كثيراً ولكن بلا جدوى، فقالت تمارا بيأس :

- مافاضلش غير محاوله واحده لو عملناها غلط ممكن الفون  
يتقفل خالص !

نفخت وتين بضيق وهي تقول :

- ما هو مالك نسي يقولي الباسوورد ده وانا معرفوش ! خلاص  
سيبيه لما نشوفه يبقي يفتحه هو وخلينا نتصرف احنا بأي طريقه !

فكرت تمارا قليلاً، ثم قالت بإبتسامة هادئة :

- بس احنا ليه مجربناش نكتب وتين !!

نظرت لها وتين بتهكم وهي تضربها على يدها :

- هو مش حاطط أسماء اخواته هيحط إسمي انا وبعدين اتلمي هه

ضحكت تمارا بحلاوة روح، لتقول بعث :

- ياستي نجرب هنخسر ايه يعني !

قالت وتين بضيق :

- لأ بس ....

قالت تمارا وهي تعبت بالهاتف :

- مفيهاش بس ! انا هحاول وأمرني الي الله !

نظرت لها وتين بغيط وبدأت تفكر في حل آخر غير الهاتف كي تستطيع أن تتواصل مع عمر أو أدهم، ولكن صرخت تمارا قائلة بسعادة :

- فستستفتح ! الموبايل افتتح لما كتبت عليه وتبين بالانجليزي !

صعقت وتين مما سمعت وأقشعر بدنهما، أحقًا كلمة سر هاتفه بإسمها؟، فخجلت ونظرت أرضًا لتقول بنبرة هادئة :

- طيب كويس انه فتح افتحي الأسماء واتصلي برقم عمر وهاتي الفون ...

فعلت تمارا ذلك وأعطت الهاتف لوتين وهي تبسم، فأخذته وتين ونظرت لها بإستنكار وخجل وتحركت بعيدًا عنها وقلبها يرقص طربًا لما حدث منذ قليل.

\*\*\*

وصل عمر أسفل العقار التي أخبرته به مكة وخرج من السيارة وخرجت كارما من الاتجاه الآخر ورفعت عينيها، وقالت بتعجب :

- دكتور كريم النوبي للأمراض النفسية ! دكتور ! مش انت قولتلي انها محلله نفسيه وصاحبتك ؟!

ابتسم عمر وربت على ذراعها، وهو يقول بحنو :

- أنتي مش بثقي في أخوكي حبييك !!

إبتسمت كارما وهزت رأسها بالإيجاب، فابتسم وأسترسل مكملًا :

- خلاص يبقى اعملي الي أقولك عليه وهتبقى زي الفل إن شاء الله



هزت كارما رأسها موافقة، فأصطحبها أخيها للرواق الداخلي  
وصعدا السلم سوياً، ومع كل درجة تنزوي كارما بين ذراعي عمر،  
فتعجب عمر تصرفاتها جداً، لم تكن كارما يوماً تخشى أي شيء ولكن  
لم تفعل ذلك الآن؟!

وصل عمر وكارما العيادة وكانوا محط أنظار الجميع، فرأتهم مكة  
أثناء خروجها من المصلى، فابتسمت لهم فدق قلب عمر لرؤيتها  
تبتسم له من جديد وتحرك تجاهها ومد يده ليصافحها ففعلت  
واقتربت من كارما، وهي تقول بمرح :

- دي أختك بجد يا عمر ! ماشاء الله دي أحلي منك ومن ياسمين

فابتسمت كارما بخجل، فجحظ عمر بعينه :

- ايه ده أنت بتتكشف يا عبصمدهااااا أسود اول مرة تحصل !

فأخرجت له كارما لسانها، ولكزته مكة بضيق كي لا يخرجها،  
فتنحج ووضع يده على فمه .. أخذتهم مكة إلى داخل المصلى من  
جديد فخلعوا حذائهم ودلفوا معها، فتسائل عمر :

- هو الدكتور مش ممكن يحتاجك او يزعلك علشان قاعده هنا  
والمرضي بره !

ضحكت مكة، لتقول بمزاح :

- دكتور مين والناس صاحيين ! الدكتور في سابع نومه وهو الي  
قايلي أستقبل المرضي هنا علشان ما يبجش حد يستخدم عيادته  
ومكتبه غيره .. للنوم طبعاً

ضحكت كارما بحلاوة روح فابتسم عمر لها بحزن جلي، فألتقطت  
مكة تلك النظرة بعينها ثم حولت نظرها تجاه كارما الهادئة، لتجد

الهالات السوداء بدأت تغزو أسفل عينيها من القلق والأرق، وأظافرها المقروضة بإسفاح حتى شلبت الدماء في بعض منها، وبؤبؤ عينيها الذي يتحرك بحركة عصبية تجاه كل شئ حولها وإلى جلستها المتحفزة للقيام في أي لحظة ومغادرة المكان.

أرسل عمر نظره ذات معنى إلى مكة، فأنته نظراتها بلا إجابة محددة، فقط وقفت لتقول :

- تعالي ياعمر عوزاك في مشوارع السريع كده لو مش هتقل عليك !!

وقف عمر ليخرج، فوقفت كارما سريعاً للتلحق في ذراع عمر، فإبتسمت لها مكة لتقول بتصنع الحزن :

- إيه انتي زهقتي مني بسرعه كده ! دانا كنت بوزع عمر علشان نeced ندردش انا وانتي من غير رجاله وقرف

- نccccccعم !! ... «قالها عمر بتعجب ضاحكاً»

ضحكت مكة لتقول بمزاح :

- أيوا بنوزعك واتفصل معايا بره علشان أوزعك !!

أجلس عمر كارما من جديد وخرج مع مكة للخارج، فتسائل عمر سريعاً :

- ها قوليلي يا مكة لاحظتي عليها إيه !!

- بص ياعمر الصراحه ! لسه مقدرش أحدد دلوقتي هي مقفله علي نفسها جامد بس ان شاء الله خير بس الي أقدر أقوله انها مطفيه وقلقانه من حاجه كبيرة بالنسبه ليها ومش بس كده دي بقالها بتاع ٣ او أربع أيام ما نامتش ! فانا معلش بستأذنك تنزل الصيدليه الي

تحت هتلاقي جنا أختي هي شويه ! قولها مكة بتقولك هاتي  
شريط من ده ! وتجييب كوبايه عصير من أي معصره وتحط في الكوبايه  
حبائتين وتدوهم كووووويس دول اللي هيخلوها تحكي كل حاجه

قالتها مكة بإهتمام، فهز عمر رأسه بقلق فربت مكة على ذراعه  
بحنو دون أن تنتبه، فنظر عمر ليدها فتنحنحت ونزعتها سريعاً،  
فأبتسم عمر لها وخرج من العيادة متوجهاً لأسفل وعادت مكة  
للمصلى مرة أخرى.

وقف عمر أمام الصيدلية لدقيقة، ثم دلف فوجد شاباً وفتاة  
فوقف أمام الفتاة ليقطع عليه الشاب الطريق، فنظر له عمر وقال  
بتهمك :

- معلش يا وحش وسع شويه عاوز الأنسه جنا في كلمه

تعجبت جنا من أن ذلك الشاب يعرف إسمها، فوقفت وتقدمت  
وتسائلت بتعجب :

- حضرتك تعرفني !!

- الصراحه لأ بس مكة هي اللي قالتلي اسمك وهي اللي بعثاني  
ليكي .. «قالها عمر بهدوء»

تعجبت جنا من عمر الذي يتحدث عن مكة وكأنهم أصدقاء  
منذ زمن، ولكن صدح الشاب متهمكاً لجنا :

- أختك دي مش هتبطل بقا ! والله ما هيكون مبلغ عنها غيري  
المره الجايه

غضب عمر وأمسكه من تلايبيه، وهو يقول بغضب :

- تبلغ عن مين ! وربنا ده انا أوديك انت في ستين داهيه

غضب الشاب، ليقول بغضب أشد :

- نزل إيدك يا أستاذ بدل ما اطلبلك البوليس !

فصلت جنا بينهم، وقالت سريعاً :

- قولي لو سمحت يا أستاذ عاوز ايه وانا هجييهولك كلمني أنا !

نظر عمر بضيق للشاب، وقال بتهكم وهو يضغط علي حروفه :

- يبقى أحسن برضه أتفضلي الدكتوراة مكة عاوزة شريط من ده !

ابتسمت جنا لطريقة عمر في إغاضة الشاب الذي يعمل معها بالصيدلية الذي يُدعى «كرم» .. دلفت جنا للدخل قليلاً وعادت وهي تحمل الشريط وأعطته إياه، وقبل أن يرحل نادته جنا ووقفت معه في الخارج تحت أنظار كرم المغتاضة.

أحضر عمر العصير ووضع به المهدئ كما طلبت منه مكة، وصعد ليعطيها إياه حينما دق هاتفه برقم مالك فأستأذن منهم كي يجيب على الهاتف :

- أبو المالك ! أزيك ياشق عامل ايه ووتين عامله ايه !

- عمر ألحق مالك .. «جاءه صوت وتين مرتعش قلق»

فزع عمر وخرج من المصلى سريعاً، وقال بنبرة خائفة :

- ماله مالك يا وتين قولي !!

قصت وتين ما حدث بالكامل مع مالك، واضطرت إخباره موضوع كارما أيضاً كي تصل له الصورة كامله، فشرع عمر بصدمة عصفت بكيانه وجلس على أقرب كرسي، فخرجت مكة لتطمئن على عمر بعد أن تأخر بالعودة فوجدته يجلس على مقعد قريب وهو

يتحدث في الهاتف وعلى وجهه ملامح الصدمة والشحوب، فشعرت بالخوف واقتربت منه فوجدته يقول :

- انا جايلك يا وتين ما تتحركيش من مكانك !

أغلق عمر الهاتف ووضع وجهه بين يديه، فنزلت مكة بطولها لتكون مواجهة له فشعرت بانتفاضة جسده فمررت يدها على يده، ولكنه أبى أن يزيح يديه، ففهمت سريعاً أنه ييكى فأنهارت حصون قواها أمام إنتفاضة بكأؤه، وأيقنت أنها غارقة في حبه لأخص قدميها، فوقفت وقالت بلهجة رسمية :

- بعد إذن الجميع استكفينا بالكشف لحد النهارده واتفضلوا حضراتكوا خدوا مواعيد بكره من السكرتيره وان شاء الله خير  
بدأ الجميع بالرحيل، فأقتربت مكة وجلست مرة أخرى من عمر، ووضعت يدها على كفه فنزع يده بوهن فرأت دموعه تغرق وجنتيه، فتسائل بنبرة مبحوحة :

- كارما !!

قالت مكة بحنو :

- ما تقلقش عليها هو المهدئ نيمها شويه وهتفوق كان ربع ساعه !

هز عمر رأسه، وقال بصوت خالي من الحياة :

- خدي بالك منها يا مكة لحد ما ارجع ! هي أمانه عندك ولو مرجعتش ده رقم والدي وعنوان بيتنا أرجوكي روحها لو مش هتعبك .. لو ما قدر تيش كلمي بابا يجيي ياخذها

قالت مكة بقلق وفزع :

- كل ده مقدور عليه بس انت ! ايه اللي طفاك كده انت كنت بتضحك من دقيقه ! المكالمه دي كان فيها ايه ! ومين وتين دي ؟!

نظر لها عمر نظرات واهية، قبل أن يقول :

- انا عرفت كارما مالها يا مكة !

قطبت مكة جبهتها بإهتمام، وتساءلت :

- طيب قول قلقتني !!

قص لها ما قالته وتين بالكامل، وما أن انتهى حتى تحركت عبرة حارة تشق طريق وجهه، ليقول :

- حاسس أن ضهري مكسور ومش عارف اعمل ايه ! مش سهل عليا أني أعرف اختي الصغيرة الدلوعه تمر بكل ده وانا مااعرفش ! ياتري هي حاسه بيايه دلوقتي أكيد حاسه بالخوف وعدم الأمان ولو مالك ما اتدخلش كان ايه اللي ممكن يحصل ! انا ....

- اشششش اهدي يا عمر أنت داخل علي انهيار وودلوقتي كارما والبنات الغلبانه اللي في المستشفى دي ملهش غيرك دلوقتي ! وزي مانيت قولتلي ان مالك برضه محتاجك برضه !! مش لازم تضعف كده يا عمر قوم وأقف واعمل المستحيل علشانهم ! .. «قالتها مكة بحماس وتحفيز كبير»

نظر لها عمر ووقف سريعاً وهو يضع هاتفه في جيبه، ليقول وهو يتحرك للخارج بنبرة قوية :

- كارما في أمانتك يا مكة ما تأخريهاش علي البيت

خرج عمر سريعاً وهبط الدرج، ومكة تشعر بحزن كبير من أجله.

\*\*\*

زُج مالك في السجن مع المجرمين والمشردين، فأخذ يزفر وينفخ بضيق فأخذ بعضهم بمضايقته فتناوش معهم وتكاثروا عليه وأذوه بجرح في قدمه وظهره وتورم في وجهه، فتدخل الضابط في النهاية وفصل بينهم وكان مالك ملقي على ظهره في الزنزانة والأرض تدور به بشدة، فاقرب منه الضابط وهزه فوجده يستجيب فخرج وتركه ملقي أرضاً وأغلق الباب.

حن أحد المسجونين على حالته وأقرب منه وأعطاه المياه، وأجلسه في أحد أركان الزنزانة وضمده جراحه بمنديله الخاص ومسح عنه الدماء.

\*\*\*

كانت سميرة مشغولة بإعداد إحتفال كبير وتهيئ المنزل بشكل مرتب وجميل، والكل يعمل على قدم وساق في المنزل حينما دلف عمر وملاح وجهه تبدو وكأنها لرجل ذو ١٠٠ عام، ولم ينتبه لما يحدث ودخل إلى غرفة المكتب وفتح الخزانة ليأخذ منها بعض المال، فدخلت عليه والدته وقالت بتعجب: - فيه ايه يا عمر وهتاخذ الفلوس دي ليه ! انت خارج تاني !؟

قال عمر وهو يغلق باب الخزانة دون أن ينظر لها :

- ايوا ورايا كام مشوار مهم !

قالت والدته بإبتسامة سعيدة :

- طيب تعالى شوف المفاجأة اللي انا عملها لك وبعدين روح مكان ما تحب

قال عمر بضيق :

- بقولك مش فاضي ياماما ! سيبيني لو سمحتي ! انا مخنوق  
قالت والدته بإصرار وحماس :

- تعالى بس و اوعدك خنقتك هتروح وهتفرح زيي بالظبط

قطب عمر جبينه وذهب معها كي ينتهي من الأمر سريعاً ..  
تحرك عمر خلف والدته إلى الحديقة الخلفية ليجد ضيوف وحضور كبير فنظر إلى والدته، فابتسمت له وأشارت إلى اليسار فنظر ليجد عير تجلس مع والدتها و مأذون يكتب شيئاً ما، فاقتربت منه والدته لتقول :

- مبروك يا حبيبي النهارده كتب كتابك انت وبيري ! مفاجأة صح ؟!  
نظر لها عمر بصدمة، وقال بدهشة كبيرة :

- كتب كتابي انا وانا اخر من يعلم !!

أقتربت منه عير بفستانها الأزرق المرصع بالآلئ البيضاء وأمسكت بيد عمر، لتقول :

- مبروك يا حبيبي !!

نظر لها عمر وللحضور بغضب كبير وأغمض عينيه وأطلق زفير حار، ثم نظر لعير وأمسك بيدها وتوجه تجاه المأذون وأجلسها على الكرسي ودار حول الطاولة وجلس، وجلس باقي الحضور فتكلم المأذون قليلاً قبل أن يقول :



- موافقه يابنتي علي كتب كتابك !! ومين وكيلك ؟!

- أكيد موافقه وخالو عماد هو وكيلي .. «قالتها عبير بسعادة»  
ألف المأذون لعمرالذي يبدو أنه في مكان آخر، فقال بشك :

- وانت يابني موافق ؟!

شعر عمر بسيل كبير من الأفكار يطغى عليه وتذكر أمامه  
مكة، شعر أنه عقله يكاد ينفجر حتى قال دون وعي أو مبالاة :

- لأ ما اقدرش ! انا آسف مش هقدر

وقف عمر وسط دهشة الجميع ليخلع دبلته عن يده ليضعها على  
الطاولة أمام عبير، وهو يقول :

- مش هقدر اضحك عليكى وعلي نفسي يا عبير ! انا مش هقدر  
أكمل حياتي معاكى وانا بحب واحدة تانيه ! أنا آسف يا جماعه .

تحرك عمر أمام عيني الجميع إلى خارج الحديقة وهو  
يزفر بضيق، وكأنه أزاح حجر كبير كان يقيد نفسه وحركته.

\*\*\*

## الفصل السادس عشر

وقف أدهم بالسيارة ليصيح صوت الفرامل بصورة مرتفعة أمام قسم الشرطة، وخرج من السيارة ودار حولها وأمسك بيد ياسمين وأخرجها وتوجه للداخل ووجهه كتلة من الغضب، وتسائل بضيق :

- بقولك ايه يا بنى تعالى ! سامح باشا موجود !

نظر له العسكري باحترام، ليقول :

- أيوا يافندم موجود أقوله مين !

- قوله آدهم القاسم وآ وحرمه .. «قالها آدهم وهو يمك بيد ياسمين»

تلعثمت ياسمين وخجلت ونظرت أَرْضًا بتوتر شديد، فهز الشرطي رأسه ودلف إلى المكتب بوقت قصير قبل أن يخرج سامح بنفسه وعلى محياه إبتسامة سعيدة وهو يرحب بأدهم:

- آدهم القاسم بنفسه ياراللاجل ايه الغيبه دي كلها ! ... « قالها  
سامح وهو يحتضن آدهم، فرحب به آدهم بحماس أفل»

قطب سامح جبهته بتعجب لما ييدو علي صديقه من ملامح ضيق بادية، وألفت لينظر بياسمين بتعجب ثم تسائل بدهشة :

- العسكري يقول ان مراتك معاك ! بس انا مش شايف سحر هنا ! وياه الجرح اللي في وشها ده ! فيه حد اتعرضلها ولا ايه !!

نفخ أدهم بضيق، ليقول :

- تعالي ندخل يا سامح وانا هشر حلك كل حاجه

- اه معلش فرحتي بشوفتك نستني أتفضل يا أدهم اتفضلي يامدام... قالها سامح ودلفوا فرفع سماعة الهاتف ليقول :

- اتنين قهوة علي الريحه و كوبايه عصير مانجا فريش حالا ...

أغلق سامح سماعة الهاتف وتطلع إلى أدهم بإهتمام كبير، فأمسك أدهم بيد ياسمين الجالسة أمامه، وقال بشئ من الهدوء :

- دي يا سامح تبقي ياسمين الزيدي خطيتي ! وجاي أقدم بلاغ ضد واحد حيوان اتعرضلها

- اعمممممم يعني أفتح المحضر ولا تحب ترييه بس ! .. قالها سامح بتركيز

قال أدهم وهو يضغط على أسنانه بغضب :

- هتكتب المحضر وهترييه أنا عاوزه أخلص حقي منه كامل ومكمل

تسائل سامح، وهو يكتب شيئاً ما :

- اسمه الكامل ايه ! و تعرفه منين

قالت ياسمين بتلعثم :

- اسمه باسم اكرام الشافعي

- وصلة القرابه أو المعرفه منين ! .. «تسائل سامح وهو يكتب»

- جوزها السابق .. «قالها أدهم بثبات»

فرغ سامح رأسه بتعجب، ونظر لياسمين التي بدت عليها بؤادر  
البكاء، فضغط أدهم على يدها مطمئناً إياها»

فقام سامح وهو ينظر للورقة في يده، قائلاً :

- طيب يا أدهم خليك هنا ثواني وهيكون تحت رجلك !

خرج سامح خارج مكتبه وهو يجري بعض الاتصالات .. نظر  
أدهم لياسمين، وقال بحنو :

- اهدي يا ياسمين كل حاجه هتتحل وانا هضمن انه ما  
يتعرضلكيش تاني أبداً

- أنا خايفه يأذيك انت ده ما بيخافش من حد وممكن يعمل  
فيك حاجه وبذات أنك .. يعني هتكون أب ابنك مالوش ذنب ولو  
تأذيت مش هسامح نفسي أبداً .. «قالتها ياسمين بتوتر وحزن»

نظر أدهم لياسمين وهو يقترب منها، وقال بتلعثم وصوت  
منخفض :

- ياسمين أنا بحبك وبحبك بجد ! حاسس اني أول مرة أحب  
بحس معاكي أني لسه مراهق وبجري ورا اللي بحبها ...

قاطعته ياسمين لتقول :

- ايه اللي انت بتقوله ده يا بشمهندس ! انت متجوز وهتبقى أب  
قريب !

قال أدهم بحزن :

- ارجوكي يياسمين ما تقوليش حاجه ! انا صحيح متجاوز بس  
عمرى ماكنت سعيد ! سحر مش وحشه بس حاسس أن رقبتى بين  
ايدىن مامتها وهى اللى بتحركها ! بتكره امى واختى لدرجه كبيره و  
علطول زن بسببهم بقيت بكره أروح بيتى ! انا حسيت معاكي انتى  
بالراحه اللى بقالى كثير بدور عليها ! ارجوكى صدقيني يياسمين أنا  
بحبك ومستعد اتحدى الدنيا كلها علشانك

شعرت ياسمين بصدق كلامه، ولكنها تذكرت أنها سمعت هذا  
الكلام من قبل من زوجها السابق، وأنفض جسدها ما أن تذكرت  
حياتها البائسة معه، فأغلقت عينيها بفزع فشرأدهم بالحزن الشديد،  
يخشى أن ترفض أو أن تكون لا تبادله نفس المشاعر.

قالت ياسمين بصوت باكى :

- أرجوك يا أدهم مش عاوزه اخوض موضوع الحب تانى انا  
مريت بتجربه ضيعت عمرى ولسه بتعذب بسببها ! ارجوك ما  
تعملش فيا كده

قال أدهم باصرار وإتزان :

- مش معنى أنك مريتى بتجربه فاشله يبقى كل الناس زي باسم!  
بصيلي كويس يا ياسمين ! انتى متخيله انى ممكن استحمل عليكى  
الهاوا ! او حتى اذيكى ! لا يياسمين

قالت ياسمين ببكاء محتد :

- هو كان يقول نفس الكلام ! كان معيشنى فوق السحاب وكان  
بيخدعنى وانا مش واخده بالى لحد ما لقيت نفسى فى جحيم بابيه  
مقفول وملوش مفتاح !

قال أدهم بإقناع وإصرار شديد :

- بس هو مش انا ! بصيلي يياسمين كويس ! بقولك بصيلي ! ياسمين انا بحبك وعاوزك معايا ولو انتي مش عاوزة فهو مش بمزاجك وهخليكي تحيني وثقي فيا يياسمين والايام بينا كانت ياسمين على وشك الرد حينما دق الباب ليدخل طبيب يرتدي زيه الطبي وهو يحمل في يده حقيبة إسعافات أولية ، وقال بلهجة رسمية :

- حضرتك سامح باشا باعتني علشان اسعف المدام واكتب التقرير ! بعد اذنك

تراجع أدهم وبدأ الطبيب عمله وهو ينظر تجاههم بتوتر وخوف على ياسمين، وكلما تأوهت كلما شعر بألم كبير ولكن ما لبث أن تاه في ملكوت آخر، وهو يفكر كيف يجعل ياسمين تثق به من جديد ، كيف يجعلها تحبه وتوافق على أن تكون بجواره وياسمين تتابعه من وقت لآخر حينما يسمح لها الوقت بذلك وهي تشعر بمشاعر مضطربة، لا تعلم لها تفسير أو هيئة.

\*\*\*

أنهت وتين إجراءات المشفى لها ولتمارا، وأستاذت من مدير الدار بإستضافة تمارا وورد لديها بالمنزل يومين فوافق لثقتة بها .. كانت وتين تخرج من المشفى حينما لمحت عمر يصف سيارته، فأمسكت وتين بيد ورد وتمارا وتوجهت تجاهه

صف عمر السيارة وترجل ليتفاجأ بتين تقف أمامه، فنظر لها بتعجب :

- انتي طلعتي إزاي ! ليه ما استتيتش لما اجي  
 قالت وتين وهي تفتح الباب الخلفي لتماما وورد :
- مفيش وقت يا عمر ! لازم أروح البنات واقولك هنعمل ايه بعد كده  
 وافق عمر وركبوا في السيارة وانطلقوا.
- قضت وتين الطريق تشرح لعمر الخطة التي أصرت على تنفيذها  
 وأعجب بها عمر وعرض عليها المساعدة، فوافقت وقالت بحماس :
- كده تمام بس هنعوز اتنين ثقه كمان ويكون فيهم بنت علي  
 الأقل !
- قال عمر سريعا بثقة :
- مكة ممكن تساعدنا وهي كده كده عندها علم بالموضوع !  
 تسأللت وتين بفضول :
- مين مكه دي يا عمر !!
- دي الدكتور النفسية اللي بتعالج كارما وأظن انها مش هتمانع  
 مساعدتنا هي محلله نفسيه شاطره وممكن تنفعنا في الخطه دي ! ..  
 «قالها عمر بتركيز»
- فقالت وتين بهدوء :
- تمام ! طالما ثقه بيبقي كده ناقصنا حد كمان
- انتي نسيتي مالك ولا ايه !
- شعرت وتين بالآلم والحزن يغزو صدرها لدى ذكره إسم مالك،  
 ونظرت ليديها التي تتحرك بحركة عصبية، لتقول :

- وهو فين مالك ! مالك واقع في مشكله كبيرة بسببي ! ومش  
هقدر أوريله وشي ثاني أو أطلب منه حاجه

- ليه إن شاء الله تحملي نفسك الذنب ! ياري ما جمع الالم وفق  
حاسس ان مالك هو اللي بيتكلم بس ما تقلقيش محلولة

وصلوا وصعدوا، ثم دقت وتين باب المنزل ففتحت لهم سحر  
الباب، ونظرت بدهشة لوتين وعمر والفتيات، وقالت بصوت مرتفع :  
- الحقي ياماما دي وتين !

أنت والدتها سريعاً تجاه الباب، وهي تقول بتوتر وتعجب :  
- وتين ! بنتي انتي خرجتي من المستشفى أمتي وفين أدهم  
ومالك ومين دول ؟!

نظرت لها وتين بثبات، وقالت بجديّة :

- هتعرفي كل حاجه ياماما بس مش دلوقتي ! ودول بنات اعرفهم  
من دار أيتام قريب من هنا هيقتضوا بس اليوم عندنا وبكره هيرجعوا  
الدار ثاني معلش

قالت والدتها، وهي تحمل ورد وترحب بتمارا :

- اهلا وسهلا بيهم علطول يابنتي دا البيت نور والله العظيم !  
مشاء الله قمرات أوووي ! واقفين علي الباب ليه اتفضلوا يلا ياوتين  
ظهرت شبه إبتسامه مجاملة على وجه تمارا، وقالت وتين سريعاً :

- لا ياماما ! انا وعمر وانا مشوار كده تبع الكليه هنعمله  
وهنيجي علطول

قالت سحر وهي تضحك بتهكم منخفض :



- كليه ! هه انتي مش عاتقه لا الواد ولا اخوه !

سمعت وتين ما قالته سحر فنظرت لها وتين، لتقول بعتاب :

- حمدلله علي سلامه رجوعك ياسحر انا صحيح لسه ما عاتبتكيش  
علي الي عملته امك في اخويا بس لينا يوم هنروح من بعض فين !  
وعلي فكره سمعت الي قولتيه وأحب أقولك ان احيانا بنفكر افعالنا  
متدواله بين الناس بس لا مش كل الناس زيك

شعرت سحر بصدمة ألجمتها، فتسائلت والدتها بإهتتام :

- قصدك ايه يا وتين !

نظرت وتين تجاه سحر الصامته، لتقول بتهكم :

- قصدي وصل لسحر كويس اوي ! سلام عليكم

قالتها وتين وهي تخرج وتغلق الباب من خلفها، فنظرت عبلة  
تجاه سحر المضطربة، فنظرت لحماها، وقالت بتلعثم واضطراب :

- بنتك الظاهر الوقعه أثرت علي عقلها كمان

لم تمررها عبلة وشعرت أن هناك شيء خاطئ.

\*\*\*

جلس باسم الشافعي خلف مكتبه وأخذ يدور بكرسيه بثبات  
وهو ينظم خطه مكيرة للايقاع بأدهم واختطاف ياسمين، وقال  
متوعدًا :

- مش أنا اللي يتقالي لأ يا ياسمين اما خيلتك تندمي ما أبقاش انا

قطع تفكيره حينما دلفت السكرتيرة (ذات الملابس الشبه عارية)  
سريعًا، وهي تقول بتوتر :

- باسم باشا ! فيه ظباط بره عاوزين حضرتك ويقولوا انك مطلوب في القسم !

عرف باسم على الفور سبب مجيئهم، فقال سريعًا :

- قوليلهم اني مش هنا وانا هخرج من الباب الجانبي ده !

حمل باسم هاتفه وتوجه للباب الجانبي ليخرج قبل أن تتصلب قدميه من صوت إطلاق النار الذي صدح في المكتب، فأغلق أذنيه بفزع شديد وهو يضغط على أسنانه ويأن بخوف.

أنزل الضابط سامح مسدسه ووضع في مكانه، وتوجه سريعًا ومعه شرطيان تجاهه ونظر لحالته الفزعة، فقال سامح بتهكم :

- ولما انت فرخه اوي كده عامل لي فيها سبع رجاله في بعض ونافش ريشك وعاوز تهرب علي فين !

اطمأن باسم أنه لم يصاب من أثر إطلاق النار، فزفر براحة ونظر لسامح وقال بغضب :

- انا راجل غضب عنك !

دفعه سامح وهو يقول بضيق :

- وكم ان بتد عليا ! اتفضل قدامي علي القسم

قال باسم بهدوء غير اعتيادي :

- ثواني بس يا باشا انت اخدت الموضوع بشخصيه ليه كده! ١٠٠ الف كويس !

نظر له سامح بشك، ليتسائل :

- ١٠٠ الف ايه !

ابتسم باسم، وقال ببلاهة :

- خليهـم ٢٠٠ ما يغلوش عليك يا باشا ! دي ولا حاجه هديه  
بسيطة بس وبعدين يعني حاجه تافهه زي دي مش معضله يعني  
تتحل ودي !

ابتسم سامح، وهو يهز رأسه بثبات :

- يا حبيبي وكم ان بتحاول ترشي ظابط ! تصدق بالله انا قلبي  
اتشر حلك كده ! قدامي يا

سحبه سامح من ياقته على سيارة الشرطة المصفوفة بالأسفل  
وهو يضغط على أسنانه بضيق، وتحركت السيارات سريعاً تجاه قسم  
الشرطة، فرفع باسم هاتفه وتحدث مع محاميه وكلب منه اللحاق به  
علي القسم !

وصلت سيارات الشرطة أمام القسم، فأخذ سامح باسم من ياقته  
وهو مصفد اليدين وصعد به الدرج وفتح باب مكتبه ليلقي باسم  
في سقط بين قدمي أدهم وأغلق الباب ودار حول مكتبه ليجلس على  
كرسيه ونظر لأدهم، وهو يقول :

- واديه تحت رجلك اهه اعمل فيه الي يعجبك ! ولو علي التقرير  
الطبي فانت هتكتبه بإيدك ومصريه المدام ممكن تحدده وهي قاعده

رفع باسم رأسه ونظر لأدهم الذي ينظر له بتشفي كبير، ثم دار  
برأسه للجانب ليرى ياسمين مضمدة الرأس وهي تنظر له بحقد  
وكره كبير، فحاول الوقوف ولكن قدم أدهم التي وضعت على  
ظهره منعه من ذلك، قبل أن يتفوه ب :

- والله ووقعت ياباسم ياشافعي ! كنت سمعت قبل كده أن كل ظالم  
وليه يوم وانت يومك جه وبكره تندم انك عرفت واحده اسمها  
ياسمين وهخليك تتعقد من صنف الحريم كله بس اصبر عليها يا

نادى سامح العسكري وأمره بإلقاء باسم في السجن، فأمسك  
به ونزل درج ليفتح باب حديدي ضخيم ويلقي باسم في الداخل  
فوقع باسم أرضاً بعد أن حلت أصفاده فوقف وأخذ ينظف ملابسه،  
فتفاجأ بمن يناديه:

- باسم ! اهلاaaaaaaaaaaaa نورت السجن ياباشا .. «قالها مالك  
يابتسامة متشفية»

صُدم باسم بوجود مالك، وابتلع غصه ووقفت بحلقه وهو ينظر  
حوله بقلق شديد.

\*\*\*

خرجت وتين مع عمر وتسلمت الدرج حتى وصلت بيت  
جارتهم، فدقت الجرس لتخرج مرحبة بها بشدة، فابتسمت وتين  
بمجاملة قبل أن تتسائل :

- معلش ياطنط لو كنت جيت من غير معاد بس معلش عاوزه  
الاستاذ سيد في موضوع  
تسائلت أم سيد بفضول :

- سيد ابني انا ! وماله بس قوليلي بقا عاوزه سيد لبيسيه !؟  
نفخت وتين من فضول جارتها غير المتناهي، فقالت وتين أخيراً :

- موضوع شخصي معلش لو هو هنا ممكن تناديله !

ابتسمت أم سيد، لتقول بسعادة :

- موضوع شخصي ! يا ألف نهار أبيض يا ألف نهار مبروك  
والله وافتحتلك طاقه القدر ياسيد يابني بعروسه زي القمر  
رفعت وتين حاجبها بتعجب، لتقول سريعاً :

- لا ياطنط انتي فهمتي ايه ! انا قصده في خدمه بس علشان  
عارفه انه ابن بلد وجدع

- هه ! اه طبعاً يابنتي بس انا كنت عاوزه اقولك انه لسه في  
القسم مش هنا ! «قالتها والدته بهدوء مستفز»

ف نظرت لها وتين بضيق شديد وتركتها دون أن تتفوه بكلمة أخرى قبل  
أن تنفجر بها وقد تقتلها، فنزلت الدرج ومعها عمر وهو يكتفم ضحكته  
بصورة ملحوظة، فنظرت له وتين، فضحك ليقول بحلاوة روح :

- هم يضحك وهم بيكي ! انتوا مستحملين الوليه دي في العمارة ازاي ؟!  
هزت وتين رأسها، لتقول :

- علي رأيك دي لازمها ازاله من الحي كله !

ركبت وتين في السيارة مع عمر وتوجهوا، إلى قسم الشرطة سريعاً.

\*\*\*

أخذت سحر تتحرك على غير هدى في غرفتها والتوتر يأكل من  
عقلها الكثير، وهي تفكر بصوت مرتفع :

- طب وتين عرفت ازاي ! الموضوع ده محدش يعرفه غيري  
انا ومازن وهو حلف انه مش هيتكلم وبعدها سافر علطول !  
يا لهو ووي بس هي أكيد وتين مش هتتكلم بدلييل انها ساكتة

من زماااا!أيوااا صبح كدا! .. بس حماقي شمت خبر وهتفضل  
تدعبس لحد ما تعرف انا عرفاها! اعمل ايه طيب! طيب  
اكلم مازن ا قوله! .. لالا اكلمه أقوله ايه بس عمره ما هيقف  
قدام عيلته عشاني! بس ممكن لما يعرف اني حامل يقف معايا  
علشان ما يخربش بيت اخوه! ياررربي مش عارفه اعمل ايه!

\*\*\*

نظر مالك تجاه باسم وهو يحرك رأسه بألم يمينًا ويسارًا، فقال  
باسم بتلعثم:

- م مالك انت بتعمل ايه هنا! آه قولوا بقا انها خطه اختك  
الكلب بتاعها يجيوني هنا علشان يحطوني في السجن وانت تدخل  
تقتلني من غير ما حد ياخد باله مش كده

رفع مالك حاجبه بتعجب، وهو يقول:

- ياسمين هنا! وتحبك هنا ليه ومين الي معاها

قال باسم بخوف شديد وهو يتراجع للخلف:

- ايوا ايوا اعمل نفسك عييط بقا! اختك قاعده فوق مع آدهم  
وقدموا فيا بلاغ علشان اتعرضتلها في الطريق وجبتوني هنا علشان  
تقتلوني

زل باسم بلسانه، ونظر بصدمة لمالك فصدم مالك وجحظ عينيه  
بغضب جم، وقال بصراخ وهو يتوجه نحو باسم:

- اتعرضت لأختي انا! وديني ما هخلي فيك حته سليمه يا

\*\*\*

كانت ياسمين تجلس مع أدهم في الرواق المواجه لمكتب سامح ينتظرون قدومه وهم يتحدثون، فدارت ياسمين بعينيها في المكان فوقعت عينيها على ذلك الشخص الدامي الوجه فشعرت بالشفقة عليه، ولكن ما أن دقت النظر حتى صدمت ووقفت لتناديه بصراخ مرتفع :

نظر مالك تجاهها، فركضت ياسمين تجاهه، فرفع مالك يديه للأعلى لترتمي ياسمين في حضنه فأنزل يديه لتحتويها جيداً، فبكت بشدة وهي تنظر لجسده ووجهه الدامي وتلطمخ وجهها بدماءه، فشعرت بالألم يأكل من قلبها بصورة كبيرة.

- وتين يمالك! وتين كانت معاك هي فين! وانت هناليه!

- ما تخافش يا آدهم وتين في المستشفى وزمان عمر معاها دلوقتي  
ما تقلقش عليها! خناقه كده مع دكتور ملوش لازمه ولا ضمير  
أهان بنت يتيمة! بس الأهم دلوقتي! ياسمين قوليلي باسم الكلب  
ده عملك إيه هو اللي معورك في راسك كده! ردّي ياسمين

أجاب أدهم عنها، ليقول بضيق :

- أيوا هو واحنا هنا علشان كده وأقسم بربي لأخليه جثه في أرضه بس كل حاجه وليها أوانها !

قال مالك بنبرة غاضبة :

- ابن ال\*\*\*! استفرد بيها لوحدها وديني ما هخليه يتهنى بيوم واحد تاني !

قدم سامح ونظر للمالك بضيق ودفعه، وهو يقول :

- ماله ده كمان !

فقال العسكري بجدية ورسمية :

- شغب يافندم كان بيضرب واحد تحت في الزنزانة

فقال أدهم وهو يربت على كتف سامح :

- معلش ياسامح عاوزك في موضوع !

انفرد أدهم بسامح، فقال بنبرة راجية :

- معلش انا طالب منك خدمه تانيه ! اللي هناك ده يبقي أخو ياسمين خطيبتى وهو هنا علشان خناقه تافهه كده مع دكتور علشان اهان بنت يتيمة يعني كان بيدافع عنها وده عمل انساني وكم ان تحت كان بيضرب الكلب اللي اسمه باسم علشان اتعرض لأخته فكنت عشان فيك ياباشا يعني أنك تحرجه

نظر له سامح، وقال بشئ من الهدوء :

- بس هو لو المحضر اتكتب فهيقتي صعب بس لو ما اتكتبش فاعتبره ما دخلش السجن أصلا



ربت أدهم على ظهره، وهو يقول بإبتسامة سعيدة :

- ده العشم يا صاحبي !

ابتسم له سامح وأجرى هاتفاً سريعاً، ثم نظر إلى أدهم ليقول :

- ابسط ياسيدي الدكتور مجاش علشان يكتبوا المحضر فتقدر  
تأخذه معاك وانت ماشي !

أحتضنه أدهم وربت على ظهره بقوة، وهو يقول :

- تسلم يا باشا ! مردودالك ان شاء الله

توجهها إلى حيث يقف مالك وياسمين، فأمر سامح العسكري  
قائلاً :

- فك أيده يا بني ! تقدر تروح يا استاذ مالك كتر خيرك وبالنسبه  
للكلب اللي تحت ده سييوهولي ! انا هرييه !

نظرت ياسمين لسامح بدهشة، لتقول :

- بجد ! بجد مالك هيروح معايا!؟

نظر سامح لأدهم، وهو يربت على كتفه :

- طبعا طلبات أدهم بالنسبه ليا أوامر ده صديق عمري

شكره مالك، ونظرت ياسمين لأدهم بإمتنان وحب حقيقي  
فإبتسم لها أدهم وغمز لها، فتنحنحت وغيرت ملامح وجهها للجدية  
مرة أخرى، فضحك أدهم بهدوء.

دلفت وتين ومعها عمر وتسائلوا عن مكان سيد فأدلهم أحداً  
على مكانه، فمشوا تجاه المكان الموصوف قبل أن تقف وتين بصدمة  
شديدة ألجمت عقلها عن التفكير وهي ترى مالك غارقاً في دماءه

وملاحه متعبة للغاية، فأبت قدميها الحركة وأعلنت حصون عينيها  
عن فيضان من الدموع ليغطي رؤية عينيها، دارت عينا مالك المكان  
دون قصد لتقع عينيها العسلية على وتين التي تقف في آخر الرواق  
وهي تحتضن كفيها إليها ودموعها تشق الطريق لوجنتيها، ففزع  
وركض تجاهها بوهن حتى صار أمامها، ليتسائل :

- وتين أنتي كويسه ! ايه الي جابك هنا وجايه مع مين !

نظرت وتين للدماء التي تقطر من وجهه لتضيع بين الدماء التي  
تغرق صدره، فقالت بفرع وهفة باكية :

- م مالك انت بتنزف ليه ! مين الي ع عمل فيك كده

ابتسم مالك، وقال مطمئناً إياها :

- انا زي الفل ياوتين بشوفتك ! انتي قوليلي جايه هنا ليه ومع  
مين ! او عي تكوني جايه لوحدك

رجع عمر وهو يقول، دون أن يرى مالك :

- ايه ياوتين وقفتي ليه خضتيني عليكي ببص مالتكيش ورايا

كانت أنظار وتين مثبتة على مالك، فدقق عمر نظره على  
الشخص الدامي الذي يقف أمام وتين، وفزع حينما استطلع ملامح  
أخيه، وتسائل بقوة :

- مالك !!!! مين الي عمل فيك كده يامالك ! رد عليا أقسم بالله

ما هخلي فيه نبض واحد

قالت ياسمين بضيق وبكاء :

- باسم ياعمر ! اتعرضلي وضربني وضرب مالك لما جه هنا  
ومالك ضربه

قال مالك بوهن وتعب مُنهيًا الحوار :

- هو خد الي يستحقه ياعمر خلاص ولسه هيشوف مننا كثير  
أهم حاجه نمشي من هنا دلوقتي !

نظر له عمر بضيق، وقال :

- مش قبل ما اعلمه الأدب ! مش واحد زي ده الي يأذي اختي  
واخويا بالمنظر ده !

نظر له مالك، وقال بحدة :

- قولتلك خلاص ياعمر وبعدين دي كانت خناقه في الزنانه من  
قبل ما يجيي الكلب ده أرجوكوا روحوني انا عاوز ارتاح شويه !

قالت وتين ببكاء :

- انا اسفه يامالك انا السبب في كل حاجه لو مكتتش دخلتك في  
موضوع تمارا مكنش كل ده حصل ولا كنت جيت هنا انا أسفه

نظر لها مالك بحنو، وقال :

- أسفه تاني ! واحنا اتفقنا علي ايه ! وبعدين كله مقدر ومكتوب  
ياستي انتي ملكيش ذنب ويلا بينا بقا ! مش هنقف نتكلم هنا بقا

هزت وتين رأسها وتوجهوا للخارج حينما رأت وتين سيد يخرج  
من غرفة مجاورة، فنادته سريعًا فأقبل عليها بإبتسامة سعيدة، وقال :

- أستاذة وتين ! وانا أقول القسم منور ليه اتاريه منور بالقمر  
بتاعنا !

نظر له مالك وهو يرفع حاجبه بضيق، ثم نظر لوتين بغضب  
وهو يقول :

- أهلا!!!!

فنظرت له وتين وهي تضغط على أسنانها بإبتسامة بلهاء، فقال  
مالك بنفاذ صبر وغيره :

- خلصت من شادي يطلعلي سيد ! هي ليله مش معديه النهارده

.....

\*\*\*

## الفصل السابع عشر

جلسوا جميعاً في مكتب سامح وألتحق بهم وتين ومالك بعد أن تم تضميد جراحه وبدأوا في النقاش، وسيد وسامح يستمعون بإهتمام وهم يسجلون بعض الملاحظات ويأسمين وأدهم يشعرون بصدمه كبيرة مما يسمعون .. أضاف مالك ما أستطاع أن يعرفه من خلال الانترنت، وأسماء صديقات أخته اللائي وقعن ضحايا أولئك المجرمين.

قالت وتين بنبرة مترجية :

- بس انا ليا عندك طلب يا سامح باشا لو سمحت

نظر لها سامح بتركيز، لتقول :

- أنا مش عاوزة البنات الصغيرة يتم ذكر أسمائهم في المحضر

قال سامح بتفكير :

- أفكر أن ممكن يبقى الموضوع صعب بس علشان خاطر كوا هحاول

- لا مش هيكفي المحاولة انت لازم توعديني تجييلي ال cds بتاعهم وانا هساعدهم لأن دول صغيرين وحياتهم هتنتهي علي كده لو عند حضرتك بنت مش هتحب ان حياتها تدمر كده صح

نظر لها سامح بتفهم وهز رأسه، ولكن قطع حديثهم إتصال  
وارد لسامح فرفع يده ليصمتوا قليلاً فعم الهدوء المكان قبل  
أن يجيب بتركيز وهو يردد « اممم اممم تمام سلام يافندم »  
نظر سامح للجميع وهو يقول :

- بالنسبة لتمارا فانا عرفت معلومات جديدة عنها ! للأسف  
الي اسمها شكري ده شغال مع شبكة الدعارة الي كانت هتتورط  
فيه كارما ودول طلعا مش بس دعارة و مخدرات لا ده بودره وقتل  
بس مستخيين ورا الانترنت وكانت واحده مقدمه بلاغ قبل كده ان  
خطيها كان شغال معاهم واخدها للسكه دي وانتحرت بعدها ولما  
راحوا المكان لقوها شقه عاديه جداااا فيها دكتور نفسي وعامل  
كورسات علاج نفسي ومعرفش حد يمسك عليهم حاجه ولما سألنا  
الجيران واستفسرنا طلعت ففعلا مركز علاج نفسي وحصلنا علي إذن  
من النيابة بإقتحام وتفتيش المكان وهيوصل الفاكس خلال دقايق  
قالت وتين بتهكم :

- بيتهيألي الشرطه سوري يعني منظمه غيبه أوي !

نظر لها الجميع بإحراج وجحظ مالك بعينيه بصدمه، فقال سامح  
وهو يضحك :

- الله يخليكي بس ممكن أعرف ليه ؟!

ضحكت وتين لتقول مضيفة :

- انا بتكلم بجد والله ! يعني عصابه او مجرمين بالخطورة دي  
مش عربيه شرطه ومشغله السرينه وداخله تهجم ! الناس دي ذكيه  
جداااا وليها ودن في كل مكان ومش بعيد يكونوا عارفين اننا بتتكلم

عليهم دلوقتي ! والجيران دول الي سألتوهم هم منهم وفيهم أصلا  
وبيتوهوكوا والبنت الي بلغت انا متأكده ١٠٠٪ انها اتقتلت ما  
انتحرتش ولا حاجه زي ما طلع معاكوا !

نظر الجميع تجاه وتين بشك كبير وعلى وجوههم علامات دهشه  
واستفهام كبيرة فنفوه سيد ب :

- اللهم صلي علي النبي أقسم بالله دماغ ألماظ واه ماهو الجمال ده  
كله لازم يكون وراه عقل كبير ومتفتح

فنظر له مالك من طرف عينيه بحنق، فتنحنح سيد ونظر أرضاً،  
فقال سامح بتفكير أوسع :

- أقسم بالله عندك حق في كل كلمه قولتها أحنا ازاى مفكرناش كده  
فقال أدهم ضاحكاً :

- بيتهيئلي كده علشان انتوا منظمه غيبه ههههههههه  
ضحك الجميع، فقالت وتين بجديه بالغة :

- وبما انهم عارفين كل حاجه يبقى لازم الكلام ده ما يطلعش  
بره المكتب ده وبيننا احنا ولازم الخطه الي هنتحرك بيها تكون بنفس  
تفكيرهم الخارق ده ولو بدأنا في الطريقه الي انا فكرت فيها هنضطر  
ندخل كارما في الموضوع !

نظر لها مالك، وقال بجديه :

- طريقه ايه قولها خلينا نقول كل الاحتمالات ونختار أحسنها !

هزت وتين رأسها، وقالت بهدوء :

- الخطه اني .....

رحل كل الضيوف في بيت إبراهيم الزيدي، ولم يتبق سوى الزينة، وكانت عبر تجلس وهي لا تشعر بشيء من حولها وهي تضم ساقها إليها ودموعها قد خربت زيتها ومكياها فحالت دموعها باللون الأسود يخط أسفل عينيها، .. أخذت والدتها تعاتب سميرة بكرة وغضب كبير :

- هي دي تربيتك لولادك ياسميرة والله عال ! بنتي أنا يحصل فيها كده من إبنك ويكسر قلبها لأوايه ! بيعترف انه بيعب واحده تانية عليها ! سمعة بنتي بقت في الأرض بسببك ياأختي يا كبيرة بسبب اللي عمله الطايش إبنك ! هنوري وشنا للناس ازاى بعد كده ؟! ردي عليا ياسميرة

نظرت لها سميرة وهي تقول بحزن :

- كفاية يا كريمه أبوس ايدك ! ما تحسنينش بالذنب أكثر من كده !! بنتك وعمر مش هينفصلوا ولو حكمت إني أجوزاله غصب عنه ! بس اهدي ارجوكي ومفيش واحده تانية ولا حاجه هو قال كده من الضغط اللي عليه

نظرت لها كريمة من طرف عينيها، وقالت متصنعة الغضب :

- اما نشوف

تحركت عبر تجاه المرحاض وأغلقت الباب بإحكام خلفها وغسلت وجهها جيداً وهي تتنوي الانتقام من عمر الذي أهانها أمام الجميع، ومدت يدها في حقيبتها الصغيرة وأخرجت أنبوبة بيضاء وأفرغت القليل منها على رخامة المرحاض ورصتهم جيداً في صفيين متساويين بإستخدام الكارت الخاص بالطبيب سامر، ثم قربت رأسها منه وبإستخدام أنبوبة شفافة صغيرة سحبت إحدى الصفوف



وبفتحة أنفها الأخرى سحبت الصف الآخر، ثم أغلقت عينيها وأرجعت رأسها للخلف وأخذت نفس طويل وابتسمت وأرجعت رأسها للأمام مرة أخرى، ثم نظرت للكرات الذي تحملها وضحكت بصورة هستيرية وقد حصلت على الفكرة المناسبة للإنتقام، ثم حملت حقيبتها وخرجت من المنزل.

عاد إبراهيم الزبيدي إلى منزله فتفاجأ بما يحدث حينما أخبرته زوجته البواب بما حدث في الداخل، وشعر النيران تتأجج داخله فدلف إلى المنزل فنظرت له سميرة بحزن شديد ولكنه صدح بصوته الذي هز جدران المنزل :

- سميرة الي حصل النهارده ده مش هيمر بالساهل وهتندمي على كل أفعالك

لم ينتظر ليسمع المزيد وصعد إلى غرفته على الفور

\*\*\*

أرسلت شركة (just imagine) فاكس لشركة السياحة التي تعمل بها ياسمين أنهم سوف يصلون يوم الخميس أي بعد يومين، فأخذ الجميع يعمل على قدم وساق.

دلف هيثم مكتبه ودق على ياسمين، فأجابت سريعاً وهي تقول :

- هيثم باشا ! خير حضرتك فيه حاجه !

قال هيثم بجدية واهتمام :

- الشركه الي كنا عاملين الاعلان بتاعها بعثت فاكس انهم هيوصلوا بعد بكره يعني لازم تكوني موجوده في الشركه بكره انتي والاستاذ آدهم !

قالت ياسمين بتلعثم :

- بكره ! دانا كنت لسه هتصل بحضرتك واخذ من حضرتك اجازة بكره علشان ظروف العيله و ...

- ياسمين انتي مش أول مرة تعرفي قواعد الشغل عندنا وانا مكتش هديكي اجازة أصلا بس علشان انتي مميزة في الشركه فاضطريت اديكي اجازة النهارده بس مش مستعد اخسر شغلي علشان ظروف حضرتك ! بكره الصبح تكوني في المكتب والا ملكيش أكل عيش عندنا أنتي وادهم معاكي سلام .. «قالها هيثم بضيق وأغلق الهاتف سريعاً»

ففخت ياسمين بضيق، فتسائلت وتين :

- فيه ايه ياياسمين مين الي كان بيكلمك ده ! وقالك ايه خلاكي تكشري كده

قالت ياسمين بضيق :

- ده المدير بتاعي ! وبيقول اني لازم اكون في الشغل بكره انا وادهم والا هتفرد منه علشان الشركه الأمريكيه باعته فاكس انها هتيجي بعد يومين ولازم نهجز كل حاجه وترتيبات الاستقبال و نعرف هم كام فرد علشان نحجز التذاكر والفندق الي اخره !

هزت وتين رأسها بتفهم، «وقالت :

- خلاص ممكن نستبدل دورك ب مكة، عمر يعرفها وقال انها هتساعدنا وانها محل ثقه !

قال أدهم بجدية :

- خلاص يا ياسمين روحي وانا مش هقدر أروح لما نخلص  
الموضوع ده علي خير أبقا أدور علي شغل ثاني

- لأ طبعاً دي فرصه ما تتعوضش وبعدين فيه مالك وعمر و  
سامح باشا وسيد وانا ومكة وكارما كده كتير وحلو اوي روح انت  
شغلك ولو احتجناك ياعم هنكلمك تيجي .. «قالتها وتين بإبتسامة  
هادئة»

نظر لها أدهم محاولاً الرفض، ولكنها أصرت عليه بنظراتها أن كل  
شئ بخير، فهز رأسه موافقاً فإبتسمت ياسمين، وقال عمر وهو  
ينظر إليهم :

- انا كلمت مكة وهي هتيجي دلوقتي ومعها كارما !

نظرت له ياسمين ضاحكة :

- لحقت ! داحنا لسه بتتفق لسه مكملناش الكلمه !

نظر لها عمر وهو يضحك ببلاهة :

- الله ! مش انتوا قولتوا عاوزين كارما ! فقولت لمكة تجيها !

ضحك الجميع وخرج سامح لتأدية بعض المهام بشكل سري،  
فنظر مالك لوتين وقال :

- وتين ! انتي كده بتعرضي نفسك للخطر ! احنا ممكن نستعين  
بحد يعمل الدور اللي هتعمليه ! انتي مش مضطره تعملي كده

نظرت له وتين مبتسمة، لتقول :

- شكلك لسه ما تعرفنيش كويس يا مالك ! انا لما حاجه تدخل  
دماغى بعملها حتي لو كل العالم منعني منها فمتحاولش تمنعني

وبعدين قولتلك قبل كده أن كارما أختي الصغيرة وطالما انت هتكون  
معايا هخاف ليه !

ابتسم مالك بحنو وربت على يدها، فسحبته برفق فنادها سيد :

- آنسه وتين ممكن كلمه علي إنفراد !

نظر له مالك بتعجب، فهزت وتين رأسها ووقفت وتحركت معه  
إلى طرف المكتب ومالك يتابعهم بغيرة جمّة تكاد تفتك به .

سيد بنبرة مضطربة :

- بصي يا آنسه وتين انا عارف ان ده مش وقته ولا مكانه بس  
الاصول بتقول اني لازم أقولك ! انا الصراحه حاسس إني معجب  
بيكي

شعر سيد أن وتين قد تغضب وترفض طلبه بصورة نهائية ولكنه  
أصر أن يخبرها ويترك لها الخيار، ولكن على العكس تمامًا فقد ابتسمت  
وتين بحنو، لتقول بحكمة وهدوء :

- بص يا أستاذ سيد انا هتكلم مع حضرتك بصراحه انا زمان  
لما كنت بشوفك لابس البدله العسكري كده كنت بقا فخورة بيك  
اوي وبحس بهبيتك كده ولما وقعت في مشكله دلوقتي أول حد لجأئله  
هو انت وده لأنني بشق فيك زي آدهم ومازن ومتأكد ان مشاعرك  
ناحيتي هي مشاعر مسئوليه وأخوه بس انت مش عارف تفك  
شفرتها وترجمها مش أكثر! فكر فيها كويس هتعرف !

ابتسم سيد بأريحية من حديثها قد تكون صادقة لأنه يشعر  
بالمسئولية تجاهها كما يفعل مع أخته الصغيرة عزة :

- ونعم الترييه والله .. كل كلمه قولتيها بتعبر بصدق علي مشاعري  
والموقف الي احنا فيه لو واحده تانيه مكانك كانت ممكن تهيني او  
تتكبر عليا

ابتسمت وتين، لتقول :

- علي فكره يا سيد انت راجل ملو هدومك ! واي بنت في الدنيا  
دي تتمناك وليك عليا ياسيدي أجلك عروسه زي العسل هو مش  
انت اخويا ومن حقي اختارلك عروستك ولا ايه !

ضحك سيد، وقال وهو يهز رأسه ويؤدي التحية العسكرية :

- شرف لينا ياباشا !

ضحكتك وتين وهزت رأسها وهي تؤدي التحية العسكرية  
أيضًا .. كاد مالك أن يستشيط من الغضب، ولكن حينما وجد وتين  
تضحك معه بأريحية وكأنه غير موجود شعر بالدماء تغلي في عروقه  
وقفز من مكانه وأخذها من يدها بقوة وتحرك للخارج وأبتعد قليلاً  
عن الغرفة، ثم دفعها لتلتصق بالجدار وحاطها بيديه ونظر في عينيها  
بغضب.

شعرت وتين بالخوف من نظرات مالك تجاهها، وانكملت علي  
نفسها وضمت يديها لصدرها وأخفضت نظراتها أرضاً، فقال مالك  
من بين أسنانه غضباً :

- أظن انك عارفه كويس إني بحبك ورغم كل ده خليتيني قاعد  
وما احترميش رجولتي وكرامتي كواحد بيبحك ووقفتي مع راجل  
قدام عينا تضحكي معاه وتكركري وتمايضي وانا قاعد بغلي من  
جوايا ! والمصيبة لتكوني مش حاسه بالي عملتيه كـ!!!!!!!!!!!!!!ان !

أرتفع صوت مالك في آخر جملة تفوه بها فشبهت وتين خوفاً وسقطت عبره كادت تبلل رموشها على وجنتها من أثر إنتفاضة جسدها .. رأى مالك ما حدث مع وتين فلانت ملامحه سريعاً، وشعر بفداحة ما فعل، فهو للمرة الأولى التي يشعر فيها بهذا الكم من الغضب ولم ينتبه على من أفرغه بأكمله للتو .. حاول مالك الحديث ولكن دفعته وتين بيديها جانبا وركضت وهي تمسح عينيها من أثر البكاء إلى مكتب سامح مرة أخرى، وجلس مالك مكانه وهو مصدوم من نفسه وفعلته لقد أتهمها في تربيتها واحترامها، فمسح وجهه بكفه بضيق كبير.

\*\*\*

رجعت سحر منزل والدتها وهي تفكر بصورة هستيرية فيما قالتها لها وتين وإلى تهديدها الصريح لها، فوجدت والدتها تجلس وعلى وجهها ملامح الفزع والخوف، فتعجبت سحر بشدة ونادتها مرة تلو الأخرى، ولكنها لم تجبها فهزتها سحر حتى أنتفضت سلوى بفزع وهي تنظر لها.

تسائلت سحر بتعجب :

- مام مالك ! انا بقالي ساعة بناديكي !!

نظرت لها سلوى نظرات واهية، وهممت كأنها لا تستمع لما تقوله :

- طيب شكلك عاوزه ترتاحي جدااا فيلا قومي إرتاحي في أوضتك لحد ما اخلي حسن الطباخ يحضر لنا العشا

نظرت لها والدتها وكأنها لاحظت وجودها للتو، فقالت غاضبة :

- سحر ! ايه اللي وداكي بيت جوزك تاني ياسحر !!

رفعت سحر حاجبيها بدهشة من تحول والدتها المتقلب :

- بطمن علي جوزي يامام وكم ان علشان ا قوله إني .... حامل

جحظت والدتها عينيها بصدمة شديدة، لتقول :

- نعم !! اوعي تكوني قولتيله !!

- قولتله طبعاً ده جوزي ومش هخبي عليه !! .. «قالتها سحر

بإبتسامة عابثة، فصرخت بها والدتها غاضبة :

- الولد ده لازم ينزل ولازم تطلقني من اللي اسمه آدهم الشحات

ده ! انا هجوزك سيد سيده

فغرت سحر شفيتها بصدمة، فنظرت لها والدتها بتحدي سافر وتركتها وانصرفت تجاه غرفتها وأغلقت الباب من خلفها، ولكن عاود هاتفها الرنين من جديد برقم مجهول فأرتعشت أوصالها وأجابت على الاتصال وهي تبتلع ريقها بتوتر :

- ألوووو ! انت مين ؟!

قأأأ الصوت الغامض بضحكة عابثة :

- ياأأأأأه دانتي ذاكرتك ضعيفه اوي يام ياسر !

صعقت سلوي بشدة من ذلك اللقب الذي لم تسمعه منذ وقت

طويل جداً وأيقنت هوية المتصل :

- شريف !

ضحك الصوت قائلاً بنبرة مرتفعة :





وعاشت معه حياة مرفهة بالكامل، حتى مات وورثت ابنته الوحيدة  
كافة أمواله.

شعرت سلوى بأن هناك حلقة تضيق على عنقها بشكل كبير  
ووضعت يدها على عنقها وهي تبتلع ريقها بصعوبة شديدة، وازداد  
نحيبها بشكل ملحوظ وهي تأن وتنتفض بصورة هستيرية.

\*\*\*

حضرت كارما ومكة إلى القسم وشرحت لهم وتين الخطبة بأكملها،  
فوافقت كارما ومكة بسعة صدر وأعجبت مكة كثيرًا بذكاء وتين  
الخارق فاقترح مالك قائلاً :

- طيب محتاجين دلوقتي نروح نقعد في حته مريحه ونتكلم علي  
رواقه بعيد عن دوشه القسم دي ! اتفضلوا عندنا في البيت نتكلم  
وخلاص كده كده مفضلش وقت كثير والنهار يطلع كلها كام ساعه  
وافقه الجميع ماعدا عمر ووتين، فقال عمر بضيق :

- ما بلاش البيت ! خلينا نجتمع في مكان مفتوح احسن  
قالت وتين مؤيدة :

- ايوا انا بقول كده برضه

فنظر مالك لوتين فأبعدت نظرها سريعًا عنه بضيق، فقال مالك  
بإصرار :

- لا طبعاً مش هينفع مكان عام او مفتوح الحيطان ليها ودان وبيتنا  
أأمن مكان !

قال عمر بتهرب :

- ما هنا ممكن نروح عند أدهم ووتين في بيتهم أحسن ! علشان  
ماما وكده

قالت وتين بحزن :

- لا مش هينفع ماما لو عرفت حاجه زي كده ممكن تموت فيها !  
هز أدهم رأسه مؤيداً، فقال مالك بشكل نهائي قاطع :  
- خلاص يقي بيتنا أسلم حل ! يلا بينا !

حمل الجميع أغراضهم وركبت مكة ووتين وكارما وياسمين مع  
عمر، وركب أدهم و مالك بسيارة أدهم و مالك يشعر بحزن شديد  
يعتصر قلبه من إبتعاد وتين عنه وتجاهلها إياه.

بعد وقت قصير .. وصلت السيارات أمام فيلا إبراهيم الزيدي،  
وفتح لهم البواب البوابة فرآهم إبراهيم من غرفته بالأعلى فهبط  
الدرج لاستقبالهم، فنزل مالك من السيارة وتوجه إلى والده وهو  
يقول أثناء عبثه في شعره:

- معلش بابا صاحبنا جاين يسهروا معانا ويقضوا معانا اليوم

نظر له والده وقال مبتسماً وهو يرت علي كتفه :

- عارف يا مالك ! حاجه واحده بس بعترفني إنك بتكذب ! لما  
تقعد تلعب في شعرك كده وانت بتتكلم

فضحك مالك، وقال بهدوء :

- هحكلك كل حاجه بابا ! بس ادخلهم ولينا قعده ...

هز والده رأسه بفهمهم وأستقبلهم إبراهيم بإبتسامة هادئة، وما أن رأى وتين من ضمنهم حتى ابتسم لها، واقترب منها وقبلها من رأسها بهدوء وهو يقول :

- احنا النهارده مش محتاجين القمر اللي في السماء ده علشان القمر كله في بيتنا اهه !

ضحكت وتين وشكرته ودلفوا للداخل فاستيقظت سميرة على صوتهم وأرتدت الروب فوق ملابس النوم وخرجت لتنظر من في الخارج لتتفاجأ ب وتين وأدهم وفتاة أخرى معهم متواجدين في منزلها، فوقفت وكتفت يديها وهي تنظر لهم بضيق شديد فأشار لها إبراهيم بالتمزام الصمت والدخول لغرفتها، فضربت قدمها بالأرض معترضة وعادت لغرفتها بضيق شديد.

انقضى الليل سريعاً جداً، وكان الإرهاق بادي على الجميع، فقالت وتين بهدوء :

- كده مش هينفع ياجماعه ! لازم كلكوا تريحوا شويه مش هينفع نبدأ في اللي هنعمله واحنا داخلين في يومين صاحيين فيلا نروح ننام ساعتين ونتقابل هنا كلنا تاني قبل ما نتحرك !

قال إبراهيم سريعاً وبحنو :

- وليه يعني تروحوا ! الأوض هنا مفيش اكر مننها ! يلا مكة وكارما هيناموا في اوضه كارما وتين هتروح مع ياسمين في اوضتها ومالك وأدهم في اوضه وعمر ينام لوحده بقا علشان محدش ييطيق ينام جمبه

ضحك عمر ليقول بمزاح :

- ليه يا حـج حد قالك اني بـقلب زومبي بليل !!

قال إبراهيم بمزاح أيضًا :

- لآ بتطبق اللي بتاخده في تدريبات المصارعه علي السرير بليل  
وانت نايم

ضحك الجميع فعبث عمر بشعره، قائلاً :

- بتسيحلي يا حـج ! ماشي ماشي انا علطول محدش بيعمل حساب  
كدهه

فضحكوا مرة أخرى وتوجه الجميع إلى الغرف منهكين وناموا  
سريعاً من التعب ... بعد حوالي ال ٣ ساعات استيقظ الجميع ببعض  
النشاط فركبت ياسمين مع أدهم وتوجهوا إلى مقر عملهم بعد أن  
ظل أدهم نصف ساعة كاملة يؤكد على وتين إن أحتاجت لشيء أن  
تجعل أحداً يتصل به ويخبره فطمأنته وتين ليرحل بسلام.

أقرب مالك من وتين ليتحدث معها ولكنها شغلت نفسها  
بالحديث مع مكة وتركته يقف وحده، فأغمض عينيه بضيق شديد  
وتحرك تجاهها بغضب وجذبها من يدها وتحرك بها بعيداً عن الجميع  
إلى خلف السلم الداخلي وحاوطها بذراعيه مرة أخرى، وتنبأت وتين  
أنه سوف ينفجر بها مرة أخرى كما فعل المرة الماضية، فأنزلت عينيها  
أرضاً وأستعدت كي تتلقى إهائته وصوته المرتفع، ولكنه فاجأها :

- وتين انا آسف ! ارجوكي سامحيني ! غيرتي عمتني مكتش  
عارف انا بتصرف ازاي والله ! ولا كنت عارف انا بقول ايه ؟!

رفعت وتين عينيها ذات الخيوط الزيتونية المتألألة بالعبرات  
الحارة تجاهه، وتصادمت نظراتهم لتقول بصوت خافت ألم مالك :

- انا اول مره حد يعلي صوته عليا ويهين كرامتي بالشكل ده ! انا قلبي وجعني من الي انت قولته لأنني مكتتش مستنيه منك في يوم أن ده يحصل ! كنت فكراك واثق فيا

- وتين أرجوكي ما تعيطيش انتي لما بتعيطي بحس رجولتي بتضيع قدامها لاني المفروض أسعدك مش أشوف دموعك من وقت للتاني ! وماعشت ولا كنت لو قصدت اهينك او اهين كرامتك لأن كرامتك من كرامتي وانا مقدرش اجرح كرامتك أبدااا صدقيني ! انا اسف ! .. «قالها مالك بألم وحزن شديد»

نظرت له وتين وقد شعرت بصدق كلامه، فهزت رأسها قائلة بمزاح :

- علي فكره انت وعدتني مش هتقول آسف دي وانت الي رجعت في وعدك اहे

ابتسم مالك لإبتسامتها وغمز لها فخجلت، وأخفضت نظرها سريعا وتوردت وجنتيها فألهبت مشاعر مالك وشعر برغبة كبيرة تلح عليه بطبع قبله حارة على جبينها، فاقترب منها وبالفعل طبع قبله سريعة على جبينها، فتفاجأت وتين وأهتز بدنهما بقوة وأبتعدت عنه سريعا غاضبة، وكانت علي وشك توييخه بشدة ولكن صدح صوت سميرة وهي تقول :

- الله الله يابنت الحسب والنسب والتربيه ! انا قولت من الأول أنك مش سهلة ومش متربيه ازايا بنت يا محترمه تسمحي لشاب لا هو جوزك ولا كاتب كتابه عليكي يبوسك بالمنظر ده ولا ده عادي في بيتكوا يابنت عبله !



بالحديث مع صديقتها التي عرضت عليها الأمر منذ البداية ووتين  
تُلى عليها ما تقوله:

كارما : بقولك يا شيري هو انا ممكن اجيب حد معايا كورس  
العلاج النفسي دول !

شيري : ده مين دول !..

كارما : دول صحابي وقرابيننا هم برضه حابين ينضموا !

شيري : متجوزين !!

كارما : لأ لأ دول انسات قمرات ما شاء الله بس ظروفهم صعبة  
شويه !

شيري : طب كويس هاتيهم معاكي ! احسن ليا برضه آاقصد  
احسن ليهم !

كارما : طيب نتقابل بقا كمان ساعه ونروح سوا

شيري : هو انتي أكيد هتيجي يا كارما ! لو وراكي حاجه انا  
ممكن أأجل الموضوع يعني ونروح مرة تانيه ! او لو مش عاوزه  
تروحي خالص خلاص

بكت كارما بشدة من تلك الرسالة، فطمأنتها وتين وجعلتها  
تستمر .

كارما : لا هاجي ان شاء الله يلا سلام دلوقتي !

نظرت وتين للجميع، وقالت بتركيز :

- وبكدا شيري هتبلغهم ان فيه اتنين كمان هيجوا وهم هيرحبوا  
بالك جداء في زيه الجديد و نبدأ بقا نتحرك ونروح نغير هدومنا

علشان الجزء العملي وكله عارف دوره كويس بس الأول نقرا الفاتحه  
بنيه التوفيق !

رفع الجميع يديه وقرأوا سورة الفاتحة، فقالت سامح بعد أن  
صدّق :

- يلا نتوكل علي الله يا جماعة !

خرج الجميع من المنزل والخوف يضرب أجسادهم خوفاً من  
خروج بلا عودة.

\*\*\*



## الفصل الثامن عشر

وقفت مكة أمام المرأة وهي تطالع ملابسها باستنكار، وهي  
تحدث وتين التي ترتدي ملابسها في غرفة القياس :

- انا هطلع بالشكل ده ! يلهوي دي جنا لو شافتي مش هتعرفني

ضحكت وتين من الداخل، وهي تقول بمزاح :

- انا برضه بقول كده ! الهدوم كل ما غليت كل ما قصرت  
واضيقت

خرجت وتين فنظرت مكة لانعكاس صورتها في المرأة وأطلقت  
صافرة مكتومة، فإبتسمت وتين بخجل فضحكت مكة لتقول :

- يابنت الإيه بالذينه ! ايه القمر ده .. لا دانا هغير بقا

وضعت وتين يدها أعلى معدتها، وهي تقول :

- انا معدتي وجعاني من الخوف يا مكة ! ربنا يكمل اليوم ده علي خير

اقتربت منها مكة، وشدت أزرها قائلة بحنو :

- انا ما اترددتش ثانيه واحده اني اساعدكوا لأني عارفه ان من ورا  
الي هنعمله ده خير ومساعدة بنات ملهاش اي ذنب في الي حصلهم  
وان شاء الله ان ينصرنا الله فلا غالب لنا

ابتسمت وتين لها وضغطت على كف يدها، فدلفت كارما  
ونظرت لهم وهي تقول :

- خلصتوا ! طيب كويس تعال يامالك !

دلف مالک يرتدي عباءة بيضاء وعليها عطر كرجال الخليج،  
وركب دقن بيضاء وباستخدام القليل من المكياج بدا وكأنه رجل في  
الخمسين من عمره فتعجبت مكة من شكله وكادت لا تعرفه، ألفت  
وتين ونظرت له فضحكت ولكن مالک انبهر بشكلها فكانت وتين  
ترتدي بنطال من الجينز الأبيض القصير وتي شيرت من اللون الزيتي  
بلا أكمام وكوفيه بيضاء كبيرة حول عنقها يغطي معظمها شعرها  
المسدول للخلف، ومع حذاء حريمي بأربطة باللون الزيتي يلتف  
حول قدميها بصورة جذابة، فأستشعرت وتين الخجل من نظراته  
وأحمرت وجنتيها لتزيدها جمالا فوق جمالها.

ابتلع مالک ريقه، وهو يقول بدهشة :

- انتي هتروحي معانا كده !!

نظرت وتين أرضا وهي تقول بهدوء :

- كارما الي جابتلي اللبس ده واصرت اني ألبسه

قالت كارما باستنكار :

- ماهي زي القمر اهي !!

- مادي المصيبة ! .. «قالها مالک باستنكار أشد»

فحركت وتين بؤبؤ عينيها بعصبية، وأخذت تفرك يديها بقوة  
فأستشعر مالک قلقها وخجلها فابتسم قائلاً :

- ماتخافوش من حاجه ياجماعه سامح طمني ان كله تحت السيطره  
وانهم في دقايق بعد ما ندخل هيكونوا محاوتين المكان ! اهم حاجه  
يلا بينا دلوقتي علشان ما نتأخرش ! كارما شيري هتستناكي فين ! ..  
تسائل مالك بإهتمام

قالت كارما بنبرة مضطربة :

- عند الميدان

هز مالك رأسه بتفهم، فقالت وتين بإضافة :

- آدهم كلم مازن الصبح وقاله انه هينزل خلال ٣ أيام ان شاء الله

ردد الجميع بصوت واحد :

- إن شاء الله

خرج مالك وخرج خلفه الباقي، فإبتسم عمر لمكة التي كانت  
ترتدي فستاناً قصيراً باللون الأسود وترفع شعرها للأعلى دون أي  
مكياج أو أي شيء، كانت كالملاك الصغير فنظرت مكة أرضاً بتوتر،  
فكان عمر يرتدي مثل مالك ولكن ألتمز بهيئته الصغيرة كإبن لمالك  
مع تغير طفيف في وجهه كي لا تتعرف عليه شيري، فأخذ سامح  
وإبراهيم ومالك وعمر يتحدثون سوياً، فقال عمر بإهتمام وتركيز :

- يابابا أول ما هدخل الشقه هبعثلك إشارة من الجهاز ! لو حصل  
أي حاجه هبعثلك إشارتين ورا بعض و لو بعت ثلاث اشارات معناها  
تحلي سامح بيه يتدخل علطول او عي تسيب التابلت من ايديك لحظه  
يابابا أو عي والكاميرا الي في جيبي دي والي في جيب مالك والي  
هركبها لوتين هتصور كل حاجه بدقة كبيرة

هز الجميع رأسه، فقال سامح بجديّة :

- وعلشان كل حاجه تكون قانونيه انا جيت تصريح بإستخدام الكاميرات و التدخل وان شاء الله منصورين

تحرك الجميع تجاه السيارات فركبت مكة و وتين وعمر في سيارة مالك، وركب عمر مع كارما في سيارة رياضية فارهة كي تعطي العصابة خلفية بالمال والسلطة الذين يملكونها.

تحركت السيارتين تجاه الميدان، ووقف سامح يتحدث عبر اللاسلكي ثم ركب السيارة وأخذ يتتبع إشارة سيارة مالك لديه من على مسافه منه، كي لا يشك أحد بالموضوع.

تقابلت كارما وشيري، ثم نظرت شيري لعمر بشك وشعرت أنها تعرفه، فقطعت كارما تفكيرها سريعاً :

- أقدملك رامز ابن خالي لسه جاي من الخليج امبارح هو باباه و اخواته البنات بعد ما جتلهم حاله اكتئاب كبيرة وحييت يعني انهم يجوا معايا وكده بس أصر خالو ورامز انهم يوصلونا ويطنمونا وكده وبعدين هيمشوا

هزت شيري رأسها وهي تنظر لكارما نظرات ذات معني وكأنها تطلب منها السماح أو شئ كهذا، ثم قالت بنبرة مبحوحة :

- طيب يا كارما انا همشي قدامك بالعريه بتاعتنا وتعالى ورايا علطول ماشي !

هزت كارما رأسها وبالفعل تحرك الجميع خلف السيارة التي تركب بها شيري حتى وصلوا للمكان، فنظر مالك ووتين خلال زجاج السيارة إلى ذلك العقار الضخم المحصن بصورة ممتازة بتوجس

وأبتلعت وتين غصة تقف في حلقتها، وألقت للخلف فوجدت مكة  
منشغلة بقراءة القرآن على نية التوفيق، فقالت وتين بنبرة هادئة  
ومكة تغلق المصحف :

- صدق الله العظيم ! وصلنا

حركت مكة رأسها للجانب وسمت بالله ودلفت خارج  
السيارة، وفعل الباقيين ذلك، ثم اطمأن مالك وهو يضع يده  
على جيبه لما أحضره معه .. في سيارة شيري، وضعت شيري  
الهاتف على أذنها وقالت بنبرة منخفضة كي لا يسمعها السائق :

- الو ! بقولك يا شكري الجماعة وصلوا واحنا طالعين اه

جاءها صوته متحمس بشكل كبير وهو يقول :

- ايوا انا شايفهم من الشباك اه حاجه ايه اخر ابيه والسطا  
بس الرجاله اللي معاكوا دي مقلق منها

قالت شيري بإستنكار :

- دي ناس فوق يعني لو دخلتوهم لبنتين من عندكوا في الشقه  
التانيه هيغرقوكوا فلوس !

ضحك شكري، وقال وهو يتطلع من النافذة :

- ماشي ياختي ! يبقى الشاب الصغير ده من نصيبك النهارده  
مكافئه ليكي

- بس ! انا مش هينفع اسيب البنات ممكن يشكوا ولا ... «قالتها  
شيري محاولة الرفض فقطاعها شكري صارخا بها»

- جري ايه ياروح امك اتظبطي كده ! انتي هتقوليلي لأ ولا ايه!  
وشرفي فيديوهاتك تغرق النت من الصبح ! ولو الباشا الصغير ما  
اتبسطش لأكسر عضمك الليلة ! انتي سامعه .. «قالها شكري وأغلق  
الخط على الفور»

انتفضت شيري حينما سمعت دق على زجاج سيارتها، فنظرت  
للجانب لتجدها كارما ففتحت الباب وخرجت، فقالت كارما :

- ايه يابنتي قاعده جواله مش هوا ده المكان الي قولتي عليه !

قالت شيري بتلعثم :

- ايوا ايوا مضبوط هو ده

- طيب يلا بينا .. «قالها مالك فتعجبت شيري من لكتته المصرية،  
ونظرت لكارما فقالت :

- يابنتي هم مصريين بس عايشين في الخليج بقا لهم فترة طويله

هزت شيري رأسها بتفهم، وقالت :

- علي العموم هي الجلسه بتبقي ربع ساعه بالظبط وبعدين  
استراحه وبعد كذا آآآ » ظهر التلعثم جلي علي ملامحها « وبعدين  
يكملوا جلستهم يعني.

ضيق مالك عينيه وتوجس عمر من تلعثمها ولكنهم تحركوا تجاه  
البوابة، ففتح لهم شاب مفتول العضلات ولم يكن وحده الذي يقف  
بجانب البوابة فكان هناك حوالي عشرة رجال ذو قوام ضخم يقف  
كل منهم في مكان مخصص له مسئول عنه، فابتلع عمر ريقه بصعوبه  
وأخرج زفير طويل، فقال مالك بصوت مسموع :

- بسم الله ولجنا ، اللهم إنا نعوذ بك من شر هذا المكان وشر ما فيه ، ونسألك خيره وخير ما فيه ، يارب .

أمن الجميع خلف مالك، دلف الجميع ووتين في الخلف تطالع المكان من حولها فوجدت سلم حديدي حلزوني جانبي يمر على جميع الطوابق، وله باب جانبي خاص به يقف عنده رجل ضخيم معه كلب أسود كبير فتوجست خيفة، ولكن ما أن بدأت بصعود الدرج فسمعت صفيراً يأتي من خلفها فألتفتت لتجد الحارسين يطالعاها بشهوة وهم ينظروا إلى منحنيات جسدها بسفور، فأنقبضت ملامحها ولكن تطرقت فكرة جيدة إلى ذهنها، فعادت أدراجها ونظرت لهم فرفعت يدها لتنزل بصفعة قوية على وجه أحدهم، فصعق الآخر مما فعلت ولكن لم تكتفي وتين بذلك حيث ثنت ركبته وضربته بقوتها أسفل معدته، فسقط أرضاً يتلوى من الألم فصدم صديقه مما فعلت وتوجس خيفة منها، فعلمت وتين أنهم للمنظر ليس أكثر فعاد مالك سريعاً حينما لم يجدها خلفه فوجدها تقف وعلى ملامحها غضب هادر، وصرخت وهي تقول :

- فين صاحب العمارة دي ! انا عوزاه ينزلي هنا !

تسائل مالك بصوت منخفض :

- فيه ايه ياوتين

- جاريني في الي بعمله وبعدين هقولك .. « قالتها وتين بصوت هامس فهز رأسه موافقاً »

بعد وقت قليل نزل شكري بإهتمام شديد، وتسائل بهدوء :

- ايه ياآنسه ايه الي حصل ! حضرتك بتزعلي ليه

قالت وتين بدلال بالغ :

- يرضيك يا أستاذ أبقا طالعہ عمارة حضرتك يقوم الاثنين البيئه  
دول يعاكسوني ! المفروض اني ضيفه هنا و جايه علي سمعة المكان ده!  
يرضيك

كان مالك على وشك الضحك ولكنه منع نفسه سريعاً من طريقة  
وتين في الحديث، فقال شكري بنبرة رجولية تتنافى مع رقة صوتها  
تماماً :

- لأ طبعاً ما يرضينش ! انت ياللي نايم في الأرض انت مرفود مش  
عاوز أشوف وشك تاني يلا امشي  
نظرت وتين للآخر، وقالت بنفس الدلال :

- وده ! مش عاوزه أشوفه في المكان لما أنزل من الباب ده! So  
بلييز بدل مكانه ! اقولك خليه عند البوابه اللي ورا دي اصلاً  
شكلها قديمه ومحدث بيستخدمها فالوحش اللي هناك ده موقعه غلط  
مفروض يبقى عند البوابه دي علشان يدي للمكان هيبه مش المناظر  
دي ! ولا ايه يا مستر

حسس شكري على صدره بشكل رجولي، وهز رأسه وهو يقول :

- اللي ست الكل أمرت بيه يتنفذ ! يلاaaaaaaaaaaaa

بدل الرجلين وفرح الأول أن وتين لم تتعرض له أيضاً بالضرب،  
ووقف عند البوابة الخلفية فوراً .. فقال شكري بنظرات شبة :

- يلا يا أنسه القعدة آآ قصدي الجلسه هتبتدي !

حركت وتين رأسها و تسائلت بهدوء :



- هو حضرتك الدكتور النفسى !!

ابتسم شكري بدناءة ليقول :

- امال ايه ! دانا أعجبك اوي !!

لم يفهم مالك سبب قيام وتين بذلك كما أنه شعر بعدم الراحة من نظرات وحديث ذلك الرجل تجاه وتين، وما أن تحرك شكري للداخل حتى جذب مالك وتين تجاهه، وهمس لها بتحذير شديد وقاطع:

- ابعدني عن الرجل ده يאותين سمعاني ! لو قرب منك او جه يتكلم معاكي ابعدني عنه واشغلي نفسك في اي حاجه لحد ما نطلع من المكان ده سمعناaaaaaaaaااني !

هزت وتين رأسها بتفهم وتحركت مع مالك للداخل خلف شكري وصعدوا الدرج شيئاً فشيئاً، وشكري يرحب بهم بحفاوة شديدة وأخذ كل من مالك وعمر وأدخلهم شقه جانبيه فنظرت وتين لمالك وهو يتعدد ودق ناقوس الخوف قلبها، ونظرت حولها بخوف ثم جلست على أقرب مقعد منها وجلس الجميع من حولها كان هناك ٧ شباب و ٤ فتيات أخريات، وجلس شكري في المنتصف.

قدم نفسه قائلاً «أنا الدكتور شكري اللاهوني» تطرق إلى عقل وتين فوراً شكري الذي استطاع أن يلعب بعقل تمارا وتأكدت أنه هو، وبدأ بالتحاضر وإلقاء خطبة نفسية لم ترها مكة سوى ترهات لا علاقة لها بالعلاج النفسي حتى توقف شكري قليلاً، ليقول بإبتسامة هادئة :

- يلا يا جماعة ناكل لقمه سوا وبعدين نرجع نكمل محاضرتنا  
الاكل من الحاجات اللى بتحسن النفسيه جدااا

هز الجميع رأسه ودلفوا إلى غرفة جانبية، فقالت مكة بتهكم :

- احلفلكوا بإيه ان ده لاهو دكتور نفسي ولا يعرف اي حاجه عن  
الدكتوراه اصلا ولا العلاج النفسي

فقالت كارما بتأكيد :

- أكيد طبعا كلهم صورة لحاجات اوسخ من كده ! وبعدين هي  
شيرى فين !!

قالت وتين بإستهزاء :

- مش عملت الي عليها يبقى أكيد مشيت !

كانت كارما تتنفض خوفاً وكذلك وتين ولكنها ضغطت نفسها  
وحاولت طمأننت كارما وابتسمت وغمزت لها، وصلت مكة عند  
طاولة الطعام لتجد الجميع يأكل بنهم، فأمسكت شريحة لحم بالشوكة  
وقربتها من أنفها كأنها سوف تأكلها ولكنها أبعدتها سريعاً بإشمئزاز  
ونظرت إلى جانبها فوجدت كارما تضع قطعة في فمها، فأمرتها ببصقتها  
على الفور فبصقتها وتعجبت وتين من أمر مكة وتساءلت :

- فيه ايه يامكة !

قالت مكة بصوت منخفض :

- الاكل مليان كحول ! هم قاصدين يعملوا كده علشان يخلونا  
نغيب عن وعينا وما نحسش باللي هيعملوه ونكون روحنا في خبر كان

هزت وتين رأسها بصدمة لتضيف :

- أكيد هي دي طريقتهم علشان يصوروا البنات وبيان في الفيديو  
انهم مش يبقاوموا ولا اي حاجه !

هزت مكة رأسها، وقالت :

- بالظبط كده اهم حاجه دلوقتي نعمل نفسنا بناكل ونحرك بؤقنا  
علشان نوهمهم اننا بناكل ومش شاكين فيهم ! وتبينوا برضه انه انتوا  
متأثرين بالكحول هم عاوزين كده

نظرت وتين في المكان لتجد المطبخ قريب من تلك الغرفة ولمحت  
الباب الآخر الذي يطل على الدرج الحديدي، فابتسمت له بنصر  
ولكن أقرب شكري منها ولمحته فتظاهرت أنها مشغولة بالطعام  
وتجاهلته، فأغتاظ هو بشدة ومرر عينيه بدناءة على منحنيات جسدها،  
فتحركت وتين من أمامه إلى الاتجاه الآخر من الطاولة لتستطيع  
الكاميرا تصوير كل شئ أمامها من قبالات متبادلة بين الشباب  
والفتيات، والخمر قد لعب بعقولهم وأخذ منها ما يؤخذ فذهب  
خلفها ثم دقق النظر، فتظاهرت وتين أنها بدأت تترنح شيئاً فشيئاً،  
فإبتسم وحرك يديه في بعضهم وذهب بعيداً ليتأكد من ترتيب كل شئ.  
توجه شكري تجاه الصالة الداخلية ثم غمز لرجل يدعي معتز،  
ليقول بدناءة :

- كده كله تمام الكل جوه بدأ ياخذ مفعول الأكل بس اعمل  
حسابك ! اللوزة المقشره اللي هناك دي انا اللي هشرف علي انتهائها  
بنفسي.

ضحك معتز وهو يقول :

- شكري باشا بذات نفسه هيشرف عليها دي هتدخل التاريخ من  
أوسع أبوابه !!

ضحك شكري، وقال من بين أنيابه :

- اخبار شيخ الشباب والواد الي معاه ايه !

قال معترز بخبث :

- شاكر بيقول انهم اخر ألسطه وانهم مبسوطين اوي !

ضحك شكري بقوة، ثم قال :

- كله بيضعف قدام البنات الحلوة بتاعتنا ! طيب يلا حضري الجناح الخاص بتاعي ! وانت خدلك واحده من القشطين التانيين والثالثه وديها لأي واحد من رجالتنا و اتأكوا ان الكاميرات شغاله مش عاوز غلطه الأسبوع الي فات بتاع البنت الجديده يتكرر ! انت فاهم !!

هز معترز رأسه وتحرك ليطمئن على كل شئ بنفسه، فدلف شكري إلى حيث تقف وتين، ليقول وهو يتصنع الجدية :

- الشاب الي انتي جايه معاه تقريبا اخوكي ده باين عليه واقع بره تعبان وبيناديكي !

خافت وتين كثيرًا على عمر وتحركت للخارج، فصدمت كارما من خروجها وكانت علي وشك أن تتسائل عن وجهتها، ولكن ضغطت مكة على ذراعها مانعة إياها وإلا كُشفوا.

تحركت وتين للخارج ونظرت في الردهة الداخلية ولكنها لم تجد أحد، فلف شكري ذراعه حول خصرها بصورة مفاجئة فصرخت وتين بخوف وأرتفعت ضحكه شكري الدنيئة وهو يتوجه إلى الغرفة الأمامية، فصعقت مكة وكارما من صراخ وتين وخرجن يركضن تجاه صوتها، ليجدوا من يسد عليهم طريقهن.

معتر من بين أسنانه :

- علي فين ياقطه منك ليها ! هو دخول الحمام زي خروجه ولا  
ايه ؟!

\*\*\*

ما أن دلف عمر ومالك إلى الشقة المجاورة فلفحهم هواء جهاز  
التكييف البارد، ليشعر مالك وعمر ببعض الخوف والبرودة تجتاح  
أوصالهم ولكنهم وجدوا حفلة بالداخل بها موسيقى عذبة، وبعض  
الفتيات الشبه عاريات ببعض قمصان النوم تتمايل عليها بشكل دنيء،  
وبعض الشباب يرقصونهم، فنظر مالك أرضاً واستغفر الله في سره  
ومد يده ليضع زجاجة صغيرة في جيب عمر، فتفهم عمر وحرك  
رأسه بعض الشيء وضغط زر يحمله في زر كم العباءة، ليرسل إشارة  
إلى والده فألتقطها إبراهيم سريعاً وأخبر سامح بذلك، فأمر سامح  
الرجال بالتحرك تجاه المبني بشكل سري.

وقف رجل يشبه شكري بدرجة كبيرة، تنبأ مالك بأنه أخيه  
التوأم، فقال هذا الرجل بإبتسامة واسعة :

- أهيا (أهلا) يا بشوات ! نويتوا الحفيه ! انا شاكي

كرر مالك مصححاً :

- شاكرا !!

ضحك شاكر، ليقول :

- ايوا معلش بقا يا شيخنا اللدغه مضيعه الخيوف عندي أهم  
حاجه انكوا سيفتوني ! اتفضيوا من هنا

جلس مالك وعمر على أريكة مريحة وتجمعت الفتيات حول عمر يداعبوه، فظفر عمر لمالك ببعض الخجل فلم يستطع مالك تمالك ضحكته فضحك على إحمراء وجه عمر، ولكنه تذكر شيئاً ما، فسائل مالك قائلاً بصوت منخفض وهو ينظر في ساعته :

- هی قالت جلسه قد ایه !

قال عمر بتذكر :

- قالت ربع ساعه !

نظر مالك أمامه ليقول بسرعة :

- مفیش وقت لازم نتحرک !

هز عمر رأسه بموافقة فاقترب منهم شاكر، ليقول :

– اتفیوا یا بشوات ایأوض بتاعتکوا اہہ خشوا یحوا شوہ !

فهم مالك ما يرمي إليه شاكر فنظر له مالك وهزله رأسه كي يذهب إلى الغرفة المخصصة له، فهز عمر رأسه بفهم مرة أخرى، وذهب إلى الغرفة وأغلق الباب من خلفه، وكذلك فعل مالك.

ألتفت عمر وهو ينفخ لتتصلب قدميه وفغر فمه بدهشه حينما وجد شيري تجلس على طرف الفراش وهي ترتدي قميص نوم قصير وشعرها يغطي كتفيها وظن للحظة أنها كارما شقيقته لشدة الشبه بينهم، فشعر بالدماء تغلي في عروقه واقترب منها ليرفع يده ويصفعها بقوة شديدة كي يعيد لها رشدها، فبكت شيري من قوة الصفعة فخلع عمر الغترة عن رأسه فصدمت شيري لتقول بشهقة :

[illegible]



- زمان الاستراحة بتاعتهم قربت تخلص ويوم اسود لو كانوا  
أكلوا من الأكل علشان بيبقي فيه خمره ومواد تخليهم يسكروا  
فيستغلوهم

صعق عمر مما سمع، وتوجه سريعًا إلى الباب ليخرج، فأوقفته  
شيري لتقول :

- ما تخرجش يا عمر ! هتلاقي شاكر بره وهيشك في خروجك مرة  
واحدة شيلني ونطلع كأننا هنرقص بره مثلاً علشان ما يشكش فينا !  
أرتدت روب قصير وحملها عمر ليخرج بها.

دلف مالك إلى الغرفة المجاورة لعمر وأغلق الباب وما أن ألتفت  
حتى وجد فتاة لا يتعدى عمرها ال ٢٠ عامًا تنام على الفراش وهي  
ترتدي قميص نوم قصير للغاية، فضغط مالك على أسنانه بغيط  
كبير واستغفر الله وهو يلعن كل من تسبب في ظلم هؤلاء البنات  
الصغار السن .. شعرت الفتاة برهبة شديدة من ذلك الرجل الذي  
يبدو كبيرًا في السن، وقالت بتلعثم :

- اتف اتفضل يا شيخ !

نظر مالك لربكتها وتوترها كأنها فتاة جديدة على المكان، فاقترب  
منها ورفع الغطاء ليغطيها وهو يقول :

- استري نفسك واقعدي عدل ! ايه الي اتني فيه ده ! انتي ما  
بتخافيش من ربنا !

نظرت الفتاة أرضًا، وشهقت ببكاء لتقول :

- والله يا شيخ لما اغتصبوني هنا وصوروني قطعت شرايني بس هم  
لحقوني ومن ساعتها وانا في الاوضه دي مش بخرج منها وزمان اهلي



قالبين عليا الدنيا وانت اول واحد يدخلي بعد ما عملوا فيا كده !  
والاوضه مليانه كاميرات لو رفضت او عصلجت معاك هيعذبوني !

صدم مالك مما تفوهت به، ليتسائل :

- هي فين الكاميرات دي !! وبتسجل ولا موصوله وصوت وصورة  
ولا صوت بس

قالت الفتاة بجهل :

- صدقني معرفش حاجه انا مش بقالي كثير هنا

مد مالك يده وأغلق زر الضوء سريعًا، ثم أقترب من تلك الفتاة  
وأخرج زجاجة ما من جيبه ورش بعض القطرات بوجهها، فترنحت  
وفقدت وعيها سريعًا، فتوجه مالك تجاه الباب وتأكد من تحريك  
ملاسه لتظهر بشكل مبعثر ثم فتح الباب ليخرج فرآه شاكر فتوجه  
له سريعًا :

- ايه يا شيخ معجبتكش ايضافه ويا ايه !

قال مالك بغضب :

- ضيفه شو والله انك ما ضايقتني شي بنوب ! وين الويسكي  
والتلج الكاسات وين كرم الضيفه يا اخي !!

تلعلم شكري، وقال سريعًا :

- عشي دقايق اوصي عيي بار أوي ايشاع اجبيك أغيا نوع  
ويسكي فيكي يا منطقه !

فابتسم مالك وأخرج بعض الدولارات من جيبه ووضعهم في  
جيب شاكر، فظهرت أنيابه وهو ينظر إلى النقود في جيبه :

- خييك سابق ياشيخنا ! حمامه واكون عندك !؟

أستدار شاكر خارجاً وهو مشغول بعد النقود، فرأى مالك عمر يخرج من الغرفة وصدّم حينما وجد شيري بين يديه في تلك الهيئة فأشار له مالك كي يضع سدادات أنفه فأنزل شيري بعد أن لم يجد شاكر وأمرها بالدخول للغرفة وإغلاقها بإحكام وعدم الخروج منها تحت أي ظرف، فوافقت وركضت تجاه الغرفة، وضع كل من مالك وعمر سدادات الأنف الخاصة بهم، ثم مد مالك يده وكسر الزجاجة التي يحملها داخل جهاز التكييف وغير نظامه للمروحة كي توزع السائل والغاز على كامل المكان، وبالفعل بعد وقت قصير جداً بدأ كل من في الصالة الداخلية يترنحوا ويسقطوا واحداً تلو الآخر فأخفض عمر الموسيقى و ليظهر صوت صراخ وتين بشكل مرتفع بشكل كبير، فركض مالك دون أن يتمهل تجاه الباب بجنون كبير، أرسل عمر ثلاث إشارات إلى والده سريعاً كي يتدخلوا فوراً .

كان إبراهيم يجلس في السيارة ينتظر إشارة عمر، ولكنه رأى رجل كبير في الشارع أمامه يحاول التحرش بفتاه صغيرة وهي تصرخ خائفة، فوضع التابلت جانبه ونزل وأغلق باب السيارة بغضب ولم يلحظ إشارات عمر المتوالية على الجهاز، وذهب إلى حيث تقف الفتاة وأنقذها من بين يدي الرجل وأهانته بشدة، وهدده بطلب الشرطة له فرحل الرجل سريعاً، فتسائل إبراهيم بفضول :

- بيتك فين يابنتي !؟

أشارت الفتاة على منزل قريب، وقالت بخوف :

- هناك ياعمو !

فابتسم لها إبراهيم مطمئناً :

- طيب ما تخافيش انا هو صلك بنفسي !

أخذها إبراهيم من يدها وتوجهها إلى المنزل القريب لإيصالها، ثم عاد إلى السيارة مرة أخرى وأمسك بالتأبالت منتظرًا إشارات عمر.

\*\*\*

كانت سلوى تجلس على درج منزلها والاتصالات تزداد شيئًا فشيئًا، إلى أن ألقت الهاتف من يدها لينكسر إلى جزئين، فنظرت له سحر ونظرت لوالدها مرة أخرى بتعجب، لتقول :

- فيه ايه يامام من امبارح وانتي مش علي بعضك ! هو فيه حاجه حصلت

نظرت لها والدتها بغضب لتقول بلهجة شاعرية بحته :

- ما تتكلميش معايا يا بت انتي لحسن انا مبوقه منك !

تسأللت سحر بتعجب :

- WHAT ! ايه الي بتقوليه ده يامام انتي بتكلميني كده ليه !؟

نفخت سلوى وتركتها وصعدت غرفتها، فشعرت سحر بوجود شيء خاطئ مع والدتها وانكبت على معرفة ما يحدث، فتوجهت إلى هاتف والدتها، ثم أخذته وتوجهت إلى غرفتها لتصلحه وتعرف ماذا يحدث.

دلفت سلوى إلى غرفتها وأغلقت كل الأنوار وفردت جسدها على الفراش لتنام بهدوء حينما لمحت ضوء يتسلل إلى غرفتها من النافذة، فجلست على الفراش وظنت أنه طفل في المنطقة يتعمد فعل هذا ليزعجها، فنزلت عن الفراش وتوجهت للنافذة لتفتحها فصعقت حينما رأت شريف بوجهه المشوه يمسك بمرآة تبعث الضوء لغرفتها، ثم رفع يده الأخرى ليحرك أصابعه برتابة ليزرع الرعب في قلبها



صعق مالك مما تفوهت به، وركض تجاه الغرفة التي يصدر منها صوت صراخ وتين، ولكن وقف كل من معتز ورجاله يسدون عليه الطريق .. قال عمر لمالك وهو يقترب منهم :

- ادخل يا مالك وسيبهملي !

نزع مالك الدقن البيضاء عن وجهه فصدم الرجال من الأمر وتأكدوا أنهم هنا لكشفهم، أقترب عمر وبدأ يذيقهم من العذاب كؤوسًا وهو يضربهم بكل قسوة ثم أمر مكة وكارما بوضع سدادات الأنف، وقام بكسر الزجاج في مكيف الهواء وألقى الزجاج المكسور أرضًا بعد أن رش نصفها على الرجال النائمون أرضًا ليفقدوا وعيهم بالكامل، ثم اخرج الزر وأخذ يضغط عليه كثيرًا بغضب، وهو يقول لنفسه بغضب :

- رocht فين يابابا ! مش قولتلك ما تتحركش من قدام التابلت !!!!!

استقبل إبراهيم إشارة عمر وأخبر سامح بإستلامه إشارات عديدة من عمر، فأطلق سامح زفيرًا طويلًا بعد أن كان يشعر باليأس من تأخيرهم، وأخذ يدفع الشباب ويحمسهم لإتمام المهمة على أكمل وجه، ثم تحركوا وتسلكوا ببطء تجاه العقار

\*\*\*

داخل الغرفة ...

صرخت وتين وهي تدفع شكري بعيدًا عنها بكامل قوتها، ولكن شعرت بخدر كبير في جسدها من المقاومة، وبدأت مقاومتها تقل شيئًا فشيئًا، فجذبها من قدميها تجاهه حينما كسر مالك الباب بقوة شديدة ليسقط بأكمله أرضًا.

نظر له شكري بغضب ليصدح بصوته :

- انت مين !!

- انا ملك الموت اللي هياخد روحك يا كلب ! .. «قالها مالك بغضب شديد»

انقض مالك علي شكري وأخذ يكيل إليه الضربات رغم ضعف جسده من ما حدث معه في السجن، ولكنه كان ينظر إلى وتين التي تترنح على الفراش دون قوى للحراك ليجمع قوة جيش بأكمله يذيقه لذلك المدعو شكري ضربة مرة تلو الأخرى، حتي أطلق كفه في منتصف عنق شكري ليمنع عنه الهواء خانقًا إياه.

سمعت وتين صوت مالك فابتسمت وحاولت الوقوف ولكن دون جدوى، فقوتها قد خارت أمام دفاعها عن نفسها ولكنها تذكرت الفتيات اللاتي وقعن في براثن أولئك الأوغاد وأمسكت في طرف الفراش لتتنزع جسدها بقوه عنه وامسكت بكوب الماء القريب منها لترشق وجهها به عليها تستفيق وتأخذ بعض القوة الواهية من برودة الماء، ضغطت وتين على حالها ووقفت على قدميها وابتسمت لنفسها وهي تحث نفسها على الحركة، وبذل كامل جهدها ولكنها صدمت من منظر مالك الذي يخنق شكري، وشكري حال وجهه للزرقعة فتحركت تجاهه، وهي تقول :

- لأ يامالك ! ما تضعيش نفسك علشان كلب زي ده ! اوعي ياماااالك !

تعثرت وتين لتسقط أرضًا، فصرخت بشده فترك مالك شكري من يده ليسعل بصورة هستيرية شديدة وتوجه تجاه وتين سريعًا، فقالت وتين بصعوبة :

- يلا نخرج من هنا بسرعه يامالك ! مفيش وقت

هز مالك رأسه، وخرج هو ووتين فاستقبلهم عمر فصرخ فيه مالك :

- مابعتش الاشارة ليه يا عمر ! مفروض يكونوا هنا !!

قال عمر سريعاً :

- صدقني بعته بس مش عارف مجوش ليه لحد دلوقتي !

تسائلت كارما بخوف :

- طيب هنخرج ازاي دلوقتي ! دول لو صحبوا في أي وقت هيقتلونا

قالت وتين وهي تنظر إلى باب الشقة :

- عمر ! هات شيري وأقفل باب الشقه بالمفتاح وانتوا تعالوا ورايا

تحرك الجميع خلف وتين لغرفة الطعام، ليجدوا الفتيات والشباب فاقدى الوعي بالداخل، فتحركت وتين تجاه المطبخ إلى الباب الحديدي الجانبي وحاولت فتحه إلا أنه كان مغلق بإحكام، فأبعدها مالك وحاول فتحه ولم يستطع فأمسك عمر بدبوس من شعر مكة لينسدل شعرها خلفها، واقترب من الباب وحاول به حتى أستطاع فتحه، فشهقت كارما لتقول :

- هااااا انت بتشتغل حرامي يا عمر !

نظر لها عمر، وهو يقول بتهكم :

- اه احيانا بعد الظهر ! اطلعي يابت

نزلت وتين وأمرتهم بالتزام الصمت وعدم إصدار أي صوت حتى نزلوا إلى الأسفل، فرآهم الشاب الذي كان يقف عند الباب الأمامي وما أن رأى وتين حتى جحظت عينيه بصدمة، وفتح الباب ليركض بعيداً عن المكان فضحك الجميع وخرجوا من الباب الخلفي خلفه.





## الفصل التاسع عشر

وضع جميع من بالعقار داخل سيارات الشرطة، ووقف سامح يشكر مالك ووتين على التعاون وبادلوه الشكر كذلك .. وقف عمر أمام والده وهو يضع يده في خصره، قائلاً :

- انت كنت فين لما انا بعت الاشارة أول مرة !

- كنت في العربيه ليه ؟! .. «قالها إبراهيم بتعجب»

- اعممممم وتاني مره !!

- كنت في العربيه برضه وقولت لسامح وجهه هجم علطول!  
«.. قالها إبراهيم بإنتصار»

- هجم ايه احنا كنا هنتقرقش جوا يا حج دانا بعثلك اشارة ١٠٠  
مرة قبل اخر اشارة دي ! .. «قالها عمر بمزاح صارخا»

قال إبراهيم مبتسماً :

- ايه ده بجد! تلاقيني وانا بوصل البنت بس !

غمز عمر قائلاً :

- بنت !! قولتي، يا ابي يابتاع النساء والسهره



- عارف يا عمر انت اللي هتاخذك دي الله يكون في عونها ! مش عارفه عبر خطيتك مستحملك على ايه !

- كانت! كانت خطيبي!.. «قالها عمر وهو ينظر تجاه مكة المصدومة ليزيد الجميع دهشة»

- كانت يعني ايه يا عمر! مش عبير خطيبتك!.. «تسأللت كارما بتعجب»

- لأمش خطيبته! عمر فسح خطوبته بعير امبارح! فمحدث  
يجيب سيرتها بقا.. «قالها إبراهيم بجديّة»

ضحكت كارما لتقول بسعادة :

- والنبي أحسستسن دي كانت بت بارم ديله وشايفه نفسها  
اوى على ايه معرفش!

كانت علي وجوه الجميع مشاعر مضطربة سواء عمر الذي يخشى أن تفهمه مكة بشكل خاطئ، أو مكة التي تشعر بألم شديد لا تعرف ماهيته، أو إبراهيم الذي أستشعر مشاعر نامية بينهما، أو كارما التي كانت تحاول أن تصلح الموقف بأي طريقه كانت، فقالت بإبتسامه هادئة استحسناها الجميع :

- عمر انت أجدع واجمل أخ في الدنيا كلها ! مكتش تستاهل يوم واحد زي عبير علطول شيفالك حوريه من الجنه تستاهلك علشان انت مش زي أي حد في الدنيا دي ! لو حصل ومت قبلك وروح لربنا هنتيلك أحلى واحد من الحور العين علشانك !

ابتسم إبراهيم وأحتضنها، ليقول عمر:

- بعيد الشر عنك يا قرده ! وبعدين انتي هتدخليني الجنه ولا رايحه  
خاطبه مش فاهم انا ! بس حببت الهدوء منك مانتني رقيقه أهه  
أومال جعفر اللي عايش معانا في البيت ده بييجي منين !!

- من معاميتي ! .. «قالتها كارما بكبرياء»

ضحكوا جميعاً، فتسائل عمر بإستنكار :

- معاميتك ! تك وجع في معاميتك !

نظرت مكة لعمر وكان عقلها يعمل بصورة لا تطاق، فقالت دفعة  
واحدة :

- عمر عاوزاك في كلمه !

هز عمر رأسه وتوجه إلى مكان يبعد بمسافة عن الجميع مع  
مكة، ثم توقفت مكة مرة واحدة ونظرت أرضاً وهي تحرك أصابعها  
بطريقة عصبيه فحاول عمر سبر أغوارها دون نتيجة، فقال بنبرة  
هادئة جذابة :

- ياريتني محل نفسي او بضرب الودع علشان اعرف بتفكري في  
ايه دلوقتي !!

رفعت مكة نظرها تجاهه وفي عينيها عبرة تتلألأ مترددة النزول،  
وقالت :

- بس انا عارفه انت بتفكر في ايه من يوم ما اتقابلنا ! شوفت  
الدبله في ايدك بس كنت بقنع نفسي انك لابسها منظر مش اكر !  
بعد اول مقابله لما مشيت شوفت في نظراتك تعلق كبير كإنك كنت  
غرقان ! ساعتها حببت أتأكد من شكوكي فرفعت ايدي فأنت فوراً  
رفعت ايدك تودعني ! وقتها بس عرفت انك اتعلقت بيا بس ..

حثها عمر علي إستكمال حديثها، وهو يقول :

- كملي سامعك ....

- بس وقتها خوفت ! انا حبيت واحد لمدة ٢٠ سنة يعني عمري كله وكان أقرب ليا من خيالي ! بحكم الجيره و صلة الرحم علشان هو ابن عمي فكنا علطول مع بعض ! كانت حياتي عبارة عنه وبس ! وبعد فترة طلب ايدي من بابا وبابا وافق رغم اننا كنا لسه صغيرين في السن بس هو وافق لأنه بيثق فيه ! بس بعدها عرفت ان عنده ورم خطير في المخ وانه عمره معدش فيه الكثير وأصريت اني أكمل معاه للآخر رغم اني كنت حاسه اني انا اللي بموت مش هو ولحد ما الدكتور طمنه ان كل حاجه مستقرة عملنا فرحنا وكتبنا الكتاب وكنا مروحين في عربيتنا بس للأسف كان القدر ليه رأي تاني ومات علي ايدي في العريه ! ساعتها والدته قالتلي اني بومه واني كل ما أحب حد هيموت ومش هيكمل معايا ف ... «قالتها مكة ودموعها تعبر عن كل كلمه قالتها»

فأكمل عمر حديثه بنبرة رجولية جشة :

- فخوفتي اني أموت وما نكملش مع بعض صح !!

نظرت له مكة نظرة خوف شديد، وهزت رأسها بثبات لتبدو خاويه من الحياة وهي تنطق بقسوة :

- علشان كده مش عاوزاك تشوفني تاني

قطب عمر جبهته سريعا، وقال بنبرة متألمة :

- بس ده ظلم ! ظلم انك تحرميني منك بعد ما حبيتك ! ظلم انك تاخذيني بكلمه اتقالت علي سهوه وكانت نتيجته من ألم أم علي ابنها مش أكثر ! ظلم وربنا ما يرضاش عمره بالظلم يا مكة !



- والد مكة ! والد مكة ! ماله ماله ! سيبك سيبك ! هيوافق هيوافق !

- هو صدي الصوت ده جاي منين !! .. «تسائل مالك ضاحكًا، فضحكوا وقال إبراهيم بحكمة» :

- الأمور دي ما تتأخذش كده ياعمر ! اصبر شويه !

- بكررره ! انا قررت واقسم بالله أخطفها ! هه وبعدين يعني الخطوبه ايه غير دبلتين وانا مش عاوز خطوبه انا عاوزها هي وبس.. «قالها عمر بغضب»

مد مالك يده ليتحسس جبهة أخيه فنظر لوالده، وقال :

- سخن ! حرارته سيحت نافوخه

ضحكت وتين، لتقول بحنو كبير :

- يا زين ما اخترت ياعمر ! مكة من أجمل وأطيب البنات الي شوفتها في حياتي ! وهتسعدك عمرك كله ! ربنا يباركلكوا ويجمعكوا علي خير حلوة الفكره !

قال عمر سريعًا، مقاطعًا اياها :

- اهه شوفت قالت يجمعكوا علي خير بكره !

- بتقول الفكره ! سمعتها بكره ازاى أنت ! .. «قالها مالك بتعجب، فضحكت مكة بحلاوة روح»

قال إبراهيم بجدية ورسمية مروقة :

- لو باباكي فاضي النهارده يا مكة معلش تاخذيلنا منه معاد !

تلبكت مكة بشدة وتعرفت يدها ورمشت بتوتر، لتقول بخجل :

- بيتك طبعاً يا أونكل !

- الأول قوليلي ! انتي رأيك ايه في عمر ! .. تسائل ابراهيم بحنو

قال عمر سريعاً :

- بتقولك يا أونكل ايه يعني موافقه بابا !

- وحياء أبوك ! اخرس شويه انا بكلمها هي ! .. «قالها إبراهيم بضيق»

أخذ عمر ينظر لمكة بترقب وهو يهز رأسه كي يجعلها تفعل ذلك، ولكنها خجلت من نظرات الجميع ونظرت أرضاً، فقال مالك بهدوء :

- انا بقول السكوت علامه الرضا !

- أبو المالك حبيب قلبي ! أقسم بالله ما في منك في الدنيا كلها !  
ايوا كده افتح نفسي بقالك ساعه ساكت زي اللطخ مش راضي تقول  
حاجه !! .. «قالها عمر بتوتر فضحك الجميع»

- انت بتمدحني ولا بتشتمني يا بني انت !

- الي انت عاوزة من الكلام خده .. «قالها عمر دون مبالاة وهو  
ينظر لمكة بحب شديد»

غمز مالك لوالده، فضحكوا الاثنين فتصنع إبراهيم الرسمية،  
ليقول :

- أصبر بس يا عمر ! انا شايف علي ملاحظها بوادر رفض ايه !





سحر على الوقوف، فتكومت بين ذراعيها تصرخ كالمدعور فربت عليها سحر بقلق شديد، وقالت أمرة :

- اتصلوا بالدكتور بسرعة !

أخذتها سحر ودلفت إلى المنزل وصعدت بها إلى غرفتها، فرفضت سلوى دخولها فأخذتها سحر إلى غرفتها ودثرتها جيداً في الفراش، وأخذت تمسّد شعرها المبعثر بخوف شديد عليها، ثم تذكرت شيئاً لتسأل :

- ماما هو مين ياسر ده !!

انفض جسد سلوى بفزع ونظرت برعب تجاه سحر، فدهشت سحر من ردة فعلها ونظرت إلى والدتها بشك، فقالت :

- انتي جبتي الاسم ده منين ؟!

قالت سحر بتلقائية :

- بعد ما حضرتك رميتي الفون جمعته ولقيت عليه رسالة ومكتوب فيها الاسم ده ! بس ما فهمتش معناها !

دارت سلوى بعينها في المكان وأمرتها، قائلة :

- فين الرسالة دي وريني !

أخرجت سحر الهاتف من الكومودينو الذي يقبع بجوارها وأعطته لوالدتها، فأمسكته بأيدي مرتعشة وفتحت الرسالة وأخذت جبهتها تتصبب عرقاً بشدة، وازدادت انتفاضة جسدها، فتسائلت سحر بخوف :

- مين ياسر ده ياماما !!

- م. م. م. معرفش ! مع معرفش ! .. اطلعي برا ! بر!!!!!!!!!!!!!!!!!!!!!!  
قالتها سلوى صارخة، ففزعت سحر فدفعتها والدتها بقسوة تجاه  
الباب فسقطت سحر أرضاً، وصرخت ألماً فجحظت سلوى خوفاً  
بعينها، لتقول بهدوء متناهي يتنافى مع الموقف.

- مع معلش يا سحر ! ما ماتخافيش ابنك ك كويس ! بس انا  
عاوزة انا ! طفي النور بقا ماشي !

صدمت سحر مما تفعله والدتها وخشيت أن تكون جنت، فقامت  
سريعاً لتخرج، فوجدت الطبيب أمامها فتوسلت إليه كي يفحصها  
جيداً، فhez رأسه موافقاً ودلف للغرفة بهدوء، فطرده سلوى بفزع  
ولكنه اقترب منها وحقنها بالمهدئ، حتى ارتخى جسدها، وقام  
بفحصها بدقة شديدة، ثم خرج وعلى وجهه خطوط عبوس واضحة.

- خير يادكتور ! ماها ؟! .. «تسألتي سحر بقلق»

نظر لها الطبيب بحنو ليقول وهو يزعم شفتيه :

- للاسف سلوي هانم عندها انهيار عصبي حاد ! وانا شاكك  
انها قريب لو ملحقنهاش هتكون مريضه عقليه بالدرجه الأولى

شهقت سحر واضعه يدها علي فمها بفزع ثم تسألتي :

- وايه الي أقدر اعمله ! ارجوك قولي !

قال الطبيب بجديه :

- بصراحه يا سحر سلوي هانم لازم تسافر تتعرض علي دكتور  
نفسى أجنبي ونفس الوقت تغير جو ! لأن لو فضلت علي الحال ده  
هتفقد عقلها في أيام قليله !

قالت سحر سريعا ودموعها تبلل وجنتيها :

- لالا ان شاء الله لا .. مش مشكله اخدها ونسافر بكره الصبح  
علي اي بلد ! اهم حاجه انها ترجع كويسه  
قال الطبيب برسمية :

- ان شاء الله .. بعد أذنك !

هزت سحر رأسها بثبات، وربت الطبيب على ذراعها بحنو ثم  
رحل، فأخرجت سحر هاتفها سريعا، واتصلت بأدهم ولكن دون رد،  
ففنخت بضيق وأرسلت له رساله نصية « رد عليا بسرعه فيه مصيبه »  
توجهت سحر إلى الأسفل، وأخذت تنظر إلى الأرجوحة التي  
سقطت بتعجب، لطالما كانت تلك الأرجوحة أقوى أرجوحة تراها  
بحياتها، كيف سقطت بتلك السهولة؟، اخذت سحر تفكر بمختلف  
الطرق ولكن هناك حلقه ناقصه لم تستطيع ان تفهمها بعد .. قطع  
حبل أفكارها رنين هاتفها المزعج، فنظرت إلى الشاشة المضاءة لتجده  
رقم غريب لا تعرفه، فقطبت جبينها وأجابت عليه، فأتاها صوت  
أنثوي :

- مدام سحر ! ازيك مش فكراني ! انا الدكتور الي كشفت  
عليكي في المستشفى ! انا بس بتصل علشان افكرك بباقي حقي !  
نفخت سحر بضيق لتقول :

- انتي مش بتشبعي فلوس ! مانتي اخدي فلوس علي قلبك قد  
كده ! عاوزة ايه تاني ؟  
قالت الطبيبة بكبرياء :

- معلش الحق حق ! انا نفذت الي طلبتيه واكدت لجوزك انك حامل وانتني وعدتيني ب ١٠٠ ألف جنيه ! انا دلوقتي باقيلي ٣٠ ألف جنيه وعوزاهم ! والا ...

قالت سحر بغضب شديد :

- انتني بتهدديني يابنت ال ..... طب انتني بقا ملكيش عندي فلوس تاني ! ولو فكرتي تروحي تقولي لجوزي اني مش حامل هخفيكي من علي وش الأرض انتني سامعه ! غوري في داهيه ! أغلقت سحر الخط بضيق وهي تضع الهاتف في جيبتها بغضب، ولم تنتبه انها لم تكن وحدها في المكان.

\*\*\*

في الغابة !

وقف كال أمام النظام المحترق وعينه لا تصدقان ما يراه، فصرخ في ستيف بقوة قائلاً :

- كيف ذلك ! أخبرني كسيف !

نظر له ستيف، ليقول بصدمة :

- صدقني لا أعلم ! لقد سقط نظام الليزر بأكمله !

جلس كال أرضاً بملابس نومه، وأخذ يصرخ بغضب :

- أبدأوا بنايته من جديد تحركوا !

قال ستيف مواسياً إياه :

- التكنولوجيا ليست بشر لتستمر طوال هذا الوقت، وهذا يدل أن المشروع لن يصلح للمستقبل، نعم بنيناها ولكنه سقط المرة تلو

الأخرى على مدار السنوات، ولا فائدة من بنيته من جديد، نحن  
معاً كال سنخترع الجديد ربما يحتاج المشروع وقت أطول.

نظر له كال بعينين غاضبتين، ليقول :

- ليس بعد أن حصلت على دعم شركة كبيرة أتوقف، ألغي السفر بضعة أشهر، وأنا من سييني النظام من جديد دون أخطاء، لن أتوقف مستحسن، ستيف لن أتخلي عن حلمنا.

قال ستيف بمحاولة أخيرة :

- قد تحدث أخطاء كبيرة كال، قد يُقتل أحدهم، النظام يحتاج عامين على الأقل، لا تخاطر أرجوك.

نظر له کال ليقول يا صر ار عجيب :

- أنا سأبنيه وفي شهرين فقط ، ولن يحدث أخطاء أبدًا !

دخل كال إلى المنظمة الخاصة بهم، فنفخ ستيف بضجر وضرب قدميه بيديه بشدة، وهو لا يفهم إصرار كال غير المفسر على إنهاء نظام بُنى في أعوام في شهرين فقط !



انقضي ٢٠ يوماً منذ القبض على العصابة، وعادت حياة الجميع إلى طبيعتها... عاد مازن وزوجته وأطفاله من باريس وأنهى مهمته مع كافة صديقات كارما، وكانت كارما سعيدة جداً لذلك، وعادت الحياة للهدوء من جديد.. أخذ مالك موعد من أدهم لقراءة فاتحته على وتين، ورحب به أدهم وحدد معه موعداً.. سافرت سحر و سلوى إلى إحدى الدول الأوروبية، وتعرضت سلوى لكورس علاج نفسي مكثف في الخارج.

عاد عمر ووتين إلى الجامعة، وازدادت الأمور سوءاً بين الدكتور علاء ووتين، وحرص باقي معلمين وتين ضدها فازداد الأمر سوءاً، ولكن كان الدكتور ياسين يدعمها ويحسن من صورتها أمام باقي المعلمين ولإجتهاد وتين الفذ، ودراستها المجتهدة والمتقدمة، بدأت تلك الصورة السوداء التي يرسمها الدكتور علاء في عقول الجميع تختفي يوماً بعد الآخر.

بدأ الجميع يجهز نفسه من أجل الذهاب إلى المحكمة، فاليوم هو المحاكمة النهائية والإدلاء بالحكم تجاه مجرمين الانترنت كما أسمتهم وتين، تجهز مالك و تحرك تجاه غرفة كارما، ودلف دون من يدق الباب فوجدها تغلق جهاز الفيديو سريعاً، وتقف أمامه فنظر لها مالك بتعجب فابتسمت وتوجهت تجاهه سريعاً وأحضنته وسحبته خارج الغرفة، وقالت :

- انا جاهزة يلا بينا علشان ما نتأخرش لازم أشوف وشوش المجرمين وهم بيعيطوا كده لما القاضي يقول خدهم يا ظابط وحطهم في المشنقه !

ضحك مالك، وقال وهو ينظر لها بإعجاب :

- يا سلااااا ! هو القاضي بيقول كده ! ما علينا قوليلي ايه الحلاوة دي ! وشك منور وضحكتك من الودن للودن

فردت كارما أصابعها الخمسة في وجه مالك، لتقول :

- النهارده الخميس ! الساعة خمسة وخمسه ! دانا حتي عيانه وغلبانه

رفع مالك حاجبيه، ليقول ضاحكاً :

- حوشي ياختي العين عنك حوشي ! وبعدين تعالي هنا بتخمسي  
في وشي ياجزمه

ركضت كارما ومالك من خلفها، حتى وجدت والدها أمامها  
فاختبأت خلفه لتقول :

- برئ يابيه والله ما عملت حاجه انا في حماك يابابا !

ضحك إبراهيم، وهو يقول :

- يابنتي ! بطلي الشقاوة دي انا مش قدكوا

ضحكت كارما وقامت بدغدغته، وهي تقول :

- مش قدنا ايه بس يابابتي ! دانا بفكر أشوفلك عروسه ! بما ان  
خلاص ولادك اختاروا نعمل فرحكوا انتوا التلاته في ليله واحده !

ضحك إبراهيم وضربها بخفة على رأسها فضحكت .. وقفت  
سميرة تطالعهم من على مسافة، وهي تقف أمام الغرفة السفلية،  
فأرتها كارما وتوجهت تجاهها، وهي تقول بحنو :

- مامي عامله ايه دلوقتي ! وحشتيني

احتضنتها كارما، فابتسمت والدتها لتقول :

- يا بكاشه ! مانا لو في بالك كتتي سألتني عليا وانا بقالي يومين  
تعبانه ونايمه في السرير !

ربت كارما بحنو عليها، وهي تقول :

- معلش يا ماما الامتحانات ورخامتها والله كنت بذاكر ! علشان  
اطلع ضاكتورة وتتفشخروا بيا قدام الناس



رفعت سميرة حاجبيه وضربتها بخفة على يدها، وهي تقول :

- بنت ! عيب ! ان شاء الله هتبقي دكتوراه قد الدنيا وتعالجيني أنتي بقا لما اكبر واتعب !

ضحكت كارما، لتقول وهي تهمس لوالدتها :

- تكبري ايه بس ياماما دانتي اللي يشوفك يقول عليكى اختي الصغيرة .. بقولك ايه انا كنت بدور علي عروسه بابا ! ومش هلاقي أنسب منك الصراحه والراجل ملو هدومه وما يتعايش فكري يا عروسه وردي عليا !

ضحكت سميرة بقوة، فتعجب كل من مالك وإبراهيم، فهم لم يروا ضحكتها منذ زمن بعيد فضربت كارما على رأسها بخفة، لتقول :

- انتي بتجيبى الكلام ده منين يابت انتي ! صبرني يارب !

ضحكت كارما، فناداها مالك كي لا يتأخرون على الجلسة فرحلت هي ومالك وإبراهيم سريعا، ولكنها عادت وأحتضنت والدتها وقبلتها، ثم رحلت وتوجهوا إلى المحكمة ليجدوا وتين وأدهم وعمر ومكة وياسمين وشيري ومازن وباقي أصدقاء كارما في انتظارهم، فرجبوا ببعضهم جميعا وتوجهوا إلى الداخل لحضور الجلسة.

عم الهدوء في المكان لحظه دخول القاضي ورؤساء المحكمة، ليجلسوا بعد جلوسه، وعم الصمت المكان فنظرت كارما تجاه القفص الموضوع بداخله المجرمين، فنظر لها أحدهم نظرة قاتلة جعلت جسدها يقشعر خوفاً، وألتصقت بمالك فنظر لها مالك بتعجب، ثم نظر إلى حيث تنظر، فبادله مالك النظرة المتشفية قبل أن يدير رأسه لتحدث القاضي :



## الفصل العشرون

ركض مالك وعمر تجاه كارما المسجية أرضاً على قدم مكة، وسقط مالك بجوارها وأنتزعها من بين يدي مكة لتستقر بين أحضانها، وهو يمسد على شعرها بانتفاضة شديدة، وهو يقول :

- قومي يا كارما يلا نروح مش هنيجي هتاني! يلا ياكارما  
قومي الناس بتتفرج علينا

کررت مکة حديثها باکيه :

- کارما ماتت یا مالک !

- آخرسي مش هسمحلك تقولي كده عن اختي! لك كارما دي اكر واحد هتعيش فينا دي هي الصغيرة اخر العنقود مش كده يا كارما! .. كارما قوليلها دي مش مصدقاني .. «قالها مالك وهو يهز كارما فسقطت من بين يديه فأمسكها مرة أخرى سريعاً وجسده ينتفض بقوة ودموعه تتساقط كالأمطار من إهتزازة جسده، فأحضنها ليصرخ بصوت متألم:

- کارماااااااااااا ماقتویش یاکاااااارماااااا ! اختااااااااااااای  
یااااارب لا یارب سییها یارب دی الصغیره یارب خدنی انا مکانها !

فقدت ياسمين وعيها من الصدمة، ووتين تبكي بصراخ مرتفع وأصدقاء كارما يكون بشدة، وأخذت شيري تتحب صديقة عمرها

في صمت، اقترب عمر من مالك وهو يرفع حاجبيه في تعجب، ومد يده على رأس كارما، ليقول بصدمة :

- ك ك كارما ! اسمعي ك كلام مالك ! قومي يلا ياهانم مش وعدتيني انك هترقصي في فرحي ولا ايه هه ! وبعدين مش طول عمرك تقولي انك انتي اللي هتربي ولادنا !! ايه اللي حصل بقا احنا ما بيناش باللي يرجع في كلامه هه ! قومي يلا هزودلك اجرتك ياستي ما تزعليش !

اقتربت مكة من عمر فأزاحها بيده ونظر لكارما التي تبسم بإشراق كأنها نائمة وتحلم، ولكن أفسد المشهد قطرات الدماء التي تسيل من جانب فمها بصورة مبالغ بها، فأخرج سريعاً من جيبه ومسح عنها الدماء فلمست أطرافه عنقه لم يستطع الشعور بنفضها فضغط بيده بقوة، ولكن ليس هناك جديد فأرتعشت يده بقوة شديدة فضمها مالك لصدره وهو يهتز باكياً، فصرخ عمر وأنقض على جثة شكري يضربها بكل قوته وأمسك بسلاح الظابط وأفرغه بأكمله في جثته وهو يصرخ كالمجنون، فأمسك به سامح بصعوبة وثبته أرضاً حتى هدأ.

أمسك إبراهيم بقلبه وأستند بظهره على الجدار، فأمسك به مازن سريعاً وأخذه في سيارته وتوجه به سريعاً إلى المشفى .

وقف مالك وكارما بين يديه وتوجه بها خارج المحكمة، ودموعه تتساقط كالأمطار على وجنتيه وأسندها على الكرسي الخلفي .. حاول سامح منعه ولكن لم يستمع له مالك ودفعه بعيداً، وأجلس وتين بجوارها ثم ركب حول المقود ودار بسيارته تجاه منزله .

حمل أدهم ياسمين ولحق بمالك سريعاً في سيارته إلى المشفى علّه يستطيع إنقاذها، ووقف الجميع مشدوهاً مما حدث في حرم المحكمة

من جريمة قتل شنيعة في حق فتاة صغيرة بريئة، قُتلت من قاتل محترف، تكلمت عنها كافة الصحف ومحطات الإعلام لأيام عديدة.

\*\*\*

وقف مالك بملابسه السوداء وقدميه الحافيتين على الأرض الباردة على باب الفيلا الخاصة بهم يستقبل المعزين الذين أتوا من كل حذب وصوب لتأدية واجب العزاء، وعمر يقف خلف منه وقد خلت الحياة من وجه كليهما .. رفع مالك نظره تجاه الرجال الذين يقومون بنصب الصوان في الحديقة الخارجية، وتحرك ليقدم لهم يد العون فأخذ يحرك فراشة الصوان ببطء حتى ثبتها أحد الرجال من الأعلى، ومال بجذعه ليربطها من الأسفل، وفتح الباب على مصريه ثم عاد إلى محله من جديد.

خرجت ياسمين من غرفة الغسل ومعها ملابس كارما المملخة بالدماء موضوعة بكيس شفاف، وهي تبكي بشدة وصعدت الدرج تجاه غرفة كارما لتضع الملابس فوضعتها على الفراش وخرجت سريعاً من الغرفة وانهارت أمام بابها من البكاء، فتوجهت كريمة إليها وأسندتها وهبطت بها الدرج لتجلسها على أقرب مقعد، ثم تركتها وتوجهت إلى غرفة سميرة التي جلست على فراشها تبكي أصغر أبنائها التي سبقتها في الموت، وتذكرت كلماتها الأخيرة ليزداد نحيبها فاقتربت منها كريمة وأحضنتها بشدة مواسية إياها.

خرجت وتين مع المغسلة بملابسها السوداء، وأغلقت الغرفة السفلية بالفتح، وتوجهت حيث يقف مالك ومدت يدها بالفتح إليه، فنظر مالك بعينه المتفتحة إلى المفتاح نظرات خاوية، ومد أنامله وألقطه وأخذ ينظر إليه عن كثب، فتجمعت العبرات في عينيه من جديد وبدأت ملامحه في الانقباض، وترنح كأنه سوف يسقط،

فصرخت وتين خوفاً فهرول إليه أدهم ليقوم بإسناده، وتحرك به للدخل فاستند مالك على الدربزين وتركهم وتوجه للأعلى تجاه غرفة كارما.

جلس عمر أرضاً وهو يستند بظهره على الباب الذي تتواجد كارما بداخله، وتكوم على نفسه وهو يتذكر كلمات كارما جيداً، وكأنها كانت تشعر بما سوف يحدث معها، فظهر المشهد أمام عينيه كسريط الفيديو :

- عمر انت أجدع واجمل أخ في الدنيا كلها ! مكنتش تستاهل يوم واحد زي عبير علطول شيفالك حوريه من الجنه تستاهلك علشان انت مش زي أي حد في الدنيا دي ! لو حصل ومت قبلك وروحت لربنا هنقيلك أحلي واحد من الحور العين علشانك !

بكى عمر بقوة كما لم يبك من قبل، زاد قوة نحيبه الألم بداخل الجميع، أخذ عمر يبكي أخته ويرثيها، وهو يقول واللعاب يسيل من فمه ألماً :

- كارما!!!!!! سمعاني صح ! كارما انا عمر ياكارما اخوكي حبيبك يانور عين اخوكي ياكارما .. مش هنساكي طول عمري ياكارما ! هتفضلي بنتي وعمري كله انتي هيفضل مكانك علي سجاده الصلا ورايا موجود ياكارما !!!!!!!!!!!!!!! اه علي وجع قلبي عليكي !!!!!!!!!!!!!!! اه اخوكي ضهره اتكسر ياكارما ضهره اتكسر

زرعت كلمات عمر الألم والبكاء في نفوس الجميع، تحركت باسمين وهي تحتضن صورتها في مكانها لتهتز ببكاء حاد يقطع أنفاس العالم.

دلفت ليلى بهدوء وجسدها ينتفض ودموعها تغرق وجهها، وملابسها السوداء يشوبها آثار التراب وما أن دلفت من الباب حتى



دلف مالك غرفه كارما وأغلق الباب من خلفه، تحرك بقدميه الحافيتين على أرضها الباردة فسرت القشعريرة في جسده، دار مالك بعينه في المكان حتى رأى ملابس كارما الموضوعة على فراشها المرتب، فمد يده وأخذها وجلس على الأرض وأستند على الفراش بظهره وقرب الملابس من وجهه وأخذ يشم رائحة أخته العالقة بها، ولكن اختلطت برائحة دمائها فانهار مالك بكاءً وقبض على مفتاح الغرفة السفلية بقوة شديدة، حتى قطع بكاؤه صوت صافرة جهاز الفيديو، فرفع مالك بصره للأعلى تجاهه فوجد ال CD يخرج منه فتذكر حينما أغلقته كارما صباحاً، وخرجت من الغرفة، فدفعه فضوله أن يعرف ماذا كانت تخفي فأستند على ركبتيه ودفع ال CD للدخل وضغط على زر الإضاءة، ليتفاجأ مالك بكارما تقف أمامه بضحكتها البريئة وحديثها العذب، فبكى مالك بقوة أشد ليختلط صوته الباكي بصوت كارما العذب وانتحب بقوة وهو يتذكر كل حركة وفعل طائش كانت تفعله .. سمع مالك الفيديو وسحب ال CD وأخذه وخرج من الغرفة وهو يمسك بمنديل كارما المطرز بحرفها، صنعتها لها ليلى في صغرها ولم تفارقه يوماً.

نظر الجميع لمالك وهو يهبط الدرج فتزامن نزوله مع دخول والده على كرسي متحرك من الخارج ومازن يدفعه، فرفع نظره تجاه مالك ودار بعينه في المكان فتحررت عبرة حارة حبيسة عينيه ونزلت ببطء على وجته، فها هو في عزاء ابنته الصغيرة كارما ليأخذ بعزائها.

أمر مالك ياسمين بمناداة سميرة، فدفعت إلى غرفتها، وخرجت وهي تسندها وأجلستها على أقرب مقعد، ونظر الجميع لمالك، فقال مالك بجدية محاولاً التماسك ولكن غلب الألم نبرة صوته وهو يقول :

- كارما عندها حاجه عاجزة تقو لها الكوا !



تقدم مالك ليضع ال CD في جهاز الفيديو السفلي لتضاء الشاشة بصورة كارما وسط دهشة الجميع، فاقرب عمر وليلى من التلفاز، وكذلك وتين وياسمين ووالدها ووالدتها، ومكة تقف خلف عمر تشاهد الفيديو في صمت.

قالت كارما في الفيديو بحيوية :

- هاي يا جماعه ! بصوا هو انا مش عارفه ليه عملت الفيديو ده بس هي فكره مجنونه جدااا بس غالبا لو انتوا قاعدين بتسمعوا الفيديو ده هكون انا \* وأشارت بأصبعها للأعلي \* هكون جنب حبيبنا كلنا .. مش عارفه ليه بس جوايا احساس كبير بيقولي اني مش هفضل كثير فحييت بس اعمل زي الناس المهمة و أسيب وصيتي وكدزه يعني ! اينعم انا محلتيش فلوس اورثها لحد العمر كله لبابا وماما طبعاً بس سييت ورايا أغلي وأحسن عيله في الدنيا كلها وعارفه ان وداعي هتبقى حاجه صعبه عليكو جداااا وعليا انا كمان بس محدش يفضل كله هيروح ! .. بابا انا عارفه انك سامعني دلوقتي وقاعد بتشوفني حبيت بس اقولك خد بالك من ماما هي بتحبك اوي والله وبتحاول تحافظ علينا بطريقتها الخاصه أرجوك اوعي تسيبها لوحدها أبدااااا .. وانتني يا ماما سيبك من جميعه الرفق بالحيوان دي صدقيني ولادك محتاجين حيتك واهتمامك ده اكثر من كل كائن في الدنيا وخدي بالك من بابا الراحل ده بيعبك اوي صدقيني ..

بكى إبراهيم وسميرة بشدة، ورفع إبراهيم يده المرتعشة ليقول بألم من بين بكائه :

- أوعدك يا كارما ووعد الحر دين عليه يابتي !

أكملت كارما حديثها، لتقول ضاحكة :

- سمسسم يا سمسسم ! ياسمينه اختي الوحيده اغلي بنت في كل بنات الدنيا دي ! او عي تفتكري اني هسيبك لا دانتني بتحلمي في قلب حلمك هتلاقيني نطالك ممكن اسمحك تستعملي لبسي اللي يجي علي قدك منه حلال عليكي هه ! والباقي اديه للمقاطيع صحابي طول عمرهم عنيهم فيه انا عارفه بس ما تديش البت شيري دي حاجه علشان هي بت معفنه اصلا ولا اقولك اديها حاجه واحده بس يلا قلبي الرهيف ده هيو ديني في داهيه !

ضحكت شيري من بين بكائها وتكومت على نفسها، وياسمين تمد يدها على وجه كارما على الشاشة لتذوب في طائفة من البكاء الشديد، صمتت كارما للحظة، ثم قالت بنبرة ساحرة وهي تنادي باسم عمر لينقطع نفسه وهو يسمع اسمه مرة أخيرة منها :

- عمر ! سامعني صح ! هتوحشني أوي يا شق ! \* سوري بقا ياماما اخر مرة \* عمر فاكرا لما قولتلك أنت تستاهل حوريه من الجنه ! اهي الحوريه دي تبقي مكه .. انا عارفه انك بتحبها وعارفه انها بتحبك .. خدي بالك من عمر يا مكه ده كان أغلي حاجه في دنيته هه ودلوقتي بسلمهولك ! او عي تزعل يا عمر وامسح دموعك دي يلا بسرعه ما بحبش اشوف حد بيعيط عليا المفروض تفرحوا يعني دانا مع ربنا ..

قالتها كارما ونزلت دموعها تلقائياً، فخر عمر أرضاً وهو يضع يده على قلبه، وأغمض عينيه بقوة، لتخرج شهقاته متقطعة، تقطع نياط قلب كل من يسمعها، مسحت كارما دموعها بمنديلها ثم نظرت إليه، وقالت :

- المنديل ده لولا عملتهولي وانا صغيرة بعد ما شوفت واحد زيه في فيلم كرتون واتمنيته تاني يوم لقيته جمبي ! المنديل ده هديه مني

ليكي يا دادة ! هيفكرك بيا علطول او عي تبطلي تدعيلي أبدأااا انتي عارفه انا ما بعرفش انا ما غير علي صوتك وانتي بتقرأيلي قرآن وبتدعيلي فأوعي أبدأااا تبطلي تعملي كده هه !

مد مالك يده بالمنديل ل ليلي، فأخذته واستنشقت عبره وبكت بهدوء، فرفعت كارما يدها لتعود لحيويتها وهي تقول :

- وتيسيسيسين ! **MY FAVORITE HEROINE** ! «بطلتي المفضله » \*  
أرسلت لها قبله \* هتوحشيني اوي ياتوتي عارفه انتي من الشخصيات اللي حبيتها جداااا من اول مرة شوفتها فاكده هه !! ضحكت كارما لتقول : من وقتها وانا بعترك زي ياسمين بالظبط كان نفسي أحضر فرحك انتي وال **Boss** بس أنا علطول معاكوا هه خدي بالك من مالك يا وتين هو شاف كتير اوي واختارك علشان تعينه وتساعديه هه ! خدي بالك منه هو بيحبك اوووووي وهتعيشي أسعد ايام عمرك جمبه صديني !

هزت وتين رأسها ودموعها تتساقط على وجنتيها، لينصت الجميع لآخر ما قالته كارما بدفء كبير :

- مالك ! بابايا الثاني ! عمري ما تعاملت معاك كأخ أبدأاااا كنت دايمًا بتعامل معاك زي بابا بالظبط عارفه انك شوفت كتير واستحملت أكثر وكنت علطول بقولك ان ربنا هيعوضك بحد ينسيك كل وجع شوفته في الدنيا ! بص وراك كده اهيه معاك وفي ضهرك زي ما قولتللك ! او عي في يوم تنكسر او تعيط ! مفيش في الدنيا دي كلها يستاهل دمه واحده من دموعك يا أحسن أخ شوفته في الدنيا دي كلها ولا حتي انا ! انا متأكده انك لو خلفت هتبقى أب عظيم زي بابا كده ! و كنت بتمني اني اتولد كبنتك انت يا أحسن أب في الكون ! انا وصيت وتين عليك ظبطك ما تقلقش هه وانت كمان

خذ بالك منها واخر حاجه حابه اقولها لو سمحتوا ما تدفنونيش  
بليل علشان انا بخاف اوي من الضلمه واستنوا معايا شويه علشان  
برضه بخاف افضل لوحدي وما تنسيش يالولا تبقي تيجي تقرأيلي  
قرآن علشان اعرف أنا في الطربه هه وما تنسوش بلاش عياط  
والنبي انا بخاف من صوت العياط ! يلا أستودعكوا الله !

مسحت كارما دمة هاربة من عينيها، وابتسمت بإشراق ثم  
أختفت صورتها من على الشاشة، فضج البكاء مرة أخرى المنزل،  
فصرخ فيهم مالك قائلاً :

- كارما قالت انها مش عاوزة حد يعيط عليها مش عاوز أسمع  
صوت حد بيعيط الي بيحبها بجد يدعيها ويقرأ ليها قرآن غير  
كده يتفضل يروح علي بيته !

تحرك مالك تجاه غرفة كارما بعد أن وصل النعش، ودلف  
كل من عمر ومالك إلى الداخل وحملأ أختها ليضعها في  
النعش، ومعهم الشيخ وهو يتلو آيات بسيطة من الذكر  
الحكيم وحملوها ليخرجوا بها ثم وضعوها أرضاً، فاقتربت  
منها والدتها وهي تستند على ياسمين وانحنت بجذعها لتقول :

- عاوزة أبوس بنتي لآخر مرة

فمدت وتين يدها وحلت الكفن عن وجهها لتظهر ملامح كارما  
البريئة من خلف الكفن الأبيض كالطفل النائم فأنحنت سميرة  
بجذعها وطبعت قبلة طويلة على جبهة ابنتها لأول مرة في حياتها،  
ونظرت لإبتسامتها البريئة لتقول :

- سامحيني يابنتي ! ياريت تقدر في يوم من الأيام تسامحيني !

أسندتها وتين لتقف وأجلستها علي المقعد ثم عادت وربطت الكفن من عند رأسها مرة أخرى، فحمل كل من أدهم ومازن ومالك وعمر النعش ليضعوه في السيارة الكبيرة، وأغلقوا الباب جيداً وركب الرجال في السيارات، وتحركوا خلف السيارة الكبيرة تجاه المقابر.

وصلوا إلى المقابر وتوجه عمر ومالك وأدهم ومازن إلى النعش كي يحملوه، وتوجهوا إلى المقابر المخصصة بعائلتهم والكل يردد يوحد الله ويدعو لكارما ثم وضعوا النعش داخلها، وقفز مالك داخل القبر وحملها عمر من النعش وسلمها لمالك فحملها مالك جيداً، ودلف بها إلى داخل القبر وأرخي جسدها تجاه القبلة، ونزع الكفن عن وجهها ثم نظر لها نظرة أخيرة مليئة بالأسى والحزن وألقى نظرة سريعة على وحشة القبر من حولها، قبل أن يخرج بخطوات ثقيلة، فألقطه عمر وسحبه للخارج ودموعه تبلل وجنتيه، جلس مالك أرضاً وبدأ أدهم ومازن وعمر يتساعدان في إغلاق القبر وتغطيته جيداً بالتراب، وأنهى الشيخ الجزء الذي كان يقرأه، ثم قال بنبرة حزينة :

- أدعوا لأختكم فإنها الآن تسأل !

بكى الجميع فوق قبر كارما، ودعوا لها بقلب متألم ثم بدأ الجميع في الخروج، فنظر عمر إلى مالك، ليقول :

- مش هتمشي يامالك !!

قال مالك بهدوء، وملاحه خاوية من الحياة :

- لأ مش هسيبها في ليلتها الاولي في القبر لوحدها ! أينعم هي ماتت شهيدة بس محدش بينجو من ضمه القبر والحساب وهي هتخاف تفضل لوحدها !

هز عمر رأسه، وقال :

- هستني معاك طيب !

هز مالك رأسه رافضاً، ليقول وعينيه مثبته على فتحة القبر :

- لأ لازم حد فينا يكون موجود علشان ياخذ عزا كارما روح  
وخليك جيب امك وابوك واختك لحد ماارجع !

خرج عمر وأغلق الباب من خلفه .. فسمع مالك يسمي الله  
ويرتل القرآن بصوته العذب كي تسمعه كارما وتعلم أنه بجانبها،  
بكى عمر وتحرك تجاه السيارة فأسنده أدهم وأجلسه في السيارة،  
ووصل كل من شادي ووسامح وسيد وقاموا بأداء واجب العزاء  
ثم ركبوا في السيارات وعادوا إلى منزل الأستاذ إبراهيم الزيدي.

وقفت وتين على الباب وهي تنظر لكل من عادوا، ولكنها لم تجد  
مالك من ضمنهم فاقترب منها مازن، وقال وهو يضمها إلى صدره :

- مجاش ياوتين ! قال انه هيقضي الليله جنبها هناك علشان ما  
تكونش لوحدها !

لفت وتين ذراعيها حول جسد مازن وهي تقول بحزن شديد :

- قلبي واجعني أوي يا مازن ذنبها ايه بنت زي دي تروح ! ذنبها ايه ؟!

قال مازن بحزن شديد :

- للأسف بنات كتير وشباب بيروحوا ضحيه حاجات ليها علاقه  
بالانترنت سواء من قريب او بعيد لأن الانترنت بقا هو السلاح  
اصلا ! وعلشان بنات بلدنا طيبين بيتضحك عليهم بسهولة من  
اشباه الرجال والمجرمين والسفاحين اللي زي دول ومش بيبقي ليهم  
قيمه بعد كده ! كل الحكاياه والسر في اللي يعرف يتخفي حلواوي ورا

شاشه وكل الي بيننا كام ضغطه علي كام زرار وحياتنا اختصرت علي  
كده والله ياوتين

غاصت وتين بوجهها في صدر أخيها لتبكي بحرقه شديدة، فربت  
مازن على ظهرها بحنو شديد وهو يقول :

- بس يا حبيتي ما تعيطيش ! ربك هو المنتقم الجبار ! اهدي  
ياوتين ارجوكي !

\*\*\*

انقضى ٤٠ يومًا على موت كارما، وأصبحت حياة الجميع خاوية  
من الحياة وتحول منزل إبراهيم الزيدي من كتلة من الحيوية إلى منزل  
مظلم لا حياة فيه .. أعتاد مالك وعمر أن يتناوبا قضاء الليل عند  
قبر كارما، وأعتادت وتين زيارة قبرها كل يوم اثنين وملاّت قبرها  
بالزهور الجميلة ليصبح المكان آخر ما يوصف به هو القبر، فأصبح  
كالجنة يحاوطه الأزهار والنبات من كل الجهات.

أنهي عمر ووتين إمتحاناتهم بسلام وانخرط مالك في عمله أثناء  
غياب والده للتعافي، وكي لا يفكر فيما حدث وبدأت الحياة تتحرك  
بشبات وروتين منتظم أستطاع أدهم إثبات نفسه في عمله، وأكتسب  
ثقة هيثم وقام بعمله وبعمل ياسمين بدقة كبيرة معوضًا عن غيابها  
تلك الفترة .. أصبحت وتين تقضي معظم وقتها مع سميرة وياسمين  
في منزلهم، وأحيانًا تنضم لهم مكة من جديد ليحاولان تخفيف الألم  
والفقد عن سميرة، وعادت عبير لتسكن في الفيلا من جديد مع  
سميرة وعمر ومالك وياسمين، وأرادت أن تسكن غرفة كارما، إلا أن  
مالك وعمر رفضا رفضًا تامًا، وأغلق مالك الغرفة بالفتاح وأحتفظ  
بالفتاح في مكان آمن، أعتادت الأسرة قضاء يومها كل أجازة أسبوعية  
عند قبر كارما، وبدأت سميرة بحب وتين ومكة والتعود على





- انا بفكر أحول من الكليه ! السنه اللي جايه !

قطب مالك جبينه، وتساءل :

- طيب ليه !

- بصراحه عندي مشاكل مع الدكتور علاء وهو مسئول عن أربع مواد السنه اللي جايه ده غير مشروع التخرج اللي مش عارفه افكرله في حاجه لحد دلوقتي ! وانا مش مستعده أضيع اخر سنه ليا في الكليه بسببه وده كان رأي الدكتور ياسين برضه .. «قالتها وتين بهدوء»

قال مالك وهو يرفع كف يدها ليقبله :

- لو علي الدكتور ده ما تشيليش همه ليه تصريحه معايا وهنروح انا وانتني وعمر لدكتور ياسين بكره في بيته وتكلم معاها تاني ! ما تشيليش هم اي حاجه وانا موجود

ابتسمت وتين لتقول :

- ربنا ما يحرمينش منك أبدااا يا بابا !

في اليوم الثاني .....

توجه كل من عمر ومالك إلى منزل وتين، واصطحباها من أمام منزلها ثم توجهوا إلى منزل الدكتور ياسين الذي أستقبلهم بحفاوة كبيرة.

الدكتور ياسين، بتحضر ورقني :

- بجد انا فرحان جداا بشوفتك يا وتين ! ولما اتصل الاستاذ مالك وقال انكوا جايين انا لغيت كل حاجه كانت ورايا علشان المقابله دي ! انتي عارفه يا وتين انا بعترك أختي الصغيرة

ابتسمت وتين بإشراق، لتقول بود :

- شكرا يادكتور ياسين وهو شعور متبادل والله انا اسفه لو كنت  
عطلت حضرتك عن مهامك هم بس كلمتين وهنمشي علطول  
قال الدكتور ياسين بود :

- اتفضلوا !

جلس الجميع فتحدث مالك، قائلاً بجدية :

- بصراحه يادكتور ياسين ومن لب الموضوع ! وتين عاوزه تتنقل  
من كليتها علشان خاطر زميل ل حضرتك اسمه الدكتور علاء متوعد  
ليها انه يتقصدها في موادها وامتحاناتها وده أكيد هياثر علي شهادتها  
وتخرجها وعمر نفس الموضوع

قال ياسين بجدية وإهتمام :

- للأسف ياوتين حكاية النقل دي مش هتنفع لأن دي آخر سنه  
بالنسبه ليكي واخر سنه مفيهاش تحويل من الكليه !

قال عمر بضيق :

- طب ايه الحل يا دكتور ! كده هنروح في داهيه !

ابتسم ياسين، ليقول بحنكة :

- الموضوع ده ليه مخرج واحد بس ومخرج نهائي كمان !

تسائل الجميع بلهفة شديدة :

- ايه هو !

قال ياسين بإهتمام ونبرة ثابتة :

- منحة و مشروع تخرج مختلف تماما ! وبس انا وقتها اللي هستلم  
الأمر ده

قال مالك بضيق :

- للاسف عدي الوقت ومقدروش يفكروا في مشروع مناسب  
والمشروع عاوز وقت وجهد

ابتسم الدكتور ياسين، ليقول :

- باقي شهرين وشويه علي الاجازة لسه ! ده وقت مناسب بالنسبه  
لأثنين مجتهدين زي عمر ووتين ! يقدرُوا يسافروا ويعملوا المشروع !

قال عمر سريعا، وكأنه تذكر شيء ما :

- منحة ! منحة ! مشروع ! سفر ! لقيتهاaaaaaaaaaaaa

صم الجميع آذانه من صوت عمر المرتفع قبل أن يضع عمر يده  
على فمه، قائلا بتسائل :

- ايه ده هو انا صوتي علا !

ضحكت وتين، لتقول :

- لا الميتين صحوا علي صوتك ايه يا بني الخنجرة دي جايها منين !

رفع عمر كفه في وجه وتين، ليقول :

- الله أكبر النهارده الخميس الساعة خمسة !

رجعت جملة عمر ببالك إلى زمن ليس ببعيد حينما سمع تلك  
الجملة من أقرب شخص على قلبه، فوضع يده على قلبه وأغمض  
عينيه، وابتسم بهدوء.

تسائل ياسين، قائلاً :

- قول يا عمر ! فكرة ايه اللي لقيتها !

قال عمر بإهتمام وتركيز :

- انا ليه اخت شغاله في مكتب سياحي وكان فيه شركة امريكيه مقدمه طلب لموظفين وكان طالب من ضمن اثنين مترجمين لمدة شهرين او شهر ونص وهاخدوا منحه و مشروع تخرج كامل بعد الوظيفه القصيره دي !

- هاهه ايل يا عمر ! هو ده المطلوب بالظبط ! السفره دي فيها حل لكل المشاكل واعتقد برضه أن المهله مناسبه جدا الموعد الدراسه ! انا شايف ان ده الحل النهائي للمشكله ! .. «قالها الدكتور ياسين بإبتسامه مشرقه»

شعرت وتين ببارقه أمل تفتح أمامها من جديد وشكره مالك بإمتنان كبير، وخرجوا من عنده وعلى محياهم إبتسامه سعيدة وأخرى حزينه على وجه مالك لمعرفته أن وتين سوف تسافر وتتركه، ولكنه كان ليفعل أي شئ يجعلها سعيدة حتى وإن كان على حساب حياته هو.

توجه الجميع للأسفل وركضت وتين تجاه الرصيف كي تركب السيارة فوصلت رسالة على هاتف مالك من رقم مجهول، فتعجب مالك منها وفتحها لتنص الرسالة على « حط عينك علي مزتك يا سبع ملك الموت ييلف في المكان »

رفع مالك نظره تجاه وتين ليجد سيارة مسرعة آتية من بعيد على الطريق الذي تقف فيه وتين، فصرخ مالك بفزع مناديا :

- « وتنبسسين حاسبيي ياووتين؟! » .....

لم ترى وتين شيئاً سوى ذلك الحلم الذي كان يراودها طوال الفترة الماضية، كان يحدث بكل تفاصيله أمامها الآن نفس المكان وموقع كل من عمر ومالك، وجملة مالك الأخيرة قد أكملت الصورة، فالتفت ونظرت نظرة وداع إلى مالك وابتسمت.

يتبع .....

\*\*\*

التواصل مع داركتاب

Email: darkitabone@gmail.com

fasbook: darkitabone

البدج داركتاب

٠١٠٩٧٥٥٣٣٢٨